









John Carter Brown.









DE NATVRA
NOVI ORBIS

LIBRI DVO,

ET

DE PROMVLGATIONE
EVANGELII, APVD
BARBAROS,

SIVE

DE PROCVRANDA
INDORVM SALVTE
LIBRI SEX.

A VTORE IOSEPHO ACOSTA
presbytero societatis IESV.



SALMANTICÆ.

Apud Guillelmum Foquel.

M. D. LXXXIX.

JOSEPH DE ACOSTA, né à Medina del Campo, vers l'an 1539, passa, après avoir professé la théologie, à Ocana, en 1571 aux Indes occidentales, et fut le second Provincial de l'ordre des Jésuites au Pérou où il séjourna pendant 17 ans. Il mourut recteur à Salamanque, le 11 février 1600. Son

DE NATURA

NOVI ORBIS

LIBRARIUS

ET

DE PROGNOSTICATIONE

ETATIS ANNI

1600

1600

DE PROGNOSTICATIONE

INDOBVNI 1600

1600

INDOBVNI 1600

1600



2 A L M A W T I C A

1600

1600

EGO Aegidius Gonçalez Dauila Pro-
uincialis Societatis I E S V in prouin-
cia Toletana, pro data mihi ad hoc facul-
tate à reuerendo admodum nostro patre
Generali Claudio Aquauina, potestatem
facio, vt typis excusſi in lucem edantur li-
bri duo patris Iosephi Acoſta præbyteri
noſtræ Societatis, De natura noui orbis,
& ſex de procurâda Indorum ſalute, quos
diligenter legerunt, & approbarunt patres
Benedictus Pereyrus, & Cyprianus Sua-
rez Theologi eiufdem Societatis. Precor-
que Deum Opt. Max. bonorum omnium
autorem, vt id redundet in eius gloriam,
& Indorum ſalutem, ac totius ſanctæ Ec-
cleſiæ vtilitatem. Compluti, in noſtro
Collegio. Decimotertio Kalendas Fe-
bruarij. Anno 1584.

Aegidius Gonçalez Prouincialis.

Smith, Anno 1786.

1871-1872

TASSA.



O Christoual de Leon es-
criuano de camara del Rey
nuestro señor, de los que
residen en el su consejo,
doy fe, que auindose visto
por los señores del, vn libro intitulado de
natura noui orbis & de procurãda Indorũ
salute, que con su licencia hizo imprimir
el padre Iusepe de Acosta de la Compa-
ñia de Iesus : tassaron cada pliego de los
del dicho libro en papela tres marauedis y
medio. Y mandaron, que antes que se ven-
dan se imprima en la primera hoja de ca-
da vno dellos este testimonio de tassa. Y
para que dello conste, de mandamiento de
los dichos señores, y de pedimiento de la
parte del dicho Iusepe de Acosta, di esta fe:
Que es fecha en la villa de Madrid a cator-
ze dias del mes de Mayo, de mil y quinien-
tos y ochenta y ocho años.

Christoual de Leon.

ERRATA S.

Pagina.	Linea.	Errata.	Correction:
4	15	quo	quod
19	12	imaginatione	imaginationē
27	23	rumbans	rubens
33	11	termino	tum
43	25	genere	generi
45	11	reperiat	reperiam
46	13	nouerat	nouerant
50	6	del cuerne	del cueruo
52	15	tanta	tanta
53	3	vt eas	vt censeat eas
59	5	Tumben	Tumben
62	pen.	Moyfes	Moyfis
70	2	Brincuzquēsiū	Vricuzquēsiū
77	9	similes	similis
78	pen.	magis	magnis
80	21	fuit	fuit
81	12	Intiticaca	Inticaca
85	5	magnas	magna
88	17	cinicifimus	vicinifimus
91	26	tractatores	tractatores
ibid.	26	quando	quanto
93	3	illis	illi
120	3	Itigarum	Ingarum
138	6	sunt	sint
140	10	frusta	frustra
158	14	annum	anum
166	14	adam	addam
172	pen.	Quicham	Quichuam
178	1	mercedem	mercede
ibid.	6	mens templi	mons templi

Pagina.	Linea.	Errata.	Correction.
185	15	superstitionis	superstitiones
191	16	apparent	appareat
195	1	Tremit	Fremit
209	21	fecerim	fecerint
210	8	istarum	istorum
ibid.	11	excessus	excelsus
229	20	sic	sit
236	26	pedes	pes
252	6	illo	vlllo
255	25	arbitrabitur	arbitrabimur
260	15	intelligatis	intelligat is
ibid.	pen.	percipiendum	præcipiendum
264	14	factum	fastum
284	23	perturbatiue	perturbariue
295	9	exigit	erigit
305	5	Magistratos	magistros
306	15	conferat	conferant
324	19	periuria	penuria
334	15	vulgaribus [deest]	indicibus
340	17	tui	tua
343	6	adde	adco
353	25	commodiq;	commodisq;
357	11	mobiliū	nobiliū
366	26	potuis	potius
407	vlti.	oneri	oneris
411	5	pœnitentia	pœnitentiæ
419	14	possit	possint
436	1	societatis	societas
447	6	parturi	parturio
464	17	rare	raro

Pagina.	Linea.	Errata.	Correction.
537	24	<i>desiderati</i>	<i>desiderari</i>
556	5	<i>Apostolos</i>	<i>Apostolis</i>
578	19	<i>inductum</i>	<i>indultum</i>
582	15	<i>sancto</i>	<i>sexto</i>
613	3	<i>exponat</i>	<i>exponit</i>

Iuan Vazquez
del Marmol.

DO N Philippe por la gracia d
Dios Rey de Castilla , de Leō
de Aragon, de las dos Sicilias,
de Hierusalem, de Portugal,
de Nauarra, de Granada, de Toledo, de Va
lencia, de Galicia, de Mallorcas, de Seuilla,
de Cerdeña, de Cordoua, de Corcega, de
Murcia, de Iuen, de los Algarues, de Algezi
ra, de Gibraltar, de las Iſlas de Canaria , de
las Indias Orientales, y Occidentales, Iſlas
y tierra firme del mar Oceano , Archidu
que de Auſtria, Duque de Borgoña, Bra
bante, y Milan, Conde de Anſpurg, de Flā
des, Tirol y de Barcelona , Señor de Viz
caya, y de Molina, &c. Por quanto por par
te de vos Ioseph de Acoſta, Prouincial de
la compañía de Ieſus en las Prouincias del
Peru, nos fue fecha relacion diziendo, que
vos auia des compuesto vn libro intitula
do de Natura noui orbis, & de procurāda
Indorū ſalute, de q̄ haziades presentaciō,
y por auer mirado las coſas de aquel reyno
cō cuydado entēdiades ſer de mucho, pro
uecho aſi para aquellas partes como pa
ra las demas que ſe quiſieſſen aprouechar
del, y nos pedistes y ſupplicastes vos man
daſſe.

dassemos dar licencia para le poder imprimir o como la nuestra merced fuesse : Lo qual visto por los del nuestro consejo, como por su mandado se hizo enel dicho libro la diligēcia que la pragmatica por nos vltimamente fecha, sobre la impressiō de los dichos libros dispone, fue acordado q̄ deuamos de mādār dar esta nuestra carta para vos en la dicha razō, e nos tuuimos lo por bien, por la qual vos damos licencia y facultad para que podays imprimir, y vender en estos nuestros reynos el dicho libro, que de suso se haze mención por el original que enel nuestro consejo se vio que van rubricadas las hojas y firmado al cabo del de Christoual de Leō, nuestro escriuano de camara de los que residen en el nuestro consejo y con que antes que se veda le traygays ante los del nuestro consejo juntamente con el original que ante ellos presentastes para q̄ se vea si la dicha impressiō esta conformē al original, o traygays se en publica forma en como por corrector nōbrado, por nuestro mādado se vio y corrigio la dicha impressiō por el dicho original, y quedā así mismo impres-
fas

fas las erratas por el apuntadas para cada
vn libro de los que anſi fueren impreſſos y
ſe oſ taſſe el precio que por cada volumen
auēys de auer, y llevar, ſo las penas conteni
das en la dicha pragmática y leyes de nue
ſtros reynos, de lo qual mandamos dar y
dimos eſta nueſtra carta ſellada con nue
ſtro ſello y librada de los del nueſtro Con
ſejo en la villa de Madrid a veynte y dos
del meſ de Iunio, de mil y quinientos y o
chenta y ſeys años.

El Conde de
Bayajas.

El Licenciado don
Lope de Guzman.

El Licenciado don
Pedro Portocarrero.

El Licenciado
Mardones.

El Licenciado
Juan Gomez.

Yo Chriſtoval de Leon eſcriuano de ca
mara de ſu Mageſtad la fize eſcreuir por ſu
mandado con acuerdo de los de ſu Con
ſejo.

EL REY.

POr quanto por parte de vos Ioseph de Acosta Prouincial de la compañía de Iesus en las prouincias de el Piru nos fue fecha relacion que vos auia des compuesto vn libro intitulado de natura noui orbis, & de procuranda indorū salute de que hizistes presentacion y porq̄ entēdiade seria de mucho prouecho nos pedistes y suplicastes os mandassemos dar licencia para poderle imprimir y priuilegio por el tiempo q̄ fuessemos seruido para q̄ otra persona alguna no lo pudicse imprimir sin poder vuestro, o como la nuestra merced fuesse. Lo qual visto por los de el nuestro consejo y como por su mandado se hizieron en el dicho libro las diligencias que la pragmatica por nos vltimamente fecha sobre la impressiō de los dichos libros dispone, fue acordado que deuiamos mādardar esta nuestra cedula para vos en la dicha razō, e nos tuuimoslo por biē, por la qual vos damos licencia y facultad para que por tiempo de diez años cumplidos que corran y se cuenten desde el dia de la fecha de ella podays imprimir y vender en estos nuestros reynos el dicho libro q̄ de sufo

uso se haze menciō por el original que en
el nuestro cōsejo se vio que vā rubricadas
las hojas y firmada al fin de ellas de Christo
ual de Leō nuestro escriuano de camara de
los q̄ residē en el nuestro cōsejo y con que
antes q̄ se venda le traygays ante ellos jūta
mēte cō el original q̄ ante ellos presenta-
stes para q̄ se vea si la dicha impresiō esta
cōforme a el, o traygays fe en publica for-
ma, en como por corrector nōbrado por
nuestro mādado se vio y corrigio la dicha
impresiō por el dicho original y quedā an-
si misino impresas las erratas por el apūta-
das para cada vn libro d̄ los q̄ anli fuerē im-
pressos y se os tasse el precio q̄ por cada vo-
lumē aueys de auer y llevar y mādamos q̄
durante el dicho tiēpo, persona alguna no
le pueda imprimir sin licēcia vuestra sope-
na que el que lo imprimiere, o vendiere
aya perdido y pierda todos y qualesquier
moldes y aparejos q̄ de el tuuiere y los li-
bros q̄ vendiere en estos nuestros reynos, e
incurra mas en pena de cinquēta mil m̄s
por cada vez q̄ lo cōtrario hiziere. La qual
dicha pena sea la tercia parte para nuestra
camara y la otra tercia parte para el denun-
ciador

ciador, y la otra tercia parte para el juez q
lo sentēciare: y mandamos a los de el nue
stro cōsejo presidētes y oydores de las nue
stras audiencias alcaldes alguaziles de nue
stra casa y corte y chācillerias, y a todos los
corregidores asistēte gouernadores alcal
des mayores y ordinarios, y otros luezes
y justicias qualesquier de todas las ciuda
des villas y lugares de los nuestros reynos
y señorios anſi a los q̄ agora son como a
los q̄ serā de aqui adelante que guardē y cū
plan esta nuestra cedula y merced que anſi
vos hazemos, y contrā el tenor y forma de
ella y de lo en ella cōtenido no vayan ni
passen ni cōsienā yr ni passar en manera al
guna, topeñā dela nuestra merced y dediez
mil marauedis para la nuestra camara. Da
da en Madrid a dos dias de el mes de deziē
bre de mily quinientos y ochenta y ocho
años.

Y O E L R E

Por mandado del Rey nuestro señor.

Iuan Vazquez.

PHILIPPO
SECUNDO HI-
SPANIARVM ATQVE
Indiarum Regi Ca-
tholico.

IOSEPHVS ACOSTA
salutem & foelicitatem D.

QVI diuturna pere-
grinatione longe po-
sitas regiones obie-
runt, solent ij, cum
ad patriam redeunt, rara aliqua
atque inusitata deferre suis, quos
vel ipsa nouitate delectent. Quod
si selecta etiam ac pretiosa videan-
tur, non alias putant melius collo-

¶ s cari

cari posse, quam oblata Principibus. Horum potentissime Rex, institutum mihi quoque imitandum existimaui: qui à maioribus ad Noui orbis nouum excolendum Christi agrum iampridem missus, uniuersam propemodum Indiam Occidentalem obierim, imperij certè tui amplissimi neque mediocrem neque parum locupletem portionē. Itaque inde in Europam reuocatus post annos in Peruano regno exactos quindecim, in Mexicano & Insularibus duos, nihil habui quod pro insigni in Societatem nostram à te collata gratia, tantæ Maiestati supplex offerrem, nisi fruges quasdam, ut opinor, nouas, ex illa sanè tam remota terra deuen-

deuēctas, atque industria laboris-
que nostri tenuitate collectas:
hoc est, libros de Natura Noui or-
bis dios, & de procuranda Indo-
rum salute, sex. Quos ego cum
in illis adhuc regionibus agerem,
elaboraram, complecti cupiens tum
quod ad studium cognoscendi atti-
net, quæ vetus philosophia minus
est assecuta, tum quod ad causam
Christi promouendam confert, quæ
uocationem innumerabilium gen-
tium ad Euangelium illustrant.
Quæ si fideliter ac prudenter, ut
Dei dispensatores decet, à nobis
tractentur, magnos sine ulla du-
bitatione in Christi cognitione &
cultu progressus factura sunt. Scio
equidem munus maximo princi-
pe

pe minimè dignum : sed inopiam
excusat atque eleuat ipsum mune-
ris genus, quod ad studium sapiētiae
spectat. Sapientiae porro vel exigua
pars, quemadmodum beatus Iob
censet, non conferetur tinctis In-
dia coloribus, nec lapidi Sardony-
co pretiosissimo, vel Saphyro, non
adequabitur ei aurum. Neq^{ue} enim
ad diuinam illam atq^{ue} altissimam
sapientiam cognoscendam parum
conferre putanda est rerum admi-
rabiliū contemplatio, quarum
autor est ipsa : neque verò studium
pietatis non vehementer accendat
atque inflammabit salutis gen-
tium bene explorata ratio, cum con-
ditor omnium idemque redem-
ptor perspicue declarat, velle se
omnes

omnes saluos esse, atque ad agni-
tionem sui sancti nominis perue-
nire. A qua tanta diuina boni-
tatis largitate, minimè aliena
putanda est gens Indorum homi-
num profecto genus docile, man-
suetum, obsequens. Te verò Rex
maxime, tot auitis regnis cumu-
latum, etiam utriusque India
Deus imperio auxit, totiusque
orbis tanquam annuli gemmam
effecit, ut Catholica tue Maie-
statis & fides sincera, et pietas
in Deum ardens ad omnes mor-
tales manet ac deriuetur. Vtinam
tuum istum tam præclarum Ze-
lum in tuenda Dei Ecclesia, in pro-
paganda Christi gloria, in expu-
gnandis, ac debellandis Fidei ho-
stibus,

libus, Rex ille Regum secundet,
atque aeterna felicitate prosequa-
tur. Vale Rex maxime, & so-
cietatem nostram, nosque ipsos, ac
nostra omnia tuere tuo patroci-
nio. Madriti decimotertio Ka-
lendas Februarias. Anno
salutis nostrae.

1588.



DE NATURA

NOVI ORBIS,

LIBER I.

COELVM NOVI
*orbis quosdam de rerum natura
 abstulisse. Cap. I.*

N O V I huius orbis gentes vsq; adeo
 ab opinione veterum abfuisse videtur,
 vt pleriq; ne terram quidē hac
 parte eſſe putarent, nonnulli (quod
 amplius eſt) ipſum hoc cœlum, ſub quo nūc agi-
 mus, etiam de rebus auferrent. Et ſi enim pluri-
 mi atq; optimi philoſophorum cœlum (vt eſt)
 totum ſphæricum & terram vndiq; ambiens
 tradiderunt, tamen ex noſtris auctoribus neque
 pauci, neq; obſcuri contra ſenſerunt mundum
 hunc vniuerſum domui potius ſimilem fabrican-
 tes, cui tectum ex vna tantum parte nō quaqua-
 verſus immineat. Neq; enim terre molem gra-
 uem in medio aere ſuſpendi rationem pati. Atq;
 alium eſſe cœmenti, alium culminis locum. Ac
 Ioannes quidem Chryſoſtomus in commenta-
 rijs Epistolæ ad Hebræos non ſemel eos prouo-
 cat ac laceſſit, qui cœlum ſphæricum ponunt
 cum ſcriptura potius tabernaculum à Deo fixū

*Chryſoſt.
 hom. 14. &
 27. in epiſt.
 ad Heb.*

A com-

Heb. 8.

Idem hom.

6. & 13. in

Genes. &

ho. 12. ad

pop. Antio.

Theodorit.

& Theophi

lact. incōm.

ad Heb. 8.

Lactant. 3.

li. diu. inst.

c. 24.

Hieron. lib.

2. in epist.

ad Ephe. in

c. 4.

Sixtus Se-

nen. lib. 5.

Biblio. an-

not. 3.

Augus. lib.

2. de Gen.

ad lit. c. 9.

commemoret, quo loco motum quoq; omnem
cælo adimit, solem verò & astra cætera ferri, vt
volucres, cum per aerem sese mouent, non sicut
radij voluuntur in rota. B. Chrysostom. etiam
Theodoritus Cyrensis in hac parte assentitur, vt
Theophylactus vbiq;. His omnibus antiquior
Lactātius in libris diuinarum institutionum phi-
losophos Peripateticos, & Academicos de cœli
figura & ambitu irridet ratione iam dicta, ma-
gisq; Epicuri probat sententiam, qui terram ad
chaos quoddam immane definit; quod attinge-
re quoque videtur Hieronymus vbi scribit, Phy-
sicus perscrutator oculos trans cœlum leuat &
vltra profundum terrarum & abyssi quoddam
inane demergit. Porro Aristotelis sententiam
de cœli & figura & motione circulari sacrae scri-
pturæ contrariam Procopius in commentarijs
Geneseos pro certo affirmare narratur. Nam ego
eius scripta non legi. Sed quicquid autores hi
fenserint, equidē non magnopere admiror, quos
video grauioribus studijs intentos demonstratio-
nes philosophicas non admodum perspexisse.
Diuum Augustinum fortasse quis miretur, qui
cum sæcularis literaturæ peritissimus fuerit, &
Physicam atq; Astronomicam non mediocriter
nouerit, tamen vtrum terra cœlo vndiq; conti-
neatur, vbiq; dubius hæret. Quid ad me perti-
net inquit vtrum cœlum sicut sphaera vndique
concludat terram in media mundi mole librata
an eam ex vna parte desuper velut discus ope-
riat? Quo in loco coniecturis potius, quam vlla
solida

solida demonstratione teneri cœli figuram spher-
ricam vult, quemadmodum de cœlesti quoque *In psalm.*
circuitione & ibi & alias tanquam de re dubia *135. Aug.*
videtur scribere:

*Cœleste corpus omni ex parte esse rotundum & in seip-
sum volui.* C A P. I I.

S E D facile condonandum est patribus si cum
cognoscendo colendoq; creatori toti vaca-
rent, de creatura minus apte aliqua ex parte opi-
nati sunt. Sæculi vero sapientes qui tantum va- *Sap. 13.*
luerunt, vt possent sæculum æstimare, vt scriptu-
raloquitur, idest vniuersi huius ordinem certa
ratione deprehendere, eo profecto infeliciores
habendi sunt, quod operibus attendentes, aut nō
cognouerunt, quis esset artifex horum, aut cer- *Rom. 1.*
te cognitum non perinde atq; oportuit, glorifi-
cauerunt, sed euanuerunt in cogitationibus suis.
Certe Aristoteles, & cæteri Peripatetici Stoicis
hac parte consentientes ea de cœli figura & con-
uersione tradiderunt, quæ nos hic terrarum po-
siti apertius oculis intuemur, quā philosophica *Plutar. de
Placitis
Philos. lib.
2. c. 2.*
vlla argumentatione didicimus. Sphæricum esse
cœlum & terram vnde quaque concludere, dubi-
tare non sinimur, qui portionem illius veteri-
bus nunquam visam ex obuersa hac orbis parte
spectamus, qui vtrumq; cardinem, idest, polum
Arcticum & Australem, de quo dubitat Augusti *Aug. 2. lib.
de Gen. ad
lit. c. 10.*
nus, nauigatione vltra æquinoctialem circulum
procedente subinde notamus, qui gradus deniq;

sexaginta vltra citraq; mediam lineam cōmea-
uimus, vt omittam interim quæ alij certius ex-
plorare potuerunt vsque ad septuagesimum ad
Antarcticum gradum immensa nauigatione pro-
gressi. Vna nauis victoria prorsus inclyta de toto
terrarum orbe, simul de veterum immenso inani
triumphauit, Oceani magnitudinem cursu suo
emensa, minoremq; terræ quantamcunq; molē
vel ipsis vestigijs hominis exemplo nouo decla-
rans. Est igitur cœli figura perfecta atq; rotun-
da. Est terræ vniuersa atq; aquæ sese mutuo com-
plectentis globus omni ex parte definitus. Quod
sane & Philosophica & Astronomica ratio non
suadere tantum, verum abunde etiam demonstra-
re potest. Nam vt omittam illa subtiliora, quo
perfectissimum corpus deceat figura perfectissi-
ma, quod motus in orbem non possit esse æqua-
lis & cōstans, si in angulos incidat, id quod prorsus
necesse est fiat, si sol & reliqua astra non vol-
uerētur omni ex parte sed inflecterentur alicubi,
profecto vel vna luna videtur mihi esse testis in
cœlo fidelis, quæ tunc tantūmodo deficit, ecclyp-
simq; patitur, cum globus terræ ex diametro so-
lis radios intercipit, quod fieri non posset, nisi
terræ moles esset in medio cœlestibus orbibus
vndiq; conclusa. Quanquam & illud ipsum in
dubium reuocant quidam, vtrum luna à sole lu-
ceat, verum id nimium est. Noctem vero quid
efficit aliud, quam solis abscessus ex terræ vmbra?
Quod si sol terram non subit, sed idem est occi-
dere & ad angulum conuerti quod omnino se-

quitur

Aug. epist.

109.6.4.

quitur si cœlum in modum disci terram tantum
operiat ac non sicut pila complectatur, profecto
longiores breuioreſque noctes, alicubi ſemper
æquales efficere nullo modo poſſet. Nam quod *Aug. lib. 2.*
idem Beatus Auguſtinus, omnes & conuerſio- *de Gen. ad*
nes & oppoſitiones & depreſſiones & aſpectus *lit. c. 10.*
& quæcunq; ſunt aliæ ſyderum affectiones ſcri-
bit poſſe ſeruari, etiam ſi cœlo ipſo immoto aſtra
tantummodo moueantur, plane mihi ad intelli-
gendum non eſt diſſicile, ſi modo ſingendi licen-
tia ſit. Etenim ſi ab angelo quopiam putetur
vniuſcuſque aſtri corpus ferri, quiſ non videt
omnes eiſmodi varietates pro diuerſo mouen-
tis arbitrio poſſe contingere? Sed ratio non pa-
titur, ſi regio illa cœleſtis elementaris ſit & cor-
ruptioni obnoxia per quam aſtra feruntur, neq;
enim per inane feruntur, quin & ipſa aſtra ſint
natura corruptioni obnoxia & tempore ipſo
transmutentur atque afficiantur, quod illorum
æternitati, quæ vt pſalmus habet, ſtatuit Domi-
nus in æternum, & vniuerſi huius ordini & con-
ſeruatiōi contrarium eſt. Sed rationi oculos
quoq; teſtes adhibere licet, cum cernamus non
ſolum manifeſta aſtra volui, ſed partes etiam in-
tegras cœli non ſolum lucidas illas, qualis eſt la-
ctea via, verum etiam quaſdam alias obſcuras
atq; atras. Sunt enim inſignes proſus maculæ in
cœlo quas, in Europa cum eſſem, nuſquam ita
notaſſe me memini, ex lunæ laborantis atro-
rem proſus referunt, quas perpetuo tenore cum
ipſiſſime aſtris, quibus ſunt intermixtæ volui

Pſal. 148.

6 DE NATVRA NOVI ORBIS
manifestissima experientiaprehendimus. Vnde autem illa veluti maculatio cœli contingat, ego aliud cogitare non possum, quam vt densiora cœli luce accepta galaxiam efficiunt, ita contrariora magisq; diaphana, quia nihil lucis reddunt, atriora apparere. Quacunq; autem ea ex causa sint, certe esse & cum stellis ipsis immobili ter ferri attentissima sæpè obseruatione perspeximus. Cœlestes ergo orbes, & terram perfecte omni ex parte concludere, & perpetuo in seipsos reuolui non oportet amplius controuertere.

Quod sacra quoque litera terram in medio mundi esse attestentur. CAP. III.

Hest. 13.

DIVINÆ autem scripturæ nullo modo contrarium est, sed omnino consentaneum quod de situ terræ & cœli ambitu oculata fides testatur. Nam vt præteream quod orbis terrarum sæpe appellatur, quod quicquid est corporum cœli ambitu contineri significant sacra litera, illud certe Ecclesiastæ satis perspicuum est, Oritur, inquit sol & occidit & ad locum suum reuertitur, ibiq; renascens gyrat per meridiem & flebitur ad aquilonem, lustrans vniuersa in circuitu pergit spiritus & in circulos suos reuertitur. Vbi Gregorij siue Nazianzeni siue Neocæsariensis paraphrasis habet; Sol tota terra decursa ad eundem rursus terminum, punctumq; circunvoluitur, quod fieri sane non posset, si terra cœlo aliqua parte esset exclusa. Itaq; D. Hieronymus
in

in Epistolam ad Ephesios scribens. Quoniam à
 plerisque, inquit, iuxta Ecclesiasten cœlum affir- *Hier. lib. 2.*
 matur rotundum, & in sphaeræ modum volui, *in epist. ad*
 nulla autem rotunditas latitudinem & longitu- *Ephe. c. 3.*
 dinem habet, altitudinem quoq; & profundum
 sed ex omnibus partibus cœqualis est, &c. Vult
 igitur Hieronymus plerosq; sacros interpretes
 mundum, vt est, rotundum potius iuxta scriptu-
 ram existimasse, quam id scripturæ esse contra-
 rium. Nam Basilius & huius fere interpretes Am- *Basi. ho. 1.*
 brosius in Hexameron libris quanquam hærent *Hexa. pro-*
 aliquantum, in mundi tamen rotunditatem ipsi *pe finem.*
 quoque propendent, nisi quod Aristotelis quin-
 tam illam substantiam cœlo attributam Ambro- *Amb. lib. 1.*
 sius in seclatur. De terræ autem situ, & firmitudi *Hexa. c. 6.*
 ne mirabile est quā elegāter, quā iucunde scrip-
 turæ loquātur, vt ineffabile conditoris potētia
 atq; sapientiā nostræ & admirationi & voluptati
 excellenter exponant. Iam enim columnas se ter-
 ræ confirmasse Dominus narrat, vt tantæ mo- *Psal. 74.*
 lis pondus diuinæ potētiae manibus susten-
 tari intelligatur, quemadmodum commodè ex-
 ponit Ambrosius. Nam & cœlo & terræ scriptu *lib. 1. Hex.*
 ra columnas quasdam supponit, non illas Athlan *c. 6.*
 ticas poetarum, sed has verbi Dei omnia sua vir- *Iob. 9. &*
 tute portantis. Iam vero vt terrā elemento aquæ *26.*
 hære, & plurima ex parte ab illo contineri, sa- *Heb. 1.*
 pientissimè insinuet. Firmavit, inquit, terram su- *Psal. 135.*
 per aquas & rursus orbem terrarum super ma- *Psal. 23.*
 ria fundavit. Ac licet B. Augustinus ne ex sacris *August. in*
 literis certum dogma reputetur terram aquis im- *Psal. 235.*

mixtam in medio mundo pendere, illud super
 aquas aliter conetur exponere, tamé planissimus
 sensus est, quem sonat Psalmus vt nulla alia terræ
 fundamenta cogitentur quam aqua ipsa, fluens
 alioqui & facile cedens, quæ per sapientiam sum-
 mi opificis tam vastam terræ machinam immobi-
 liter continet. Super aquas autem & maria ter-
 ra fundata describitur, cum re vera potius sit sub
 ter aquis, quod more cogitationis nostræ, id
 quod ex altera parte terræ à nobis habitatæ res-
 pondet, non nisi subtus terram esse videatur, at-
 que ita aquas & mare immensum terræ opposi-
 ta veluti infra iacere omnino imaginamur, cum
 tamen ipsum infra vbiq; nihil sit aliud quam or-
 bis medium. Ita ergo loquitur scriptura, vt nos
 vulgo cogitare solemus. Quod si vltra quæras,
 cui nam fundamento innitatur tam vasta & ter-
 ræ, & aquarum moles, vt cum maiori admira-
 tione copiosius satisfaciat, alio loco scriptura res-
 pondet, Extendit aquilonem super vacuum & ap-
 pendit terram super nihilum. Eleganter prorsus,
 suspensa enim videtur in nihilo, cum terra aquæ
 commixta in medio aere stare perhibetur, vt
 re vera stat, Quod mentis humanæ miraculum ip-
 se Dominus apud eundem Iob auget interrogās.
 Quis posuit mensuras terræ si nosti? aut super
 quo bases illius solidatæ sunt? Denique vt huius
 totius opificij ratio patefieret, eximius diuino-
 rum operum contemplator & cantor Dauid in
 eo Psalmo, quem de his ipsis pulcherrime ceci-
 nit, sic habet. Qui fundasti terram super stabili-
 tatem

Iob. 26.

Iob. 38.

Psalm. 103.

tatem suam, non inclinabitur in sæculum sæculi. Hæc, inquit, causa est, cum terra tam grauis in medio aere locata sit, neq; tamen vel corruat vel nutet, quod fundamenta certe habeat firma naturalis stabilitatis suæ, quam illi sapientissimus conditor attribuit, vt in se ipsa confisteret, neq; alio indigeret firmamento. In quo humana cogitatio multum fallitur ex humanis operibus diuina metiens. Nihil ergo verèdum est, ne quamuis in medio suspensa videatur, huc illucue ruat. Non enim inclinabitur, inquit, in sæculum sæculi. Merito prorsus post insignem tantorum operum commemorationem, diuinam magnificenciam celebrat carmine Dauid. Latabitur, inquit *Psal. 103.*
Dominus in operibus suis & quam magnificata *Ibidem.*
sunt opera tua Domine, omnia in sapientia fecisti. Et quidem quoties peregrinatione varia, vel immensa illa Oceani spatia, vel hanc adeo vastā atque dissimilem terrarum machinam intueri contigit, non potui, non magnam ex eo spectaculo iucundissimo voluptatem capere, vt præ diuinæ sapientiæ & amplitudinis argumentis humana omnia quamuis regia, quamuis exquisita vilescerent. Sæpè dicere venit in mentem; Delectasti me Domine in factura tua, & in operibus manuum tuarum exultabo. *Psal. 91.*
Ac re vera nescio, quid habent intus latentis & arcanæ elegantia, artis diuinæ opera, vt sæpius spectata nouam semper voluptatē pariant. Contra humana omnia quouis artificio composita, facile spectandi assiduitate vilescunt, & fastidio sunt. Hortos amœnissi-

IO DE NATURA NOVI ORBIS
mos, templa augustissima, arces superbe construy-
ctas, statuas ingeniosissime effictas, vbi bis aut
ter contemplatus sum, vix possum oculos præ-
tereā tenere, veluti fastidium respuentes: idem
mare quoties intueor, aut præcellam aliquam ac
prominentem rupem, aut campos naturali co-
pia floribusque virentes, aut fluuij rapidum & in-
exorabilem vorticem cum saxis perpetuo con-
certantem, atque frementem, cæteraq; naturæ
spectacula, noua semper reperio, nouamq; sine
fastidio voluptatem capio: vt occultæ profecto
cuiusdam sapientiæ atque inexhaustæ splendi-
dum quoddam conuiuium esse videatur.

*Responsio ad ea quæ contra cæli rotunditatem ex sa-
cris literis afferuntur. CAP. IIII.*

Heb. 8.

S ED redeo ad mundi faciem, quem non esse
omni ex parte rotundum, neq; in se ipsum cõ-
uerti nescio ex quibus sanctarum scripturarum
verbis suspicari nonnulli potuerint. Nam quod
Paulus tabernaculum vocat cælum, quod fixit
Deus, & non homo, quid eo pertineat, non vi-
deo. Neque enim quia tabernaculum fixum à
Deo audimus, more tentorij vna tantum ex par-
te atq; in ea impotum, terram operire putare
debemus. Sed cum veteris tabernaculi similitu-
dinem Apostolus pertractaret, noui testamenti
tabernaculum cælum esse docuit, in quod sum-
mus sacerdos Iesus Christus in suo sanguine se-
mel introierit, quod tantum veteri præstat, quan-
tum

tum inter huius autorem Deum, & illius hominem interest. Quanquam ne illud quidem tabernaculum sine Dei sapientia, quæ Beseleelum illum impleuit, peractum est. Neque vero similia aut parabolas, aut allegorias necesse est omni ex latere quadrare, vt Beatus Chrysostomus vere & erudite admonet. Quod præterea B. Augustinus ex quorundam sententia profert contra cœli rotunditatem testimonium. Qui extendit cœlum sicut pellem, vnde non sphæricum sed planum superne volunt significari, facile ab eodem sancto Doctore refellitur, quod ijs verbis, non tam cœli figura, quam facilitas fabricandi indicata sit, vt tam facile Deo fuerit immensum illud cœlum efficere, quam facile nobis pellem complicatam extendere, vel certe insinuata est diuinæ habitationis maiestas quædam, vt quod nobis tabernaculum est pellibus esse solet, hoc Deo sit cœlum, vsque adeo pulchrum atque durabile, quod quidam poeta eleganter simul & breuiter dixit. Nitidi tentoria cœli. Illud etiam. Cœlum mihi sedes est, terra autem scabellum pedum meorum, si Anthropomorphitæ essemus, non leuem quæstionem afferret, quomodo cū omnia Deus impleat, terram habeat pro scabello pedum, si in medio mundi sita est, oporteret enim contrarios sibi esse Dei pedes, & caput non vnum, sed plurima cogitare, quæ quoniam ad nugas potius & risum pertinet, quam ad seriam disputationem, satis sit in scripturis non occidentem literam quærendam esse, sed spiritum.

Exod. 36.

Chrysostomus.
20. Matth.

Psal. 103.

Aug. 2. de
Gen. c. 9.

Esai. 66.

2. Cor. 3.

Plinius.

lib. 6. c. 22.

QUALIS autem facies sit cœli huius Australis, multi quærunt in Europa, quod apud veteres Astrologos nihil legere possint, qui & si esse certò deprehenderūt, cuiusmodi tamen esset, assequi minime potuerunt. Quanquam & sydus Canopum ingens & clarum illi celebrant apud nos, & si qui peritiores huc nauigarunt, magna quædam de hoc cœlo scribere solent, quod astris splendeat crebris & grandibus. Solent enim remota facile amplificari. Ego verò & maiora & nitidiora circum Polum alterū spectari opinor, neq; septentrionibus atq; Vergilijs nostra hæc præferenda existimo. Illa tamen est præclarissima species in hoc cœlo, quam Cruciferum appellamus, hoc est sydus quatuor clarioribus stellis ex quo fere distantibus Crucis formam pulcherrime effingens. Hunc Polum esse Antarticum imperiti reputare solent, quod videant Naucle-ros ad illum rationem nauigationis expendere, sicut ultra æquinoctialem ad Polum Arcticum faciunt. Sed hoc propterea fit, quod nulla stella fixa Polus hic Antarticus demonstretur, atque ita coguntur naturæ proximam quærere, quam Cruciferi pedem vocant, quæ tamen à verò Polo, vt à viris peritis accepimus, gradu trigésimo distat. Itaq; difficilior est mensuræ in hoc Hemisphærio ratio, quod stella illa dirigere cursum ne queat, nisi cum supernè recta iacet, quod semel in nocte contingit, & vario anni tempore variū situm habet, & quod est molestius, multam anni partem

partem nocte tota nō pertingit ad verticē. Quā obre peritiores nauū gubernatores ex meridiano sole iuxta Astrolabicū instrumentū, vt nauticē dicamus, punctum notant: cuius artis peritia Lusitani sine vlla dubitatione cæteros mortales longe superāt, quod & ingenio peracuti sint, & nauigationib⁹ supra omnes lōgissimis ac difficillimis assuefacti sunt: alia etiā quædam sidera præ clara & pulchra, quæ Elicę & Cynosuræ poetarū quodāmodo respondere videantur. Lactææ quoq; viæ excursus lōge splendidissimus, atq; ijs quas supradixi maculis quadā ex parte distinct⁹. Cætera alij accuratius aut obseruabunt, aut tradent. Nobis sufficient hæc pauca de multis.

Quod mundus ad vtrumq; Polum terras aquę ac maria obtineat. CAP. VI.

BENE habet, quod ostensum est cælum nō Europæ solum, & Asiæ, atq; Africę diuinitus esse concessum, sed nos quoq; vt omnia tegere. Quod plane aduersus eos qui Hispaniā hīc suspirant, & patriā semper habent in ore nosq; illius charitate parū tangi, vel mirantur, vel indignantur, opportune vsurpare solemus. Propterea nos de reditu in Europam nihil cogitare, quod æquē propinquū Americæ cælū atq; Europæ esse videamus. At quāuis cælum vndiq; orbem claudat, non continuo terram etiam vndique extare consequitur. Nam cum ex duobus elementis terra & aqua vnus efficiatur globus, quod & veterum doctissimi censuerunt, & apertis demonstrationibus.

stratio -

*Plut. lib. 3.
de placitis
philos. c. 9.
10. & 11.
Augu. lib.
16. de Ci-
uit. c. 9.*

1. Gen.

strationibus constat, intelligi sanè potest ad Po-
lum Antarcticum mare quâqua versum esse dif-
fusum, neq; vsquam terræ locum reliquisse, quē-
admodum B. Augustinus contra Antipodum as-
sertores argumentatur. Non attendunt, inquit,
etiam si figura conglobata & rotunda mundus
esse credatur, siue aliqua ratione monstratur, nō
tamen esse consequens, vt etiam ex illa parte ab
aquarum congerie nuda sit terra. Recte profus
non enim illud necessario ex mundi rotundita-
te consequitur. Sed tamen neq; contrarium de-
monstratur ratione, & hoc iam tandem experien-
tia ipsa patefecit. Et si enim multò maximam
eius globi partem aquæ obtinent, tamen ita ter-
ræ vicissim cedunt, vt non tota huius congeries
hinc, tota illarum inde se teneat, sed mutuis ex-
cursionibus sese per omnia complectantur. Qua
in re mirabilis conditoris ars obseruantibus ap-
parere solet. Sacris quidem literis tradentibus
didicimus aquas initio congregatas esse in locū
vnum, & terram protinus apparuisse: eadem ta-
men æquē nos docent congregationes aquarum
vocata esse maria, quæ sine dubio plura sunt.
Neq; mediterranea solum maria multa sunt, vt
Euxinum, Caspium, Erythræum, Persicum, Hes-
perium, & reliqua tot pene nominibus distincta
quot spatij. Verum etiam Oceanus ipse in diui-
na scriptura Abyssi vocabulo appellari solitus,
quanuis re vera vnus sit, multiplex tamen est, vt
in hac America. Alter est Oceanus Borealis, alter
Australis, alius etiā in Oriente est Indicus alius
Synen-

Synensis. Illud autem ego in ijs, quæ hætenus partim navigatione, partim aliorum narratione habeo explorata, notare potui, quod vix vsquam terra distat à mari amplius quam viginti quatuor millia stadiorum, idest, leucas Hispanicæ mille, sed vbi vis maxima Oceani spatia eam mensuram haud quaquam superant. Non equidem nego latius longe Oceanum navigari, cum probe sciam Lusitanicam classem quadruplo plus itine vis maritimi solere conficere, quin potius Oceanum ipsum in orbem cingi posse, nostra ætas ip-
sis rebus agnouit. Sed illud affirmo hætenus re-
cta linea continentem à continente aut insulis, terram denique à terra qua parte se se proxime respiciunt aut nusquam, aut vix amplius quam ijs spatijs distare esse compertum. Nam ab extrema Europa, & Africa Insulæ fortunatæ cæteræque innumeræ illo situ protensæ tercentum leu-
is propemodum absunt: ab ijs ad Occidentalem Indiam venientibus, post nongentas plus minus occurrunt Insulæ illæ, quas Dominicam, & Vir-
gines, & Beatam cæterasq; vocamus, hæ longo ordine excurrunt vsq; ad eas, quas Barlouenti nautæ appellant. Ab his continens biscentum, aut paulò amplius abest. Vbi Floridæ regna vsq; ad Patagonum regiones infinitis spatijs visun-
tur. Hoc autem altero Oceano Australi à freto Magallanico vsq; ad Promontorium Mendoci-
um eodem modo terra longissimè tenditur, sed nusquam latior quam hoc ipso Peruano loco in quo nunc agimus, cui ex altera parte respondet regio

regio Brasiliæ quater & vicies mille stadijs à nobis disita. At in hoc Oceano Australi Sur vulgo appellato quamuis Occidentem versus nullus certus finis habeatur: tamen nō ita pridem Insulæ quædam & multæ & magnæ quas Salomonis vocant, noua nauigatione explorata sunt, octingentas leucas ab America remotæ. Et quoniam totius orbis obseruatione compertum est. Insulas tum frequentes, tum magnas nusquam solere occurrere, quin continens in propinquo sit, & multis alijs & mihi ipsi persuasum prorsus est, ab illis Insulis Salomonijs non procul abesse terram continentem latissimam, quæ huic Americæ ex Occidentali parte respondeat, & ad Magallanicum fortassis fretum conuertatur. Nā & nouam Guinzam terram esse continentem tradunt, quam peritiores quidam Insulis illis asfingunt. Itaq; magnam orbis partem restare adhuc nobis incognitam ratio ipsa persuadet. Iam vero hoc ipso mari Australi ad Synarum celeberrimam latissimamq; regionem nauigant nostri, neque maiora eius nauigationis spatia referunt, quam quæ ab Europa ad Indiam Occidentalem emensi sumus. Vtriusq; autem Oceani continuatio, Borealis inquam illius & huius Australis, inter quos intercepta est America nostra, ad Polum quidem Antarcticum certo explorata est quinquagesimo gradu elata, vbi fretum insigne Magallanicum redditur. Sed vtrum ad Polum quoque Arcticum similiter vterque Oceanus committatur atq; concurrat, multi quærunt, &

quod

quod equidem sciam, inuenit hactenus nemo. Tantum indicia quædam & coniecturas probabiles afferunt supra Floridam esse alterum quoque fretum Magallanico simile. Nobis quæ hactenus certa fide comperta sunt, satis esse debet, ut orbis terrarum portionem, vniuersa Europa atque Asia, & Africa, non minorem ex altera hac parte iacere intelligamus, atque vtrumque munus Polum æquæ sibi & terras & maria vendicare, quod antiquis aut negare, aut dubitare impune licuit. Quanquam huius quoque rei accuratior tractationem rudes nos & vix mediocriter imbuti peritioribus certe relinquimus.

Lactantij opinio negantis esse Antipodas confutatur.

C A P. VII.

SED vtrum ab hominibus incoleretur ea quoque orbis pars quæ spectat Antarcticum, magna olim quæstio fuit. Lactantius quidem Firmianus, & Aurelius Augustinus Antipodum assertores irrident. Sed quamuis fabulam æquæ uterque arbitretur, tamen ut ingenijs plurimū abfunt inter se, ita rationibus prorsus dissimilibus inducuntur. Lactantium trivialis quædam opinio fefellit, qui irridens philosophos cælum quaqua versum deuexum, terramque in medio sicut pilam conclusam asserentes, ita scribit. Qui esse contrarios vestigijs nostris Antipodas putant, num aliquid loquuntur? aut est quisquam tam ineptus, qui credat esse homines, quorum

B

vestigia

Lact. lib. 7.

diui. inst. c.

23.

Augus. lib.

16. de Ci-

uit. c. 9.

vestigia sunt superiora, quam capita, aut ibi, quæ
 apud nos iacent, inuersa pendere? fruges & arbo-
 res deorsum versus crescere? pluuias, & niues, &
 grandinem sursum versus cadere in terram. Et
 post nonnulla, sic pendulos istos Antipodas cœ-
 li rotunditas adinuenit. Quid dicam de ijs nes-
 cio, qui cum semel aberrauerint constanter in
 stultitia perseverant, & vanis vana defendunt.
 Nos vero qui contrariam Asiæ incolimus orbis
 partem, quia Antichthoni sumus, neque pendere
 nos cernimus, neque vestigia nobis esse superio-
 ra, quam capita. Neque fruges nostras & arbo-
 res aliorum crescere, neque niues, aut imbres ali-
 ter cadere quam in Europa videmus. Omnino
 est admirabile dictu, rationem humanam, & ve-
 rum sine imaginatione percipere non posse, & ta-
 men si imaginationi obsequatur, non errare non
 posse. Cœlum rotundum, ut est, & terram in me-
 dio positam nisi imaginemur, non possumus in-
 telligere. At eandem imaginationem si mens se-
 quatur ac non potius castiget, & corrigat, omni-
 no fallimur, & aberramus à vero. Ita in nobis es-
 se cœleste quoddam lumen, quo ipsas etiam re-
 rum formas ad intelligendum oblatas, diiudice-
 mus, & probemus, atque improbemus, apertissi-
 mo usuprehendimus. Quare & animum om-
 ni corporea natura superiorem, & æternum veri-
 tatis vigorem in summa hominis sede præsi-
 dentem, qui immortale lumen suum ex illo primo,
 & summo lumine accensum contestetur, qui
 ignorat, aut dubitat, is profecto se se etiam esse
 homi-

hominem ignorat, aut dubitat. Itaq; forma omnis sensu percepta, visq; ipsa imaginandi si de cœli rotunditate interrogetur, nihil aliud dictura est, quam quod docuit Lactantius. Si cœlū rotundum sit, solem, & astra cadere ad occasum, surgere ad meridiē, terram esse suspensam in aere, homines, qui ex altera parte incolunt, vestigia superiora ferre quam capita, niuem & imbres illic non cadere deorsum, sed infernè ascendere, & cetera portenta etiam dictu ridicula. At si suprema rationis vis consulatur, nugas has omnes facile deridebit, atque imaginatione tanquam animum delirantem respuet. Tum illa sua seueritate incorrupta respondebit, eos decipi, qui per indurandum fabricantur, vt domum quandam, cuius fundamento nil nisi terra, tecto non nisi cœlum superius sit. Quin potius vt in animantibus quamuis alijs aliter situm sit caput, alijs quidem supernè, vt hominibus, alijs obuersum vt quadrupedibus, alijs medium, vt polypo, & cetero, in omnibus tamen caput esse supremum, ita etiam cœlum vbicumq; sit, supernum esse, terram semper infernam. Nam quia imitatio nostra addicta est loco, & tempori, tempus autem & locum non percipit vniuersè, sed definitè, ideo cum ad ea assurgit, quæ tempus excedunt, aut locum sibi notum, protinus corrui, & nisi ratione erigatur, ne momento quidem stare potest. Itaque ante indurandum conditum tempus querit, & illi quoque fabricando locum parat, neque aliter

fieri posse satis videt, cum ratio tamen neque ante motum fuisse tempus, neque vniuerso ipso locum vllam priorem fuisse perspicue ostendat. Hanc igitur ex vana imaginatione conceptam contra terræ situm argumentationem philosophus, & dilucidè refellit, & breuiter eundem esse in mundo locum & medium, & infimum verum omnino pronuntians.

*Arist. 1. de
cælo.*

Quæ ratio impulerit B. Augustinum, vt negaret esse Antipodas. CAP. VIII.

DI V V M vero Augustinum acerrimo ingenio virum longe alia ratio, vt de medio auferret Antipodas, cōpulit. Nam illam de incessi-
Augus. lib. Categor. c. contrario ipse dissoluit in libro Categoriarum. Veteres inquit, vnde quaque versum asserente
10. in. 1. to. terram esse subter, cœlum super. Nam & Antipodes nostri qui nobis dicuntur figere aduersa versutigia, cœlum super se habent. Hoc igitur cum philosophice prorsus intellexerit Augustinus, quid quæso potuit hominem vsque adeò doctum in eam opinionem perducere? Nempe ex media Theologia sumpto argumento, quod omnes homines ex vno Adæ semine propagatos diuinæ literæ tradunt, vt autem infinito Oceano traierent, nulla ratio pati posse videbatur. Ac nisi vsus ipse rerum oculata fide secus esse ostendisset, profecto hodie quoque inuicta ratio illa perstaret. Quam cum nullo modo esse veram, liquido con-

Act. 17.

ste

et, quomodo tamen soluenda sit, id est, quemad-
modum genus Indorum potuerit ad hanc Ameri-
cam penetrare, operis & difficultatis plurimum
habet. In cuius explicatione diutius nobis erit
in consequenti disputatione laborandum. Nunc
obsum Beatum Patrem audiamus in libris de Ci-
uitate Dei differentem. Quod vero & Antipo-
das esse fabulantur, id est, à contraria parte terre,
ubi sol oritur quando occidit nobis, aduersa pe-
dibus nostris calcare vestigia, nulla ratione cre-
dendum est. Neque hoc vlla historiarum cognitione
indicasse se affirmant, sed quasi ratiocinando con-
iectant, eo quod intra conuexa cœli terra suspē-
sa sit, eundemque locum mundus habeat & infi-
nitum, & medium, & post pauca. Nullo modo
scriptura sacra mentitur, quæ narratis præteritis
idem facit, eo quod eius prædicta complentur.
Nimisque absurdum est ut dicatur, aliquos ho-
mines ex hac in illam partem Oceani immensi-
tate traiecta navigare & peruenire potuisse, ut
etiam illic ex vno illo primo homine genus in-
stitueretur humanum. Tota ergo Augustini dif-
ficultas Oceani immensitas fuit. In qua etiam
sententia fuit grauissimus autor Gregorius Na-
zianzenus pro certo confirmans vltra Gades ma-
re esse hominibus impermeabile. Nam in qua-
dam epistola. Porro, inquit vltra Gades mare ho-
minibus non esse permeabile Pindaro docenti
assentior. Et in funebri oratione Basilij. Neque
vltra Gades transmeare cuiquam concessum est.
Quod quanquam prouerbij loco ex Pindaro

*Greg. Na-
zian. epist.
71. ad Post
humianum.*

sumptū est. (Quod vltra Gades est, ait ille, æquē
sapiētib; & stultis inaccessum est,) tamen ip-
sa proberbij origo satis ea de re veterum constan-
tem sententiam indicat. Itaque Poetarum, Histo-
ricorum, & Topographicorū literis Gades Hil-
panicæ, orbis terrarum fines celebrātur, illic Her-
culeas columnas erigunt, illos & Romani Impe-
rij, & vniuersi orbis limites statuunt. Neq; pro-
fana solum, sed sacra etiam literæ ad eum mo-
dum sæpè loquuntur. Accommodant enim se il-
lę vulgaris sententiæ, vbi scribunt. Exisse edictum
à Cæsare Augusto, vt describeretur vniuersus
orbis, & de Alexandro Macedone tradunt per-
uenisse ad terræ fines, & terram vniuersam celsis-
se illius imperio, sicut alias Euangelium in vni-
uerso mundo fructificasse, & creuisse, vñtato
enim more vniuersus orbis accipitur, portio il-
lius maxima ad illa vsque tempora cognita. Nam
neque Oceanum illum Indicum, neque hunc
alterum Athlanticum humanis viribus aut indu-
stria traieci posse vna omnium sententia fuit.
Itaque Plinius tanquam de re certa ait, Sic maria
circumsusa vñdique diuiduo globo partem orbis
auferunt nobis, neq; inde huc, neque hinc illo
peruio tractu, id quod Cicero, Macrobius, Mela,
cateriq; plerique scripserunt.

Luc. 2.

1. Mach. 1.

Colos. 1.

Plin. lib. 2.

c. 67.

*Aristotelis sententia de habitatione alterius orbis, &
qua in re aberrauerit. CAP. IX.*

FVIT quoque altera causa, cur veterum opi-
nione ad hunc alterum orbem mortalibus
non

non pateret accessus, quod præter Oceani vastitatem. cælum ipsum obstaret solaris Zonæ implacabili æstu, quo ab eo itinere, vel mari, vel terra conficiendo audacissimum quemq; compesceret. Namque ij, etiam, qui terram, vt est, fecere rotundam, & ad vtrumque Polum habitabilem esse censuere, negarunt tamen incoli posse ab hominibus mediam hanc eandemque maximam & longissimam Zonam duobus solstitialibus circulis comprehensam, propter æstiuos perpetuosque ardores ex Solis propinquitate eam omnem regionem adurentes, & pabuli aquarūque impotentem efficientes. Huius sententiæ auctor est Aristoteles, magnus ille quidem naturæ explorator, sed in hac re longè aberrans à vero.

Aristot. 2.

Meteo. c. 5.

Quid autem philosophatus recte sit de situ orbis, quid secus, breuiter expediam. Is de Austro disputans an ab ipso meridie exoriat, an potius ab vltimo vertice Poli Antartici, ad hunc modum scribit. Ratio docet terræ, quæ habitatur latitudinem quidem determinatam esse, eam tamen continenti orbe coniūgi non posse propter temperationem. Non enim ardore nimio, & frigore premitur in longitudinem suam, sed in latitudinem, ita vt sicubi maris vastitas minime prohiberet, tota quam longa est pedibus peragrariposset. Huc vsque prorsus bene. Non enim potest negari quin terra in longitudinem hoc est ab ortu ad occasum magis habitationi hominum accommodata sit quam in latitudinem id est, à Septentrione in meridiē, non solum ob rationē

ab Aristotele allatam de temperatione, quæ per longitudinem eadem perpetuo est, cum æque ablit à solis æstu, & septentrionis rigore, verum etiam propter noctium dierumque spatia altera, cum versus latitudinem in perpetuas umbras & semestrem noctem incidere necesse sit. Pergit autem aduersus Geographos sui temporis id monstrare Aristoteles. Hoc ipsum, inquit, in navigationibus itineribusque pedibus conficiendis animaduerti licet. Longitudinis enim & latitudinis magna est distinctio. Nā quod à columnis Hercules usque, ad Indiā pertinet eo quod ab Æthiopia usque ad Mæotin, & ad extrema Scythiæ loca maius est, quam quinque ad tria sint, si quis navigationum atque itinerum rationem habeat, quantum earum rerum certa explorataque cognitio hauriri potest. Atqui usque ad incultas terræ partes eam, quæ habitatur in latitudinem cognitam habemus. Hic Aristoteli venia danda est, qui ex suæ ætatis historia nihil ultra citeriorem Æthiopiam, Africæ atque Arabiæ subiectā exploratum habuerit, vltimā Æthiopiam ignorari, cū necdum immensa illa pretiosi loānis regio cognita haberetur, multoque minus quicquid Æquatorem, quicquid Tropicum Capricorni excedit usque ad bonæ spei promontoriū Lusitanica navigatione notissimum. Quo ex loco si usque ad vltimam Scythiam atque Tartariam latitudo capiatur, non dubium est quin æquatura sit totam à columnis Hercules usque ad Indiam longitudinem. Sed & Nili fontes, &

infini-

Infinita propemodum interioris Æthiopiæ spacia ignorauit antiquitas. Ob hanc rem Lucanus Cæsarem ab ea inquisitione coërcet. Quæ tibi, *Lucan. 10.*
 inquit, noscendi Nilum Romane cupido? & Nilum ipsum alias alloquens idem poeta. Et te terrarum nescit cui debeat orbis: scripturæ autem nostræ, idest, sacra autoritas eam quoque terram habitari facile obtinet. Neque enim in Sophonia legeremus. Vltra flumina Æthiopiæ filij *Sopho. 3.*
 disperforum meorum deferēt munus mihi, cum de illarum gentium vocatione vaticinaretur, sed vt dixi, veniam oportet dare philosopho suis historicis & topographis fidē habenti. Illud quod sequitur, expendamus. Altera, inquit, pars hoc est Septentrionalis, vltra inculta est, quod frigore rigeat, altera, idest, vltra solstitium, quod vratur calore. Quæ autem vltra Indiam, columnasque Herculis sitæ sunt, eæ propter mare coniungi minime ita videntur, vt tota sit continentera, quæ habitatur. Hoc verum est prorsus & indubitatum. Adiūgit vero. Quoniam necesse est aliquem locum eandem habere rationem ad alterum verticem, quam is, quem nos incolimus ad eum, qui supra nos est, habet, non est id quidē dubium quin eadem ratione cætera alia, tum vëtorum situs respondeat. Et interpositis quibusdam de Austro & Aquilone. Necesse est profecto Austrum esse ventum eum, qui flat à loco qui calore vratur. Is autem locus quod solem proximum habet, aquis & pabulis caret. Hæc Aristoteles, nec potuit fortassis certius aliquid

assequi humana suspicio. Qua etiam ex re (vt hoc
 religiose dicam) soleo saepe perpendere, quam in
 rebus diuinis infirma sit philosophia sapientium
 huius sæculi, quando in ipsa terrena, & infima ma-
 teria, vbi sibi videtur maximè sapere, vsque adeo
 desipit. Habitationem terræ ad hunc alterum Po-
 lum Austrinum, vt vocat Plinius, collocatæ se-
 cundum longitudinem ab Occidente in Orien-
 tem esse maximam, secundum latitudinem vero
 à vertice Australi vsque ad æquinoctialem, aut
 nullam, aut perexiguam Aristoteles vult. Sed
 adeò falsum est, vt totius noui orbis tota prope-
 modum habitatio sit secundum latitudinem, id-
 est, à Polo in Polum: ab Oriente autem in Occi-
 dum breuis admodum mensura sit, tantumque
 latitudo noui orbis longitudinem superat, quan-
 tum denarius ternarium, & eo amplius. Iam ve-
 ro quod mediam regionem, quam torridam Zo-
 nam vulgo appellamus, asserit prorsus inhabita-
 bilem, quod calore exuratur propter solis vicini-
 tatem, quodque pabulis, & aqua careat, omnino
 est secus. Nam & noui huius orbis longe maxi-
 ma pars ac frequentissime habitata, intra vtrum-
 que Tropicum continetur, eadem, & pabulis, &
 aqua supra omnes orbis terrarum regiones abun-
 dat, atque plurima ex parte temperatissima est,
 vt hic etiam Deus stultam huius mundi sapien-
 tiam fecisse videatur. Est ergo habitabilis habita-
 turq; copiose quicquid reclamet antiquitas, Zo-
 na torrida. Porro regio illa inter hanc torridam,
 & illam Polarem posita, quamuis situ ipso cōmo-
 dissima

diffima fit habitationi humanæ, tamē raro admodū habitatur, quod hæcenus sola regio Chylēsis occurrat, quæ non sit Oceano intercepta. Multi tamē quorū me etiā in numero esse profiteor, terrā huic Chylēsi oppositā vltra Tropicū Capricornij porrigi opinātur, sed eādē nobis nondū esse exploratā. Neq; dubiū est, quin ea regio, vt optimū, & tēperatissimū sitū tenēs, mediū inter torridā, & Polarē, ita etiā omnibus reb' præstet, vtpote Europæ optimæ parti æqua ratione respōdēs. Et hoc satis cōsentaneē Aristoteles suspicatus est. Sed tamē, vtdixi, & illa quātū hæcenus cōpertū est, breuissima est, & ipsa torrida longe maxima. Quod eadem Plinij & complurium veterum sententia fuerit. C A P. X.

Aristotelis sententiā secutus est Plinius. Lux inquit, media terrarum, qua solis orbita est, *Plin. lib. 2. c. 68.* exusta flāmis, & cremata cominus vapore torretur. Circa quā duæ tantū inter exustā & rigētes tēperantur, hæq; ipsæ inter se nō peruiæ propter incendiū sideris. Hæc eadē fuit vulgaris sentētia veterum, quā etiam Poeta suo carmine celebrat.

*Quinq; tenent cælum Zona, quarum vna corusco
Semper sole rumbens, & torrida semper ab igne.* *Verg. in Georgic. Et. 7. Anci.*
Idemq; alias, Et si quē extenta plagarum. Quatuor in medio dirimit plaga solis iniqui. Et alius poeta apertius.

Totidemq; plaga tellure premuntur. *Ouidius. 1. Meta.*
Quarum quæ media est, non est habitabilis æstu.
Ea vero veterū sententia, perspicua atq; innicta, vt ipsis videbatur, ratione nitebatur. Nam vt quæq;

quæquæ regio ad meridiem propius accedit, ita solis ardoribus magis expositâ animaduuerterant, idq; adeo verum est, vt in eadem Italiae prouincia Apuliam Liguria, & in nostra Hispania Bæticam Cantabria vsque adeo feruentiorem notare liceat, vt per gradus vixdum octo grande frigoris & æstus discrimen sit. Hinc iam consequi videbatur, vt eadē ratione seruata ea regio, quæ solis radijs subiecta esset, intolerabili prorsus perpetuoq; ardore vrgeretur. Præterea inter ipsum anni decursum hyemis, veris, æstatis, autumnī, vicissitudines nō alia ex re fieri videbant, quam ex solaris globi accessionibus. Et cum æstiuos calores longe adhuc à solstitiali circulo positi vix se ferre posse cernerent, iam suo iure colligebant, si tam propinquum haberent solem, vt directo illius radijs ferirentur, idque per totum propemodum annum, futurum esse omnino, vt summis perpetuisque ardoribus absumeretur genus omne mortalium. Hæc antiquorum, quod regio media inculta esset, ratio fuit. Quam, nisi nos secus vsus ipse docuisset, non physicam, sed mathematicam demonstrationem, hodie quoque reputaremus, adeo ad ipsas etiam naturæ leges peruidendas humana ingenia imbecilla sunt, verum illa duo naturæ miracula immensū, inquam Oceani certa traiectione, & torridæ Zonæ suauissima habitatio, nostræ ætatis felicitate patuerunt. Et quoniam de Torridæ habitatione & natura fuscè dicendum est libro sequenti, Oceanum per nauigandi ratio, quæ ad institutum ma-

gnopere

gnopere confert, hoc ipso explicanda est, si prius, quæ de genere Indorum veteres, recentisque scriptores tradidisse videtur, persecuti fuerimus.

Notitiam alterius orbis apud veteres inueniri.

CAP. XI.

IGITUR hominum genus ultra Cancræ circulum habitare, veteres aut omnino negarunt, ut Lactantius & Augustinus, aut certe si qui essent, intra mediæ regionis terminos non posse consistere affirmarunt, ut Aristoteles & Plinius, & utroque antiquior Parmenides, utrumque autem secus esse satis constat. Sed utrum ante nostram ætatem eius rei notitia extiterit, accurate permulti quærent. Apparet enim monstri simile, & alterum orbem esse tantum, quantum hunc cernimus, & antiquos tot sæcula latuisse. Itaque nonnulli tanquam eam gloriam nostro & sæculo & generi inuideant, conantur huius quoque orbis notitiam antiquitati tribuere. Atque esse certe nonnulla eius vestigia negare non possumus. Scribit Hieronymus in epistolam ad Ephesios. Quærimus quoque quid sit. In quibus aliquando ambulastis secundum sæculum mundi huius. Vtrum nam & aliud sæculum sit, quod non pertineat ad mundum istum, sed ad mundos alios, de quibus & Clemens in epistola sua scribit. Oceanus & mundi qui trans ipsum sunt. Quænam hæc fuerit Clementis epistola ignoro: sed illud scripsisse Clementem Hieronymo fidem non

*Plut. lib. 3.
de placitis
philos. c. 11.*

*Hiero. in. c.
2. epist. ad
Ephes.*

*Clemens Ro-
manus epist.
ad Corinth.*

*Plinius lib.
2. c. 67.*

Idē, ibidē.

nō habere nō possum. Perspicuè vero Oceano tra-
iecto alterū esse mundū imo etiā mūdōs Clemēs
docet, atq; ita re vera est, lōgissīme enim vterq;
nouus orbis, id est, America, ab India Oriētali di-
stat. Caius quoq; Plinius accuratissimus rerū mi-
rabiliū indagator memoriæ prodidit, Hanno nē
ducē Carthaginēsem à Gadibus ad finē vsq; Ara-
biæ circumiectū, eāq; nauigationē literis cōmen-
dassee. Quod si verū est, quicquid hodie Lusitani
immēsa sua nauigatione bis æquinoctiali supera-
ta Oceani conficiunt, Hanno ille emensus sit ne-
cesse est. Eandem nauigationem contrario ordi-
ne cōfectam ab Eudaxo quodam quem, cum La-
tyrum Regem fugeret, Arabico sinu egtessum
Gades vsque peruectum idque sua etate, Corne-
lius Nepos autor est. Tradunt etiam autores nō
ignobiles nauem Carthagenensium vi ventorū
per Oceanum abreptam in nouam quandam re-
gionem incurrisse, moxq; ad suos reuersam cog-
noscendæ eius regionis studiū Carthagenensibus
excitassee, verū maiorū decreto eā inuestigatio-
nem esse cohabitam, ne nouarū rerum occasione
Carthaginis gloria, & celebritas fuscaretur. Qui-
bus ex rebus intelligere possumus nonnullā noui
orbis apud veteres notitiam extitisse, tametsi de
Occidentali hac India, deq; hac America vix ali-
quid monumentis antiquorū consignatū inueni-
re liceat. Nam de Orientali India etiam citeriori
quæ antiquis erat vltior, eo quod ex altera par-
te orbem peragrarent, non rara neq; obscura mē-
tio est. Nam de Aurea Chersoneso de Cori pro-
monto-

montorio, de celebrata illa Taprobane, quæ alijs
 odie vocabulis frequentantur, quis ignorat ve-
 terū scriptorū literas? Quid de vtrāq; Æthiopia,
 de Brachmanibus, de gēte Synarū? Nōne & multa
 & p̄spicua horū cōmemoratio extat in libris anti-
 quorū? Porro Occidētalis nauigationis, quātum
 etiā fama assequi Plinī⁹ potuit, tātū ad fortunatas
 insulas cursum protēdit, earūq; p̄cipuā à multi
 tudine cantū Canariā vocatā refert. Inde pelag⁹ il-
 lud amplissimū, quod merito Magnū nautæ ap-
 pellāt, vix vllis certis vestigijs antiquitatis notatū
 reperim⁹. Sed nōnullos maxime illud Senecæ car-
 minē mouere solet, cū in suis Anapesticis noui orbis
 res p̄dicere videatur. Ita em̄ illius Medæa habet,

Plin. lib. 6.

c. 32.

Veniunt annis secula seris.

Seneca in

Quibus Oceanus vincula rerum,

Medea a-

Laxet & ingens pateat tellus.

ctu. 2. in fr.

Typhisq; novos detegat orbes,

no.

Nec sit terris, vltima Thule.

ta esse factū negare nō possum⁹. Nā seros annos
 mille & quadrigētos à Tragico plusquā bis mille
 Medæa merito accipim⁹. Oceanū quoq; rerū la-
 xasse vincula, cū aliostrarrū terminos ostēdit &
 atuisse ingētē tellurē, tota certe Asia atq; Euro-
 pa maiore, deniq; novos esse detectos orbes, oēs
 ernimus, vt Chor⁹ ille p̄dixit. Sed vtrū diuina
 t Seneca, an fortuito ac temere cecinerit, quæri
 potest. Mihi vero diuinasse videtur, sed eō genere
 diuinationis, quod prudētes viri familiare habēt.
 videbat namque iam illo sæculo nauigationibus
 mare inusitatis sollicitari, terram esse alteram
 Antich-

Antichthonam ex philosophia didicerat. Potuit iure & merito hominum industriam, & audaciam eo aliquando progressuram existimare, ut magno Oceano enauigato novos terrarum orbis aperiret, cum præsertim ea ætate naufragia illa, quæ Plinius narrat, longissimi Oceani nota essent. Nam post veterum quietem collaudatâ, adiungit de audacia suorum temporum. Nunc iam celsit Põtus, & omnes patitur leges; & mox. Quælibet altum cymba pererrat. Terminus omnis notus, & vrbes muros, terra posuere novos. Nil qua fuerat sede reliquit peruius orbis. Indus gelidum potat araxem, Albin, Persæ, Rhenumque bibunt. Huius itaque audaciæ hominum quasi incrementa extrema connectit, venient annis sæcula seris, & cætera, quæ recitata sunt.

Platonis sententia de India Occidentali.

C A P. XII.

*Plato in
Timæo.*

PLATO vero in Timæo expressius hunc nouum orbem Occidentalem, & propius attingisse videri potest. Tunc, inquit, pelagus illud nauigabile erat (loquitur autem de Oceano Athlætico) insulam enim ante ostium habebat, quod vos columnas Herculis appellatis. At insula illa & Lybia, & Asia simul maior erat, ex qua ascensus ad alias insulas tunc proficiscentibus contingebat, ex Insulis autem in omnem ex aduerso continentem circum verum illum Pontum sitâ. Hæc apud Platonem Critias. Qui vero Platonem, & hi-

& historiam tradere, & vera narrare sibi persuadent, ij hæc ita exponunt, vt insula quidem illa, Atlantidis dicta, tota Asia & Africa maior plurimam Oceani Atlantici partem, quem modo Hispani trajciunt, occuparit: insulas autem ad quas ex Atlantide ascensus contingebat, esse eas, quas nostri nautæ appellant Barlouenti, Cubam, Hispanicam, S. Ioannis Boriquen, Iamaicam & reliquas eo ordine positas. Ex his vero ad continentem adiri, hoc est, ad terram firmam à nostris dictam termino hoc Peruenſe regnū & totam Americam. Verum autem Pótum circum quem posita sit Continens, interpretantur hoc mare Australe vulgo Sur appellatum, ideo vero a Platone verum Pontum nominatum, quod præ vastitate illius Mediterranum omne atque Atlanticum ipsum tanquam ficta & ludrica maria vocari possint. Acute quidem atque concinne excogitata hæc à viris ingeniosis & antiquitatis studiosis. Vtrum autem æquè verè ac certè, alio loco inquiremus.

*Zavate in
sua histo-
ria.*

Quod quidam Ophir in sacris literis esse nostrum Peru opinati sint. CAP. XIII.

IN sacris quoque literis, huius Occidentalis Indiæ mentionem fieri sub Ophir nomine quidam volunt. Rupertus quidem Stephanus, vel potius Franciscus Vatablus vir Hebraicè doctissimus, vt ego à præceptore discipulo illius accepi in scholijs ad caput nonū libri tertij Re-

C

gum.

*In Biblijs
Roberti Ste-
phani.*

*In appa-
tu Biblie
Regie in
Phaleg. c.
9. & in Bi-
blijs Rober-
ti Stephani
2. Paral. c.
9.*

gum, Ophir, vnde Salomon asportasse dicitur
quadringenta viginti, siue quinquaginta auri
talenta scribit esse Insulam Hispaniolam à Chri-
stophoro Columbo inuentam, vnde aurum op-
timum, & probatissimum ex monte Cibaico no-
strieruūt. Neq; defuere viri perdocti qui Ophir
in sacris literis tantopere celebratam existima-
rinc esse hoc ipsum nostrum Peru, quod vocabu-
lum ipsum etiam Hebraicè extet, sicque appella-
tū hoc regnum credant, cum Paralipomenō scri-
beretur historia. Per Metathesim vero Ophire si-
ue opire sit dictum Piru. Adduci etiam in eā sen-
tentiam videntur, quod scriptura commemoret
aurum optimum & ligna thyina pulcherrima &
pretiosissima, & gemmas ex Ophir afferri. Qui-
bus omnibus regio Peru abundare autoribus his
videtur. Quæ sententia mihi probari nullo mo-
do potest. Nam auri copiam in hac America
esse scio, sed non adeo celebrem, vt Orientali In-
diæ præferatur. Gēmas vero pretiosissimas, quas
scriptura refert, & ligna illa Thyina qualia nun-
quam visa sunt in Hierusalem, adhuc requiro: ac
smaragdōs quidem præcipui viroris, ligna quo-
que & odorata & fortia satis inuenio, sed singu-
lare præterea nihil. Nec mihi vero simile est, vt
relicta Orientali India ditissima, ad hanc extre-
mā Occidentalem Salomon Classē mitteret, ne
que si ita frequenter misisset, nulla futura fuisset
tantæ rei vestigia. Etymologiæ autem illa co-
gnatio ex Ophir in Peru deducta non admo-
dum mihi persuadet. Etenim nomen ipsum Pe-
ru in

ru in his regionibus neque antiquum est, neque generale, sed quemadmodum in his ferè noui Orbis expeditionibus contigit, vt regio de nomine ignota, primo quoque vocabulo appellaretur, atq; id esset sæpe fortuitum, ita quoq; in hoc Peruano Regno factum est. Ex fluuio quodam, in quem nostrates inciderunt, eo nomine dicto, quemadmodum antiquiores nobis tradidere, tota hæc regio Peru deinceps vocata est, vsq; adeoque id verum est, vt indigenæ vocabulum ipsum Peru hodie quoq; ignorent. Neq; ab alijs quàm ab Hispanis, si qui illorum ita nominant, nominare didicerunt. Cognatio quoq; & similitudo nominum leuem sanè coniecturam plerumque affert; nisi velimus Romanos in his regionibus quoq; versatos asserere, quod Titum & Paulum inter præclara Ingarum principū nomina frequenter audiamus. Me vero si quis interroget, quam regionē aut prouinciam arbitrer esse Ophir, quo classis Salomonis Tyrijs & Sidonijs nautis instructa vehebatur auri exportandi gratia, & quocum eadem ex causa Classis Iosaphat Regis pergeret, in Afiongaber naufragium perpessa est, equidem Flauio Iosepho potius assentior Indiæ Orientalis sedem asserenti, ab Ophir filio Iectā cuius in Genesi mentio est collocatam, eandemque primi auri ditissimam. Ex quo in sacris literis Aurum Ophir, siue Opham, siue etiam obrizū quasi Ophirizū celebratur, quod cū apud Hebræos teste Hieronymo auri septē vel genera vel vocabula sint, Ophir principē locū teneat, sicut

3. Reg. 9.

3. Reg. 22.

Ioseph. lib.

8. ant. iu-

daic. vbi &

terrā au-

reā vocari

Ophir.

Gene. 10.

Montanus

in alpha.

Hieron. ad

Principia.

in. 3. tomo.

46 DE NATURA NOVI ORBIS
apud nos Valdiuix aut Carabaix aurum cele-
bratur. Cur autem in Oriētali potius India quā
in hac Occidentali Ophir fuisse existimem, illud
caput est, quod ad nostrū Peru non nisi infinite
circuitu tota India Orientali & Sinarum regio-
ne enauigata Salomonis classis peruenire pote-
rar. Neque sit mihi verisimile per tot spatiorum
millia Sidonios nauigasse auri quærendi causa,
ad eam præsertim terram, cuius nullam habere
notitiam per continentem potuerint. Nam no-
stræ nauigationis artem, & methodum veteri-
bus fuisse ignotam argumentis haud quaquam
leuibus postea ostendemus.

*Quid nam Tharsis & Ophir in sacris literis
significent. CAP. XIII.*

QVOD si suspicionibus & coniecturis tan-
tum cōcedi debet, ego sanè Ophir & Thar-
sis in diuinis literis sæpius non certum aliquem
definitumque locum sonare suspicor, sed gene-
rale potius esse vocabulum, idemque efficere
apud Hebræos quod apud nos vulgo Indiarum
vocem. Nihil enim aliud vulgari tritoque vsu
Indiarum nomine accipiunt nostrates, quam re-
motam procul regionem, eamque opulentam,
& à consuetudine nostrarum rerum mirifice dif-
ferentem. Ita Indiam æquè vocant nostri His-
pani & Americam, & Mexicum, & Sinas, & Ma-
lacam, & Brasiliam regiones certè & situ & for-
ma latissime dissidentes. Quanquam negare nō
possumus

possumus inde ductum nomen Indorum & de-
 riuatum ad hunc nouum orbem, quod India ipsa
 verè Indica, opinione antiquorum, omnium ter-
 rarum haberetur extrema. Itaque idem Indos
 intelligunt homines, quod fines orbis terrarum.
 Ad hunc plane modum Tharsis apud Hebræos
 videtur mihi non certum aliquem locum desi-
 gnare frequentius, sed communiter regiones
 omnes remotas, eademque opinione hominum
 mirabiles & opulentas. Nam quod Iosephus &
 alij nonnulli pro eodem Tharsis & Tarsum Ci-
 liciaë urbem sumunt, non est satis probabile, vt
 etiam Hieronymus docet. Non solum quod scri-
 ptio in aspiratione per Θ & T prorsus discrepat,
 sed quod pleraque etiam in sacris literis dicta
 de Tharsis in Tarsum nullo modo congruere
 queat. Quanquam sancta scriptura nonnunquā
 Tharsis in Cilicia collocari insinuat, ita enim de
 Holopherne scribitur in libro Iudith. Cumque
 pertrāssisset fines Assyriorum, venit ad magnos
 montes, Ange, id est, Taurum, qui sunt à sinistro
 Ciliciaë, ascenditque omnia castella eorum &
 obtinuit omnem munitiōē, effregit autem ciui-
 tatem nominatissimam Melithi, prædauitq; om-
 nes filios Tharsis & filios Ismael, qui erant con-
 tra faciem deserti & ad Austrum terræ Cellon,
 & transiuit Euphratem & cætera. Verum vt dixi
 rarum est, vt Tarso conueniant, quæ de Tharsis
 legimus aliàs. Iam vero Theodoretus & quidam
 alij, versionem septuaginta interpretum alicubi
 secuti, Tharsis in Africa esse, eamque a nostris

*Hieron. ad
 Marcellā
 in 3. tomo.*

Iudith. 2.

*Theodoret.
 in 1. Iona
 Arias mon
 tanus ibid.
 & in Alpha
 beto appa-
 ratus.*

Carthaginem dictam volunt. Aiunt enim eo cursum intendisse Ionam, cum scribitur fugere voluisse à facie dñi in Tharsis. Quod præterea certa Indiæ regio Tharsis vocetur in sacris literis, quod D. Hieronymus vult, non equidem repugno. At vnameandemq; definitò regionem semper significare, id certè nego. Etenim reges Tharsis, quos munera Christo oblaturus Psalmus canit, Magos fuisse ab Oriente veniètes, eosdemq; Sabæos, & Ephæos & Madianitas satis sacra scriptura docet, quos & Aethiopes, & Arabas, & Persas viri docti fuisse tradunt, sed Tharsis vocabulum homonymum esse ac plura variaque significare in sacris literis Hieronymo assentior, itaq; interdum Chrysolitus aut Hyacinthus est, interdum Indiæ regio quædam, quin etiam mare ipsum quia cæruleum est, & illorum lapidum colores radijs percussus imitatur. Sed bene idem Beatus Pater in Esaïam scribens negat Tharsis, quo Ionas peteret, esse aliquam Indiæ regionem. Neque enim, inquit ille, Ionas de Ioppe nauigās ad Indiam poterat peruenire, ad quam illo mari non potest nauigari. Nam maris mediterranei, non rubri, vnde in Indiam nauigari potest, olim Ioppe nunc Iapha portus est. Longe ergo alia fuit Classis Salomonix nauigatio siue in Ophir siue in Tharsis per mare rubrum. Namq; à Sion gaber, vbi Regis Iosaphat naues contractæ sunt, portum esse constat vrbs Idumææ ad sinum Elamiticū positæ prope fretum ipsum, vbi Erithræū mare magno Oceano committitur. Salomoniam

tem &

*Hieron. ad**Marcellā.**Psal. 44.**Esaï. 60.**Hiero. lib.**1. in Esaï.**6. 2.**3. Reg. 22.*

tem & aurum, & argentum, & ebur & simias & paucos de Indica illa regione triennali navigatione, quæ non poterat, non esse longissima, afferri solita legimus cum & metallis pretiosis, & Elephantis, & cæteris delitijs India abundet, quæ admodum Plinius locuples autor est, & nostri temporis certa fama. Atqui ex nostra America ebur nullum exportari potuit, cum Elefantos prorsus ignoret, aurum alioqui & argentum & simios elegantissimos abunde præbere posset. Sed ut dixi hæc mea sententia est, Tharsis nomine aut imensum mare aut regiones semotissimas & valde peregrinas accipi solere. Quamobrem quæ de Tharsis dicta sunt, ea prophetico spiritu ad novum orbem interdum accommodari posse non dubito.

Quid de hoc novo orbe Abdias vaticinatus sit iuxta quosdam. CAP. XV.

Quidam etiam novum hunc orbem Christo expugnandum idque Hispanica vi longe ante in sacris & arcanis literis prophetatum volunt. Nam extremum Abdias Vaticinium ita interpretantur. Et transmigrationio exercitus huius filiorum Israel omnia Chananæorum usque ad Sareptam, & transmigrationio Hierusalem quæ in Bosphoro est possidebit civitates Austri, & ascendent Salvatores in montem Sion iudicare montem Elau, & erit Domino regnū. Sic nos legimus iuxta vulgatam. Illi vero ex Hebræo, ut

*Guido Boderianus in
epi ad Philippum
Catholicū Regem in. s.
to. sac. Bib.
Et Zumarraga in
Hispanica
historia,*

dicunt, hoc modo: Et transmigratio exercitus huius filiorum Israel qui Chananæi sunt vsque Sarphat, (idest, Galliam) & transmigratio Hierusalem, quæ est in Sepharad (hoc est, Hispania) hæreditate possidebit ciuitates Austri, & ascendent salutem procurantes in montem Sion ad iudicandum montem Esau, & erit Domino regnum. Sed cur Sepharad, quod Hieronymus vertit Bosphorum, septuaginta verò Euphrata designet Hispaniam, nullum ex antiquis proferunt testimonium, nullam certam rationem, sicut etiam Sarphat, vbi vtraq; editio habet Sareptâ, Galliam Guido patriæ fauens interpretatur. Nos vero qui de linguarum peritiâ certare non possumus, illud iure requirimus, quid nam cogat ciuitates Austri siue Nageb, vt habent septuaginta noui orbis gentes accipere? Quid etiam transmigrationem Hierusalem in Sepharad gentem Hispanicam intelligere? Nisi Hierusalem spirituales cogitemus, hoc est, Ecclesiâ, vt per transmigrationem Hierusalem, quæ est in Sepharad Spiritus sanctus significet Ecclesiæ sanctæ filios, qui versantur in finibus terræ aut portibus, id enim Sepharad Syriace notat, atq; in Hispanias satis congruit, vbi & fines orbis terrarum à veteribus positi sunt, & mari cinctam regionem fere omnem Hispanicam constat. Austrum vero siue Nageb hunc orbem accipi posse inde fortassis ostendent, quod totus pene hic mundus inuentus sub meridie iaceat, & plurima ex parte Australem polum spectet. Nam quod sequitur. Et
ascendent

scendent salutem procurantes in montem Sion
 d iudicandum montem Esau, non difficile est ex
 onere, quod ad Ecclesiæ sanctæ doctrinam ar-
 emque confugiant, qui errores profanos gen-
 ium (hoc enim Esau notat) euertere cupiant. Ac
 unc erit non tam Hispanis, aut Europæis quam
 Christo domino Regnum. Ad hunc sane mo-
 um, qui Abdiæ vaticinium accipere velit, non
 alde improbandus est. Nam spiritū omnia nos-
 e certum est, & tantæ huius rei hoc est noui or-
 is inuenti & Christo subacti satis probabile est
 n diuinis eloquijs nōnulla extare vestigia, Esaias
 it, Væ alis nauium trans Æthiopiam. Trans
 Æthiopiam profecto nullas alias alas, id est, ce- *Esai. 18.*
 errimas naues intellexisse videri potest, nisi Clas *iuxta sep-*
 em Oceani Atlantici, qui Æthiopia vltior *tuag. inter*
 st, regionem Iudæam incolentibus. Et quam- *pretes.*
 is nauibus tam superbis propheta ominetur in
 austa, tamen fructum etiam domino inde acces-
 rum alius propheta prænuntiat, Vltra flumina
 Æthiopiæ, inquit, inde supplices mei filij disper- *Soph. 3.*
 rum meorum deferent munus mihi. Quod rur-
 us ad Insulas longe & Tharsis ituros esse, qui sal-
 uati fuerint de Israel & congregaturos Domino
 arias gentes Esaias loquitur, vbi & Græciam, *Esai. 66.*
 taliam, & Hispaniam, & Africam, & alias pluri- *iuxta. 70.*
 nas nationes numerat, quid vetat, quo minus ad
 arum etiam gentium vocationem deriuemus?
 Nam & Tharsis, & Insulæ longe positæ, & fines
 errarum hæc extrema orbis insinuant. Iam vero
 quod Saluator tanto pondere verborum prædi-

xit, Prædicabitur Euangelium in vniuerso orbe,
& tunc veniet consummatio, re vera quandiu fi-
nis mundi moratur, gentes restare adhuc, quibus
Matt. 24. Christus non sit annuntiatus, perspicuè demon-
strat. Itaq; & veteribus plurima orbis pars resta-
bat incognita, & nobis non minima hodie quo-
que restat.

*Quomodo primi homines ad Indos venire potuerint: &
quod non venerint certa nauigatione.*

CAP. XVI.

Aff. 17. I AM vero illis satisfaciendum est, qui negant
esse Antipodas, aut hanc quam nos modo in-
colimus regionem posse habitari. D. Augustinū
vehementer deterruit Oceani immensitas, vt ge-
nus hominum ad hunc alterum orbem trajcere
potuisse existimaretur. Nos vero qui & homines
olim hic habitasse scimus, & diuinis literis contra
dicere nullo modo possumus ex vno factum esse
omne hominum genus, huc ex Asia, aut Europa
venisse homines affirmare certo possumus, sed
quomodo, aut qua via quoue duce gens Indorū
innumerabilis huc penetrarit, meritō sane hodie
quoq; & admiramur & quærimus. Nam neq; al-
teram Noe arcam huc appulisse cogitare possumus,
neq; Angelum quempiā, vt olim Abacuch
Dan. 14. Prophetam ex Palæstina in Babylonem, suspen-
sos per aera transuexisse Indicæ gentis progeni-
tores. Non enim quid Deus potuerit, quæritur,
sed quid humanarum rerum ratio atq; ordo pa-
tatur. Merito igitur vtrumque inter admirabilia
Dei opera atq; occulta consilia referri debet, &
quod

quod tā vasta pelagi ac terrarū spatia genus mor-
taliū penetrarit, & quod longè lateq; diffusum tā
diu nostros latuerit. Quāso enim te, quo consi-
lio, qua ratione, qua vi tantum pelagus gens In-
dorum pernauigauit? quo autore ad infinitè
disitas regiones peruasit? Equidem diu de hac
causa & cogitauī ipse mecum, & ex alijs quēsiui,
neq; certum argumentum rei tantæ inuenire po-
tui. Dicā tamen, quod occurrit, & quoniam te-
stes non habeo idoneos, sequar certe rationis du-
ctū quāuis tenuiter deprehensum, vsq; dum illius
uestigia ex oculis euanescent. Vno igitur ex tri-
bus modo genus Indorū ad hanc Americā venis-
se manifestū est, aut enim terrestri itinere, aut ma-
ritimo ventū est, ac maritimum quidē vel fortui-
to peragi potuit, vel certo cōsilio & ratione, hoc
est, aut vi tempestatis & Oceani prāter spem ad
hunc alterum orbē applicuerunt primi habitato-
res, aut studio noua quārendi nauigationem huc
direxerunt. Aliū prāter hostres modos inuenire
non possum, si quid res humanæ habeant, cogite-
mus, neq; prodigiosa quādam atq; Poetica com-
miniscamur. Neque enim vel Ganimedis aquilā,
vel Persei equum alatum, neq; Syrenas & Nico-
laos genere Indorum accersere oportet. Excusia
mus ergo si placet atq; libremus eorū quos dixi
singulos modos, quod & vtiliter & iucunde fieri
potest. Ergo illa videtur planissima & expeditis-
sima via, vt quemadmodum nunc nostræ His-
panienses naues, cursus astrorum cœlique con-
uersionem notantibus magistris, vim ventorum
aqua-

aquarumque scientibus ad Indos certum iter intendunt. ita olim antiquitas horum omnium perita has sedes inuestigauerit, inuentaſque tenuerit. Quid enim ſola noſtra ætas, ſoli noſtri homines Oceanicæ nauigationis induſtriam ſunt conſecuti? An non ſicut non ita pridem Claſſis noſtra Aluaro Mendanio duce ex hoc Limano portu ſoluens, & per immenſum Oceanum, Occidentem verſus delata, ſtudio nouam mundi plagam huic Americæ occidenti oppoſitam perueſtigandi, poſt timeſtre tandem tempus Inſulas illas, & multas & maximas inuenit, quas Salomonias vocare libuit, eaſque aut magnæ nouæ Guinææ, aut alicui ingenti continenti hære conſtans fama eſt, idque vt liquido exploretur hoc tempore ſecundam Regij ſenatus autoritate expeditio nem parari, eodem duce, & præfecto cernimus: ſic etiam potuit quondam antiquitas, vt terram Antichthonam quæreretur, quam certa ratione eſſe conſtabat, naualem quampiam profectionem inſtruere, inſtructam hucuſq; dirigere? Profecto nihil vetat, quo minus ita olim eſſe factum putemus, vt fieri modo cernimus. Adde quod hiſtoria ſacra atteſtatur à Tyrijs & Sydonijs Salomone accepiſſe viros nauticos & gnaros maris, eundem triennalem nauigationem exercuiſſe. Quorſum vero vel nautarum peritiæ celebretur, vel tam diuturna nauigatio referatur, niſi magnum Oceanum Claſſis Salomonica traiectura fuerit?

2. Para. 8.

3. Reg. 9.

3. Reg. 10.

Multi ergo ita opinantur, putantq; B. Auguſtinum immerito Oceani imenſitate deterritum, cum

cum potuerit ex triennali illa navigatione Oce-
 anum tandem, quātus est, permeari, facile depre-
 hendere. Ego vero secus sentio, neque adducor,
 ut Indorum primos autores certo cursu, fixoque
 consilio existimem in hunc alterum orbem com-
 measse, neque vero peritiam nauticam nostrae
 aetatis, quā vna incredibili, & celeritate, & certi-
 tudine Oceanum vnde vis quouis enauigant no-
 stri, veteribus concedere possum, cum rei maxi-
 mae, & praeclarissimae ne tenuia quidem vestigia
 in antiquitate reperiatur. Etenim vsum magnetis
 siue maritimae acus, ut vocant nautae, neque apud
 praeseros inuenio, neque illis perspectum fuisse ar-
 bitror, quo vno navigationis praesidio sublato
 certa Oceani magni traiectionis prorsus est impos-
 sibilis. Norunt vel imperiti quid dicam. Tam-
 en fieri nequit, ut nauta dempto Magnetis usu
 in medio Oceano deprehensus, quo dirigat pro-
 ram nouerit, quam ut oculis captus quid in mō-
 te procul posito emineat, quid iaceat digito ostē-
 dat. Admirabile profecto est eam magnetis vim
 & veteres tam diu ignorasse, & nostris demum
 innotuisse. Veteres sane ignorasse manifesto ar-
 gumento est, quod Plinius curiosus naturalium
 rerum enarrator, cum satis multa de Magnete
 commemoret, hoc vnum maximum & praecla-
 rissimum ingenium attritu suo ferrum ad Septen-
 trionem conuertendi nullo modo attingit, quē-
 admodum neque Aristoteles, neque Theophras-
 tus, neque naturalis quispiam historicus aut phi-
 losophus. Sed ne Augustinus quidem, cum in li-
 bris

Plini. libr.

36. c. 16.

& lib. 34.

c. 14. &

lib. 37. c. 4.

Augus. lib.

21. c. 4 ubi

multa de

magnete.

Lucretius.

lib. 6.

bris de Ciuitate Dei multa & magna ille quidē
referat. Sed quę infimē iacent prę hoc vno natu-
rę miraculo. Accedit ad hęc, quod naualium re-
rum inuentores ille ipse historicus naturalis ce-
lebrans, cum cętera nautica exponat, magnetem
penitus tacet, tantum siderum obseruationem in
nauigando Phęnicibus acceptam refert. Ac re ve-
ra quicquid antiqui peritię maritimę conseque-
bantur, ex siderum obseruatione, ex terrarum pro-
montorijs, litorumq; differentijs constabat. In
medio mari deprehensi, vbi cęlum vndiq;, & vn-
dique pontus, non aliam dirigendi proram ratio-
nem nouerat, quam ex sideribus, Sole, Luna, si
hęc omnia nubilo tempore obducerentur, ex vē-
ti qualitate, ex itineris peracti coniecturis, deni-
que ex ingenij dexteritate & destinatione, sicut
etiam apud nos Indi nauigant plurima maris spa-
tia ea industria conficientes. Quid quod Tapro-
banes Insulę, quam Samatram hoc tempore ap-
pellari putant, nautas nouam in nauigando indu-
striam sequi Plinius scribit. Septentrio, inquit, nō
cernitur, sed volucres secum vehunt emittentes
sępius, meatumq; earum terras petentium comi-
tantur. Quod si Magnetis vsus illis innotuisset,
nihil aliud volatu ad terrę situm cognoscen-
dum opus esset. Deniq; vel illud solum abunde
indicat nautis veteribus eam magnetis vim peni-
tus fuisse ignotā, quod nautici instrumenti quod
patrio vocabulo dicimus, [*Aguja de marear*,] ne-
que apud Latinos, neq; apud Gręcos, neq; vero
apud Hebręos nomen extet, quod si esset nota,

minime

Plin. lib. 7.
c. 56.

Plin. lib. 6.
c. 22.

minime nomine res tam præclara caruisset. Itaq;
 nauigationis Magistri, sicut modo solū supra pup-
 pīm sedent, assidue spectantes nauticū instrumen-
 tum, vt tenenti clauū viam edicant, ita olim etiā
 sedebant ad prorā, vt obiectas terræ marisq; no-
 tas circūspicerent, quamobrem apud Græcos
 Proretæ appellantur.

*De magnetis admirabili efficacia & vsu ad nauigan-
 dum veteribus ignoto. CAP. XVII.*

ERgo Magneti accepta referenda est Indica
 nauigatio tam certa, tam breuis, vt complu-
 res hodie homines viderimus, qui Vlyssipone
 Goam, Hispali, Mexicum aut Panamā, & in hoc
 ipso Australi Oceano ad Sinas vsq; & fretū Ma-
 gallanicum nauigent, idq; facile & crebro. Nam
 qui quindecies & octies supra decies Oceanum
 mensi nauigatione sint, ipsi vidimus, nonnulli
 supra vicies ijsse ac redijsse memorantur, cū tamē
 in magno Oceano nulla impressa vestigia vię ex-
 areant, nulli viatores occurrerēt, qui de via doce-
 rēt. Nauis enim, vt sapiens ait, pertransit fluctuā-
 tē aquā, neq; eius cū præterierit, vestigiū inueni-
 re est, nec semitā carinę eius in fluctibus Attamē
 magnetis viribus sit, vt Oceanus orbisque vniuer-
 sus mortalibus peruius sit, cui à sempiterno & sa-
 pientissimo Conditore vis ea attributa est, vt
 ex solo attritu illius ferrum qua parte attactum
 est perpetuo quodam aspectu motuque constan-
 ti Septentrionē indicet vbiq; locorū. Causas hu-
 ius tātī prodigij alij rimētur & quærāt, & Sympa-
 thiam nescio quam conentur inducere: ego sum-
 mi

mi Opificis potentiam, prouidentiamque quod
 ties ad hæc intueor, & vehementer admiror &
 iucundissimè celebro. Hic enim verissime Deum
 cum Salomone alloqui opportunum est. Tua Pro-
 ter prouidentia lignum gubernat, quoniam de-
 disti in mari viam, & inter feros fluctus semitam
 firmissimam, ostendens quoniam potens es ex
 omnibus sanare, etiam si sine rate aliquis adeat
 mare. Sed, vt non essent vacua sapientiæ tuæ ope-
 ra, propter hoc & exiguo ligno credunt homi-
 nes animas suas, & transeunt mare per ratem li-
 berati sunt. Et illud quoque ex Psalmista. Qui
 descendunt mare in nauibus facientes operatio-
 nem in aquis multis, ipsi viderunt opera Domi-
 ni, mirabilia eius in profundo. Neque minimum
 est inter Dei opera mirabilia, quod exigui lapil-
 li vis in immensa abyssu dominetur, cogatque
 pelagi infinita spatia ductui suo promptissimè ce-
 dere. Hoc quia sæpè fit & facillime fit, neq; ho-
 mines iam mirantur, neq; verò curant, ipsaq; li-
 beralitas apud imprudentes quo effusior est, mi-
 noris ducitur. At nos decet & sapientiam Dei ve-
 nerari, & pro ingenti beneficio gratias agere. Cū
 enim gentes Indorum tot sæculis antea ignotas
 adiri, atq; frequentari à nostris, vt ipsæ quoq; sa-
 lutem, quæ est in Christo Iesu adipiscerentur, di-
 uino consilio decretum esset, prospectum etiam
 diuinitus est, vt tam longi & inusitati itineris dux
 certus hominibus præberetur. Itaq; Magnetem
 ducem & magistrum accepimus. Quo autem tē-
 pore primum eius nauticus vsus innotuerit, per
 cre-

crebueritque scire vix possumus. Equidem non
 fuisse antiquum coniecturis idoneis teneo, non
 solum ex ijs quę superiore capite retuli, sed quod
 in Horoscopis quoque veterum nullam magne
 is mentionem lego, cuius tamen est præcipua in
 nobilibus horologijs ratio. Scribunt illustres hi
 torici Lusitani à Gama primo Orientalis Indiæ
 inuestigatore inuentos esse barbaros nautas ci-
 tra Promontoriũ bonæ spei, qui Magnetis vsum
 edocti maria illa circumquaque percurrerent.
 Sed vnde ijs notitia ea parta, non tradunt. Quin
 etiam nonnulli eorum scriptores veteribus igno-
 ram rē eam ex nostra opinione confirmant. Ad-
 dam aliud eiusdem Magnetis maius mea senten-
 tia miraculum, quod incredibile haberetur nisi
 & à peritissimis accepissemus, & explorata expe-
 rientia confirmassemus. Spectat sane Acus ma-
 ritima, hoc est, ferri illa acies magnete attracta,
 semperque atque vbique gētiam Arcticum po-
 tum, verum non vbique æquē directo. Sunt cli-
 mata quædam, vbi recta respicit Septétrionem,
 vltra vero & citra in latus aut sinistrum tātisper
 vergit, eoque amplius, quo magis ab illo suo cli-
 mate recedit. Hoc nautæ nostri suis vocabulis
 dicere solent, Nordestear, & Noruēstear, quæ
 sunt contraria, illud enim est ad Orientem tan-
 tisper inclinare, hoc ad Occidentem. Quam pla-
 ne declinationem tenere probe tanti refert, vt si
 gubernator eius rei imperitus sit, exitum nauig-
 ationis longe diuersum, quam intendit, habi-
 turus sit. Esse autem in vniuerso orbe quatuor

D tan-

*Li. 1. de Ra-
 lia illustr.
 reg. 13.
 Plin. lib. 2.
 cap. 72. &
 76. & li. 7.
 c. vltimo.
 Oforius de
 reb⁹ gestis
 Emmanue-
 lis.*

tantummodo ea climata, vbi acus rectà fer-
 tur in Polum, narrabat mihi vir quidam Lusita-
 nus eiusce artis peritissimus, ac regiones, &
 nomina proferebat, quæ non satis teneo memo-
 riter. Vnum horum notissimum esse clima, vbi
 insula, quam appellant del cuerno, sita est. In-
 de enim ad Septentrionem ascendentibus occa-
 sum versus incipit declinare, descendantibus ad
 æquinoctialem contra, ortum versus. Sed quan-
 tum & quousq; peritiores norunt. Hic ego di-
 uinorum operum censores appellare cuperē, qui
 tantum ingenio suo tribuunt, vt nihil se nescire
 patiantur, quas causas reddituri sint, cur perexi-
 guū ferrum ex cuiusdā lapidis cōfricatione tan-
 tam facultatem concipiat, vt Septentrionē vbi-
 que quærat & notet, vt mundi regiones & cli-
 mata tam accuratè calleat, vt vbi sistendum, vbi
 destrosū nō nihil inclinandum, vbi leuorsū,
 quouis Philosopho & Cosmographo certius cō-
 stantiusq; norit. Quod si horum quæ quotidie
 cernimus, rationem excogitare non possumus, &
 essent prorsus incredibilia nisi vsus ipse faceret
 fidem, quid est, cur cœlestia & super mundana
 ad disputationis nostræ calculos reuocare veli-
 mus. Quin potius, vt præclare Gregorius Theo-
 logus disseuerit, Fidei cōcedat ratio, quæ suis etiam
 terminis angusta imbecillisque est. Verum hæc
 nus paulisper ad philosophandum diuertisse sit
 satis: ad institutum reuertamur, Magnetisque
 vsū nauticum antiquis ignotū probabiliter
 demonstratum teneamus, ex quo sit consequens,

vt

vt nauigatio Oceani non fuerit olim ad hunc nō
uum orbem certo consilio & ratione suscepta.

*Responsio ad eos, qui volunt olim nauigatum Oceanum,
vt hoc tempore nauigatur.*

CAP. XVIII.

NA M quod de Salomonis classe obijcieba-
mus, parum me mouet, neq; enim sacræ li-
teræ docent integrum triénium in ea nauigatio-
ne expleri solitum, sed semel per tres annos hoc
est quouis triennio classem mitti solitam. Quod
si etiam triennalem eam nauigationē fuisse po-
namus, potuit certe, quod est magis consentaneū
existimare, ad Indiam Orientalem secundum va-
rios portus & regiones terrarum nauigare, sicut
modo totus hic Oceanus Austrinus à Chyle vsq;
ad Nouam Hispaniam ferè nauigatur, quod ge-
nus nauigationis, vt certius est, quoniam terram
ferè in prospectu habet, ita lōge prolixius, quod
cogatur multo circuitu ferri, & moras sæpe trahe-
re in portibus. Equidē nauigationem altissimo
Oceano cōmissam, neq; apud veteres lego, neq;
ab illis aliter Oceanum nauigatum puto, quam
à nostris hodie Mediterraneum. Quo circa do-
cti viri sentiunt veteres sine remis nusquam na-
uigare solitos, quod oras ferè terrarum legerent:
id quod diuina scriptura insinuat in longa illa
à Iona nauigatione suscepta. Vbi ad ter-
ram nautas tempestate compulsos
remigasse narrat.

*Probabile esse primos huius orbis habitatores tempe-
state præter votum ad has regiones eiectos.*

CAP. XIX.

CV M ex professo instituta nauigatione hæc Indiam Occidentalem à primis indigenarum parentibus occupatam esse, haud quaquam verisimile ostensum sit, sequitur, vt si mari ventum est huc, fortuito ac præter opinionem hominum peruentum sit, id non esse incredibile, quantacumque Oceani immensitas sese obiecerit, non parum multa persuadent. Nam vt nihil aliud, certè qua tempestatis vi & contentione ventorum prima huius noui orbis litora nauta ille prospexit, quicumque is fuit, (nam nomen tanta rei auctoris fama non prodit, vt Deo soli ascribatur, vt decet) à quo primum moriente veluti testamento hospes Christophorus Colonus tanta notitia remuneratus est: eadem plane vel non valde dissimili hominum aliquot greges per infinitum Oceanum ex Europa aut Africa abripi potuerunt, & ad regiones tunc ignotas etiam inuiti cõpelli. Quis enim nesciat plurimas noui orbis regiones magis ventorum iniuria, quam hominum diligentia patefactas. Sed ne tanta Oceani permeatio nostrarum nauium & hominum magnitudini solummodo tribuatur, ex Plinio veteribus non inferiora contigisse facile intelligi potest. Is ita scribit, In sinu Arabico res gerente. C. Cæsare Augusti filio signa nauium ex Hispaniensibus naufragijs feruntur agnita, & post

*Plin. lib. 2.
6. 67.*

post nonnulla, Nepos de Septentrionali circuitu tradit. Q. Metello Celeri. C. Afranij in Consulatu Collegæ, sed tum Galliæ proconsuli, Indos à rege Sueuorum dono dados, qui ex India commercij gratia nauigantes in Germaniam essent tempestatibus abrepti. Profecto si vera Plinius narrat non amplius modo à Lusitanis per nauigatur, quam illo utroque naufragio & Indorum vsque ad Germaniam, & Hispaniensium vsque ad sinum Arabicum percursum est. Idem in alio libro scribit, Annij Plocanij, qui maris rubri vectigal à fisco redemerat libertus circa Arabiam nauigans Aquilonibus raptus præter Carmaniam decimo quinto die Hippuros portum Taprobanes inuectus est & cætera. Referunt quoque nauem Africanā ex Mauritanico Oceano aquilone raptam olim vsque ad noui orbis conspectum peruenisse. Quantum enim sequant in Oceano venti, quamque pertinaces sint, ut plurimis diebus ne minimum quidem de vi remittant, omnes nouimus. Ego certe intra decimum quintum diem noui orbis Insulas primas aspexi, aspecturus sine dubitatione longe citius, si plena vela Euro aquilonibus panderentur. Adeo perpetuo & animoso flatu vsi sumus. Valde igitur mihi probabile apparet olim homines Oceanum nauigantes præter sententiam vi ventorum ex illo ad hunc orbem esse compulsos. Atque celebris fama est in hac Peruenfi regione. Vbi nunc Manta & Portus vetus oppidum per exiguum ab Hispanis ædificatum est, reperiri

*Plin. lib. 6.
ca. 22.*

ossa hominum gigantæa tantæ magnitudinis, vt duplo aut certe semiduplo corpora proceriora tententur, quã sint communia hæc Indorum. Illos aut̃ gigantes olim mari ad hæc litora esse delatos, ibi cum indigenis bella gessisse, & quædam extruxisse immania opera, cuius generis profundus puteus lapidibus immensis ædificatus hodie visitur, vt ferūt. Tãdẽ homines illos sæuos & portentosos, quod nefaria & impurissima libidine abuteretur cœlitus esse consumptos. Ad insulas quoq; p̃cul admodũ positas, pluteis corijsq; inflatis pro nauigijs vectos veteres indigenas ijsse acredijse, qui Icã, & qui Aricam incolūt pro certo narrare feruntur. Itaq; ante Hispanos huc ap̃pulsos Oceanũ hũc Australẽ nauigatũ quẽdã indicia produnt. Quamobrẽ existimare facile possumus, naufragio aliquo aut Oceani iniuria & Aquilonum contentione olim hunc orbem esse inhabitatum sicut nunc tandem proditus est. Nã & illud mirabile est, in maximis clarissimisq; naturæ muneribus, quod casu atque fortuito reperta sint, non industria hominũ conquisita. Plerasq; herbarum vires hominũ vitæ salutares & lapidũ, & stirpium vsum & fossiliũ, quæ vocāt, mineralia gẽmas quoq; & auri venas, proprietates quoque magnetis, succini, adamantis, & cæterorũ talliũ, casus potius ostendit mortalibus, quã vlla ars aut industria, vt in ijs non hominum ingenium, sed Dei prouidentia commendetur. Quæ enim fortuito apud nos fieri videntur, ea consilio diuino prorsus eueniunt.

Longe probabilius esse primos huius noui orbis habitatores terrestri itinere huc peruenisse. CAP. XX.

Igitur vi tempestatis eiectiones primos homines has regiones incolere cepisse probabile est. Verum illud me non bene habet ita opinantem, quod ut demus viros & feminas, unde propagaretur genus hominum, mari delatos, belluas profecto atque animantia multa & magna & noua, quæ nutrit hic orbis, non video quemadmodum naui imponere atque huc deferre possimus. Quod si propter scripturam sanctarum seruandam fidem omnem huius orbis accolas ex altero huc venisse confiteri cogimur, ne homines ullos ex alio quam ex primo Adamo propagatos faciamus, profecto eadem diuina autoritate tradente belluas omnes atque animantia terrena in magno mundi cataclysmo per unam sancti Noe arcam conseruata, cætera omnia sine ulla exceptione interijisse, oportebit nos iam etiam querere horum animalium ex illis montis Ararat reliquijs, ubi arca conqueiuit, propagationem. Itaque, sicut hominibus, ita bestijs debemus ex veteri orbe in nouum hunc viam querere. D. quidem August. in hac quaestione incidens, quomodo quædam Insulæ lupos habeant & patheras ceterasque; feras quæ non pertinent ad procurationem studiumque; hominum (nam de elephantibus, equis, boibus, canibus reliquisque; vitæ humanæ utilibus facile est intelligere industria hominum nauibus esse delatas, uti hodie quoque fieri cernimus longissima navigatione ab Oriente in Europam, atque ab Europa in hanc Americam) illas igitur bestias quæ nullivis sunt, ac potius pernitiæ afferunt, quales lupi sunt, quomodo

Gen. 7.

August. lib.

16. de Ciu.

6. 7.

Genes. 1.

Genes. 7.

Insulę habeāt, si vniuersum orbē inundauit, atq;
deleuit diluuium, quārens vir ille doctissimus
ex ijs angustijs ita conatur euadere, vt eas feras
vel narando peruenisse ad insulas, vel studio ve-
nationis ab hominibus esse delatas, vel diuina
procuracione ex ipsa terra esse generatas, vt olim
initio cum dixit Deus. Producat terra animam
viuentem in genere suo iumenta, & reptilia, &
bestias terrę secundum species suas. At certe ita
soluendo magis nodus noster implicari videtur.
Nam vt hoc vltimum primū refellamus, non
habet hoc natura rerum, non ordo diuinę ad-
ministracionis, vt perfecta animalia, vt leones,
tygrides, lupi sine coitu producantur ex terra, vt
solēt mures, ranę, vespę, cęteraq; imperfecta.
Deinde quorsum scriptura tam enucleate di-
ceret. Ex omnibus animantibus tolles, sed & de
volatibus cęli septena & septena, masculum &
fœminam, vt saluetur semen super terram, si fi-
nito diluuiο animantia mundus ex terrę noua
origine esset habiturus? Redibit quoque illa du-
bitatio, cur non omnes terrę & insulę omnia
animantia habeant? siquidem non naturalis pro-
pagatio, sed Dei effusa liberalitas in procreando
spectanda sit. Studio autem venationis aliqua
eiusmodi genera esse delata, non est incre-
dibile. Nam & leones & vrsos & nonnulla id ge-
nus magnificentię ostentandę causa in regijs
caueis nutriri cernimus sæpe ex longinquis ma-
xime regionibus transuecta. Sed de lupis, de vul-
pibus, & similibus, quę nihil habent egregium
nisi

nisi nocere pecoribus, durissimum est venationis studio transuectas esse credere. In nouum vero hunc orbem quistandem sibi persuadeat infinita nauigatione ab hominibus curatum esse, vt America haberet vulpes (praesertim quas Añas vocant genus omnium quæ noui animantium foetidissimum) vt haberent tygrides, vt leones? Reuera nimium est, vt homines in tam prolixo naufragio seruari potuerint, ne dum de euehendis ac nutriendis lupis, & vulpibus cogitarēt. Restat ergo vt hæ bestiae natando peruenerint. Ac planè de nonnullis insulis, quæ vel ab alijs Insulis vel à continente non longissime absunt, vt credibile sit, facit oculata experientia, quæ scimus integros dies & noctes eiusmodi feras aliqua necessitate perurgente natare, atq; enatare postremò. Verum Oceanus hic noster tales natatores rideret, cum volucres quoque deficient alæ in immensa abyssò. Nam ad mille & quingenta stadia volare certum est, cum in profundissimo Oceano ad hanc Indiam nauigantes turtures ex Africæ litibus in puppi sedentes saepe notauerimus. Sed volando aut natando superari Oceanus totus certe nequit. Quid ergo faciendum? quam viam aperimus ad hanc nostram Americam volucris & feris? Non leuis mihi hinc coniectura fit, vt hunc nouum orbem non esse penitus, ab illo altero diuisum arbitrer, quin potius aliqua in parte vel hære, vel certe non longe disiungi iamdiu opinor. Neq; vero hactenus certo documento patuit contrarium. Nam ad Polum Ar-

cticum non est omnis longitudo satis explorata, multiq; putant supra Floridam latissimam esse terram Septentrionalem, quæ ad Germanicum aut Scythicum mare pertingat. Quidam etiam nauem ea regione delatam testem proferunt, aiuntque Bacallaos vsque ad Europæ extrema porrigi. Vltra promontorium quoque Mendocinum non est satis cognita terræ amplitudo, sed esse oppido ingentem omnes referunt. Iam vero ex nostro Australi vertice quousque procurrat continens vltra Patagones posita, nemo hæcenus explorauit. Terminum nullum oculis occurrisse Caruajalis Episcopi Placentini naus retulit, quæ supra Magallanicum fretum aliquot millia per- nauigauit. Nihil ergo neque rationis, neque experientia, huic meæ suspitioni de totius terræ continuatione, vel saltem vicinitate hæcenus cō- tradicit. Quod si ita est, vt esse sane apparet, facile promptumque est existimare genus hominum ex veteri orbe ad hunc nouum paulatim terrestri itinere defluxisse, ac sedes subinde & nouas quæ- rendo, & inuentas mutando pro varia regionum commoditate tot populos & nationes effecisse.

Quomodo bestia & pecudes ad hunc nouum orbem ex altero pernenerint. C A P. XXI.

IVuant vero non mediocriter eam sententiam Argumenta quæ occurrūt rationē habitationis Indorū peruestigātibus. Nā sicubi Insula occurrit à cōtinēte atq; alijs circū Insulis valde remota, qualis est Bermuda, eā omnino hominū carere cō- mercio reperim⁹. Quod nauigationes nō institue-
rentur

rentur nisi ad propinqualitora, & ad terræ ferè
conspèctū exigerentur. Neq; verò maiora nauig-
gia in vlla noui orbis parte inuenta sunt. Sed aut
Canoas, aut piraguas, aut bassas, idest, lintres, sca-
phas, & cymbas Indinauigationi assumebant.
Quare neq; facile neq; tuto se poterāt immenso
pelago dare. Deinde vt nauis firma suppeteret, ta-
mē Magnetis vsu & Astrolabij & quadrātis peri-
tia destituebātur. Si terræ aspectu per duo de vi-
ginti dies carerēt, nō poterant nō toto cœlo erra-
re. Itaq; Insulas refertas hominibus inuenimus,
ac mare frequētissime nauigatū: sed vt dixi nauig-
atio fuit Indorū qualis & pusillis nauigijs & si-
ne Magnetis adiumēto peragi potuit. Etenim cū
primū Peruēses Indi Tūbé accolæ, nostras naues
Hispaniēses velis expāsis intuiti sunt, rei nouitate
territi, quod tā magnā molē nauē esse nullo mo-
do cogitarent, ferūtur statuisse inter se, scopulos
esse aut rupes mari euectas, quodq; mouerentur
neq; mergerentur, attonitos diu stupuisse, donec
viros quosdā barbatos per nauim discurretes no-
tarunt, eosq; esse aliquos cœlestes Deos arbitrati
sunt. Adeo maiorū nauium vsus Indis inauditus
erat. Maximè vero facit fidē, qđ belluæ illæ, quas
minimè est p̄babile homines nauib⁹ impositas ad-
uexisse, reperiūtur qđ p̄ totā cōtinētē, in Insulis
verò à cōtinēte quadridui itinere disitis nequa
quā reperiūtur. Ideo, qđ magnū huic opinioni đ
cōtinuatione vtriusq; orbis argumētū putarē, dili-
gēter inquisui. Sūt in hac n̄ra America eiusmodi
ferē nō paucę: sūt leones, tametsi, & magnitudine
& au-

& audacia & colore ipso haud ita fuluo Africanis illis longe inferiores: sunt tygres sæuissimæ ac plurimæ, sed in genus Indorū, quod mirū est prorsus truces: Hispanis nō ita infensæ: sunt vrsi rariores, sunt Apri, vulpes quoq; innumerabiles. Hęc genera & his similia si apud Cubam Insulā, aut Hispanicam, aut Iamaicam, aut Margaritam, aut Dominicam quæras, ne vnum quidem inuenias. Adde quod vtிலium quoq; animantium gregibus olim vacuæ erant, nunc post Hispanos habitatores, boum, equorum, canum, suum innumerales greges alunt, vsq; adeo vt vaccarum armenta nullos certos dominos habeant, sed more venationis ab indigenis capiantur sine discrimine, tantum vt corijs detractis & siccatis mercatutam faciant. Canum vero breuissimo tempore ea infinitudo percrebuit, vt acerbius ab ijs, quam à lupis pecora omnia vastentur, eaq; insulæ calamitas maxima sit. Neq; solum quadrupedibus vacuæ: ipsas volucres raras habent, & psittacos quidem multos, quos esse volatus perniciosissimi & gregatim volitare constat, tum alios quosdam passeris raros vt dixi: perdices vero quales in hoc Peru, nullas vidisse me memini, multoque minus proprios huius regionis Guanacos, aut Vicuñas, genus syluestrium caprarum velocissimū, in quarum ventre lapides illi Beezartici, qui in magno pretio plerisque sunt, inclusi inueniuntur tantæ magnitudinis, vt interdum ouum gallinaceum dimidio superent. Sed neque pecudes illas mirabiles habent, quas Indi llama, nostri Indicas

Oues

Oves vocant: quæ præter lanam & carnes, quas vestiendo, & alendo generi Indorum præbent, sunt etiam iumenta vehendis oneribus commodissima. Nam dimidium oneris muli cuiusvis portat, sunt autem minimi sumptus, quippe quibus neque ferro ad calces, neque clitella ad dorsum, neque vero ordeo ad pabulum opus sit: sed hæc omnia illis natura sine sumptu tribuerit, ut omnibus modis usus essent generi Indorum pauperi. His igitur omnibus cæterisque, quæ longum esset enumerare, continens abundat, Insulæ certe carent, nisi à nostris aliquid horum inuectum sit. Tygrides in nonnullis sanè insulis se vidisse quidam noster frater maximis naufragiis actus referebat: sed interrogatus quantum ex Insulæ à continente abessent, respondit non amplius quàm ex aut octo ad summum Hispanicas leucas, quod planè spatium conficere posse tygrides natando perspicuum est. Ex his igitur alijsq; argumentis intelligi potest gens Indorum terrestri maxime tinere, aut nauigatione vicissim non difficili aut longa, ad hunc alterum orbem permeasse, quod reliquo orbi continens sit terra hæc, hoc est aut aliquibus locis hærens, aut certe non valde distincta.

Quod non venerit genus Indorum per Atlantidem, ut quidam opinantur. CAP. XXII.

NON desunt autem qui iuxta Platonis sententiam iam supra memoratam putent has gentes

Plato in Critia & in Timæo.

gētes venisse ex Europa, aut Africa per Atlantidē illā tantopere decantatā, deinde in alias atq; alias insulas vsq; ad magnā continentem, in qua nunc sumus. Nam horū omnium Critias in Timæo mentionem facit. Si enim Atlantis illa tota Asia, & Libya simul maior erat, vt ille vult non esse dubium, quin totum pene Atlanticum Oceanum vsq; ad Insulas noui orbis occuparit. Ingenti autem diluuiο Atlantidem subuersam olim pelagus illud ceno & scopulis in nauigabile reliquit, tale enim fuisse sua ætate Plato refert. Mox vero tempore procedente illius magnæ Insulæ ruinas penitus confedisse, ac nauigabilem pontum præbuisse. Hæc homines ingeniosi serio differūt, quæ vel mediocriter animaduersa nugæ meræ deprehenduntur, vt magis Ouidianas transformationes quam Philosophicam aliquam narrationem habere videantur, Ac plerique sane Platonis interpretes omnia illa à Critia narrata tam inusitata tam mirabilia de Atlantidis illius origine, magnitudine, fœlicitate, de quæ bello ab Atlanticis cum Europæis gesto, cæteraq; omnia veram esse historiam volunt, quod Critias præfatus sit in Timæo, sermonem futurum esse mirabilem, sed omnino verū. Contra alij Platoniorum rem fabulæ potius quam historiæ similem considerantes, allegoricè ea omnia à summo Philosopho dici volunt, in quibus est Proclus, & Porphyrius, & Origenes, ita enim horū nōnulli Platoni suo dediti sunt, vt Moyſes aut Esdræ literas tractare videantur, atq; vbi verba à vero discrepāt, pro-

tinus

inus aliquem diuinum atque mysticū sensum necessario intelligendū esse cōtendunt. Mihi vero Plātō, vtcūque ille diuinus appelletur, non tanti est, neq; valde difficile est credere totā de Atlantide narrationē pro vera historia posse tradi, & esse tamē posse merā nihilominus fabulam, cum trasfertim à Critia puero inter cantilenas eā narrationem auditā fateatur. Sed vtcumq; ille scriperit siue historicè, siue allegoricè, re vera quæ de Insula illa Atlantide tū in Timæo inchoat, tū in Critia late persequitur, non nisi pueris & animis narrari serio possunt. Quomodo enim nō fabulosum est Neptunū Clitus amore captū quinque gemellos ex ipsa suscepisse, collem vero in quinq; orbes diuississe tres maris, duos terræ quæ in torno descriptos? Quid templum illud stadij lōgitudine trium iugerum amplitudine, cuius omnes partes externæ argento, summæ autem auro essent oppletæ, intrinsecus autē fornix eburnea, tota auro & argento, & aurichalco variegata? Potestremo quid exitus ille in Timæo, vna die, inquit nocte, graui incumbente diluuiō, & apud nos totum militare genus acervatim terra absorbuit, & Atlantis Insula similiter in mari subuersa uanuit. Sic planè Insulam totam scenicam, & fabulosam, quæ vniuersam Asiam, simul & Africam amplitudine superabat, vna nocte oportuit euanescere. Ruinas autem illius sub vndis ab ijs tantummodo cerni, qui eo accedere nullo modo possunt. Adiungit nimis scite. Qua propter etiā nunc innauigabile & in-

& intentatum manet, illud pelagus luto paulatim impediēte, quod insula summersa inuexit. At ego libenter quærerem, quod nam pelagus tantam terræ molem Asia, & Africa maiorem, & quæ vsque ad nouum hunc orbem pertingeret, absorbere potuerit, ita vt nulla extent vestigia, vt ne bolidis quidem iactu nautæ in infinitum hodie fündum inueniant aliquem? Sed imprudenter ea pergo refellere, quæ aut ridiculè scripta sunt, aut certe ne nihil Platonis grauitatem vereamur, per picturam & parabolam ad ciuitatis, & felicitatem & exitium ostendendum philosophicè introducta sunt. Nam quod validum argumentum quidam putant fuisse Atlantidem Insulam, quod mare illud hodie quoque Atlanticum nominetur, puerile est. Etenim & montem Atlantem in extrema Mauritania esse scimus, ex quo Atlanticum Oceanum dictum Plinius vult, & idem auctor est è regione montis sitam esse Atlantidem insulam, sed paruam & ignobilem.

Plin. lib. 6.
c. 5. & lib.
6. c. 31.

Quod falso multi Indos ex Iudeorum genere descendere affirmant. CAP. XXIII.

ALIA ergo via Indis nostris, quam illa Atlantis ad nouum orbem quærenda est. Hanc nonnulli apud Esdram esse suspicantur. In cuius libro quarto ita scriptum legimus. Et quoniam vidisti eum colligentem ad se aliam multitudinem pacificam, hæ sunt decem tribus, quæ captiue factæ sunt de terra sua in diebus Osee Regis

4. Esd. c. 13

quem

quem captiuium duxit Salmanassar rex Assyriorum, & transtulit eos trans flumen, & translati sunt in terram aliam. Ipsi autem sibi dederunt consilium hoc, vt derelinquerent multitudinem gentium, & proficiscerentur in vltiorem regionem, vbi nunquam habitauit genus humanum, vel ibi obseruare legitima sua, quæ non fuerant seruantes in regione sua. Per introitus autem angustos fluminis Euphratem introierunt. Fecit enim eis tunc altissimus signa, & statuit venas fluminis, vsquequo transirent. Per eam enim regionem erat via multi itineris anni vnus & dimidij, nam regio illa vocatur Arsareth. Tunc inhabitauerunt ibi vsque in nouissimo tempore, & nunc iterum cum cœperint venire, iterum altissimus statuet venas fluminis, vt possint transire, propter hæc vidisti multitudinē cum pace. Hanc ergo Esdræ scripturam conantur Indis accommodare, eos diuinitus esse deductos, vbi nunquā habitauit genus humanum, regionemque, quam incolunt, adeo esse remotam, vt habeat iter anni vnus & dimidij, naturaliter quoque gētem esse pacificam. Quod vero ex Iudæorum progenie sit genus Indorum, vulgo illud certum indicium putant, quod meticulosi, quod fracti, quod mire superstitiosi, quod acuti mendacesque sint. Deinde vestes ipsas habitumque Indorum manifestè Iudaica vestimenta referre, tunica enim simplicis & palliolo quadrato vtuntur, pedes autem nudos gestant, aut soleis tantummodo superne comprehensis calciant. Porro hunc fuisse habi-

Iudic. 14.

tum Hebræorum tum historijs prodi, tum vetustissimis picturis, vbi ad hanc maxime speciem vestiti exprimuntur. Atq; hæc duo vestis genera quibus solis Indi vtuntur. Sampsonem olim depoposcisse, tunicam & syndonem, id est, vt vulgus nostrum appellat [*camiseta y manta.*] Verum hæc vniuersa suspicionis sunt leuissimæ, habentq; contra se quam pro se & plura & maiora. Hebræos literis vsos nouimus: in natione Indorum nullæ literæ: illi opibus studebant, apud hos mirus omnium contemptus: Hebræi si circuncisos se non viderent, Hebræos esse aut haberi posse negabant, apud nostros Indos præputia profus integra, neq; vt Æthiopes, aut Orientales eiusmodi superstitionē vnquam nouerunt. Quale vero est, vt cum Hebræi tantopere & genus & antiquitatem iactarent suam, & in cæteris orbis terrarum partibus hodie quoq; studiose conseruēt, in solo nouo orbe, illis & genus, & ceremoniæ, & Melsias, & Iudaismus denique omnis exciderit. Quod vero meticulosi sint, & superstitiosi & acuti & fallaces, primū neq; omnes barbari sunt eiusmodi, sed plurimæ gētes ipsorū ab ijs maxime abhorrent, sunt enim nationes Indorum audacissimæ, sunt inertissimæ, superstitioni vero omnis gentilitas semper dedita fuit. Vestium autem apparatus ideo talis quia simplicissimus est, nulla ferè arte aut industria constans, neq; magis Hebræis quōdam, quam cæteris mortalium vtitus. Deinde historia ex Esdra sumpta, si quid curæ Apocrypha merentur, potius oppugnat, quam adiuuat

adiuuat

adiuuat causam susceptā. Ideo enim multitudinē gentiū fugisse decem illæ tribus dicuntur, vt ceremonias suas excolerent: hi vero idololatriæ omni dediti sunt. Euphratis aut̃ aperta ostia viderint quomodo ad hunc nouum orbē perducere queant, & an iterum eodem regredi Indos oporteat, vt ibidē extat. Pacificā autem multitudinē cur vocet, quæ immortalibus inter se bellis dissidijsq; semper efferbuit. Itaq; non magis Apocryphi Eſdra Euphrates, quam fabulosa Platonis Atlantis ad nouum hunc orbem genus mortaliū potest perducere.

Cur prima origo Indorum certo sciri non possit.

C A P. XXIII.

AT facilius est aliena improbare de origine Indorum, quam certi aliquid de suo afferre. Nam cum apud Indos nullæ literæ in vsu sint, nulla certa monumenta maiorum: apud nostros vero scriptores vix huius orbis vestigia extent, adeo vt quidam non solū homines, sed etiam terram hanc & cælum ipsum hoc de natura rerū abstulerint, certa & explorata de origine prima Indorū, & prima habitatione huius orbis qui se profiteatur allaturū, magnæ is demū temeritatis notetur necesse est. Cōmunit̃er autem & probabiliter ex ijs quæ supra disputata sunt, colligere possumus, ad hunc nouum orbem paulatim tempore procedente cōmeasse genus hominum, terrarū magis continuatione adiuuante, & nauigatio ne succedente gradatim, quam vno aliquo aut

apparatu classico, aut magno naufragio. Quamquam & vtrumuis horum partim contigisse non est absurdum. Cum enim sint infinitæ regiones, innumerabiles gentes, alias aliter inuentas & occupatas esse, recte existimare possumus. Sed vt dixi vicinitas aut continuatio regionum orbis terrarum, certissima ratio est originis atque habitationis Indorum. Qua etiam ex re magis adducor, vt putem hunc nouum orbem occidentalem non multis ab hinc annorum millibus habitatum, magisque ab hominibus syluestribus & palatibus, quam ab aliqua republica obitum, cum errore potius aut patriæ angustijs nouas sedes paulatim habitare cœpissent, atque his assueti nihil nisi naturalis lucis ductum, eumque obscuratum, ac patriæ fortassis gentilitiæ aliquas consuetudines retinerent. Neque incredibile est etiam si ex culta & bene morata republica profecti essent aliquando, tamen ipsa diuturnitate & desuetudine humana, pene omnia obliuione deleſſe, cum tales esse in ipsa Hispania & Italia hominum greges præter os & figuram hominis habentes præterea nihil, notius sit, quam vt testibus egeat. Ita effectum est, vt immensus quidam barbarismus euaderet.

Quid de origine sua Indi tradant.

CAP. XXV.

QUID autem de primis exordijs gentis suæ, ipsi Indi referant, non est alicuius pretij nosse

nosse, cum somnia potius sua, quam historiam
aliquam narrare videantur. Ac magni quidem
diluuij plurima in his regionibus mentio est &
fama celebris. Sed utrum commune illud totius
orbis, quod diuinæ literæ prædicant, an propriū
aliquod harum regionum & gētium haberi de-
beat, non satis conitat. Certè ingentis cuiusdam
exundationis non obscura monumenta à peri-
is notantur. Ego magis in eorum sententiam eo,
qui antiquissimi illius Noetici apud hos barba-
ros nulla vestigia esse confirmant, peculiare ali-
quod diluuium, quale Plato narrat, & Poetæ
Deucalionæum fabulantur, fuisse non dubitant.
igitur illo magno diluuiio haustos esse omnes
mortales isti consentiunt. Quidam ex magno la-
cu Inticaca emerfisse Viracocham quēdam, eun-
dem Tiaguanacum, vbi antiquorum & admira-
bilium ædificiorum ruinæ visuntur, sedem ha-
uisse, inde ad Cuzquensem regionem venisse
& propagasse genus humanum. Namque in eo-
dem lacu insulam ostendunt, vbi solem conditū
esse nugantur, eamque ob causam plurimo olim
anguine non ouium modo, sed etiam hominum
vitatum esse perspicuum est. Alij ex specu qua-
dam per fenestram sex aut nescio quot homines
prodixisse à sole videlicet factos, eosque generi
mortalium propagando operam dedisse, qua-
tiam ex re locum nomen acceptum retinere,
odieque Pacaritambo vocari. Itaque Tambos
antiquissimos esse hominum vulgaris sententia
est. Ex ijs Mangocapa ille, quem primum suæ gē-

tis autorē gens Ingarū agnoscit, ab hoc duæ fami-
liæ celebres Hanan Cuzquenſium, & Brincuz-
quenſium, Feruntur Reges Ingæ, cum cæteras
huius orbis gentes debellarent, eā belli cauſam
potiſſimā prætexere ſoliti, quòd oporteret om-
nes mortales ipſis ſubdi, à quorum genere & pa-
tria omnes propagati eſſent, & quibus etiam ve-
ra religio diuinitus innotuiſſet. Quid opus eſt cæ-
tera hic repetere, quæ veritatis inania, vanitatis
pleniffima ſunt. Illud viri eruditi ſcriptis manda-
runt, omnem iſtorū memoriā ad quadringentos
maxime annos porrigi, vltra id ætatis nihil aliud
quam denſas tenebras ignorationis occurrere.
Neq; mirandum eſt ſanè, cū literarū imperitia ve-
niam hitoriæ promereatur, pro quibus exacta i-
lla Quipocamaiorū ſupputatio admirationi ma-
gis eſſe debet, quòd ad id vſq; ætatis tenax ſit. M-
hi diu inquirenti, an apud hoſce barbaros noti-
tia aliqua extaret, vnde huc cōmigrarent primi
autores ipſorum, adeo nihil occurrit è re, vt po-
tius ſe ſe in hoc orbe natos & conditos ferè opi-
nentur, niſi Fide Catholica reuocentur, ex vno
genus mortalium omne fluxiſſe. Tenent vero cō-
iecturis non mediocribus nobiles autores, quan-
diutiſſime hiſce barbaris nullos fuiſſe Reges
nullam certam conſtitutam Rempubicam, ſed
promiſcuè turmatim habitari, vt modo Floridi
vt Braſilienſes vt Chiriguani, vt pleræq; gente
Indorū, qui nullos habent certos Reges ſed pro
vt belli paciſue fortuna tulerit, ſubito ac temerè
duces creant, atq; eos mores probant, quos libi-
do fu-

At. 17.


do furorq; persuaserit. Tempore vero procedente homines viribus & industria præstantes per tyrannidē cœpisse dominari, vt olim Nemrot, paulatimq; crescentes eam constituisse Remp. quam apud Peruenſes, & Mexicanos nostri inuenerūt, barbarā quoq; ipsā, sed à cætera barbarie Indorum plurimum abhorrentē. Quare genus hoc hominum syluestre ex barbaris, profugisq; hominibus maximè propagatum ratio ipsa persuadet.

DE NATURA NOVI ORBIS,

LIBER SECVNDVS.

De æquinoctialis natura differendum esse.

CAP. I.

 VONIAM maxima noui orbis pars sub media cœli regione posita est, quā veteres, torridam atq; inhabitabilem opinati sunt, non mediocriter refert ad naturam moresque Indicæ gentis cognoscendos, de naturali quoque eius regionis constitutione differere. Neque enim est eorum contemnenda sententia, qui rerum Indicarū peritiā ex æquinoctialis maximè asserūt cognitio ne pēdere. Nā quicquid in hoc nouo orbe ab altero diuersum est, æquinoctialis maxime ratione fit. Omnis vero regio duobus solstitialibus circulis

comprehensa ad mediam lineam, in qua sol ybi-
que gentium pares noctibus dies facit, tanquam
ad normam suam redigenda explorandaque est,
cuius sanè est tam mirabilis & inopinata varie-
tas, vt merito ingenia excitet ad causas ex vera
potius & comperta ratione, quam ex doctrina
veteris Philosophiæ perquirendas.

*Cur veteres philosophi regionem torridam esse inhabi-
tabilem pro certo duxerint.* CAP. II.

IGITVR vt à primordijs disputatio duca-
tur, terram incalescere solis accessu, recessu fri-
gescere cum inter omnes constat, tum vero hye-
mis atque æstatis, noctis ac diei variatione abū-
demonstratur. Quo magis etiam sol appropin-
quat, quò directius quoque radijs terram ferit,
eo vehementius vrere, in ipso die meridies, in an-
no æstas perspicuum faciunt. Hinc fieri conse-
quens necessario videtur, vt quanto regio quæ-
uis à solis conuersionibus remotior est, tanto
quoque frigidior sit. Itaque quæ ad Septentri-
ones iacent, terras esse rigidissimas experimur.
Tum ordine eodem, quæ Zodiaco viciniore
sunt, calidiores. Ita Æthiopia Arabiam atq; Afri-
cam, Africa Baticam, Batica Castellam & Ara-
goniam, atque hæ Cantabriam & Galliam calo-
ris copia certa prorsus ratione superant. Qua
etiam ratione seruata; ceteræ regiones, quæ solis
conuersionibus expositæ semper sunt, atq; illius
radijs rectius petuntur, reliquas superare æstus
feruore

feruore necessaria consecutione videntur. Ad-
dunt nonnulli ad solis radios etiam motionem
cœli intra Tropicos velocissimam, quæ prope
Polostardissima sit. Quamobrem & radijs sola-
ribus propinquisimis ac directissimis, & cœli
conuersione concitatissima regionem omnem
Zadiaco suppositam perpetuo ac vehementer
exuri. Hoc de calore & frigore & sensus, & ratio
videntur consentienter docere. De siccitate ve-
ro & humore quid? Eadem prorsus. Nam siccita-
tem solis accessus videtur inducere, humorem
recessus. Itaq; tempora ipsa cognata & amica ef-
feruntur, humida frigidis, calida siccis. Nox vt
frigidior die, ita etiam humidior; dies & calidior,
& siccior, hyems cum plurimum sol abest, & fri-
gidissima & pluuiosissima, æstas, cum ille propius
est, vt calida ita sicca vehementer. Etenim ig-
nis, quo magis quippiam coquit, eo fortius & ca-
refacit simul & siccatur. Huc ergo respiciēs Aristo-
teles, ceteriq; Philosophi, caloris & siccitatis ex-
cessum regioni mediæ attribuerunt, eamq; ardē-
tem atq; aridam supra modum literis tradiderūt,
& quod inde necessario fit, aquis & pabulis de-
stitutam, atq; adeo humanæ habitationi prorsus
incommodam.

*Quod regio Torrida humidissima sit contra veterum
opinionem. C A P. III.*

CVM autem omnia, quæ sumpta sunt, vera
ac certa ac perspicua esse videantur, illud
E 5 tamen

tamen quod inde conficitur, falsum est. Etenim
mediam regionem habitamus, & habitamus sane
per commode. Sed quia ex veris falsum effici ne-
quit, retrocedendum est nobis, & vestigijs repe-
titis, vbi nam à vero desleat oratio, diligenter
intuendum. Quo circa primum quid veritas ex-
perientia ipsa illustrata habeat, ostendemus: de-
inde tametsi arduū illud sit & per obscurum, cau-
sas quoque ex vera Philosophia conabimur red-
dere. Siccitatem ergo (hoc erat enim vltimum ex-
sumptis) eo maiorem effici cœlitus, quo terris sol
propinquior est, videbatur certum, & est profe-
cto per falsum. Nunquam enim copiosiores im-
bres in Zona torrida, quam eo anni tēpore, quo
sol vicinior est. Atq; est hoc sane mirabile, sed si-
ne exceptione verissimum, in vniuersa regione
Tropicis clausa eam anni partem esse serenissi-
mam, cum sol maxime inde abest, contra nullam
anni partem plus & nimborum & imbrium, &
niuium (vbi illę sunt) effundere, quam vbi sol pro-
pinquissimus est. Hoc tjs, qui nouum orbem nō
adierunt, incredibile fortassis appareat: ijs quoq;
qui adsunt, sed non attendunt, nouum accidet,
sed vtriq; experimento notissimo facile cedent.
Ab hac Peruenſi prouincia, quæ Antarcticum
Polum spectat, tunc remotissimus sol est, cū Eu-
ropæ propinquissimus, hoc est, Maio, Iunio, Iu-
lio, Augusto, in quibus, Tropico Cancrī vicinus
est, at per eosdem menses, mira cœli serenitas
apud nos, nulli imbres, nullæ niues, fluuij omnes
per tenues, multi etiam exarescunt. Mox vero
proce-

procedente anno, & sole huc ad Capricornij circulum commeante, incipiunt niues & pluuia, & fluuiorum magnæ accessiones, id est, ab ineunte Octobri vsque ad Decembrem. Tum vero copiosissimi imbres, & niuium copia, & fluuiorum uires, cum superne ac directo sol capita nostra ferit rediens ex Capricornio, cum sunt etiam estus grauisissimi nempe à Ianuario vsque ad medium Martium. Hoc nemo est qui perpetuum huic regioni ignoret. In ijs vero partibus, quæ ultra Aequinoctialem Polum Arcticum spectant contrarium omnino euenit, sed ratione prorsus eadem. Nam siue Panamam & eum omnem tractum consideres, siue nouam Hispaniam, siue Insulas illas Cubam, Hispanicam, Iamaicam, Sancti Ioannis, liquido inuenies, ab ineunte Nouembri vsque ad Aprilē sereniorē, & clementiorē cœlo uti, quod sol ad hunc Tropicum veniens ab ijs locis maxime se disiungat: contra terribiles nimbos, & imbres vberimos ibi fieri ab ineunte Iunio vsque ad totum Septembrem, quod solis radij per id temporis minus oblique & magis propinque feriant ea climata. Hoc idem obseruare licet in India Orientali, quantum ex literis inde allatis ego intelligere potui. Itaque quamuis peculiari aliqua ex causa alicubifecus fortasse contingat, tamen pro generali lege tenendum est id quod dixi. In media regione hoc est, torrida Zona siccitatem esse maiorem sole recedente, eodem appropinquante humoris copiam

copiam gigni, idque adeo vt pro ratione accessus ac recessus illius, vnaquæq; regio aut arêscat, aut imbris abundet.

Quod extra Tropicos humoris copia solis recessu maxime fiat, contra quàm in regione Torrida.

CAP. IIII.

EXtra Tropicos vero secus accidit, nam imbres, & frigora, æstus & siccitas coniuncta sunt. De Europa manifestum est, & de toto illo mundo. In hoc vero nouo non secus habet res. Chilensis tota prouincia testis est, quæ quoniã ultra Solstitium Capricornij posita fere gradibus cum Hispania paribus alta est, easdem etiam leges hyemis & æstatis patitur, hoc vno dempto, quod æstiuum & hyemale tempus contrarium habet, quippe cum Polum contrarium spectet. Itaq; copiosissimæ pluuiæ in illa prouincia sole quam plurimum recedente, simul cum frigore hyemem efficiunt, ex Aprili ineunte vsq; ad Septembrem, æstus autem & siccitas pariter sole illuc commeante redit. Prorsus vt in Europa. Quæ ex re fit, vt frugibus ingenijsque hominum Europæ regio illa Chilensis cæteris similior sit. Idem accidere tradunt in terræ portione, quæ ultra intimam Æthiopiam vsque ad celeberrimum Bonæ spei promontorium in formam cuspidis tenditur. Atque hanc esse verissimam Nili redundantis intempestiuæ causam, de quo tam multa inquisita, tã pauca à priscis inuenta sunt. Etenim

regio à mense Aprili, sole Arietem deferente, incipit, vt par est, hyemalibus imbribus fluere, cui partem ex niualibus partim ex pluuiialibus quis paludes illas implentes, ex quibus verissima Geographia Nili fontes deriuat, alueū ipsum paulatim turgesciūt, & longissimo tractu post enses aliquot Ægyptum æstiuo maxime tempore vt pote ad alterum Tropicum positam inopitatis fluminis incrementis fœcundant. Similes Nilus excursio annua est ingentis fluuij in America Paraguai dicti, cuius ex montanis imbribus tanta copia confluit, vt amplissimos cāpos inundet, cogatq; homines terrestri habitatione deserti in lintribus per id temporis degere.

Quod intra Tropicos imbres æstiu sint, & de ratione hyemis & æstatis. CAP. V.

Taque in duabus regionibus temperatis, ver calore & siccitate, hyems frigore & humore consentiunt. At intra Zonam torridam vtraque dissident. Nam æstū potius imbres, frigus (sic nim caloris moderationem voco) serenitas conueniunt. Qua ex re fit, vt cum in Europa hyematis tempus pluuijs simul & frigore definiatur, æstiuam contra calore & siccitate nostri homines hac regione disuncta illa videntes, hyemem magis ex pluuijs, ver ex serenitate nuncupent, in quo re vera falluntur. Nam ver dicunt esse in montanis Peruensibus ab Aprili vsque ad Septembrem, quò deo tempore aquæ non redundant,

78 DE NATURA NOVI ORBIS
dent, sed sit aeris mira serenitas, hyemem vero de
finiunt à Septembri vsq; ad Aprilem, quod ex eo
iam imbres cadant. Quare apud nos & apud Hi
panos eodem tempore hyemem atque æstatem
agi confirmant, atque adeo cum sol propin
quissimus directo capita ferit, tunc maximam
hyemem esse putant, quòd imbres vberrim
sint. Hoc verò ridiculum est, atque vulgare.
Vt enim dies, & nox accessu, & recessu so
lis secundum conuersionem primi mobilis de
finitur, ita etiam hyems, & æstas definiri ne
cessario debet accessu, & recessu secundum con
uersionem annuam solis ipsius propriam. Tunc
igitur re vera hyems est, cum maxime distat
sol, æstas verò, cum maxime appropinquat.
Calor autem, & frigus necessario solis acces
sum, & recessum consequuntur, humor vero, &
siccitas non necessario. Ex quibus liquido fit
contra vulgarem sententiam, hyemem apud nos
Americanos esse serenam, æstatem contra plu
uiosam, & non quod vulgus putat, hyemem qui
dem calidiorem, ver autem esse frigidius. Pari quo
que errore hyemem Montanam à Maritima in
hac prouincia Perueni disiungunt. Aiunt in hac
inferiori ac maritima ora hyemem esse cum esse
in montana ver, nempe per Aprilem, Maium, Iu
nium, Iulium, & Augustum, propterea quod
montana omnis illa regio per eos menses serenis
solibus illustratur, quo tēpore hæc maritima pla
ga magis perpetuisq; nebulis offuscatur. At qui
hyems, & ver ex solis propinquitate & distantia
definiunt.

definienda sunt, quæ cum eodem tempore in tota hac prouincia fiant, non est cur alibi hyemem libi ver esse arbitrentur. Sed de vocabulis certanum non est. Appellent, vt libet: æstiuæ & hyemæ tempora serenitate potius quàm calore deficiant, dum modo de rei veritate, quod diximus, constet.

Quod torrida aquis pabulisque abundet quicquid Aristoteles contradicat. CAP. VI.

Abundat ergo torrida regio humore, idque adeo vt largitate perennitateque, aquarum ceteras omnes facile vincat, excepto si qua in parte bulo arenisque; oneratur, aut solo nimium detracto vritur, quod in alijs quoque mundi plagis sequens est. Cœlestium quidem aquarum copiam satis ostendimus, imbres, niues, pruinas, quibus maxime hæc Peruana prouincia frequenter. De terrenis quales sunt putei, fontes, fluuij, torrentes, lacus, paludes, nihil hactenus dixi. Verum cum infernæ aquæ supernis æqua ferè ratione respondeant, facile est id quoque intelligere. Est autem aquarum scatentiæ multitudo, vt nusquam terrarum neque plures, neque latiores fluuij, nusquam tanta alustrium locorum molestia. Plurima huius Americæ eademque latissima loca præ nimia aquarum copia habitari nequeunt. Nam & flumina æstiuis imbris immensum excurrunt, atque omnia euertunt, & mosæ paludes infinitis spatijs firma vestigia excludunt. Quamobrem immensi illius, cuius supra

supra meminimus, Paraguay accolæ, cum iam
 fluuij annua incremēta præsentunt, longe late-
 que vagantem scaphis anteuertunt, ibi latem si-
 bi constituunt, & se suaq; per trimestre ferè tem-
 pus linitibus natando conseruant. Fluuio ad co-
 suetum alueum reuocato, & ipsi loca pristina se-
 misicca repetunt. Huius fluminis ea maiestas est,
 vt Nilus, & Ganges, & Euphrates simul coniun-
 cti longè inferiores sint. Quid flumen illud Mag-
 dalenæ, iure Magnum vocatum, inter S. Marthæ
 & Carthaginis portum in mare protumpens? cu-
 ius nos cum nauigaremus plus stadijs centum vi-
 ginti alto euecti, fluuiialium aquarum ab Ocea-
 no nondum victarum discrimen per stadia am-
 plius quam sexaginta cum summa admiratione
 notauimus. At cum de fluuijs mentio est, iure
 suo cæteros omnes silere, & cedere cogit ingen-
 ille Amazonum, ab alijs Maranonius dictus, ab
 alijs Orellana ab Orellana & Marañon Hispani
 hominibus inuentus, & nauigatus quem nescio
 melius ne fluuium an mare nominem. Fuit qui-
 dem ille & ex Peruensium montium imbris
 fluminibusque ad se vndique confluentibus per
 effusissimos Paytiti, & Terræ aureæ atque Ama-
 zonum campos in Oceanum tandem è regione
 fere Margaritæ & Trinitatis illabatur: sed tam la-
 te, præsertim festinans ad exitum spatiatur, vt in
 medio plurimas maximasque insulas relinquat,
 & quod incredibile apparet, in medio alueo ocu-
 li quocumque coniecti nihil aliud nisi flumen &
 cælum vident. Etiam montes excelsi ripæ impo-
 sit.

ti latere dicuntur, cuius ob admirabilem longitudinem, atq; amplitudinē, vt prorsus fluuium omnium Dominus haberi possit, hoc accedimus ex quodam nostræ Societatis fratre, qui olim grauib; illis naufragijs & tumultibus Petri Orsuæ, & peruersi Didaci Agitrij interfuit puer, & diuina clementia ereptus est, nobisq; seruatus. Talēs igitur fluuios habet torrida atque arida Zona, quā inopem aquarum & pabulorum Aristoteles atque omnis putauit antiquitas. Et uoniam ad indicium aquarum Maranonij mentionem feci, iuuat de lacu Intiticaca, falso vulgo Inticaca dicto, aliquid etiam promere, qui in suæterna prouincia Peruana Collao medius iacet. In hunc flumina plus decem eaque satis amplam confluunt, exitum habet vnum, eumque non valde latum, sed vt opinio est, profundissimum, quē neque ponte iungere profunditas & latitudo sinunt, neque tuto scaphis traijci rapidi infernē portices patiuntur. Traijcitur tamen, miro ingenio & Indorum proprio: ponte prorsus iuncea, soli aquæ commissio, nullis fulcris nixo, sed in modum suberis ponte supernatante, ac præ leuitate materiæ nunquam merso, est vero traiectione acillima & tutissima. Occupat lacus ipse circuitum bis mille quadringenta stadia: longus est ere nongenta, latus vbi maxime ducenta & viginti. Insulas habet olim habitatas & fertiles, nūc desertas, producit vberissime iunci genus, quod indigenæ Totoram vocant, cuius plurimus ipsi usus est. Nam & cibus est suis, iumentis, ipsi-

F

que

que hominibus periucundus, & domus, & focus
 & vestis, & nauigium, & omnia penè vitæ huma-
 næ subsidia vna Totora Vris præstat, hoc enim ac-
 colarū est nomen. Ij adeo se ab hominum cætero-
 rum consortio & opinione alienarunt, vt interro-
 gati aliquando, qui sint, serio responderint, se nō
 homines esse, sed Vros, quod genus ab humano
 diuersum esse sentirent. Vrorum reperti sunt po-
 puli integri in medio lacu habitantium scaphis
 quibusdam iunceis, quibus inequant, simul con-
 nexis, & ex vna aliqua rupe aut stipite religatis.
 Vnde interdum soluentes totus populus subito
 patriam mutat. Itaq; aliquando conquisitus po-
 pulus Vrorum hesternis sedibus commutatis ac
 ne vestigio quidem relicto, facile vestigantium
 studium curamque irrisit. Ex hoc lacu post leu-
 cas quinquaginta alius longe minor efficitur. Pa-
 rīa dictus, sed ipse quoq; tantus vt insulas plures
 reddat, huius vltra meatum nemo nouit. In ma-
 re Australe influere per occultos terræ cana-
 les multi iactant, atque argumento proferunt,
 fluuium quendam magnum in mare pene su-
 bito irrampentem, cuius fons nullus appareat,
 ego magis lacus aquas solis radijs exhalari pu-
 to. Verum huc esse digressum sit satis, cum
 abunde his documentis constare possit, falso re-
 gionem hanc mediam de aquarum penu-
 ria damnatam, cum & de cælo & de
 terra præ cæteris huius
 cetur.

Redditur causa, cur intra Tropicos solis presentia humorem efficiat, extra Tropicos siccitatem.

CAP. VII.

CAusa autem, cur æquinoctialis contra veterum sententiam humidissima sit, diu mihi atq; acriter cogitanti, nulla alia certior occurrit, nisi quod vis ipsa solis maxima, & amplissimè circumfuso Oceano plurimam vaporum copiam exugat, eandemq; citissime liquefactam vertat in pluuias. Nam quòd præpotentis ardoris causa imbres proueniant in regione torrida, multa, & perspicua documenta sunt. In primis est illud, quod satis supra commemorauimus, quòd eo anni tempore, quo sol superne maxime ac directissime incumbit, imbres fiant: cum vero longius recesserit fieri desinant. Solis igitur vis valida pluuias ciet. Deinde obseruatum est in hac America, ab ipso meridie, cum radij solis potentissimi sunt, imbres solere cadere, mane vero toto nihil ferè nobis ab imbribus timemus. Quamobrem iter cum facimus, diuersorio egredi maturè festinamus, & ad medium diè tuti iter carpinus. Hoc norunt Peruenenses omnes. Quid quod viri sapientes deprehendisse se perhibent in his regionibus post summam lunæ incrementa pluerè maximè solere: quod nos quoq; etià experti sumus. Itaq; & annus, & mensis, & dies hoc idem attestari videntur, intra Tropicos summa caloris vi imbres generari. Propterea in artificijs quoque, ubi ex herbis aquæ in medicinæ vsum stillantur, idem accidero.

cernimus, ignis namque vehemens & exæstiuans plurimam humoris eiusmodi copiam sursum effert, eandemque calore ipso circunclusam exundantem in aquam vertit. Idem vbi argenti viui admirabili potentia aurum aut argentum purissimum redditur. Nam si debilis ignis sit, nihil fere exudat, si validus, plurimum eliquatur, & in fumum quidem materia illa primum resoluitur, deinde in priorem argenti viui liquorem vertitur, ac superne defluit. Igitur vis ipsa ignei caloris, cum materiam est nacta idoneam, simul rapit sursum, simul vbi quippiam obstat, ne extractum vaporem absumat, statim liquat in pluuiam. Iam vero quod in regione torrida sol caloris copia generet pluuias, quas extra regionem torridam solis potius absentia & caloris inopia facit, & si videtur prima fronte contrarium sed re vera non est. Plurimi naturales effectus à causis contrarijs proficiscuntur modo diuerso. Humentem vestem equè exiccat, & ventus frigidus & calidus ignis, lateres & frigore concrescunt & sole. Somnum mediocris exercitatio prouocat. Si vel nulla, sit vel prorsus immoderata dissoluit. Ignis si nulla materia adiiciatur extinguitur, si nimia, etiam extinguitur: si moderata alitur & augetur. Quæ oculis admoemus, vel nimis propinqua, vel nimis remota non cernimus, mediocria interualla visum reddunt. Solis radius debilis nebulas non ciet ex fluuijs, si maximus sit etiã factas dissoluit. Itaq; mediocris & attollit, & seruat, quare nec nocte neq; meridie nebulę surgūt, sed

sed plerumq; sole aliquanto largius incumbente. Ad hunc sanè modum plurima exempla natura offert, vt intelligamus aliquid fieri, vel non fieri causis sæpe contrarijs. Quominus mirari debemus, si pluuias solis magnas absentia faciat, & nimis quoque propinqua præsentia : easdem moderata potius dissipet. Sed auaritia discendi bullat adhuc, quid sit, quod extra torridam solis maxima absentia afferat pluuias, intra Torridam eiusdem cōtra propinquitatem maxima. Quantum quidem assequor, illud est in causa, quod per hyemem in regionibus extra Tropicos positis non habet eas vires solis calor, vt leuatos è terra vapores absumere possit, ita necessario in aërea regione coeunt magna copia, & frigore ipso concreescunt, densatiquè paulatim vertuntur in pluuias. Nam & sol longe abest, & dies breuiores sunt, noctes productiores. Sole vero appropinquante tanta est caloris copia, vt simul attollat, & dissipet, & resoluat humores, cum præsertim ad solis propinquitatem accedat dierum longitudo. At vero intra Tropicos, hoc est, in Torrida Zona solis quidem absentia tanta est, vt præsentiam aliarum regionum æquet. Vnde etiam tunc eadem ratione siccitas accidit. Maxime vero ac directissime incumbente sole, ideo non magna siccitas, vt videbatur consequens, sed magni & fere repentini imbres fiunt, quia immoderata illa sua vi subito copiam plurimam humoris è terra & Oceano trahit, quæ cum nō dispergitur dissipaturque vento, facillime coalescit, ac veluti

immaturas pluias facit. Nam vis magna caloris humoris copiam subito attrahere potest, eadem cum multa est, subito resolvere non potest. Ita que fit vt attracta præ multitudine ipsa concrescat in pluuiam. Quod sane subdito exemplo intelligi potest. Etenim cum suilla, aut vituline, aut alioqui pingues carnes subiecto igne torrentur: si ignis quidem exiguus sit, stillant, eo quod calor humorem attrahere potest, sed absumere non potest præ inopia. Quod si ignis contra maximus & propinquissimus sit stillant nihilominus, sed ratione contraria, quia vis ipsa immo dica caloris tantâ subito humoris copiam excitat, vt simul liquata prorumpat. At vero si ignis moderatus subijciatur, & interuallo idoneo distet, videmus sanè elixari carnes, & vix quicquam defluere humoris. Quare coquorum ars præcipit ignem, neque nimium, neque perexiguum sed mediocre supponi, eumque maximè vno tenore perseverantem, ita enim & humor paulatim extrahitur, & absimitur. In cereis quoque; lucernis idem est cernere. Si enim flamma maxima sit, ceram prorsus liquefacit, quia excitare liquorem potest, absumere non potest. Flamma vero pro ratione materię attemperata, nihil ceræ defluit, quia quantum liquatur ardore, tantundem absumi potest.

Patet igitur, cur in æquinoctiali caloris nimia vis humorem faciat, quem aliàs caloris potius inopia facere solet.

Quatenus, quæ de Torrida dicta sunt, accipienda sunt.

CAP. VIII.

Quemadmodum autem in plerisque; physicis
causis non exigitur perpetuus, & mathe-
maticus ille tenor, sed quod frequens est, legem
doctrinæ ponit, ita cum inter Tropicos regionē
esse humidiores dicimus, & tunc præcipue fieri
imbres, cum sol maximè propinquat, intelligen-
dum est plurima ex parte, & quod observari cer-
tius potest. Neque; protinus negare debemus, quod
natura voluit exceptum, partes quasdam esse ve-
hementer aridas in regione media. Nam & in
Ethiopia esse accepimus, & in hac Peruana pro-
vincia iam pridem intuemur, ubi uniuersa mari-
tima ora Australis pluuiarum beneficio prorsus
constituta est, atque; exceptis nonnullis vallibus, quæ
fluuiorum ex montanis aquis manantium irri-
gatio gaudent, cetera immensos arenarum cumu-
los, & sterile solum occupant, ubi fontes perrari
exiguique; sunt, putei aut nulli, aut altissimi. Cur
autem nunquam hic pluuiæ fiant, quod multi iu-
re mirantur, dicam postea, quoad liceat. Illud mo-
do teneamus naturalium legum exceptiones non
nunquam necessario induci. Quo etiam exēplo
alicubi accidere fortassis poterit, ut intra Tropi-
cos sole potius distāte pluuiæ fieri soleāt, aut etiā
propinquante nullæ fiant. Quod sane si perpe-
tuum est, terræ ipsius atque subiectæ materiæ
qualitati peculiari ascribendum est: sin autem
interdum sic, interdum secus eueniat, facile

est intelligere naturales causas alijs contra obiectis sæpe impediri. Quamvis enim sol pluitas cieat, ventus tamen potest obistere, quod crebro videmus, & copiosiores etiam præter more potest ventus inducere. Sunt variæ & origines ventorum & vires, quæ sæpe annum & statum ordinem interturbant. Quod cum ubique terrarum certum sit, incertos inde fieri anni cursus propter variantem sæpe signiferi stellarumq; errantium situm atque conspectum, nemo iure culpare nos poterit, si in nostris de æquinoctiali habitudine observationibus, similem quoque rationem excusemus. Illud certe quod dixi, multo frequentissimum est atque certissimum, intra Tropicos, & regionem esse humidiorē & humoris tunc maximam copiam esse, cum sol vicinissimus est.

Quod Torrida regio non sit vehementer calida sed mediocriter calida. CAP. IX.

DE siccitate & humore regionis mediæ diximus hactenus. De calore & frigore dicendum deinceps est. Siccam & calidam definitam esse ab antiquis initio huius disputationis commemorauimus, atque utrumque extremo quodā gradu. Est vero æquinoctialis humida quidem & calida, calorem autem maxima ex parte habet attemperatum, quod incredibile haberetur nisi essemus experti. Equidem ex philosophica illa ratione, cum ad Indos traicerem, mihi persuadebam

na debam futurum, vt cum ad lineam æquinoctialem perueniffem, vehemētiffimum æftum ferre non poſſem, adeo id ſecus euenit, vt eo ipſo tempore, ita frigerem, vt ſolis radios apricandi cauſa quærerem, atq; hoc cum ſol mediam ipſam lineam teneret, id eſt, in Ariete verſaretur menſe Martio. Hic ego fateor totam Ariſtotelis Philoſophiam, Meteorologicam vehementer irriſi, cū & loco & tempore ſententia illius ardentiffimo, mirificè me ſociosque omnes algere ſentirè. Reſita habet prorsus. Nulla eſt mundi regio temperatior, nulla ſuanior atque clementior æquinoctiali. Habet tamen ipſa etiam differentias ſuas, neque vbique eſt tenoris eiufdem. Alicubi regio hæc media mirè téperata eſt, vt apud nos: alicubi mire frigida, vt apud Potofienſes, alicubi etiam vehementer feruida, vt apud Æthiopes, & Braſilienſes, & Maluchianos. Quæ ſane obſeruatione cogit nos aliam præter ſolares radios caloris & frigoris cauſam quærere, cum perſpicuum ſit eodem anni tempore, iſdem longitudinis gradibus loca alia exuri, alia mediocriter incaleſcere, alia vix dum frigus exuere. Plato quidem Atlantidem illam ſuam tantopere à Critia decantatam ultra Tropicum porrectam refert, quippe quam certo anni tempore ſub ſole eſſe ſcribat. Illam tamen, & felicem, & temperatam, & omnium rerū feracem prædicat. Plinius quoque Taprobanem ſub æquinoctiali poſitam, vt eſt vere, commemorat, quam tamen non diuitem ſolum, & opulentam, verum etiam hominibus animantibusque

refertam scribit. Ex quibus apparet, tametsi vulgari illa opinione, de intolerando torrida Zona aestu veteres tenerentur, tamen aut à se ipsis aliquando dissentisse, aut habitationi hominum eam regionem non esse incommodam potuisse facile apprehendere. Ea res clarissimo Cosmographo Ptolomæo, atq; insigni Philosopho, & Medico egregio Auicena aliquo certè modo venit in mentem, qui sub Aequatore habitationem esse placidissimam tradiderunt.

Regionis Torrida aestum temperari tum multitudine imbrium, tum aestiuorum dierum breuitate.

C A P. X.

RE MITA habere nemo iam dubitat post nouum orbem inuentum : sed natura comparatum est, vt quanto quippiam incredibilius ac præter hominum opinionem experientia patefacit, tanto causas perquirendi ardentior cupiditas excitetur. Itaque scire auemus, cur, quæ solem propius incumbentem regionis patitur, ea non solum sæpe temperata, verum interdum etiam frigida sit. Communiter Zona torridæ habitudo causas habet duas, ob quas aestus illius vehementissimus mitigatur. Prior est illa, quam diximus quod eadem pluuiosa admodum sit, imber autem omnis refrigerat, quippe cum aquæ natura frigida sit, quæ quamuis accendatur extrinsecus vi ignea incalescat, tamen eadem remittit sine dubio immensum illum ardorem

quæ

qui ex puris radijs solaribus efficeretur. Documento est regio omnis arida, vt Arabia interior, quæ eadem ardentissimo sole torretur, quòd nullis imbris vis illa ignea remittatur. Et nubes ergo vrentis solis furorem intercipiunt, & ex illis instillatæ imbres aërem ipsum terramque simul madefaciunt atque refrigerant. Quantūvis enim calidi fluant, bibuntur tamen, & sitim ardoremque restinguunt, quod nostri homines experti per sæpe sunt in graui aquæ penuria. Itaque & ratio, & experientia sibi satis congruunt, vt sedandi caloris efficax pluuia sit. Et quoniam horridam ostendimus omnium esse pluuiosissimam, sit profecto, vt inde non leuem temperandi caloris causam opinemur. Iam alteram rationem subijcio, atque eam eiusmodi, vt cum ad hanc, quam modo tractamus quaestionem tum ad alias complures nobis non mediocriter vsui futura sit. Breuissime ergo, vt dicam, æquinoctialis soles patitur ardentiores quidem, sed tamen omnino breuiiores. Ex quo fit, vt cum diurni caloris spatia minora sint, non ita vehementer inflament. Verum explicanda, & latius producenda sententia est. Tradunt sphaeræ tractatores prorsus verè, quando est obliquior Zodiaci ascensus, tanto dies noctesque magis inæquales exire: contra, sphaeræ rectæ tempora esse æqualia. Itaque tota Tropici clausa regio minoris diei ac noctis dissimilitudines patitur, tantoque id certius, quanto æquatori vicinior

vicinior est. Hoc nos hic abunde experimur. N
 Quitoenses linea proximi nullum dierum noctium
 que toto anno discrimen agnoscunt. Limes
 duodecimo pene gradu positi notant quidem
 dies longiores per Decembrem, atq; Ianuariu
 sed vnius horæ vix spatio excessus omnis absol
 nitur. Porro Cuzquenses multoque magis Pot
 sienses perspicuè hyemalium, & æstiuorum die
 rum longitudinem breuitatemque discernun
 Qui vero extra Tropicos positi sunt, & maius &
 manifestius interuallum dierum notant, & qu
 plus à meridionali ad cœli cardines absunt, e
 productioribus per æstatem diebus fruuntur
 Quamobrem Germania & Anglia longiores die
 quam Italia, & Hispania æstiuos habent. Ha
 cum & rudimenta spheræ tradant & res ipsa ob
 seruante facillimè deprehensa cõfirmet, iam il
 lud æque perspicuum addendum est, plurimu
 ad effecta omnia naturalia pollere causæ effici
 tis perseverantiam. Cum ergo regio æquinoctia
 lis æstiuos dies habeat breuiores quacumq; ali
 cumq; nox ipsa suapte natura, & humida, & fr
 gida sit, eademque diei æqualis, si quæratu
 me, cur sub torrida Zona non tanti æstus fian
 quantos Batica, exempli gratia, per Sextilem, &
 Quintilem tolerat, equidem breuiter & probab
 liter responsurus sum, quod Batica soles habet
 eo tempore longiores, noctes breuiores: nost
 autem Peruenfis regio contra ipsa æstate medi
 & dies Baticis breuiores, & noctes noctibus lo
 giores, vsque adeo vt maxima dies vix tredecim
 hor.

oras plenas habeat apud nos, apud illos etiam
 integras quindecim. Et si ergo ad æstum, nos so-
 lis vicinitate præstamus, tamen nos illis solis diu-
 rnitate longe superant. Ac certe mediocris ali-
 quis ignis amplius vrit, si longo tempore perse-
 eret, quam alius maior breuius admotus, præfer-
 im si frigida, & contraria vi diutius interpole-
 ar. Has igitur duas obseruationes verissimas si-
 quis æqua lance compenset, hoc est regionis tor-
 idæ pluuiositatem, & æstiuorum dierum breui-
 tatem, fortassis existimabit, rectitudini, & pro-
 inquitati solarium radiorum in ratione caloris
 endi, sed andiq; non magnopere cedere.

*alias quoq; esse peculiare causas temperanda torrida,
 atque in ijs Oceani propinquitatem.*

CAP. XI.

Quoniam verò ea, quæ dixi ad regionem me-
 diam temperadam communia sunt, neq;
 tamen omnis ea plaga solstitialibus circulis com-
 rehensa æquè temperata est, sed quibusdam in-
 locis vehementissimè exæstuat, quibusdam etiã
 riget, & quod mirari possis, idem prorsus clima
 ubi calidū, alibi frigidū, alibi temperatū est, id-
 eque vno, eodemque tempore, omnino compelli-
 tur præter allatas communiter alias quasdam
 peculiare causas quærere, cur Zona torrida tor-
 idæ similitudines capiat. Occurrunt autem accuratè
 cogitanti tres notæ, & quarta quædam alia
 nota, Notas numero Oceanum, terræ situm, vē-
 torum

torum vim, præter has latere suspicor occultam aliquam terræ subiectæ qualitatem & cœli superne dominantis efficaciam. Nam qui contemplatus fuerit sub torrida Zona non solum Manometapam, & pretiosi Ioannis regna sole exuri, & atricoloris esse indigenas omnes, verum etiam in Insulis vndique mari circumlitis idem prorsus accidere, qualis est insula Sancti Thomæ in media linea, & Insulæ Cabo verde : contra sub eadem linea & insulas, & continentem huius regni Peruenfis à Granatensi, & Popaiana prouincia vsque ad hanc Limensem adeo esse temperatas, vt interdum frigidiores sint, homines autem prorsus albi nascantur : tum vero Brasiliensem omnem prouinciam Oceano Boreali expositam esse calidissimam, hanc nostram Peruensem eodem penitus climate Oceano australi incumbentem esse temperatissimam, atq; huius generis mirabiles differentias mille perspexerit, non poterit is profecto generalibus illis documentis esse contentus, sed vltra inuestiget, necesse est, vt sibi in tanta diuersitate satisfaciat. Maris igitur natura quamuis falsa sit, eadem tamen frigida est, neque altius causam petere oportet, quam ex ipsius aquæ natiua qualitate, quæ sine dubio frigida est. Radij quoque solares ex aqua quod & fluit & facilius est, minus vehementer quam ex terræ materia reperiuntur, quod actus vel contentionem, vel remissionem plurimum refert. Accedit ad hoc quod Oceani immensa altitudo prohibet aquam feruore soli affic

affici, vt fluuiales aquæ ferè solent. Atq; omnino sicut nitro-quod salsum est, aqua frigescit, ita marinam aquam refrigerandi vim continere experimur. Quamobrem solent etiam delicati, vini aut aquæ potabilis scyphos marinæ aquæ frigefaciendos committere. Quibus ex omnibus perspicuum sit Oceani ad sedandum æstum refrigerandumq; vim esse per magnam. Itaq; magis in terra quam in mari æstuamus, si cætera paria sint, & regiones omnes maritimæ Mediterraneis temperatiores suauioresq; habentur. Quoniam autem maxima noui orbis portio quamuis sub torrida Zona iaceat, tamen vel Oceano propinqua est, vel etiam alluitur, aquarum beneficio temperari non absurde existimari potest.

Terras quo altiores, eo frigidiores esse, & qua sit huius causa. CAP. XII.

AT in ipsa etiam terra, vel æquè mari propinqua, vel æquè etiam remota, non est eadem mensura caloris, sed prorsus dispar. Cur ergo ita accidere arbitremur, nisi quod diuersum situm tenet, & aut depressior est & calori excipiendo aptior, aut elatior & frigoribus potius patet. Quis enim ignorat montium culmina vallibus concauis esse frigidiora? non ob id solû, quòd radij solares cõcauis locis amplius repercussimius incédiû ciant. Verû etiâ quod ipsa æris regio sine dubio eo frigidior sit quo altius à terra tollitur. Hoc ita esse ostêdunt campestria prouinciæ Colla

Colla, & Popaianensia, quæ sunt sane per frigida, & tamen & montibus vndiq; cinguntur, & latissimum solem excipiunt. Cur ergo campestria maritima in hac Perueni regione calidiora sint, contra campestria illa montana adeo frigida, si quisquam causam exquirat, prorsus nescio quam aliam inuenturus sit, nisi quod montana illa valde edita sunt, hæc infimè depressa. Aerem autem in media sua regione esse gelidissimum tum quæ eo pertingunt celsissima montium culmina ostendunt, quæ perpetuis niuibus, & gelurigent, tum vero ratio ipsa naturalis quod per antiparistasim ex regionis igneæ motione & calore ad medium frigus omne diffugiat. Ita fere à Philosophis infima, & suprema portio aeris calidior, media frigidior diffiniri solet. Quæ si vera sunt, vt esse sane videntur, habemus adiuumentum non exiguum ad temperandam regionem torridam, montana illa atque edita terræ fastigia, quæ in his locis frequentissima sunt, quæ sanè, & natura sua frigida sunt, & reliqua circumuicina magnopere frigefaciunt. Hic niues perpetuæ, aquæ gelu maximo concretæ, pruina crebra, alboris denique tanta vis, vt ex niuali illo horrore campos latè cernamus exustos, herbarumque omnem decoctam, ipsi homines atque equi præ frigore sæpe corruant. Atque hoc, vt dixi, in media torrida regione accidit, & accidit maximè sole propinquissime incedente. Cur autem frigidiora sint montana campestribus dixi atque iterum repeto, quod aeris regio media ad quam

potissi-

potissimum pertinent, frigidissima sit. Cur illa
 sic habeat, dixi supremum aeris orbem igneæ ex
 halationi vicinum, vt Aristoteles vult, quicquid *Aristo. lib.*
 est frigoris à se depellere, atque ad medium per *Meteorol.*
 Antiparistatim ferri. Hic si pergat aliquis quæ- *ca. 4.*
 rere, cum aër calidus atque humidus sit suapte
 natura, vnde nam frigus illud ipsius media regio
 concipit? nusquam enim apparet, nisi & aër ca-
 lidus & igni proximus, itaque infimam aëris re-
 gionem aquæ & terræ contiguam, magis frigidā
 esse oportebat. Equidem non mediocriter hære-
 re me fateor, parumque abest, vt in eorum sen-
 tentiam eam, qui Aristotelis istas symbolas ac
 dissymbolas qualitates contemnunt, magisque
 arte depictas quam vlla experientia allatas aiūt.
 Itaque aërem frigidum natura sua contendunt,
 idque multis, & magnis experimentis probant.
 Nam vt alia prætermittam, certè in æstatis maxi-
 ma visolemus aërem flabello ciere, atque ita re
 frigeramur. Nulli ergo elemento qualitatem ca-
 lidam natiuam esse volunt præter ignem, cuius *Dionys. ca.*
 commixtione plena sunt omnia, vt ait magnus *15. de cœ-*
 Dionysius. Sed siue hoc ita sit siue non sit, (neq; *les. Hierar.*
 enim facile nisi in re certa Aristotelicæ autorita-
 ti resisto) illud omnes consentiunt, & est experi-
 mento ipso abunde compertum, aëris regionem
 hac ima celsiorem esse perfrigidā, vnde & niues
 & grandines, & pruinas, & cætera omnia magni
 frigoris argumenta depromimus. Igitur cum
 longè maxima Torridæ portio inde Oceano in-
 genti, hinc præcellis montibus cincta sit, satis

æ duæ causæ ad solis ardorem temperandum fortasse videri queant.

Ventorum maxime beneficio regionem Torridam temperari. CAP. XIII.

VERUM Torridæ regionis temperatio præcipuo ac propemodum singulari auræ lenissimæ beneficio accepta referenda est, ita summus Conditor huic tam magnæ orbis portioni cõsuluit, vt vbi esset solis omnia subiecta vastantis potentissimus ardor, ibi plerunque spirarent venti frigidiore, quorum suauitate grauior æstus iniuriæ depelleretur. Videri certe poterāt aliquid iisdixisse, qui paradysum Edæ sub æquinoctiali collocarunt, nisi eos causa defecisset, qui propterea hanc regionem temperatissimam esse voluerūt, quod dierni, & nocturni æqualitas minime pateretur calorem esse immoderatum. At probabilius alij contradixerunt, poëtaq; in primis,

*Verg. in
Geor.*

Quod Zona corusco

Semper sole rubet, & torrida semper ab igne.

Neq; enim noctis tanta frigiditas est, vt immensæ diei æstus vsque adeo moderaretur. Igitur aura perpetuo spirantis proprio ac peculiari beneficio fit, vt Zona veteribus torrida nobis ver quodammodo perpetuum sit. Hoc ita habere, certissima documenta demonstrant. Namque in eodem climate videmus vrbes ac regiones alias alijs calidiores, quod minore venti refrigerantis copia potiantur, quædam etiam, vbi ventus

fla-

flat nullus, aut terrenus certe est, & æstuosus, vulturno Hispanico similis, vsque adeo exuriscimus, vt accensas fornaces putes. Tales in magna Aethiopia, in Brasilia, in Paytiti, & Paraguaij campis esse notissimum est. Neque terræ solum, sed maria ipsa idem discrimen subeunt. Sunt maria æstu graua, quale Mozambiquense perhibent, quale Ormuzianum, apud Orientales, Panamaense, & Brasiliense, apud Occidentales, quibus sane respondent eodem situ maria alia mire temperata, vt hoc nostram Peruenſe, in quo nos algere, cum primum nauigaremus, meminimus, idque eo tempore, quo sol rectissime incumbibat, idest, prope æquinoctialem mense Martio. Nihil hic aliud cogitare possumus, vbi & cœlum & pontus eodem modo respondent, nisi venti spirantis naturam, quæ vel refrigerat, vel inflamat. Atque vna hac de venti ratione demonstratione comprehensa multa soluuntur, quæ in hisce regionibus solent non immerito mirabilia censerî. Cur cum sol ardentissimus sit apud nos ac longe immitius feriat, quam canicularis Hispaniæ, idem tamen leuissimo vmbraculo pellitur, adeo vt sub storia aut stramento tutiores simus quàm in nostra Hispania sub testudine lateritia? Cur apud nos noctes æstiuæ nequaquam calidæ sunt? Cur in ipsis montium iugis inter medios niuiû aggeres sæpe intolerabiles æstus patiamur? Cur in prouincia Collao sub vmbra etiam debili frigus sit, in sole statim proximo intolerabilis

ardor? Cur hæc Peruenſis regio maritima, cum ſit tota arenola & ſabulo plena, eadem mire temperata ſit? Cur Potoſienſis & Platenſis vrbeſcū interuallo perbreui diſtent, atq; vtraq; mōtana ſit & in eodē climate poſita, vſq; adeò frigore & calore pugnent, vt Platēſis ſuauiſſima ac tēperatiſſima frugiq; admodū, Potoſienſis cōtra proruſus ſqualida, præfrigida, frugum omnium ſterilis ſit. Ergo has omnes varietates venti maximè natura facit. Nam vbi auræ lenioris copia ſubtrahitur. Solis ardor eſt tātus, vt inter medias niues vrat, vbi redditur, facile omnis æſtus excedit, vbi autem familiaris eſt & veluti inquilinus ventus hic frigidus, non ſinit vllō modo terrenos hali- tus velut ex materia combuſta cogi, quæ vna cauſa in Europa facit noctes æſtiuas iſtis diebus pene grauioreſ, quod ſolis vi terra exuſta ſtatuſ reddat craſſoſ & fumidoſ ac tanquam ex fornace prodeunteſ. Hic vero illa aura refrigeranſ, cū primum ſolis radioſ quauis vmbra vitamus, reddit diem ſuauem. At in Europa ſanè ſuauiſſimū tempuſ per æſtatem eſt matutinum, grauiſſimū pomeridianum: in regione hac contra fere euenit. Nam quia marinuſ ventuſ non niſi ſole iam incādeſcente ſpirare ſolet, præcipuū æſtuſ ſummo mane ſentitur vſque ad horam nonam aut decimam: exinde mari aſpirante dieſ reliquuſ ſuaui- ter tranſigitur. Quod in Inſulis Barlouenti cum verſaremur, ſatiſ obſeruabamuſ, cum interdum matutino tempore ſudaremur, meridiano refrigeraremur, quo tempore familiaris illiſ re-

gioni-

gionibus Euro aquilo à nostris Brissa dictus, copiosius spirare incipit.

Sub regione media suauissime vitam degi.

CAP. XIII.

HOC igitur argumento qui sub Æquino-
ctiali Paradisum collocant, si adducerēt,
credibile aliquid afferrent, non quod in hac me-
dia regione hortus ille voluptatis iaceat, neque
enim id pro certo nisi temere affirmare possumus,
sed regio hæc, vbi temperies est maxima,
tanquam voluptatis hortus atque altera tempe-
merito haberi possit. Nihil est enim humanæ vi-
tæ molestius aëris cœlique inclementia, nihil il-
lius benignitate iucundius. Ex omnibus elemen-
tis nullum neque sapius neque interius accipi-
mus aëre, hic & continens est humani corporis,
& viscera ipsa atque intimum cor quouis mo-
mento inuadit, & pro sui qualitate afficit. Si cor-
ruptus sit, facillime perimit: sin salubris, vires
confirmat: denique hic vnus vita mortalium est.
Itaque quantacumque copia sit rerum omnium,
vbi cœlum est insalubre atque insuaue, humana
vita misera & afflicta sit, necesse est. Contra cœ-
li clementia aërisq; suauitas omnium rerum inopē
abunde locupletat & beat. Mihi in hanc tanquā
veris perpetui benignitatem intuēti, cum neque
nyems premat frigore, neque æstas caloribus co-
quat, adeo vt paruo cespite iniuriæ omnes satis
propullentur, vestiumque vicissitudine vix opus

vin. li. 13.

de Ciuit.

cap. 21.

fit profectò sæpe venit in mentem, si homines cupiditatis prauarumq; opinionum vinculis expedirentur, facile hic iucundam ac beatam vitam fuisse victuros. Nam quod poetæ de Elysijs, quod de Tempe, quod Plato de sua illa Atlantide, vel fingit, vel narrat, id certe in his regionibus reperi tur fuissent, si ingenua libertate dominari potius, quàm seruire pecuniæ decreuissent.

De varietate ventorum & causis. CAP. XV.

*Psal. 134.
Ioan. 3.*

VNde in vento ea tanta vis sit ad refrigerandum, vt solis vehementissimis flammis non cedat, sæpe adeo sit superior, vt in media regione Torrida Scythicum frigus efficiat, alij naturæ valentiores indagatores facilius fortassis inuenient. Ego in hac admirabili ventorum & origine & efficacia illud cogitare sæpè soleo. Qui profert ventos de thesauris suis. Et illud, Vocé eius audis, & nescis vnde venit, aut quo vadit, ita prorsus est, vt veritas dixit, effecta sentimus, primordia, finesq; nescimus. Et quanquam apud Aeolum sub specu ventos cohiberi non opinamur: tamen in præpotenti illa efficientia, qua naturam à se conditam latè moderatur & regit, non dubitamus veluti quosdam thesauros delitescere, origineque ventorum, vnde varietate mirabili prodeunt, alij frigididi, alij calidi, alij nimbofi, sereni alij, salubres, & morbididi, steriles & fœcundi. Quidam etiã qui busdam regionibus dominantur, neq; riualè patiuntur, quidam & contrarios ferunt, & cedunt, aut vincunt vicissim, interdū quod hic sæpe vidimus

dimus, regiones ita partiuntur, vt alius infernā, supernam alius simul perflect, neq; inter se se cōcurrent. Ac multa quidem cum alij, tum maxime Aristoteles cōmentatur de natura virib; ven-
torum, sed nescio, an quę occulta sint, dicēdo ob-
scuriora fecerint. Ego vero libenter quæram ex
illis, Cur in tota hac maritima ora per longissi-
ma spatia vnus tantum ventus aspiret? Cur idem
Auster qui apud nos suauissimus est, trāsita æqui
noctiali prorsus grauis & caliginosus sit? Cur
Aquila nubes congreget, & in pluuias exprimat
in his locis, idemq; vernoſus habeatur, qui alias
semper & frigidus & nubium dissipator est. Cur
Insulæ, quas Barlouenti appellāt, perpetuis Aqu
lonibus refrigerentur, & tamen pluuias habent
copiosas, & vix vllus illic Austro aut Africo adi-
tus patet? Cur Brasiliensis regio ante promonto-
rium. S. Augustini perpetuos terrenos ventos ob-
tineat, hæc nostra Peruenſis sub eodem climate
perpetuos contrā marinos? Hæc atq; huius gene-
ris multa difficile est etiam viris valde rerum phy-
sicarum peritis ad perfectum pro dignitate disse-
rere. Ne nihil tamen studijs hominum demus, il-
lud est promptum cernere ex locis editis atq; su-
blimibus, vt pote niualibus ac pruinosis & à sole
minus affectis, vētos gigni frigidos & subtiles: cō-
trā è vallibus & torrētibus, locisq; palustrib; craf-
sos, & inflāmatos, si abūdet calor. Ad hoc accedit
non minus certum, è mari flatum spirare solere
suauiorē & salubriorem; è terra asperiorē minus-
que salubrē, quod marini vapores sine dubio sub

tiliores minusque concreti sint, ipsaque faldedo non permittat tantum sterilitatis dominari, vt sterilelcat, itaque & fuauiozem & fœcundiozem & omnino falubziozem eflle auram è mari fpirantem perfpicuum efl Cum ergo Torrida hæc regio montibus altiffimis plena fit, cum Oceano quoque maxima ex parte ambiatur, confequens efl ventos gigni, & frigidos, & fubtiles, & animantium generationi prorfus idoneos. Vnde fœcundiffima in his eflle regionibus animalia conflat, quod calida & humida fit, & aura quadam fœcunda foueatur. Neque enim fine caufa poëtæ Venerem Aphroditin ex marina fpuma ortam fabulantur.

*In Torrida Zona quofdam eflle ventos perpetuos
Oceano. CAP. XVI.*

ILLA quoque nauticæ obferuationis narratio mirabilis efl, quòd in tota regione folis itineribus fubiecta quæ duobus Tropicis hinc inde concluditur, compertum efl longo vfû ventoseos dominari, qui à Septentrione & ortu maxime perflant, ab Occidete & Meridie rari funt, aut propemodum nulli. Quæ fane obferuatio ventorum diuerfæ nauigationis ab Europa ad Indos & ab Indis in Europam caufa efl, Neque enim ficut Thebis Athenas, & Athenis Thebas eadem efl via, fic ab Hifpania ad Indos, & ab Indis ad Hifpaniam. Sed aduentatio quidem procliuis atque vt poetice ludam, Facilis defcenfus
ad

ad Indos. Sed reuocare gradum, veteremq; euadere ad orbem. Non facilis labor est. Veniunt quidem Hispanienses classes longe facilius & citius, & tutius quā redeunt, quod vento secūdo, perpetuis ferē Euro Aquilonibus delabantur, quo eodem vento obsistente reditum inueniunt difficilem. Quamobrē remeandi in Europā illa est certa ratio, vt ad gradus altioris cœli enauigent, vbi cū iam extra Tropicos euaserint, Austrū offendāt copiosum, & reuersioni opportunū, quo plenis velis feruntur ad suos. Itaq; ab Hispali aut Gadibus soluentibus occurrit primū pelagus illud procellosum, varijsq; ventis agitatum, quod equarū vocant, vsq; ad Insulas fortunatas. Inde vastissimo Oceano se se cōmittunt perpetuis fere Septentrionibus vsq; ad noui huius orbis conspectum delati. At in Hispaniā reuertentes ex nostra Carthagine ad Insulæ Cubę notissimū portū Habanam contendunt, vnde vtraq; classis & Mexicana, & Peruenfis cōiuncta, paulatim regione Torrida enauigata extra Tropicos ad Floridę ferē cōspectum Austrū puppi captant, eumq; nacti perualidum, immensum pelagus & Bermudæ infortunia præteruecti ad Terceras Insulas adlabuntur, atq; inde ad sacrum D. Vincentij Promontorium patriæ optatū conspectum tenent. Ad hunc etiam modū in hoc altero immenso Oceano cū ad Salomonias Insulas ex nostra America iter sit nauid difficile, reditus tamen non est facilis, sed aut vltra æquinoctialem & Cancrum quærēdus est Zephyrus, & in nouæ Hispaniæ litora pro-

cūbendū, aut cōtra superato Capricornio ad Chilenſis regni regionē cōmeandū. Eadem proſus eſt obſeruatio nauigationis ad Sinas atq; ad Inſulas Philippinas Sinis propinquas, ad aquas ex Mexicanis portubus neq; diuturna, neq; periculofa nauigatio narratur. At ex ijs Inſulis reditus prolixior propter circuitum atq; periculofior propter ventorū vicifſitudines. Itaq; magna Oceani ſpatia contēplanti certum & velut lege fixū occurrit, intra Tropicos Septentrionē & ortū dominari, excluſis ferē Austro & occaſu. Quod tamē quemadmodū cætera phyſica penè omnia, nō ita accipiendū eſt, tanquā ij venti nuſquā Torridam occupent. Neq; enim vſq; adeo exulare ſunt iuſſi. Quin potius regiones videas nonnullas, quibus familiaris perpetuusq; auſter ſit. Sicut in hac vniuerſa Australis Oceani regione maritima cōtingit, vbi neſcio qua lege mirabili, nullus ferē toto anno niſi ab Auſtrino Polo ventus flat, cū ſimus tamē in ipſa Torrida atq; Æquinoctiali hinc, inde Capricornij circulo circundemur. Sed has generalis illius regulæ veluti exceptiones facit diuerſa natura litorum, promontoriorum, terrarū, cæterarumq; varietatum, vnde ventorum & origo & viſ leges maxime accipit. Nos quod commune eſt regioni Torridæ, & in alto Oceano plurimum obſeruatum, id de ventorum natura tradidimus. Atq; hætenus de mediæ huius regionis primis qualitatibus, de frigore, de calore, de humore & ſiccitate Torridæ, necnon de temperatione dictum ſit.

C A P I T A

PRIMI LIBRI.



- C**OEum noui orbis quosdam de rerum natura abstulisse. Cap. I.
- Caeleste corpus omni ex parte esse rotundum, & in seipsum volui. Cap. II.
- Quod sacra quoq; litera terram in medio mundi esse attestentur. Cap. III.
- Responsio ad ea, quae contra cœli rotunditatem ex sacris literis afferuntur. Cap. IIII.
- De facie cœli Antartici. Cap. V.
- Quod mundus ad vtrumq; Polum terras aque ac maria obtineat. Cap. VI.
- Lactantiꝝ opinio negantis esse Antipodes confutatur. Cap. VII.
- Quae ratio impulerit B. Augustinum, vt negaret Antipodas. Cap. VIII.
- Aristotelis sententia de habitatione alterius orbis, & qua in re aberrauerit. Cap. IX.
- Quod eadem Plinij & Complurium veterum sententia fuerit. Cap. X.
- Notitiam alterius orbis apud veteres inueniri. Cap. XI.
- Platonis sententia de India Occidentali. Cap. XII.
- Quod quidam Ophir in sacris literis esse nostrum Peru opinati sint. Cap. XIII.

Quid

Quid nam Tharsis & Ophir in sacris literis significet.

Cap. XIII.

Quid de hoc nouo orbe Abdias vaticinatus sit iuxta quosdam. Cap. XV.

Quomodo primi homines ad Indos venire potuerint: & quod non venerint certa navigatione.

Cap. XVI.

De Magnetis admirabili efficacia & vsu ad nauigandum veteribus ignoto. Cap. XVII.

Responsio ad eos, qui volunt olim nauigatum Oceanum, vt hoc tempore nauigatur. Cap. XVIII.

Probabile esse primos huius orbis habitatores tempestate prater votum ad has regiones eiectiones.

Cap. XIX.

Longe probabilius esse primos huius noui orbis habitatores terrestri itinere huc peruenisse.

Cap. XX.

Quomodo bestiae & pecudes ad hunc nouum orbem ex altero peruenierint. Cap. XXI.

Quod non venerit genus Indorum per Atlantidem, vt quidam opinantur. Cap. XXII.

Quod falso multi Indos ex Iudeorum genere descendere affirmant. Cap. XXIII.

Cur prima origo Indorum sciri non possit.

Cap. XXIV.

Quid de origine sua Indi tradant. Cap. XXV.

C A P I T A

SECUNDI LIBRI.

DE æquinoctialis natura differendum esse. Cap. I.
Cur veteres Philosophi regionem Torridam esse
inhabitabilem pro certo duxerint. Cap. II.

Quod regio torrida humidissima sit contra veterum
opinionem. Cap. III.

Quod extra Tropicos humoris copia solis recessu maxi-
me fiat, contra quam in regione Torrida. Cap. IIII.

Quod intra Tropicos imbres æstui sint & de ratione
hyemis & æstatis. Cap. V.

Quod Torrida aquis, pabulisq; abundet, quicquid Ari-
stoteles contradicat. Cap. V I.

Reëdditur causa, cur intra Tropicos solis præsentia hu-
morem efficiat, extra Tropicos siccitatem.

Cap. V I I.

Quatenus, quæ de Torrida dicta sunt, accipienda sint.

Cap. V I I I.

Quod Torrida regio non sit vehementer calida sed me-
diocriter calida. Cap. I X.

Regionis Torridæ æstum temperari tum multitudine
imbrium, tum æstiuorum dierum breuitate.

Cap. X.

Alias quoque esse peculiare causas temperanda Torri-
dæ, atque in ijs Oceani propinquitatem.

Cap. X I.

Terras quæ altiores, eò frigidiores esse, & quæ sit
huius causa. Cap. X I I.

Vento,

Ventorum maxime beneficio regionem Torridam temperari. Cap. XIII.

*Sub regione media suauissime vitam degi:
Cap. XIIII.*

De varietate ventorum & causis. Cap. XV.

*In Torrida Zona quosdam esse ventos perpetuos
Oceano. Cap. XVI.*

DE
PROCVRANDA
SALVTE
INDORVM,

LIBRI SEX.



SALMANTICÆ.

Apud Guillelmum Foquel.

M. D. LXXXVIII.

P R O O E M I V M.



DE procuranda salute Indorum, recte atque aptè dicere, perdifficile est Primum quòd barbarorum gentes innumerabiles sint, vt cœlo, locis, habitu, ita ingenio, moribus institutis latissime dissidentes : quibus omnibus Euangelio conciliandis, instituendis, regēdisque aliquid commune præcipere, atque in tanto hominum rerumque discrimine, accommodatè ac certò quid expediat definire, magnæ cuiusdam facultatis est, quam profecto nos minimè consecuti sumus. Deinde res Indicæ vix firmę stabilesque consistunt, & novum quotidie sui que dissimilem habitum præse ferunt, vt improbandum modo sit quod nō ita pridem valde probabatur, & rebus mutatis vtilia ante cōsilia etiam perniciosā fiant. Quamobrem vt firma ac perpetua præcepta ea de re tradantur, vix fieri profecto potest. Vt enim alia pueritię alia iuventuti vestis concinnāda est, neque potest eadem omnis ætatis esse mensura, ita Rēp. Indicam institutis, religione, hominum genere varias veluti ætates subinde com-

com-

cōmutante, nō est mirandū, si doctrinæ ar-
 tifices alias atq; alias docendi rationes ad-
 hibēāt. Ita quāuis priores scriptores piēta-
 tē & sapiētia præstiterint, tamen eorū vel
 disputationes, vel commētarios, quos de
 rebus Indicis ediderunt, nostra iam ætas
 non magni facit, quod non magnopere
 rebus præsentibus accommodentur. Ex
 quo fit, vt eos quoque, qui pro hoc statu
 rerum apte congruenterque disseruerint,
 eodem loco futuros non longa ab hinc
 ætate, profecto diuinare possimus. Ac nos
 certē rerum Indicarum imperitis, falsa for-
 mās & inter se se pugnantia scribere sæpe
 videbimur, quod de Indorum natura, mo-
 ribus, fidei Christianæ progressu, variē va-
 rijs in locis loquamur: cōtra periti rerum
 minus amplē & pro dignitate eadem illa
 dicta censebūt, atque plura ipsi & aptiora
 e afferre posse confident. Mihi verō quid
 vel docti desiderent, vel indocti reprehen-
 dant, non admodum curæ est. Illud pru-
 dentissimus quisque facile intelligit, eadem
 de re non eodem modo omni ex parte di-
 cendum esse, si veritati ac non libidini ob-
 sequendum est. Neque fallit is, qui in ar-
 gumento multiplici pro rebus diuersis

H diuersa

diuerſa pronūtiat. Idem prōrſus homo ſi
ſæpe diſſimilis eſt, eadem vrbs, & domus
eadem varijs locis & laudari & vituperari
non falſo poteſt. Licuit certè Apoſtolo

1. Cor. 1. Paulo in eadem epiſtola Corinthios ſum-
mis ornare laudibus, ſpirituales, ſapientes,
quibus nihil deeſſet in omni gratia & do-
no dicere: eoſdem ita deprimere, vt carna-

1. Cor. 3. 5. les eſſe inflatos, ſpiritualib⁹ rebus ineptos
exprobraret. Neq; ſibi contrarius eſt, aut

Chryſ. ho.
2. in. 1. Co
tint. ſui immemor: ſed quæ per partes inerant,
potuit ſalua veritate, vt Chryſoſtomus cō-

Iſai. 1. mentatur, vniuerſis aſcribere, Iſraelem, &
Iudam iſdem Prophetæ ſæpe vituperant,
ſemen nequam, filios ſcleratos, populū
Gomorrhæ, & id genus infinita conuitia
iactantes: quem tamen vel eadem interdū
pagina ſummis laudibus euehunt, populū

Iſai. 6. 51. iuſtum, filios Dei, hæreditatē dilectā, gen-
tem ſanctā atque alia multa honoris cau-
ſa appellantes. Imo verò eadem periodo

Rom. 11. Paulus, ſecundum Euangelium quidem, in-
quit, inimici propter vos, ſecūdum electio-
nē autē chariſſimi propter patres. Quo ma-
gis nobis ſalua veritate licere putandū eſt
gētēs Indorū, quarū eſt tāta diuerſitas, mo-
do Euāgelio aptiſſimas p̄dicare, vt verè ſunt

maxima

maxima ex parte, modo valde alienas accusare, quod hominū scelere, & peruersa educatione cōtingit. Vulgaris error est res Indicas tanquā rus aliquod aut oppidū angustē definiētū, & sicut vno verbo dicūtur, ita vnius esse naturæ rationisque putantū. Sed qui hęc nostra legerit, inueniet perfectō nos nullo partium studio ductos & proba, & praua depromere, & iucūda & tristia æquē afferre. Nihil enim teste Dñō Iesu aliud opramus, atque agimus, quā vt pro cōperta nobis rerum fide, quicquid est, vt est, alijs tradamus, quippe qui sciamus Deū nequaquā nostro egere mēdacio. Neque *Rom. 5.* vero gētes has vana aut falsa concepta opinionē rectē adiri & quæri ad salutem. Sed cum demum vnicuique constare animū, cum quale & quam magnum opus Domini aggrediatur, non inani rumore ductus, sed firmo diuinæ vocationis consilio nitens, secum prudenter expendērit.

Quāuis autē Indorum nationes innumērabiles sint, quarum singulis sui certi ritus & mores sunt, quas aliō atque aliō modo instituere oporteat, tamen cum id ego præstare non possem, cui plurimæ gentes ignotæ sunt, & vt maximē essent cognite, im-

mensum opus existeret sigillatim de omnibus disputare, operæ pretiū duxi, vt barbaris omnibus accommodatius scriberē. Perueniens maximè habere rationē. Id quod feci duabus ex causis, vna quòd hæ prouincie mihi notiores essent, vt aliquid certius afferrem: altera quòd hoc Indorum genus veluti medium mihi inter cætera semper est visum, ex quo facilius veluti extrema iudicari queant. Ersi enim Indi vocantur barbari omnes, quos nostra ætatē Hispani & Lusitani suis classibus longissimo Oceano traiecto inuenerunt, non solum ab Euangelica luce alieni, sed ab humanis quoque institutis abhorrentes, tamen nō omnes eiusdem ordinis sunt, sed Indus Indo, vt Comicè dicam, multum interest, barbarus barbaro longe præstat. Barbaros autem probati autores eos esse definiunt, qui à recta ratione & hominum cōmuni consuetudine abhorrent. Vnde barbarica stoliditas, barbarica feritas, barbaricæ quoque opes & opera apud nobiliores scriptores celebrari solent, quæ & ab vsu hominum cæterorum valde recedūt, & sapientiæ certæque rationis vix quicquam habent. Hos autem omnes noui or-

*D. Tho. in
ep ad Rom.
c. 1. lect. 5.
& 1. Cor.
14. lect. 2.*

bis barbaros, inde Indos appellatos existi-
 mo, quòd apud veteres remotissima re-
 gio, quæ fines orbis terrarum claudere pu-
 taretur India esset, quò Alexandrum Ma-
 cedonem. & Traianum Cæsarem pene-
 rasse, & sacri & profani scriptores tanquã
 terminos terræ adierint, cum magna lau-
 de commemorant. Ex quorum imita-
 tione nostri nomen ad nouas à se inuen-
 tas gentes deriuasse mihi videntur. Quan-
 quam initio non Indi, sed Insulani aut An-
 tiliani, Occidentales barbari dicebantur.
 Cùm igitur horum prouinciæ, nationes,
 genera plurima sint, tamen mihi diu rem
 diligenter peruestiganti tres veluti classes
 esse barbarorum videntur, quæ magnope-
 re inter se discrepent, ad quas ferè natio-
 nes hæ Indicæ redigi possint.

Prima classis eorum est, qui à recta ra-
 tione, & consuetudine generis humani
 non ita multum recedunt. Hi sunt potissi-
 mum, quibus & respublica constans, & le-
 ges publicæ, & ciuitates munitæ, & magi-
 stratus insignis, & certa, atque opulenta
 commercia sunt; & quod omnium caput
 est, literarum celebris vsus. Nusquã enim
 literarum, & librorum monumenta extant,

quin eæ gentes humaniores, & maximè
 politicæ sint. In hoc genere primi viden-
 tur esse Sinenses, quorum ego characte-
 res vidi Syriacis persimiles, qui librorum
 copia, academiarum splendore, legum,
 & Magistratuum autoritate, publicorum
 operum magnificentia plurimum flo-
 rere dicuntur. Secundum hos sunt Iap-
 ponenses, tum pleræque Indiæ Orien-
 talis prouinciæ, ad quas Asiatica, atque
 Europæa instituta olim peruenisse ego
 non dubito. Hæ gentes, quamuis bar-
 baræ re vera sint, & à recta & naturali le-
 ge plerisque in rebus discrepent; tamen ad
 salutem Euangelij non aliter ferè vocan-
 dæ sunt, quam olim ab Apostolis Græci, &
 Romani, cæterique Asia, atque Europæ po-
 puli. Nam & potentia præstant & nonnul-
 la humana sapientia, atque à sua ipsi ratione
 potissimum, Deo intus agente, vincendæ
 sunt, & Euangelio subigendi, quos si per
 vim & potentiam Christo subijcere per-
 gas, nihil aliud agas, quam vt à lege Chri-
 stiana alienissimos reddas. In secunda ego
 classe eos barbaros numero, qui quam-
 uis neque literarum vsum norint, neque
 leges scriptas, neque philosophica, aut ci-

nilia studia habent; tamen Magistratus
 suos certos, habent Rempublicam, ha-
 bent frequentes, & certas sedes, ubi po-
 litiam suam seruant, habent militiæ &
 duces & ordinem, & religionis suæ ce-
 lebritatem quandam. Denique ratio-
 ne quadam humana reguntur. In hoc
 genere erant Mexicani, & Peruenſes no-
 ſtri, quorum imperia & Reſpubl. & le-
 ges, & instituta merito admirari quiuis
 poſſit. Et quod incredibile pene videat-
 ur, literarum inopiam, tanta ingenij
 dexteritate ſupplere, vt & hitorias
 & vitas, & leges, & quod eſt amplius,
 temporum curſus, & rationes nume-
 rorum ita teneant quibuſdam à ſe ex-
 cogitatis ſignis, & monimentis, quos
 ipſi Quipos vocant, vt noſtri cum li-
 teris ſuis plerumque eorum peritiæ
 cedant. Nescio equidem an certiores
 Arithmeticos, cum quiduis eſt nu-
 merandum, aut partiendum, literæ no-
 ſtræ faciant, quam hos ſigna illa ſua.
 Memoriam vero omnino eſt admirabile
 quam fidelem etiam rerum minutiffima-
 rum per Quipos ſuos diutiſſimè cōſeruent.
 Multum tamen etiam hi & à recta ratione

& à consuetudine generis humani absunt, Hæc autem classis latè patet, & primum imperia continet, quale Itigarum fuit, deinde regna minora & principatus, quales Caci qui plerique habēt, tum Magistratus publicos ab ipsa Republic. creatos, quales Araucani, Tucapelenses, cæterique Chilenfes ferè sunt. His omnibus illud commune est, vt oppidatim viuant, ac non palantes more ferarum, vt certum iudicem præfectumque habeant, & iura sua cuique feruentur. Sed quia morum & rituum & legum monstra tot tantaque apud hosce sunt, & tanta in subditos sæuiendi licentia, vt nisi potentia superiore & autoritate regantur, vix aut Euangelij lucem aut homine ingenuo vitam dignam accepturi videantur, aut si semel acceperint, non facile in ea perseueraturi intelligantur, meritò his præfici, qui inter tales ad vitam Christianam transierint, Christianos Principes & Magistratus, cū res ipsa deposcit, tū Ecclesiæ autoritas præcipit: sed ita tamen vt facultatibus fortunisque suis & legibus non naturæ aut Euangelio contrarijs vti liberè permittendi sint. Iam verò tertia atque extrema classis barbarorum, quot homi-

num nationes, quot huius noui orbis regiones teneat, dici non potest. In hac sunt homines syluestres, feris similes, vix quicquam humani sensus habentes, sine lege, si ne rege, sine fœdere, sine certo Magistratu, & Republica, sedes identidem conmutantes, aut ita fixas habentes, vt magis ferarum specus, aut pecudû caulas imitentur. Huc in primis pertinent, quicunque à nostris Carybes dicuntur, nihil aliud quàm sanguinolentiam exercentes, in hospites omnes sæui, qui humana carne vescuntur, nulla veste, vix ipsa virilia tegentes. Hoc barbarorum genus Aristoteles attigit; cû ferarum more capi & per vim domari posse scripsit, quorum in nouo orbe sunt infiniti greges. Tales Chunchos, Chiriguanas, Moxos, Iscaycingas nobis vicinos nouimus, tales plerosq; Brasilienses, tales Floridæ propemodum vniuersæ populos narrant. Pertinent etiã ad hanc classẽ ij barbari, qui etsi atroces non sunt, neque tygrides aut pantheræ, tamen à pecudibus parû distât, nudi & ipsi, timidi, fœdissimæ Veneri aut etiam Adonidi, vulgò dediti. Quales esse ferunt, quos nostri Moscas vocant, in nouo regno, quale Carthaginis omnisque

*Arist. 1. &
5. Polit.*

H 5 eius

eius oræ promiscuū vulgus, & qui per mag-
nos Paraguay fluuij maximi campos inco-
lunt, tum etiam plurimæ gentes, quæ infi-
nitum vtriusq; Oceani medium tenēt, nō-
dum nobis satis exploratæ sed fama certæ.
In Orientali quoque India insulares per-
multi eius generis esse videntur, vt Malu-
quiani. Huc etiam spectat aliud barbarorū
genus mansuetum, sed sensu valde exiguo,
qui nonnihil superiores excellere vidētur,
quādā Reip. imaginem præ se ferentes, sed
nugarum per similes & leges, & cultus ge-
rentes: cuiusmodi esse feruntur, qui apud
Insulas Salomonias dictas innumerabiles
habitāt, & maximæ continentī hærere di-
cuntur. Hos omnes homines, aut vix ho-
mines, humana docere oportet, vt homi-
nes esse discant, tum puerorum more insti-
tuere, & si quidem blanditijs sponte ad me-
liora ducantur, bené: sin minus deferendi
non sunt, sed si aduersus salutem suam pro-
teruiant, & in Magistros medicosq; suos
insaniāt, per potētīā & honestā vim quādā
ne Euāgeliū impediāt, coërcēdi sunt, & in
officio cōtinēdi, quos de syluis trāsferri ad
vrbes, & humanā vitā, & quodāmodo inui-
ros ad Regnū introire cōpellere expediet.

Luc. 14.

Neque

Neq; enim de omnibus Indorū gentibus
 eodem modo pronūtiare oportet, nisi gra-
 uiter errare malimus. Neq; vero aut cupi-
 ditatē & tyrannidem magistrā adhibere
 Euangelij, aut quod equē noxium est, otio-
 sam, imperitorum quorundam philoso-
 phiam certæ & exploratæ rerum ipsarum
 fidei & experientiæ anteferre. Mihi cum in
 has vastissimi orbis terrarum gentes tot
 sæculis ante ignotas oculos conuerto, ni-
 hil aliud magis dicere libet, quàm illud. *Psal. 111.*
 Secundum altitudinem tuam multiplicasti
 filios hominum. Verè enim altissimi &
 nobis penitus inscrutabilis consilij fuit,
 vt tot gentes multiplicarentur, quibus es-
 set tandiu salutis ignota via. Quas tamen
 nostro sæculo, quod alijs generationibus
 nō est agnitū ad Euāgelium vocare digna-
 tur Dñs, & concorporales facere, & cōpar-
 ticipes mysterij Christi: idq; eo ordine &
 modo, ita aliud agentibus nostris homini-
 bus, vt altitudinem diuini cōsilij humana
 mēs penitus reformidet. Horū igitur om-
 niū salutē procurādā & sentim⁹ & dicimus
 Christo duce: ac pro nostra inopia aliquid
 afferre tētam⁹: quo ministri Euāgelij iuua-
 ri queant. Et res quidē ipsa difficilis, noua
 varia

Ephes. 3.

varia existit: vires autem nostræ perquam
 Matt. 23. exiguæ. Qui autē docere dilucide potest,
 & quę docuerit, animo persuadere, ille cer-
 tē est, qui vnus est Magister omniū, idē
 Sap. 7. sapientiæ dux, & sapientium emendator,
 in cuius manu sumus & nos. & sermones
 nostri, ipsi honor & gloria & nunc
 & in diēi eternitatis.

Amen.

D. E

DE PROCVRANDA INDORVM

SALVTE,

LIBER PRIMVS.

Quod non sit desperanda salus Indorum.

CAP. I.

SALVTEM barbarorum, Fideiq;
propagationē, qui longē positi sunt,
acrem voto suo metiuntur, facilem
ac speciosam prouinciam arbitran-
tur, & cum innumerabiles populos hoc altero
orbe diffusos breui tempore ad Christi nomen
transiisse audiunt, vberem copiosamq; messem
non multo negotio ex hoc agro sibi persuadēt.
Ita sæpe accidit, vt qui ad opus accedunt, tunc de
manipulis & horreis cogitent, cum de aratro &
semente deberent. Cōtrā qui periculo facto pro-
pius rem viderunt, atq; tractarunt, tot talesque
difficultates offendunt, vt plerique labore victi
penē desperatione frangātur: & sudores quidem
magnos & diurnos, frugē verò vel nullam,
vel perexiguam esse contendunt. Mihi verò si
quid melius & vtilius sapere donatum sit, vtrāq;
sententia corrigenda, ac moderanda videtur. Nā
Quemadmodum præclara omnia nequaquam
cuius peruia esse solent, ita profecto quę necessa-
ria

116 DE PROCVRANDA INDORVM
ria homini Deu esse statuit, in ijs qui diffidit, sum
mæ providentiæ facit iniuriã. Neq; enim genus
aliquod hominũ exclusum est in Euãgelij, fideiq;
cõmunicatione, vbi à Christo Dño Apostoli au
diũt, E untes in mundũ vniuersum prædicate Euã
geliũ omni creaturæ. Et rursus, Prædicari in no
mine eius pœnitentiã in omnes gentes incipienti
bus ab Hierosolyma. Et apertius, Eritis mihi te
stes in Hierusalem & in omni Iudæa, & Samaria
& vsq; ad vltimum terræ. Et alibi, Docete omnes
gentes. Quis igitur tam illustris præcepti toties
commendati autoritatem contemnat? Aut quam
hominum nationem adeo feram & ab omni hu
mano sensu remotam beneficio Prædicationis,
Fidei, Pœnitentiæ ac diuinæ doctrinæ destitutam
putet, cum audiat Dominum de vniuerso mun
do obeundo, de omnibus docendis discipulos cõ
testantem? Quod si non omnium esse Fidem Pau
lus docet, tamen id non conditioni hominum aut
natalibus tribuit, sed peruersitati & importunæ
cuidam obcæcationi. Certè enim vt non solum
prædicationem Euangelij in toto orbe cogitare
mus, verũ etiã insignem vbiq; fructificationem,
Ioãnes in Apocalypsi in turba illa magna & bea
ta Agnũ sequente, omnẽ populũ, omnem tribũ,
oẽm linguã, quæ sub cœlo est, cõmemorat. Quin
potius si attẽtius diuinas scripturas legamus, ap
parebit fortassis nõ sine magna ratione, ac diuino
quodã mysterio extremũ & abiectissimũ genus
hominũ, vel præcipuè ad fortẽ Euangelij vocari.
Æthiopia, inquit, præueniet man⁹ eius Deo. Quæ
verò

Marc. 16.

Luc. 24.

Act. 1.

Matt. 28.

2. Theff. 3.

Apoc. 7.

Psal. 67.

verò gens despiciatior his, qui vel ipso tetrore & putore horrore pene habentur? De his Sophonias quoq; Propheta: Attenuabit omnes Deo terræ, & adorabūt eū viri de loco suo, omnes insulæ gentiū. Sed & vos Æthiopes interfecti gladio meo eritis, illo nimirū gladio, quē Dñs venit mittere in terrā, quod est verbū Dei, pertingēs vsq; ad diuisionē animæ & sp̄itus. In eodē quoq; Propheta legimus. Quia tunc reddā populis labiū electū, vt inuocēt omnes in nomine Dñi, & seruiāt ei humero vno, vltra flumina Æthiopie inde supplices mei filij disperforū meorū deferent munus mihi. Quos nam dispersos suos Deus noster intelligat, nisi quos alibi vocat filios excussorū? quod cœlesti virtute excussi, vt electæ sagittæ, ac toto orbe dispersi populos innumerabiles salutariter feriat, & vinctos, ac supplices Deo suo spolijs gloriosi post se agāt. Vltra flumina verò Æthiopie si quis gētes positas quærat, inueniet sanè priscis scriptis ignotos Nili fontes Christianorū hominū peregrinatione superatos. Neq; verò illud improbabile est plerūq; Insularū nomine in diuinis literis terras has omnes magno Oceano circūfusas designari, tametsi continentes plurima ex parte sint, fortassis, quod eā antiquorū sentētia fuerit, vltra Asiæ, Europæq; atq; Africæ sibi nota litora, vel nullā habitari regionē, vel eā, si qua esset insularē esse tantummodo. Nam & à Pindaro poëta decantatum est vltra Gades mare esse hominibus impermeabile, quod prouerbij loco nō semel sanctus Nazaënus celebrat. Itaq; cū vel Sophonias

Soph. 2.

Matt. 10.

Heb. 4.

Soph. 3.

Psal. 126.

Teq. vidēt

primi, quæ

rūt tamen

hi quoq; se

res, Æthio

pūq; feris

alieno gur

gito t̄āpos.

Et te terra

rum nescit

cui debeat

orbis, Lu

can. 10.

Phars. de

Nilo.

Inoratione

funebri Ba

silij, & ad

Post humili

nū epif. 71.

*Eſai. 66.**Eſai. 42.**D. Hier. in**Epistol. ad**Ephes. c. 2.**Clemēs in**Episto. ſua**dicit, Poſt**Oceanum**mūdi ſunt**ali. Loqui**ibi, vt vide**tur, de gen**tibus noui**orbis.**Mal. 2.**Rom. 1.**Coloſ. 3.**Luc. 14.*

phonias omnes Inſulas gentiū adoraturas dicit, vel Eſaias ad Inſulas longe ituros, qui ſaluati fuerint, vltra Africam, & Lidiam, & Italiam, & Græciam, & annūciaturos Dei gloriam gentibus, de que ijs omnibus adducturos fratres ſuos donum Domino: ſiue etiam cum hortatur ad decantandam Domino laudem eos, qui in extremis terræ habitāt inſularum incolæ & maris: non abſurdè proſectò totius huius extremi orbis homines ad Chriſti nomen & gloriam agnoſcendam conuocandos, conducēdoſq; ſignificare intelliguntur. Cur enim contēptos, ac ſempiternę obliuioni datos homines arbitremur apud pium Conditorē, & benigniſſimum Redemptorem? Nūquid non vnus eſt pater omnium? An alio ſanguine Græci & Romani, alio barbari & Indi redempti ſunt? Ipſos certè Ieſu Chriſti Apoſtolos ſcimus ad remotiſſimas, ac ferociſſimas nationes penetrariſſe, neq; earum belluiniſ moribus deterritos, neq; ſenſus ſtuporem perteſos & prædicariſſe Euāgelium & baptizaſſe, & munus inde Dño iuxta propheticū vaticiniū obtuliſſe. Agnoſcebāt ſe debitores crediti talenti Græcis pariter ac Barbaris, ſapientibus atq; inſipientibus. Intelligeāt in Chriſto Ieſu non eſſe Iudæum, & Græcū, barbarum & Scytham, ſed nouam creaturam, quæ ſecundū agnitionem Dei renouatur in imaginem eius, qui creauit illā. Etenim quos pater familias licet debiles, licet claudos, licet pannosos & horridos ad præclaras cœleſtis conuiuij epulas pro ſua magnificentia inuitari iubet; cuius obſecro temeritatis

tatis, cuius impudentię erit, hos vt serui conuiuas dedignentur, auersentur, fastidiant? Nisi putamus melius esse perspectam ministris vel conuiuarum rationem, vel conuiuij dignitatem, quam ipsi omnium cōditori & largitori? In illo certē linteo quod Petro esurienti cœlitus oblatum est, omne genus nō solum voluctum & animalium, verum etiam serpentium ac reptilium expositum, ac præparatum diuina nos docuit historia, vt etiam sordidos, & abiectos atque vt ita dicam humi repentes à Domino sanctificatos intelligamus. Quod autem Deus sanctificauit, nobis vt immundum fastidire, ac repellere minime licet. Quamobrem desinamus vel tarditatem vel duritiam Indorum tantis diuinæ charitatis promissis opponere, & eum qui promisit fidelem existimantes, à communi omnium salute nullum genus mortalium putemus exceptum.

Act. 11.

Cur videatur multis difficilis & parum utilis prædicatione apud Indos. CAP. II.

CVM has atque his similes diuinæ scripturæ voces attendimus, satis elucet, quemadmodum Pater misericordiarum neminem velit perire, sed omnes ad pœnitentiam reuerti, omnes omnino saluos fieri, omnes ad sui nominis agnitionem venire: atque ita generaliter cogitantibus erigitur spes non mediocriter, studiumque illud accenditur ad salutem animarum quatenusdam, cum ipse dixerit suis, Ego posui vos, vt ea-

2. Pet. 3.

1. Tim. 2.

Ioan. 15.

tis & fructum plurimum afferatis. Sed cum veni-
 tur ad rem, adeo contraria humanæ imbecillita-
 ti apparent facta promissis, ita omnes aditus mi-
 seris hominibus interclusi ad salutem, vt calore
 illo refrigescente, sæpe diuinam potius cogite-
 mus seueritatem, quæ non amat multitudinem
Eccles. 15. filiorum infidelium, & inutilium. Ac præterita
 quidem infidelitatis iustum supplicium infideli-
 tem esse, vt qui Deum in natura docentem con-
 tempserunt, in Euangelio prædicantem, auribus
 aggrauatis quodammodo non sinantur audire.
 Vt enim arcani cuiusdam ac diuini iudicij fuit
 tam innumerabiles populos tot annorum milli-
 bus Dei notitia caruisse, ita quoq; eidem tribu-
 dum esse, quod notitia quædam tenuis offerat-
 ur, vel ita offeratur, vt facile repudietur, vel ita
 demum recipiatur oblata, vt mox perniciosius
Esa. 40. deseratur. Quis enim cognouit sensum Domini?
 Verè iudicia illius abyssus multa. Itaq; videtur
 experientia ipsa docere infinitam hanc Indorum
 barbariem, suis ita exigentibus malis cum à luce
 Euangelica per mille quadringentos annos aber-
 rasse; tum verò diuina ultione acrius perurgente,
 postquam vt Psalmus habet, coruscauerunt orbi
 terræ fulgurationes eius, atq; his locis illuxit ve-
 ritatis radius, occæcatas esse mentes infidelium,
 ne fulgeat illis lumen Euangelij pacis. Nā quod
Psal. 76. quidam Apostolicam tubam etiam his regioni-
 bus olim insonuisse arbitrantur, huc vocantes
Psal. 18. Prophetæ testimonium à Paulo pronuntiatum:
Rom. 10. In omnem terram exiuit sonus eorum, & in fi-
 nes

nes orbis terræ verba eorum, non mihi videntur tantam rem satis conficere, cum etiam Augustinus sua ætate in Africæ quibusdam partibus ignotum adhuc fuisse Christi nomen affirmet, quod ne Romani quidem imperij fama peruaferat. Me verò ut illud secus intelligendum putem, mouet maior autoritas Christi Domini, qui perspicue docuit tunc venturam esse mundi consummationem, cum Euangelium fuerit toto orbe vulgatum. Quamobrem illud, ut pleraque alia, ita de Apostolis accipiendum est, ut Apostolici viri simul cogitentur: quorum sonus in omnem quidem terram exit, sed gradatim, suisque temporibus secundum æterni consilij decretum. Familiare est propheticis oraculis, ut tempora etiam seiunctissima, vno velut aspectu subijciant oculis, de quibus ijs vniuersis pronuntient, quæ per partes implenda sunt. Quam regulam plerumque necessariam esse sacris scripturis intelligedis, non ambiget vel tenuiter in ijs exercitatus. Iam verò quod vestigia nonnulla reperta sunt, antiquam, ut apparet, Fidem notantia apud quosdā, ut crucis erecta signa, & alia quædam, non satis apertum documentum est. Extat sanè in superioribus huius prouinciæ regionibus hodie quoque fama percelebris Indorum vetusta traditione vulgata & conseruata, venisse olim virum quædam in signem nostris similem, quem suo vocabulo Ticshuiracocha ipsi appellant, qui multa vtiliter docuerit, sed nihil sermone proficiens, signis ac virtutibus clarus etiam martyrio

*Epif. 80. ad
Hesychiū.*

Matt. 24.

*Augu. epif.
80. & 78.*

coronatus sit. Huius effigiem multum ab Indorum habitu abhorrentem, sanctorum porro nostrorum non ab similem quidam se vidisse confirmant. Sed ut vera hæc sint (cur enim negemus esse potuisse?) quid faciemus infinitis alijs gentibus, quarum etiam facies adhuc ignota est, quas tamen esse certissima ratione deprehensum est? Illud magis persutasum habeo & magnam orbis partem adhuc restare intactã, quod tum Nauticæ tum Cosmographiæ peritissimi affirmant, & eam quam modo tenemus, usque ad nostra tempora Christianis hominibus incognitam perstitisse. Igitur, ut redeam ad institutum, apparet quibusdam hos populos, has gentes, hæc infinitam barbariem, ut olim destituti sunt Luce Evangelica, ita nunc quoque postquam copia illius facta est, ad percipiendam doctrinam salutarem, necessaria intelligentia & capacitate destitui. Vtrumque enim æque inscrutabilis iudicij esse, quod ut penetrare non possumus, ita neque accusare debemus. Re vera, quod in libro Sapientiæ de antiquo Chianariorum populo legitur, id aptissime in Indos quosdam conuenire facile annuerit, qui eorum ingeniam moresque perspexerit. Non ignoratis, inquit, quoniam nequã est natio eorum, & naturalis malitia ipsorum, & quoniam non poterat mutari cogitatio eorum in perpetuum. Semen enim erat ab initio maledictum. Sunt ergo quidam ingenua ac velut hæreditaria malitia imbuti, quorum adeo pertinax & peruerso hærens cogitatio est, ut pene

penè auelli nō possit. Si mutare potest Æthiops
 pellem suam, aut pardus varietates suas, & vos po- *Hiere, 13.*
 teritis benefacere, cū didiceritis malè. Tam
 profunde humana mens nequitiae gurgite ab-
 sorberi solet interdum, vt pene miraculo tribui
 debeat, si quis eam inde possit eruere. Ne verò
 conditorem suum audeat vile figmentum accu-
 sare, diuinus sermo continuo prauertit dicens, *Sap. 12.*
 Quis enim tibi dicet, quid fecisti? aut quis stabit
 contra iudicium tuum? aut quis in cōspectu tuo
 veniet vindex iniquorum hominum? aut quis ti-
 bi imputabit, si perierint nationes, quas tu feci-
 sti? Hæc ergo prima, ac præcipua causa se offert,
 cū multo labore in his regionibus parum emo-
 uementi sperandum sit, quod semen maledictum
 ac diuinis auxilijs propemodum destitutum in
 perditionem destinatum sit. Sed vt altiora con-
 silia inuestigare desinamus, certe doctrina Chri-
 sti sublimis est, vita Euangelij plusquam huma-
 na. Homines integros atque ingenuos postulat
 dei verbum, per legem, inquit, perfectæ liber-
 tatis incipientes iudicari. At natio Indorum (et si
 alij alijs præstant,) vniuersa tamen est ab omni
 ingenuitate alienissīma, tota sordida, tota serui-
 lis. Ingenio vt plurimū obtuso, iudicio per quā
 imbecilli, inconstans prorsus & lubrica. Mori-
 bus infidi, ingrati, metu solum cedere & vi, ho-
 noris vix sensum habere, pudoris propemodum
 nullum. Hos dicas pinxisse Chrysostomum, cum *Homi. 4. in*
 genus seruorum quodam loco exponit. Vbi que *epist. ad*
 errarum, istud pro comperto habetur, seruorum *Titum.*

- genus impudens ferme esse, formatuq; difficile, lascium, lubricum, parumq; idoneum ad virtutis doctrinam capessendam & cætera. Neq; seruuile tantum ingenium est, verum etiam quodam modo brutum: vt facilius putes feras cicurare, quam istorum vel frænare temeritatem, vel excitare torporem, aded ad percipiendum rudes, ad cedendum sunt duri & peruicaces. Deniq; vt irrationalia pecora naturaliter in captionē & prædam apta in corruptione perpetua degunt, neq; matrimonij leges, neque naturæ reueriti: libidine pro ratione vtūtur. Quid ergo pergitur margaritas mittere ante porcos, & canibus sanctum dare, qui facile reuertuntur ad vomitum, & cœnivolustabra delicias ducunt? An infantium in senfatorum more viuētes, parentes animarum in auxiliatarum, comestores viscerum humanorum ratione ac lege regendos credimus, ac non potius loris & ferro subigendos? Iam vero quoniā
- 3. Pet. 2.* Fides ex auditu est, auditus autem per verbum Dei, lingua opusest ad Euangelizandū. Hic qui negotium barbaros imbuendi assumunt, difficultates patiuntur eas, vt malint pene cum saxis, & marmoribus agere, quàm de rebus in se quidem arduis & sublimibus, & elingues dicere, & à surdis audiri. Ferunt olim septuaginta duabus linguis confusum esse genus mortalium: at hi septingentis, & eo amplius inter se discrepāt, vt vix vallis habitetur paulo latior, quæ non sua materna lingua gandeat. Et si enim in vniuerso Ingarum imperio, quod ab æquinoctiali
- Matt. 7.*
- 2. Pet. 2.*
- Sap. 12.*
- Rom. 10.*

Quito vsque ad longissimam Chilæ prouinciam per gradus fere quadraginta distenditur, lingua generalis à Rege Guainacapa introducta viget, tamen & Indorum gentes innumerabiles sunt his terminis exclusæ, & eæ ipsæ non ita illa familiariter vtuntur, vt apud vulgus promiscuum in vsu sit. Accedit quod mysterijs Fidei præcipuis vocabula sæpe defunt, vt indicæ linguæ periti tradunt. Per interpretem verò rem tantam agere, & cuiusque plebeijs ac vulgaris hominis fidei, & sermoni committere documenta salutis, tametsi necessitate impellente faciliatur, tamen res ipsa docuit, quàm non solum incommodum sit; sed etiam perniciosum interdum, dum alia pro alijs interpretatur, aut quia non assequitur, aut etiam quia sequi docentem piget. Quid igitur faciet, qui linguarum donum non habet, neque interpretationem sermonum, qui cum barbaris cogitur, & ipse barbarus esse, vt cum loqui nesciat, tacere non possit? Linguæ difficultates, locorum non minores fortassis excipiunt. Nam, vt omittam nauigationem longissimam, molestijs periculisque plenissimam, ipsæ habitationes Indorum ferè inaccessæ spem salutis videntur excludere. Videas plerosque ferarum iustar non vrbes, & oppida, sed rupes, atque antra incolere, neque gregatim vitam degere, sed sparsim, sæpè incertis vagari sedibus. Itinera ceruis aut ibicibus tantum peruia. Domus nullæ, non tectum, non paries fundamento surgens. Caulas pecorum;

Eccli. 22.

Mat. 15.

aut biuaria dicas potius, quam hominum cœtus. Hos quæso quis adeat? quis conueniat? quis cõuocet? quis doceat, & cohortetur? Cùm dormiente loquitur, qui narrat stulto sapientiam, ait sapiens. Cùm sint igitur inter domesticos fidei, quibus doctrinæ panis erogari fructuose possit, cur filijs tollendus est, & canibus dandus, vel potius proijciendus? Quid consilij est, incertis certa postponere, & labores subire maximos vtilitate nulla vel perexigua? Atque ad hunc sanè modum qui negotium salutis Indicæ vel difficile reputant, vel etiam exosum habent, sententiæ suæ causas, si serio interrogentur, videntur mihi non improbables reddituri.

Quod difficultas prædicationis non debeat terrere Christi seruos: & qua ratione sunt animandi.

CAP. III.

4. li. Aethi.

Psal. 77.

VALET sane commemoratio difficultatũ, quæ in disseminando verbo Dei occurrũt, si prudenter adhibeatur, non parum, vt quorundam iuuenilis quidam ardor temperetur, ac refrænetur audacia, quam rectissime Aristoteles dixit pericula vt ignota citius aggredi, ita tentata celerius fugere. Fortes enim milites postulant bella Domini exercituum, non audaces & temerarios, qui more Ephraim inter suos ociose intendentes, ac mittentes arcum, in die prælij conuersi sunt. Est verò prudentis & fortis viri, pericula, difficultates omnes, rerumque incertos exitus

tus secum ante meditari, non vt magnitudine la-
 boris territus, spem abiciat victoriæ, sed quò &
 paratior, instructiorq; accedat ad rem, & dubiam
 fortem, si secus cedat, minus iniquè ferat. Ita cer-
 tè videmus Mosè suas metientem vires detre-
 tasse cum Pharaone congressum, Hieremiam
 prophetandi prouinciam deprecatum esse, Sau-
 lem cum adhuc Deispiritu regeretur, ob regnum
 delatum latitasse: quos tamen omnes ceterosq;
 homines Dei & si rei magnitudo probè perspe-
 cta terrebat, tamen Dei omnipotentis amplius re-
 creauit, & confirmauit autoritas. Illud enim ve-
 rissimè à quodam nostro fratre diu multumq; in
 hoc negotio Indorum exercitato dictum etiam
 ipse experiri iam mihi videor, Inter omnes virtu-
 tes ad functionem eam necessarias caput esse hu-
 militatem. Hæc neq; magna sapit, neq; sibi pol-
 licetur illustria, neq; labore vnquam frangitur,
 neq; verò fructus etiam tenues dedignatur: sed
 quiduis per eam efficiat Dominus, id gratum pro
 magno habet. Verè humilibus dat gratiã Deus,
 atq; his ministris, fortia sæculi & præclara cõ-
 fundit. Ac mihi quidem humilitatis maximè in-
 opia in causa esse videtur, penuriam vt fructuū
 videamus, & cū multum fortassis seminaueri-
 mus, metamus perparum, quia iuxta Prophe-
 tæ sermonem, Vnusquisq; in domum nostram fe-
 rinamus, & domum Domini non curamus, id
 est auidius nostram quàm Dei gloriam quæri-
 mus. Sed venio ad rem. Indorum veram conuer-
 sionem ad Fidem perdifficilem esse dicunt. Est

Exod. 3.

Hierem. 1.

1. Reg. 10.

Iacob. 4.

1. Pet. 5.

Aggæ. 1.

sanè. At illud non oscitanter cogitare oportet, semper Fidei prædicationem fuisse difficillimam, & fructificationem Euangelij laboriosiore longe existimatione nostra. Ut enim omittam dicere, quanta præcesserint, quanta consecuta sunt, quæ semen Dei ne susciperetur, vrgerent, ne susceptum maturefceret, impedirent, profectò generalis ratio doctrinæ Christianæ satis per se ipsam verticem formidabilem monstrat. Etenim ratione omni superiora docet, nec probat: mores ab omni cupiditate, & gloria alienos instituit, vitijs omnibus funditus euerfis, quibus est humana natura plenissima, & diuturna cōsuetudine offirmatissima. Præmia pollicetur, quæ non videntur, ea, quæ videntur, contemnere iubet: sensum hominis ad ea transfert, quæ sentiri nequeunt: vitam non humanam homines agere vult. Quis igitur facile ac suaue putet, belluas in Angelos transformare, idque voluntate ipsorum adnitente, quibus vis ista affertur? Verè opus hoc non hominis, nō alterius cuiusquam, quam Dei vnus. Ipse sibi proprium vult. Hoc est opus Dei, inquit, vt credatis in eū. Et, Nemo venit ad me, nisi quem Pater traxerit. Et, Dei donum est, non ex vobis, ne quis gloriatur. Quod si in ipsum Fidei nostræ autorem, & consummatorem Iesum, oculos conuertamus, est omnino aliquid, quod nos magnopere consolari, & erudire possit, vt obstruatur omne os, & subditus fiat Deo omnis spiritus. Quis enim æternæ sapientiæ celsitudinem

*Lege Chry.
homil. 7. in
1. Epist. ad
Corin.*

*Ioan. 6.
Ephes. 2.*

dinem cogitans, miraculorum potentiam, benignitatis viscera, cum ad homines docendos, & alliciendos se inclinaret, non pro certo sibi persuaderet, vel vna illius concione mortales omnes fuisse flectendos, vt tantum Prædicatorem in numerabili multitudine certatim orbis vniuersus sequeretur? At vide, quàm res euenerit secus. Diu Euangelizauit, summo conatu, magna diligentia, adhibitis signis ingentibus, quæ nemo aliàs fecit, vita innocentissima, conuersatione sua uiuissima, autoritate diuina, quid egit? quid consecutus est? Si consilia æterna suspicias, plusquam intelligi possit. At si hominum gratitudinem & obsequium consideres, horror est dicere. In exiguo populo, eoque per plus mille annos instructo legis, & Prophetarum oraculis, vix paucos discipulos habuit, eosque neque præcipuos, neque constantes: plurimos aduersarios, innumerabiles obtrectatores, qui de malis verterentur in pessimos. Et indignetur homuncio non sibi latas segetes surgere ad primum seminis iactum? frustratum se conqueratur, si ad prædicationem suam non cernat hominum millia datis manibus sterni? Ioannes Baptista ipsa hominum qui Christum sequerentur, paucitate commotus, dixit ad suos. Qui de cælo venit super omnes est: & quod vidit & audinit, hoc testatur, & testimonium eius nemo accipit. Nam pro doctoris dignitate, tam exiguus discipulorum numerus quasi nemo Ioanni merito videbatur.

Ioan. 3.

Audia-

*Esa. 49.**Esa. 49.*

Audiamus verò ipsum ducem & Apostolū confessionis nostræ piè cum patre suo æterno expositulantem. Et ego dixi, In vacuum laboravi, sine causa & vanè fortitudinē meam consumpsi. Nōne labores tot & tantos prædicandi, pernoctandi, vicos & castella circumeundi, clamandi, navigandi, curandi ægrotos, diuina & mirabilia patrādi, vacuos & infructuosos penē dicas, si paucitatem Christi discipulorum spectes, ceteruas inimicorum, & peruicaciam? Nonne frustra tantum robur, frustra illam fortitudinem consumptam putas, si morientem videas, confixum in domo eorum, qui diligebant eum: à suis partim desertum, partim proditum, ab alienis insatiabili crudelitate vexatum, cæsum, in crucem actum? Sed quam rationem inquit sapiens Magister? quomodo se confirmat, & consolatur? Ergo, inquit, iudicium meū cum Domino, & opus meum cum Deo meo. Id est, non amplius homines curo, non respicio ad relatum ab hominibus gratiam; sed Deum meū attendo, illius iudicij æquitatem scio; opus meū illi impendo: spem meam apud illum colloco, illius gratia cuncta libens & facio, & subeo, dispēdi pro compendijs ducens: Hic animuserat, hæc mens saluatoris nostri Dei. Huc deberemus aduertere animum, quicumq; opus Domini facimus, & operarij inconfusibiles haberi cupimus. Non nostrum, sed Dei negotium agimus, curam ipsi omnē latē ac promptē laborantes, atq; rei exitum relinquamus. Qui hac humilitate verissimā, hac sincerissimā charitate opus Dei tractat,

etli

et si videtur interdum sine fructu laborare, tamē
audire statim diuinum responsum. Et nunc dicit
Dominus formans me ex vtero seruum sibi, vt *Ibidem.*
reducam Iacob ad eum, & Israël non congrega-
bitur, & glorificatus est in oculis Dñi, & Deus
meus factus est fortitudo mea, Et dixit, Parum
est, vt sis mihi seruus ad suscitandas tribus Iacob,
& fœces Israël conuertendas: ecce dedi te in lu-
cem gentium, vt sis salus mea vsq; ad extremum
terræ. Satis planè Christi Domini proposito
exemplo tam perspicuo & illustri, quicquid est
molestiæ leuari, quicquid querelæ deponi queat,
si cordis aliquid ac frontis super sit homini. Neq; *Ioan. 13.*
enim discipulus supra Magistrum est, neq; seruus
maior Domino suo.

De Eadem re. C A P. II III.

Sufficiebat quidem Christi seruatoris exem-
plum: sed redarguenda est adhuc nostra de-
sidia, & compungenda per cætera exempla Patrū.
Apostolorum sanè trophæa cernimus, & totius
orbis victores signa crucis vltra Romanas aqui-
las extulisse miramur, magnæ fœlicitatis cûrsu
ducimus, & si daretur, tantam gloriam iuuaret
imitari. Sed cohibeamus tantisper animum, &
illorum sudores, pericula, certamina, temporis
difficultates, hostiū magnitudinem cogitemus:
intelligemus profecto longè carius illis stetisse *2. Cor. 10.*
victoriā, quā quisquā facile credat. Arma, in-
quit, militiæ nostræ non carnalia sunt, sed poten-
tia

*Rom. 15.**Hier. in. c.**5. Amos.**Chryso. ho.**10. in. 2. ad**Timot. &**de Laudib⁹**Pauli ho. 7**1. Cor. 11.**& 12.*

tia Deo ad destructionem munitio-
 num, confilia
 destruentes, & omnem altitudinem extollentem
 se aduersus scientiam Dei. Quid igitur? Comme-
 morat se alibi ab Hierosolymis vsque ad Illyricū
 propagasse Euangelium Christi, & longē latē
 percircumpositas regiones, quas, si quis conside-
 ret immensa terrarum spatia, mirabitur potuisse
 vnius hominis peregrinatione cognosci nedum
 doctrina Apostolica impleri: quo etiam in loco
 in Hispaniam profectionem suam prædicit, eam-
 que prædictionem post priorem eius catenā Ro-
 mæ re ipsa completam, non desunt, qui affirmēt,
 in quibus esse videntur Hieronymus & Chryso-
 stomus. Sed quibus periculis & ærumnis tanta
 peregerit, nemo melius possit narrare, quam ip-
 se in posteriore ad Corinthios Epistola. Pelagus
 illud laborum, ac tempestatem si quis intuetur,
 videt omnino nullo modo nisi per crucem
 crucis prædicatores vicisse, eorum quoque
 æmulatores non aliter esse victuros. Verum
 cum Crux non dissimilis sit, nescio tamen
 quomodo difficultates patimur nunc omni-
 no contrarias, vt si quis attentius consideret,
 diuini consilij altitudinem admiretur. No-
 bis nihil est perinde graue, ac nimius stupor
 & insipientia barbarorum: contra Aposto-
 los nihil ita exercuit, atque inflata illa præ-
 potensque sapientia, tum Iudæorum, tum
 Græcorum, tum maximē Romanorum: vt se
 veluti ridiculos exhibere viderentur synago-
 gis, Academijs, Curia. Nos prædicamus, inquit,
 Chri-

Christum crucifixum, Iudæis quidem scanda- *1. Cor. 1.*
 lum, gentibus autem stultitiam: ita ut in magna
 laude sua Paulus ponat, Non enim erubescit *Rom. 1.*
 pro eo Evangelium, & ad Timotheum scribat, *2. Tim. 2.*
 Noli erubescere testimonium Christi. Illos
 urgebat potestas sæculi, cum imminerent im-
 perij fasces. Nos potestates quidem ac Ma-
 gistratus Gentilium parum timemus, cum sit
 summa penes Christianos: sed ab eadem po-
 testate non parum sustinemus nonnunquam
 molestiæ, & incommodi, cum cernamus
 non raro everti pravis exemplis avaritiæque
 quorundam, quicquid ab alijs ædificatur
 ad fidem. Illi ingenia hominum nacti sunt
 elata, & perucacia, ipsæque sæculi pruden-
 tia simplicitatem Fidei inflexibiliter respuen-
 tia: Nobis mobilitas contrà imbecillitasque
 naturalis Indorum ingenij molestiæ pluri-
 mum affert: ut illos quidem saxis manda-
 re Evangelica semina diceret, nos arenæ.
 Maiores nostros labor indefessus, inopia, ig-
 nominia, cruciatus necisque quotidianum
 quodammodo discrimen: nos tædium, ser-
 monis inopia, ipsa hominum ignobilitas,
 solitudo quædam, ac desperatio maximè
 oppugnant. Itaque Fidei prædicatio sic
 uti res est magna, ac maior omni existima-
 tione hominum, ita nunquam sine ingen-
 i labore & constantia peragi potuit. Quis *Isai. 53.*
 credidit auditui nostro, & brachium Do-
 mini, cui reuelatum est? Sed in Deo
 ponenda

Pfal. 67.*Pfal.* 125.*Matth.* 10.*Phil.* 2.*Colof.* 1.*Ecclef.* 7.*1. Cor.* 3.

ponenda spes, qui dat verbum Euangelizantibus virtute multarvt quamuis euntes fiant mittentes semina sua, venientes certè gaudeant portantes manipulos suos, ipse dicit, Ecce ego mitto vos, ipse est, qui operatur Fidem, & dat incrementum, vt Euangelium crescat, & fructificet in vniuerso mundo. Verum nos tyrones terrent militię labores & frangūt. Et dicimus, Quid putas quia præterita tempora meliora fuerunt? Stulta sine dubio cogitatio. Nam si in illa superiora incidissemus, tantam asperitatem, nequaquam ferre possemus. Sed quia præterita sunt, fœlicia, & suaui putantur. Si igitur antiquorum temporum allicit nos, atque tenet mirabilis in Christianitate prouentus, & nostræ nos egestatis tædet, cogitemus labores illorum nostris sine vlla comparisone fuisse maiores, & Dei sapientiæ ac bonitati gratias agamus, quæ pro magnitudine operis idoneos operarios parat. At sunt multi, qui tametsi illa magna atque Apostolica abesse æquo animo patiuntur, tamen pro modulo etiam diligentia molestiaq; suæ non respondere fructus vehementer dolent. Qua in re vt id quam maxime verum sit, quod existimant, illa certè est firmissima consolatio Apostoli monentis. Vnusquisq; propriam mercedem accipiet secundum suum laborem. Dei enim sumus adiutores. Dei ædificatio estis, Dei agricultura estis. Non igitur tam expendet fructus, Vineæ procurator in mercede reddenda, quàm operam: & gratior erit fortassis Patri familias labor sterilis, sed fidelis, quàm faci-

lis & fecundus. Quamobrem etiam ipsos magnos
 fidei præcones videmus fructus exiguitate sæpe
 probatos. Nam ut omittam Ezechielem, cui Do- *Ezec. 3.*
 minus testimonium fert: Si ad populos multos
 profundi sermonis & ignotæ linguæ mittereris,
 quorum non possis audire sermones, ipsi audi-
 rent te: Domus autem Israel nolunt audire te: ut
 præteream Hieremiam cōtemptum & ludibrio *Hier. 28.*
 habitum præ Hanania alijsque falsis prophetis,
 Amos quoque aduersus Amasiā, cæterosq; pro- *Amos 7.*
 phetas: illi ipsi apostoli sæpe magno labore nil
 nisi iniurias consecuti sunt. Paulus per biennium
 Cæsareæ tenetur vinctus, & cum pene quotidie *Act. 24.*
 disputaret ad Felicem, nihil egit. Ioānes propter *Apoc. 1.*
 testimonium Christi relegatum se videt: Iaco-
 bum illius fratrem vetus narrat historia in His-
 panijs præter homines septem aut nouem ad fi-
 dem conciliaſſe neminem tam longa peregrina-
 tione abſque Hieroſolymis ſuſcepta, tam diu-
 terna prædicatione. Verè enim Dominus dixit:
 Non eſt diſcipulus ſupra Magiſtrum: ſi ſermo- *Ioan. 15.*
 nem meum ſeruauerunt, & veſtrum ſeruabunt.
 Quoties vero ille exclamauit, Cui comparabi- *Mat. 11.*
 lus generationem hanc? cantauimus, inquit, vo-
 bis, & non ſaltatiſtis, lamentauimus, & non plan-
 cidiſtis. Quanquam nescio quid iuſtæ querelæ ha-
 beat, ſi vel pauciſſimas animas, vel vnā potius
 totus noſter labor & induſtria lucretur, pro qua
 Dominus gloriæ, ſi ſola fuiſſet, eaſdem paſſiones
 ſubire minime recuſaſſet, ut ſanctus Chryſoſto-
 nus quodam loco præclare docet: Cuius au-

K reum

In. 2. ca. ad Gal. in illa verba, Dilexit me & tradidit se metipsum propter me. reum os audire libet tantisper de hac ipsa re, quā agimus. Nihil est quod animæ possit æquiparari, ne vniversus quidem mundus. Itaq; & si immensas pecunias pauperibus eroges, plus tamen effeceris, si vnā conuerteris animā. Et post pauca. *Hom. 3. in 1. epist. ad Corint.* Quod si hodie nemini persuaseris, persuadebis post tridie, & si nunquam persuaseris, mercedem tamen integram habes. Et si non omnibus, paucis tamen ex multis persuadere poteris. Nam neq; Apostoli vniverso orbi persuaserunt, licet cum omnibus disputarint, & mercedem in omnibus assecuti sint. Si quidem Deus non secundum bonorum operum euētum, sed iuxta factorum propositum coronas elargiri solet, etiā si duos obolos conferas, & quod vidua fecit, idem in docentibus operabitur. Noli igitur, cum orbem terræ saluum facere non possis, etiam parua contemnerē: neque maiorum desiderio à paruis te abstrahas. Si centum nequis, decem curam suscipias: si decem non possis, noli quinque despiciere: si quinque vires tuas excedunt, vnum ne contemnas. Quod si ne hoc quoque possis, noli desperare, noli labori cedere. Nam si parua non contempserimus, assequemur & magna. Quæ beati Patris exhortatio ad recreandos confirmandosque animos Christi operariorum, vel sola est satis, modo se rationi quiuis obsequentem præbeat. Denique, vt communibus non vtamur, habet sanē Indorū causa propria ac peculiaria emolumenta, eademque magni apud Christum pretij. Primum humilitatis, quod labor omnis istis impensus tanto securior

curior, quanto ab omni humana gloria remotior. Deinde charitatis Christi fidelissimum testimonium, cum extremæ indigentia, & periculo tot milliū animarum pereuntium vita ipsa cōsecratur. Præterea constantia, & patientia quod nam possit inueniri certius vel argumentum, vel periculum hoc ipso, quod plerisque maximè grauat, tædio pro Christi gloria deuorato, vt cum multum labores, parum promouere videaris? Pene dixerim esse in hoc vno Apostolicæ gloriæ æmulam laudem. Postremo illud mihi verissimè persuasum habeo fructus esse pro labore, & merito longè maximos, vehementerque eos decipi, vel desidia, vel ambitione corruptos, qui suas operas in hac Christi vinea parum fructuosè locatas conqueruntur. Quod, vt habet, monstrare erit sui temporis & loci. Illud modo maneat, etiā penuria quàm maxima existeret, in negotio animarum, tamen Christi Iesu fidelibus operarijs non minus, vel gnauiter, vel alacriter desudandum esse, vbi & illius charitati amplius obsequuntur, & de propria mercede nihil deperit.

*Quod gentes Indorum quantumuis barbara, auxilio
tamen gratia ad salutem destituta non sint.*

CAP. V.

IAM verò respondendum est prioribus illustrationibus, quibus Indorum causa, & salus oppugnabatur, & respondendū est Deo adiuuante.

148 DE PROCVRANDA INDORVM
sobrie & vere. Quatuor igitur præcipue obiecta
sunt: Diuinæ gratiæ subtractio: Naturæ morum-
que absurditas; difficultas sermonis: locorum
atque habitationis incommoda. Principio mul-
tos esse homines suis tenebris relictos occulto
Dei veroque iudicio, negare non possumus, ne-
que homines modo, sed & familias & vrbes, &
integras sæpe prouincias & gentes. Qui & olim
fuere, & nunc vsque sunt sine Christo, alienati à
conuersatione Israel, & hospites testaméntorum,
promissionis spem non habentes, denique sine
Deo in hoc mundo. Cur autem tamdiu eos diui-
na gratia atque electio præterierit, tot animarum
millibus interim pereuntibus, humana ratione
altius arcantum est, quod temerare velle impieta-
tis sit. Hoc loco Paulus Apostolus cursum cohi-
bet, & inquisitionem suam ad inscrutabilis sa-
pientiæ excelsa suspendit. Cùm enim narrasset
gentes Israele obcæcato vocatas ad Euāgelium,
in fine autem etiam ipsum saluum futurum, cū
intrauerit plenitudo gentium, perpendens, quæ
profunditas se se obijceret peruestiganti ultra,
cur Deus incredulitatem Israel diuitias gentium
esse voluerit, & cur eo vsque salutem earum di-
stulerit, eaque oblata repulsam tulerit Israel,
quasi vtrumque populum diuina gratia capere
nequiret, hæc & similia ex sua narratione con-
sequi cernens, sistit gradum, & exclamatione illa
mirabili mauult hominem in ignorantia suæ tu-
to hærare, quam per obstructissimæ quæstionis
abrupta præcipitem dari: nihil omittens, vt
egregie

Ephes. 2.

Rom. 11.

egregie dixit Ambrosius siue quisquis is autor *Libr. 1. de*
 fuit de vocatione gentium (nam stylus magis re- *voc. gent.*
 ferre videtur Prosperum Aquitanicum) de ijs *cap. 5.*
 quæ non oportet ignorari, nihil contrectans de
 ijs, quæ nō licet sciri. Multa enim sunt, inquit, in
 dispensatione operum diuinorum, quorum cau-
 sis latentibus soli monstrantur effectus, vt cum
 pateat, quod geritur, non pateat, cur geratur, ne-
 gotio in medium deducto, & in occultum ratio-
 ne subducta: vt in eadem re & de inscrutabili-
 bus præsumptio comprimatur, & de manifestis
 falsitas refutetur. Idemque rursus libro sequen-
 te. Et quis inter hæc querulis aut curiosis notum *Libr. 2. de*
 faciet, cur adhuc sol iustitiæ quibusdam genti *voc. gent.*
 bus non oriatur, & à tenebrosis cordibus etiam *cap. 1.*
 nunc radios suos veritas reuelanda contineat? Sa-
 pius ergo esset in re tanta, tamque abstrusa infir-
 mitatem nostræ scientiæ confiteri, tuto negotiū
 integrum Dei æquo veroque iudicio commit-
 tentes, quam dum nitimur, quæ sunt ab oculis
 nostris abscondita videre contra præceptum, for- *Eccli. 3.*
 falsis immensa lucis fulgore cæcari. Sed quia cre-
 derrima est quæstio inter infideles, & quæ acrius
 animos pullare solet & pungere, addendum est
 aliquid, quod etsi elatam mentem non satis pre-
 mat; tamen obedientem atque subiectam non
 parum consoletur. Id vero nemo melius expli-
 cet, quam beatus Augustinus, qui in hanc quæ-
 tionem diu ac saepe à se versatam incidens in
 epistola ad Optatum Episcopum ita scribit, Cur *Epist. 157.*
 autem creentur etiam illi, quos creator præsciuit

Rom. 9.

ad damnationem, nō ad gratiam pertinere, beatus Apostolus tanto succinctiore breuitate, quanto maiore autoritate commemorat. Deum enim dixit volentem ostendere iram, & demonstrare potentiam suam attulisse in multa patientia vasa iræ, quæ perfecta sunt in perditionem, & vt notas faceret diuitias gloriæ suæ in vasa misericordiæ. Et mox, Merito autem videretur iniustum quod fiunt vasa iræ ad perditionem, si non esset ipsa vniuersa in Adam massa damnata. Quod ergo fiunt nascendo vasa iræ, pertinet ad debitam pœnam: quod autem fiunt renascendo vasa misericordiæ, pertinet ad indebitam gratiam. Ostendit ergo Deus iram suam, id est iustam fixamq; vindictam, quæ de stirpe inobedientiæ ducitur propago peccati atque supplicij, ostendit & potentiam suam, qua bene vtitur etiam malis, multa illis naturalia, & temporalia bona largiens, eorumq; malitiam ad exercendos, & comparatione admonendos bonos accommodans, vt in eis discant agere gratias Deo, quod ab eis non suis meritis, qui in eadem massa pares fuerant, sed illius miseratione discreti sunt. Et infra. Notas etiam fecit diuitias misericordiæ suæ in vasa misericordiæ, ita enim quid præstetur sibi discit, gratis iustificatus, dum non suo merito, sed gloria largissimæ Dei misericordiæ discernitur à damnato, cum quo eadem iustitia fuerat & ipse damnandus. Tam multos autem nasci voluit, quos ad suam gratiam non pertinere præsciuit, vt multitudinem incomparabili plures sint illis, quos in

sui

sui regni gloriam filios promissionis prædestina-
 re dignatus est; vt etiam ipsa reiectorum multi-
 tudine ostenderetur, quàm nullius momenti sit
 apud Deum iustum quantalibet numerositas ius-
 tissimè damnatorum. Atq; vt hinc etiam intel-
 ligant, qui ex ipsa damnatione redimuntur, hoc
 fuisse debitum massæ illi vniuersæ, quod tam
 magnæ eius parti redditum cernerent. Hæc Au-
 gustinus, quibus generaliter quantum sacrae li-
 teræ insinuant, rationes attingit, cur tam innu-
 merabilis hominum ac populorum multitudo
 suo dimittatur arbitrio, id est perire sinatur. Ve-
 rùm cur illum, vel illum populum ante vocaue-
 rit ad salutem, illum autem, & illum tandiù in
 sua cæcitate reliquerit, quis audeat inquirere? cū
 legamus Apostolos aliquando parantes profes-
 sionem in Asiam, vt Euangelizarent, prohibi-
 tos esse à Spiritu sancto: & rursus in Bythiniam
 nauigantes non esse permittos à Spiritu Iesu.
 Qui ergo nemini gratiam debet, ille, quem oport-
 teat, vocare, & quo tempore, & per quem sapien-
 tia sempiterna disponit. Et quanquam hæc, quæ
 de sententia Sancti Augustini, imo Apostoli
 Pauli disputata sunt, verissima sint: sed il-
 lud tamen nihilominus intelligendum est, nul-
 lum vnquam hominum genus, ita à suo es-
 se autore desertum, quin pro suo modo Dei te-
 stimonium, auxiliumq; sufficiens haberet: ita vt
 sint inexcusabiles diuinæ legis in suis cordibus
 scriptæ corruptores, ingrati beneficijs cœlestibus
 patientiæ, & bonitatis tantæ contemptores.

Act. 16.

Ibidem.

Rom. 2.

*Act. 14.**Sap. 13.**2. de voc.
gent. c. 5.**Rom. 10.**Act. 8.**Act. 10.**2. de voc.
gent. c. 6.*

Quamuis enim, vt Paulus & Barnabas Lystris egregie prædicarunt, Deus in præteritis generationibus dimiserit omnes gētes ingredi vias suas, id quod huc vsque etiam in non exigua orbis portione accidere videmus; tamen non sine testimonio reliquit semetipsum, benefaciens de cœlo, dans pluuias & tempora fructifera, implēs cibo, & lætitia corda hominum, vt ipsius naturæ admoniti operibus ex his, quæ videntur bona possent intelligere eum, qui est, & agnoscerent quis esset artifex, speciei enim generator hæc omnia constituit, à magnitudine enim speciei & creaturæ cognoscibiliter poterit horum creator videri. Huius sapientis sententiam secutus Ambrosius libr. 2. de Vocatione gentium, Adhibita semper est, inquit, vniuersis hominibus quædam supernæ mensura doctrinæ, quæ etsi parciore cultiorisque gratiæ fuit, sufficit tamen sicut Dominus iudicauit, quibusdā ad remedium, omnibus ad testimonium. Non quod sine Christi fide salutem cuiquam, quod absit, permittat Ambrosius: sed quod gratia in naturæ doctrina luceat, & sequentem, ad spiritum fidei & charitatis inducat. At dicet aliquis hoc loco. Quomodo credent, si non audiunt? quomodo verò audient sine prædicante? Prædicabit sane Philippus Eunucho, & Petrus ad Centuriorem mittetur, modo illi præstent, quod per se possunt. Neq; enim qui per naturam inuitat, deerit per gratiam, si liberum non reluctetur arbitrium. Quamobrem idem autor in eodem opere. Quod si forte etiam
nunc

nunc in extremis mundi partibus sunt aliquę na-
tiones, quibus nondum gratia saluatoris illuxit:
non ambigimus etiam circa illas occulto iudicio
Dei tempus vocationis esse dispositum, quo Euā-
gelium quod nondum viderant, audiant, atq; sus-
cipiant. Quibus tamen illa mensura generalis au-
ditur, quę desuper omnibus semper hominibus
est præbita, non negatur: quamuis tam acerbo
vulnere humana natura lauciata sit, vt ad cogni-
tionem Dei neminem contemplatio spontanea
valenē valeat erudire, nisi obumbrationem cor-
dis lux vera discusserit. Quibus profecto verbis
vniuersam Indorum causam præclare actam esse
ab Ambrosio nemo non videat. Interim verò
flagitia & crimina omnia istorum, quamuis ve-
niam, neque mereatur, neq; impetrent apud sum-
mum Iudicem Deum, leuius tamen omnino pu-
niuntur. De his quippe scriptum est, sed partibus
iudicans dabis locum pœnitentię, non ignorans
quia nequam est natio illorum, & rursus, Veniā
dabis peccatis eorum, virtus enim tua iustitię ini-
mum est, & ob hoc quod omnium Dominus es,
omnibus te parcere facis. Deniq; vt quicumq; si-
ne lege peccauerunt, sine lege iudicabuntur, ita
& qui sine Euangelio peccauerunt, sine Euange-
lio iudicabuntur. Hęc eo commemorata sunt, vt
querela multorum aduersus Deum compesca-
tur, firmisimèque teneamus iudicia Dei omnia
in tot & tantorum perditione populo-
rum iustificata esse in semet-
ipsis.

K 5

Quod

Sap. 12.

Rom. 2.

Quod Indos Deus iam vocet ad Euangelium.

CAP. VI.

V Erum quod ad institutum nostrum attinet, quanquam sunt, vt dixi, non solum homines, sed populi & gentes longo tempore permixta infidelitati suæ; tamē nullum est hominum genus adeò ineptum, adeò brutum, & saxeum, quin ad Euāgelij doctrinam idoneum sit. Omni enim creaturæ, quæ sub cælo est, prædicari Euāgeliū præceptum est: & in semine Abrahæ omnes gentes benedicentur: & vniuersæ familiæ terræ venient coram Domino, vt adorent. Esse quidem alijs alias nationes hominum aptiores felicioresque Euangelicæ frugi, vt agros fertiliores, negare planè non possumus: sed qui omnes vocat, neminem fastidiendum docet. Sunt hebetes, sunt lubrici, sint sanè. Sed cui minus donatum est, minus requiretur ab eo. Non inuoluat seruus piger talentum vnum: & vno negotiari potest. Erant in arca Noë tritèga siue tabulata infima, & media, & suprema, omne genus animantium eo iubetur induci, vt cæteris pereuntibus, ipsa seruentur. Non excluditur coruus præ aquila, non lepusculus præ leone. Petrus quoque occidere iubetur audacter, & manducare de omnibus non solum volucris, sed etiam reptilibus, & nihil immundum, & alienum censere, quod à Domino sanctificatum sit. Habet cælestis ciuitas mansiones plurimas non minus genere, & gradu, quam ipsa numerositate mirabiles. Neque

*Mar. 16.**Gen. 22.**Psal. 21.**Gen. 6.**Act. 10.**Ioan. 14.*

que aurum solum, & gemmæ, sed pili quoq; ca- *Exod. 25.*
rarum tabernaculo Dei oblati recipiuntur. De-
ique qui abiectos istos ac miseros Evangelio
neptos putant, & patriæ cœlestis beneficio ex-
cludunt, qui contemnunt, atque pessundant,
audiant tandem Dominum, & suum, & ipso-
rum pariter, seuerè admonentem. Videte ne con- *Matt. 18.*
temnatis vnum ex his pusillis: dico enim vobis
quia Angeli eorum in cœlis semper vident fa-
ciem Patris mei, qui in cœlis est. Opinor non in-
dignos humano suffragio, & patrocínio, quibus
famulatus exhibetur Angelicus. Omnes enim *Heb. 1.*
administratorij spiritus sunt propter eos, qui hæ-
reditatem capiunt salutis. Nullum ergo etiam
abiectum, & belluinum genus hominum à salute
Euangelica alienum censendum est, cum Deus
neminè vocet, cui non ad id consequendum quò
vocat, intelligentiam, & gratiam idoneam conse-
rat. Etsi enim vocantur multi, eliguntur pauci,
tamen nemo vocatus negligitur, nisi qui vo-
cantem, cum liceret, audire contempsit. No- *Act. 15.*
tum à sæculo est Domino opus suum: nostrum
est, quoniam ad omnes ire iussi sumus, nemi-
nem præterire, omnes vocare, omnes allicere,
omnes conuenire. Quinam ex quibusue assu- *Sap. 6.*
mendi sint, ille nouit, cui est æqualiter cura
de omnibus, & tamen non omnes prædestina-
uit ad vitam. Sed ex omni genere, & natio-
ne assumi, & ostensum iam est, & præcla-
ro Esaïæ testimonio tandem confirmandum.
In fine Prophetiæ illius Dominus loquitur: *Esa. 66.*
Et

Et ponam in eis signum, & mittam ex eis, qui saluati fuerint ad gentes in mare, in Africam, & Lydiam tenentes sagittam, in Italiam, & Græciam, ad Insulas longè, ad eos, qui non audierunt, & non viderunt gloriam meam. Et annuntiabunt gloriam meam gentibus, & adducent omnes fratres vestros de cunctis gentibus donum Domino, in equis & in quadrigis, & in lecticis, & in mulis, & in carrucis ad montem meum in Hierusalem, dicit Dominus, quomodo si inferant filij Israël munus in vase mundo in domum Domini. Et assumam ex eis Sacerdotes & Leuitas, dicit Dominus Hoc tanto circuitu verborum satis Spiritus sanctus ostendit, quàm esset Dei consilium immobile, nullum esse genus hominum tam remotum, ad quod Euangelij gratia non perueniret, & de quo pretiosa Deo munera non referret. Signum enim salutare Crucis ponit in frontibus suorum, quod sub Thau olim viderat Ezechiel, & sic armatos mittit ad gentes in mare; siue vt Septuaginta legunt & in Hebræo est, in Tharsis, quo nomine Indiæ remotissima loca significari in scriptura Hieronymus hic refert, & Theodoretus in Ionam, aut immensum mare, vt alij malunt, id est Oceanum. Postquã autè Asiam, Africam, Europamq; percurrerint, & ad Insulas vsq; vltimas se protulerint, vt nõ sit loquela & sermo gentium adeo barbararũ, vbi non audiantur, & resonent verba eorum, tũc munus Domino egregium afferent, id est fratres suos, magnum & gloriosum prædæ apparatus agentes in equis, in curribus,

Ezec. 9.

*Hierony. in
vlt. c. Theo
doretus in
1. c. Ionæ.*

Psal. 18.

ribus, in quadrigis, in mulis, & carrucis, quod
quid est aliud quam pro diuersitate venientium
ad Fidem diuersa esse aptata vehicula? Alij equis
vehipossunt, vt potè celeri & pernici ingenio.
Alij quadrigis gloriosi & curribus præpotentes.
Sed qui tardiores fuerint & ignobiliores, habe-
bunt etiam ipsi sua vehicula. Si quis minus sunt
apti, at mulis insidere poterunt: si quadrigæ non
erunt, at non deerunt vel carrucæ, quibus impo-
nantur. Vt non solū Græci & sapientes; verum
etiam barbari & rudes in domum Domini, quæ
est in Hierusalem, id est in Ecclesiam Christi cō-
gregentur. Atque vt intelligant omnes, etiam in
istis beneplacitum esse Deo nostro, eliget de ijs
ipsis Sacerdotes sibi & Leuitas. Distribuet, in-
quam, spiritum suum, & charismata non solum
Apostolis, & Israël, verum etiam gentibus, vt
cum Petrus, qui est cœli ianitor, viderit Dei do-
num diffusum in eas pariter, nō prohibeat aquā,
quæ introitus est Ecclesiæ: fratres quoque si for-
tè elatius disceptent, ipso exemplo ac testimonio
diuino edocti conticescant. Nihil enim magis cō-
firmat animos fidelium Christi prædicatorum,
quam testimonium Spiritus sancti per dona sua,
& charismata, quæ partitur, vt vult. Et quidē do-
na spiritus, signa & miracula, quæ in Fidei prædi-
catione innotuerunt, his etiam temporibus, quā-
do charitas vsq; adeo refrixit, enumerare longū
esset tum in Orientali illa India tū in hac Occidē-
tali. Res Iapponensium notæ iam sunt. Synarum
regio ingens diu tentata, iam vtrimq; aperta na-
uiga-

Act. 10.

Act. 11.

158 DE PROCVRANDA INDORVM
uigatione Lusitanorū, & nostrorū ex noua Hispania. De Mexicanis multa narrantur. De Insularibus ipse quoq; aliqua ex parte nonnulla conspexi. Historiæ inuenti noui orbis loquūtur multa & miranda, & vera, quorum hodie quoq; testes fatis Fide dignos habemus. Duo, quæ recētia funexēpli gratiā nō morabor apponere. Fœmina in suā infidelitatis errore obstinata, & superstitione cuidā veneficę addictissima, quæ cæteris omnib; in illa familia baptizatis sola repugnauerat: morbo iā vltimo laborās misit ad sacerdotē, vt ad se festinaret, nō enim se posse exire de vita, nisi aqua prius saluari perfunderetur. Semel atq; iterū accersitus tandē venit, inuenit annum in extremis agentē, & baptismū magno affectu poscentē: rogat, cur tādīu distulerit: respōdet illa, sibi nihil minus fuisse semper in animo, quā fieri Christianā. oderat enim, vel ipsum nomē, sed tamē morti iam propinquāti astitisse sibi iuuenē candidū, qui anteactā vitā acriter reprehēderit, & Christi religionē quātocyus suscipere persuaderet: contra verō tetrū quendā Æthiopē altera ex parte patriā superstitionē diu inculcasse: & cū anxia diu hæreretur, tandē vicissē iuuenē Christi: statim tantū sibi baptismi desideriū accensum, vt nihil aliud lamētaretur, q̃ se à prima ætate nō fuisse Christianam. Quid multa? In interrogata de fide pro more, & penitentia ante actæ vitæ magno dolore significās, baptizatur, & baptizata protinus animā efflat, ipso sacerdote cū cæteris, qui aderāt, admirāte vehementer, cuius ego factū narratione cognoui, qui etiam

etiam legitimo testimonio probatū ad Episcopū
 suū trāsmittēdū curauit. Fuit vir quoq; apud nos
 qui hodie etiā uiuit, coniugatus in valle Humai
 vocata, olim baptizatus, & testimoniū habēs bo-
 num in simplicitate sua, & sobrietate. Hic graui-
 ter ægrotans, cū mortuus omnino crederetur ab
 vxore, quæ sola cadauer viri seruabat opertum,
 expectans ad sepulturam alicuius adiutoriū (erāt
 enim soli in loco satis remoto) triduum integrum
 acuit, vt putabatur, exanimis, panno coopertus:
 cum repēte mouere se cœpit, & vxorem admirā-
 tem ac pauentem vocans, vera esse dixit, quæ a Pa-
 tribus dicerentur de vita futura. Nā & se perdu-
 tum à quodam multa ac stupenda vidisse. Cum
 es sacerdoti innotuisset, qui hominis ruditatem
 optimè nosset, & miraretur tanta de rebus spiri-
 tualibus, & occultis ex ordine referentem, iam
 morbo leuatum ad Archiepiscopum examinan-
 tum transmisit: cuius consilio, & à nostris fratri-
 bus, & à multis alijs diligenter interrogatus, aper-
 te, & responsionum ordine, & sensu, & ipsa vul-
 nis constantia, & lacrymis ac profundo quodam
 effectū declarauit illa omnia non aliter sibi po-
 tuisse innotescere quàm facta super eū manu Dñi
 et mirabilē extasim. Id quod vitæ demū innocē-
 tiæ satis postea cōfirmavit: atq; hodie quoq; Do-
 minicus (hoc hominis nomen est) dicitur multa
 narrare de sæculo futuro ijs, quos audituros vtili-
 ter iudicat. Ferē eiussdē exēpli est cū illo Curma *Aug. de cu-
 riali, de quo Augustinus scribit in lib. de Cura ra pro mor-
 ro mortuis agenda, & cum illo altero Steelio, tuis. c. 12.*
 de

*Bed. lib.
Angli. hi-
sto.*

2. Tim. 2.

de quo narrat in historia Anglica Beda. Non dubium est quin Deus charam habeat salutem Indorum, atque ex his numerosissimis populis multos in regnum Christi adoptarit, perducendos ad patriam eo ordine, & modo & tempore, quod ipse constituit. Firmum enim fundamentum Dei stat habens signaculum hoc, Cognouit Dominus, qui sunt eius.

*Quomodo Indorum ingenia tractanda sunt, vt Christus
lucrifiant. C A P. VII.*

Rom. 12.

2. Cor. 5.

Col. 3.

SED ingenium barbarorum, moresque beluini nobis stomachum mouent. Primum quidem debemus non esse nobismetipsis sapientes, sed humilibus, vt monet Apostolus, consentientes. Deinde repetendum est sedulo Christum pro omnibus esse mortuum, vt qui viuunt non sibi viuāt, sed ei, qui pro ipsis mortuus est, sed quia non hoc, vt par est, æstimamus, ideo charitas Christi non vrget nos. Quod si pro barbaro, & Scythæ mortuus est Christus, profecto à salute non alienantur homines, si dici potest, etiam irrationalia, quod oportet etiam, atque etiam aduertere, & animo altius insculpere. Non enim exigit amplius à quoquam Deus, quàm illius natura Deo adiuvante præstare queat. Barbaros præ Græcis atque Indos nonnullos præ nostris si quis dispiciat, nihil aliud ferè censeat, quam præ hominibus rationalibus irrationalia iumentæ. At vtrisque Dei bonitas locum parat, vtræque ad domum suam

con-

congregat. Seminabo, ait in Hieremia, domum Iuda, & domum Israel semine hominum, & semine iumentorum. Vna est Ecclesia, quæ nõ solum propagatur humano semine, sed etiam belluino. Cuius magnificentiæ amplitudinem admiratus propheta exclamat, Quemadmodum multiplicasti misericordiam tuam Deus? Quid ita? Dixit nempe, Homines & iumenta saluabis Domine. Quæ verba edisserens sanctus Ambrosius, Quid est homines & iumenta? Rationabiles utique & irrationabiles. Rationabilibus iustitia: irrationabilibus misericordia. Alij reguntur, alij nutriuntur. Quam interpretandi rationem ut per iumenta diuinæ literæ intelligant homines iumentis similes sensu, etiam Hieronymus sequitur, atque alij patres, ut Gregorius in illa verba, Animalia tua habitabunt in ea. Reuera in Ecclesia Christi etiam iumenta saluantur, quia Dei misericordia multiplicata est. Vides hominem exigui sensus, ingenio tardum, iudicii inopem, ne contempnas, ne regno cœlorum ineptum putes. At non percipit quæ Dei sunt, & stultitia est illi quicquid spiritualiter dicitur, nec potest intelligere. Adhuc noli repellere, & istum potest et vult saluare, qui neminem vult perire. Mysteriorum fidei pronuntiat, neque intelligit, imo vix etiam pronuntiat: sæpe dicendo, sæpe inculcando nihil bene imbuitur, semper hebes, & truncus perinde atque iumentum canere doceas. Rursus aio, ne desperes irrationalis est, iumentum denique Ethiops aut Indus. Audi Ambrosium istos esse

L regen-

Hier. 21.

Psal. 35.

Ambros. in

Psal. 35.

Hieron. in

Hier. c. 31.

& Ion. c. 3

Greg. li. 11

mor. c. 2.

Psal. 67.

1. Cor. 2.

1. Pet. 3.

regendos verbi capistro ad Fidem. Neq; enim si
 satis ratione non potest capere, quæ docetur, non
 etiam poterit quantum sufficit Fide apprehende
 re, vt saluus fiat. Alioqui si non potest credere, co
 illum oportet, quomodo qui non crediderit, co
 demnabitur? Nisi prædicatione Euangelij contē
 das damnari posse, saluum esse non posse. Quod
 impium nefas auertat Deus à Christiano. Certif
 simè igitur retinēdum est nullam barbariem, sen
 su carere ad Fidem necessario. Indi porro, omni
 bus consentientibus, non vsq; adeò ingenij ac sen
 sus inopes sunt; quin potius, si velint animum ap
 pellere, acuti satis. At moribus, inquis, Indus est
 inuerecundis, ventri, & veneri, sine relictatione
 obsequens superstitionis mirè obseruator, & te
 nax. Et isti etiam salus est, si regatur. Chamo, &
 fræno constringe maxillas, onera congruenter, ad
 hibe si opus sit, stimulum. Quod si calcitrarit, no
 li iratus gladium adigere, sed punge moderatè, &
 cohibe paulatim, donec se assuescat præbere obe
 dientem. Nempe si equus tuus impingat calces,
 siue equitem dorso, seu frænum depulit ore, non
 statim ferro enecas, aut domo abijcis, propterea
 quod rem tuam, ac pretium pecuniæ tuæ non vis
 tibi perire. Quod si homo doctrinam statim nō
 accipiat, neque se docenti bene accommodet, sta
 tim fastidiendus, aut exterminandus erit? neque
 Christi pretiū, & sanguis cogitabitur? Seruile pla
 nē naturā esse barbarorū experientia magna ex
 parte docuit. Ac ferè nisi metus, & vis aliqua af
 feratur, more puerorum, obedire contemnunt.

Quid

Quid igitur liberali tantum, & virili ingenio salus speranda est? An etiam puero pædagogus in Christo adhibendus est? Est planè, est disciplina quædam cautior, & vigilantior exercenda, & virga interdum vtendum sed in Christo, compellendi sunt intrare ad cœnam, sed in Domino. *Luc. 14.*
 Non enim quæ ipsorum sunt, sed ipsi quærendi. *Prou. 29.*
 Scriptum est, virga, atque correptio tribuit sapientiam: puer autem qui dimittitur voluntati suæ, confundit matrem suam. Et rursus, seruus verbis non potest erudiri, quia quod dicis intelligit, & respondere contemnit. Et alibi, Cibaria, *Prou. 29.*
 & virga, & onus asino: panis, & disciplina, & opus seruo, operatur in disciplina, & quærit requiescere: laxa manus illi, & quæret libertatem, idest, cum adhuc premitur opere, cogitat desideriam, quid erit, si se solutum, & vacantem viderit. Fugam sanè cogitabit, atq; idè adiungitur, iugum, & lorum curuant collum durum, & seruum inclinant operationes assiduæ. Et mox, *Eccl. 33.*
 Mitte illum in operationem, ne vacet: multam enim malitiam docuit otiositas. Ac licet præcepta hæc de moribus data à sapientibus de administrando & regèdo. conuenienter vniuerso mancipiorum genere perspicuè loquantur, & verè: quod experientia quotidiana satis indicat in his regionibus, vbi nulla domestica obsequia, nulla externa opera nisi à seruis Æthiopibus sunt, quorum re vera mores disciplinam seueriorem, & assiduos labores exigunt: tamen de ijs etiam accipienda sunt, qui, & si conditione

*Episto. 50.
ad Bonifa.*

ferui non sunt, ingenuos tamen mores non præse ferunt. Etenim ijsdem testimonijs seueritatem rigidiorē aduersus contumaces homines adhibendam, etsi olim secus sensisset, tamen aperta experientia rei se commotum Augustinus profitetur scribens contra Donatistas & Circumcelliones genus hominum improbissimum ac sceleratissimum. Illud autem ab eodem glorioso patre sæpe vsurpatum, magnopere ad rem pertinere arbitror: quemadmodum olim sub veteri testamento fuisse multos, qui ad gratiam noui testamenti pertinerent, id est, qui non spiritu seruitutis in timore, sed spiritu dilectionis, vt Dei filij ducerentur: ita nunc quoque sub Euangelio in Ecclesia plurimos esse, quibus veteris testamenti status & institutio quodammodo congruat, homines magna ex parte animales, spiritū vix habentes. Qui tamen à salutis via non protinus excluduntur, sed pro suo modo cōuenienter instituendi sunt. Docuit verò nos cœlestis sapientia antiquum illum populum ceruicosum duabus maxime rebus frænatum, labore, & metu: quod vtrunque seruorum est proprium. Laborem quidem & inexhaustam quandam occupationem videre licet in multitudine sacrificiorū, lotionum, vnctionum, rituum, obseruantiarum, ceremoniarumque omnium, ita his vt detinerentur, vt vix idola sua & commenta cogitare sinerentur. Metum verò quæ legis pagina non incuteret? vt terrore suppliciorum, & ipso sapius iam facto periculo ad præcepta salutis appellerent

rent animum, & contentione deposita, Ducibus
 suis discerent obedire. Tale sanè erat eorum in-
 genium, vt meliora ac celsiora nō caperet. Quā-
 obrem per Ezechielem Dominus ipse testatur, *Ezech. 20.*
 Eo quodd iudicia mea non fecissent, & præcepta
 mea reprobassent, & sabbatha mea violassent, &
 post idola patrum suorum fuissent oculi eorum.
 Ergo, inquit, & ego dedi eis præcepta non bona,
 & iudicia, in quibus non viuent. Itaque Hebræi
 atque carnalis populi more maximè regendas
 esse nationes barbaras has, præsertim Æthiopum
 & Indorum Occidentaliū gentes, vt & per oc-
 cupationum assiduarum salutare onus ab otio, &
 libidine reuocentur, & per timoris incussi fræ-
 num in officio contineantur, cum antiquæ æta-
 tis exempla, tum verò peritissimi cuiusque recēs
 & quotidiana experientia copiosissime, ac ma-
 nifestissime declarauit. Hoc enim est lorum &
 iugum, quod sapiens commendat: hæc virga &
 onus. Hoc modo ad salutem vel inuiti compell-
 untur intrare. Quæ non eo commemorata sunt
 omnia, quo vim & sæuitiam à Christi visceribus
 alienissimam in Indorum nationes vllō modo
 probem, aut tanquam in seruos dominandum
 putem, sed vt ostendā etiam illiberali & difficili
 ingenio non esse salutem desperandam, si & pa-
 tienter feratur, & sapienter regatur. Charitas om-
 nia suffert, omnia sustinet, omnia sperat: patiens
 est, benigna est. Seueritas ergo quæcunque ex-
 ercenda est, à charitate aliena esse non debet.
 Charitatis porro nihil est ita proprium, quam vt

*Eccli. 33.**1. Cor. 13.*

166 DE PROCURANDA INDORVM
non quærat, quæ sua sunt. Hanc si & animo inti-
mè seruet, & re ipsa declaret, qui infirmorum, &
insipientium morbis curandis austeriorem se se
interdum exhibet medicum, non est timendum;
ne hominum animos subditorum, ita offendat,
vt vel à se, vel ab Euangelica simplicitate alie-
net. Facile enim recuperat charitas, quos discipuli
na commouerit. Imo verò per vtile timoris vim
ad libertatem filiorum paulatim homines diuini-
tus inducuntur.

*Barbarorum ineptitudinem non tam à natura, quàm
ab educatione, & consuetudine proficisci.*

C A P. VIII.

ADam verò id, quod plurimum interesse ar-
bitror, omnino ad istam ineptitudinem ani-
mi morumque Indicorum feritatem non ita fa-
cere nataliū, stirpisue, aut aëris natiui causas, quæ
admodum diuturnam educationem, & consuetu-
dinem bestiarum vitæ non valde dissimilè. Equi-
dem & olim ita mihi persuaeram, & rebus ipsis iā
modo confirmatus ab ea sententia auelli minime
possum. Ac generaliter sanè si quis contempletur,
in humano ingenio longè plus efficit educa-
tio, quàm natiuitas. Et si enim vim habet non par-
uam genus, & patria, cum Apostolus Paulus Epi-
menidi Poëtæ subscribat de Cretensibus, Creten-
ses semper mendaces, malæ bestia, ventres pigri,
tanquam ad morum perversitatem patria multū
contulerit, notumque illud sit alterius Poëtæ,

Tit. i.

Horatius.

Bæo.

Bæotum in crasso iurares aëres natum:

Tamē infinitis partibus superat vitę institutio, & exēpla ab ipsa infantia per sensus insculpta rudi adhuc, & tenero animo. Sūt hæ viuz formæ menschumanę, quib⁹ imbuta ad appetendū, ad agēdū, fugiendumve propria ac familiari propēitione fertur, quemadmodum natura quæuis iuxta formā sibi insitam operatur. Quapropter illud Philosophi probant omnes, non afferre dolorem consueta, sed voluptatē: & consuetudinis vim, alterā esse naturā, & illud nostri sapientis, Adolescentis iuxta viā suam, etiam cum senuerit, non recedet ab ea. Ac re vera nulla est tā barbara natio, nulla tam stupida, quæ si ab ineunte ætate accuatē, & generosē educetur, non deponat barbariē, induat humanitatem, & morum elegantiam. Videmus, vel in ipsa nostra Hispania homines in pagis quibusdam natos, si apud suos perseuerent, ineptos haberi, ac ridiculos: eosdem traductos in scholas, aut Curiam, aut celebres vrbes miræ fortitæ, ingenio præstare, nemini cedere. Ipsos Æthiopum liberos, quibus nihil apparet absurdius, in palatio enutritos, adeo præptos ingenio, & ad quiduis paratos videas, vt si colorem detrahas, nostros putes. Plurimū potest consuetudo in omni genere morū in vtrāq; partem, & boni, & mali. Quāobré D. Chrysost. vbi mores perditos feruorū exposuit, parūq; idoneos dixit ad virtutis doctrinā capeffendam, sapientissimè adiunxit: Non id quidem naturæ causa, absit: verū propter conuersationis vitæq; negligentiam, solent enim

*Aristot. 8.
Ethic.*

Prom. 22.

*Hom. 4. in
epist. ad Ti
tum.*

huiusmodi in ijs, quæ mores tangunt, negligi à Dominis. Nihil enim ferme aliud curant ij, in quorum potestate sunt, quàm ministerium suum. Quod si mores illorum componere aliquando studeant, & hoc sui gratia tantum faciunt, ne istis negotia exubeant, molestique sint. Quæ B. Patris sententia nostrorum hominum vaticinatio mihi videtur. Accusant naturam, moresque barbarorum, ipsi nihil adhibent curæ, nisi ut seruis vtantur ad suas priuatas commoditates. Qua igitur ratione homines pecudum instar enutritos ad fidei doctrinam ineptos esse causaris? Si ipse ita esses informatus, inter istos & te quid quæso discriminis interesset: Audi eundem patrem in causa adhuc seruorum immorantem, Cum igitur sic negligentur, inquit, neminemq; habeant, cui componendi illos, ac formandi studium sit, merito ad ipsa nequitiae prærupta ac præcipitia deuoluuntur. Si enim ubi Pater instat, & Mater, & Pedagogus, & Nutritius, & Magister, & æquales, ipsaque libertatis opinio, & alia plurima, per difficile quispiam malorum contubernia consortiaque deuittat, quid putas his omnibus destitutos, qui quotidie scelestis commiscantur hominibus, & cum quibus volunt licenter cōgrediuntur, cum sit nemo, qui ipsorum conuersationem amicitiasque disquirat? quid arbitraris eiusmodi homines fore? Nonne ad supremos sceleurum vertices euasuros? Idcirco difficile est profecto seruum fieri bonum. Hactenus ille. Non ergo naturam barbarorum deinceps accusemus,

sed

*In eadem
Homil.*

sed socordiam potius nostram, & negligentiam. *Lege Chry. epist. 1. ad*
 Perdifficile negotium est dediscere, natales, & cō
Corin. ho. 7
 suetudinem inueteratam, atq; inde ad mores, &
 inuētos, & sensui ac libidini penitus iniucun-
 dos transformari. In omni antiquitate fuit non
 mediocris labor Euangelij Magistrorum in tran-
 ferenda ad Fidei regulas, & conuersationem vete-
 ri hominum consuetudine. Testis est historia vni-
 uersa. Multa Iudæis legi assuetis Apostolica Ec-
 clesia condonauit, vsque dum prorsus exuti Mo-
 rem, Christum induerent. Multa de Æthnicismo
 tolerauit antiquitas: in ipsis primæuis Christianis
 magna alioqui miracula edentibus vix victima-
 rum cruor elui poterat, vt oportuerit Apostolum
 cæpius ea de re monere Corinthios. Scribit Gre- *Greg. li. 9.*
 gorius Papa ad Augustinum Anglorum primum *Regi c. 17.*
 Episcopum mores gentilicos, & patrios paulatim
 debere emendari, & patienter toleranda esse, quæ
 non possunt, ita facile corrigi. Lectio omnium
 bene nationaliū cōciliorum indicat peculiarem
 sanctorum Patrum curam in relegandis paulatim
 vitibus quibusdam maiorum. In Africa multa vs-
 que ad sua tempora Augustinus perdurasse testa-
 tur. Ne igitur desperemus, aut tumultuemur, si de
 pristina barbarie, & superstitione, & animali vita
 in baptizatis Indorum populis multum adhuc
 permanere videamus, cum præsertim, & ipsorum
 ingenia rudiora sint, & nostra diligētia nullo mo-
 do cum veterum labore comparanda. Mores sen-
 tim mutantur in melius. Fides Christi magnam
 potius humani sensus, & affectus habet abnegatio-
 nem.

170 DE PROCVRANDA INDORVM
nem . Pro lucro non mediocri computandum
est , quicquid ex tam horrida, tamque inculta
barbarie humanitatis , aut etiam Christiani-
tatis eluceat . Exemplo ac solatio sit Domi-
nus omnium , qui populiceruicosisimi mo-
res adeò ingratos , & insauues sustinuit per
annosquadraginta imò plusquam quadringen-
tos: quem tamen , & delere facile poterat, &
magnis potius beneficijs inuitabat : vt homi-
nis improbitatem Dei patientia benignitasque
superaret.

*Quòd linguae difficultas non deterrevit ab
Euangelij propagatione.*

CAP. IX.

SErmonis autem, & locorum difficultates non
exiguæ illæ quidem sunt: sed vt charitatē exer-
ceant hominis Dei, non vt extinguant. Apostolis
I. Cor. 14. quidem datum scimus donum esse linguarū, pro-
pterea quod pauci Christi Præcones toto orbe sa-
lutis nuntium breui insonare debebāt. Quamob-
rēm Paulus gratias agit Deo, quòd omnium lin-
gua loqueretur. Quādiu verò generale illud mu-
nus spiritus in Ecclesia perdurarit, neq; apud ve-
teres compertum lego, neq; ego facillè dixerim.
Illud pro comperto habemus prædicationem
Euangelij posterioribus sæculis processisse, cū
linguarum dona cessassent, sed charitas omnium
donorū maximū studiose ageret, vt quod decrat
in dono, augeretur ad meritum. Profectò enim
postea

posteriores hac in re, & si secus alijs fortasse videbitur, non ita infeliciores fuere maioribus. Et enim vt Christus ad Thomam dixit, Fidem ex oculis, & tactu colligentem, Beati qui non vident, & crediderunt : ita etiam dicere quispiam queat, beatos eos, qui non acceperunt sermonem, & tamen prædicauerunt. Hic enim utrumque mercedis est loco, & pugnare, & ipsa sibi arma expensis proprijs parare : & prædicare inquam, & sermonem necessarium prædicationi discere. Vt ergo in prima rerum conditione, ita naturas instituit summus opifex, vt vnumquodque perfectum ederetur iuxta genus suum, nullo terræ labore, nullo cœli circuitu : at mox iussit semen proferre, vnde terra laborata genus vnumquodq; repararet : ita sanè oportuit in regeneratione mundi per verbum idem omnipotens primas stirpes diuinitus perfectas surgere, & princeps harum seminibus accedente humani studij labore genus Euangelicum propagari, cum iam, & numero multi essent, & temporum non premerentur angustijs. Beati quidem oculi, qui viderunt Dominum : sed beati quoque qui non viderunt, & crediderunt, Fœlices qui Spiritus sanctus dedit donum linguarum, interpretationem sermonum : at non infelices, qui per charitatem spiritus de suo posuerunt in opere Domini, quod non acceperunt. Quamquam, & hoc ipsum posuisse, accepisse est. Iam illud multum mouere debet, quod videmus ad gentes profundi

*Ioan. 20.**Luc. 10.**Ioan. 20.*

di sermonis, & ignotæ linguæ homines penetra-
 re luci spe, nec deterreri barbarie immensa, sed
 vniuersa mercium gratia lustrare, non Æthiopi
 innumerabiles linguas, non Synarum, non Tar-
 tarorum, non Brasiliensium, non extremi Oceani
 litora recusare, & quicquid inter Mendocinum
 promontorium, & fretum Magallanicum situm
 est infinitis terræ, ac maris spatijs, idque vtroque
 ex latere, & Boreali, & Australi, magno studio
 obire: denique, & si quem tellus extrema refuso
 sum mouet Oceano, vel si quem extenta plaga-
 rum Quatuor in medio dirimit plaga solis ini-
 qui, hunc perscrutantur, huius linguæ vel balbu-
 tiētes se accōmodant, vt aurum, argentum, ligna
 pretiosa, mercesque exquisitas ad suos euehant,
 quæstum vndiq; augeant: tam longam, & pericu-
 losam peregrinationem auidissimè suscipiunt, vt
 profecto admirabile sit omnes pene port' vtriuf-
 que Oceani, omnes sinus orbis terrarū stationi-
 bus nauium Hispaniensium teneri, omnes Indo-
 rum satrapas cum nostris mercatoribus, & nautis
 commercium habere. At qui pretiosissimas mer-
 ces quærimus animas Dei imagine insignes, qui
 lucra non incerta, aut breuia; sed æterna in cœlis
 speramus, linguæ difficultatem, locorum asperita-
 tē causamur: vt appareat verè prudentiores es-
 se filios huius sæculi in generatione sua filijs lu-
 cis. Et sermonis quidem difficultas in hoc spatio-
 so regno Piru magna ex parte leuata est, cum ge-
 neralis illa Ingarum lingua, quam Quicham vo-
 cant, vbique in vsa sit, & ea ipsa non ardua scitu,

præser-

*Verg. 7.
Aeneid.*

Luc. 16.

præsertim ad artem iam redacta diligentia, & studio viride Indorū natione optimè meriti. Quod si in superioribus prouincijs ea potissimum viget, quæ appellatur Aimara, neque ipsa est valde difficilis, neque multum ab illa altera abhorrens. In Mexicano Regno aiunt esse linguam quoque generalem, vt faciliior sit communicatio inter se tam multorum populorum, & gentium. Quod si Christianus Princeps id effecisset in Christi gratia, quod barbarus Guainacapa imperio suo effecit, vt vna lingua omnes vterentur, aut vna certe vbiq; haberetur, profecto maximam prædicationi Euangelij commoditatem fuisset allaturus. Vnum vbi id fieri minus potest, superest, vt charitas ardēs in Christū, industria, & labore perficiat, quod deest natura. Qua in re P. Francisci Xauierii admirabile extat exemplum, qui in perdiscenda Malauarica lingua tantū operæ, & sudoris posuit, tantumdemq; in Iapponensi, atq; alijs longè inter se diuersis, vt si Apostolico dono linguarū præditus esset, non posset maiore gloria Christi nomen in tanto terrarum orbe vulgare. Certè enim Charitas omnia potest, & cum linguæ cessarint, vna charitas pro omnibus est.

1. Cor. 13.

De habitatione inter Indos. CAP. X.

Inter obiectiones supra propositas postrema petebatur ex incommoda habitatione barbarorum. Huic modo respondendum est hoc excepto quod quæstio illa grauis, Vtrum expediat sedem

174 DE PROCURANDA INDORVM
 sedem figere inter Indos, quòd vulgò doctrinas
 tenere dicunt, an potius discurrendo inter eos
 verbum salutis disseminare, quòd proprium est
 missionum, in suū locum referuanda est, vbi De
 propitio accuratè tractabitur, & quid habeat cō
 modi, vel incommodi res vtrāq; explicabitur, tū
 verò quibus incommodis melius ac facilius oc
 curri queat. Illud tantum nunc agitur, vt neque
 asperitates locorum, neq; impedimenta itinerū
 neq; verò habitationis ipsius Indicæ ratio præpe
 stera Christi seruum ab instituto retardet. Et qu
 dem labores ærumnæq; iter mariterraque facien
 tium, & multa, & graues sunt. Verum quis aliter
 sibi persuaferit, nisi demens sit, cum patria, atque
 amicis, & charis omnibus relictis velut alter
 Abraham peregrinatur, & exit nesciens, quo eat
 Ego, inquit, ero merces tua magna nimis. Hoc
 Apostolicum opus, hæc gloria propria. Et ta
 men qui misit suos sine pera, & sacculo, & ar
 gento, quarit ab ipsis, Numquid aliquid de
 fuit vobis? Nusquam diuina prouidentia, neq;
 certius, neque dulcius sui experimentum præ
 bet, quàm cum illius ope fretus incertas sedes
 & humana præsidia incerta constituit experiri
 Paulus Apostolus clamat, sint mores sine auari
 tia, contenti presentibus. Ipse enim dixit, Non
 te deseram, neque derelinquam, ita vt fidenter
 dicamus, Dñs mihi adiutor, non timebo quid
 faciat mihi homo. Iam vero quòd de habitatio
 ne rara, & incommoda barbarorum multi cau
 santur, Primum sunt planè frequentissimæ pro
 uin.

Gen. 12.

Heb. 11.

Gen. 15.

Matt. 10.

Luc. 22.

Heb. 13.

Deut. 31.

Ios. 1.

Psal. 55.

Eccl. 117.

vinciæ Indorū, & populi numerosissimi, vbi cō-
modē & fructuose Christi doctrina tradi possit.
Id quoq; quod diu efflagitatum, & non ita dudū
institutum est de reductione Indorum ad certos
populos, vt non sparsim more ferarum, sed com-
muniter oppida inhabitent, dici non potest quā-
tā sit vtilitatis futurum ad omnem vitæ bar-
barorum informationem. Deinde sicut salua-
tor suos admonuit, si non receperint vos in
ciuitate, fugite in aliam; Amen dico vobis
non consummabitis omnes ciuitates Israël, do-
nec veniat regnum Dei: ita nobis quoque di-
ctum arbitremur, vt dispersos fratres nostros
queramus: quōd si alicunde, aut locorum iniu-
ria, aut sermonis incommoditate depellimur, aut
psa rerum necessitate vrgemur, transeamus ad
alios. Neque enim timendum est, ne aut electos,
Dei sermo prætereat, aut vbi laboret vtiliter,
Christi operarius non inueniat. Dabit Domi-
nus, dabit verbum. Euangelizantibus virtu-
te multa, qui diuina autoritate promisit, Ego
misui vos, vt eatis, & fructum plurimum af-
feratis.

Matt. 10.

Psal. 67.

Ioan. 15.

Quod Euangelij ministri curare debeant, ne impe-
dimentum Euangelio ponant.

CAP. XI.

Qui verò Euangelizandi munus suscipiunt,
curare magnopere debent, ne Euange-
lio ipsi impedimento sint. Accidit enim
sape-

sæpenumero, vt Indorum desidiã ac vecordiã
ij maximè accusent, qui ministerium suum mini
mè implent: qui si diligentius se ipsos excuterẽt,
synceriusq; indicarent, profecto inuenirent ipsi
potius, quam Indis tribuendum esse, quòd inter
dum minus fœliciter res Christiana processerit.

Phil. 1. Quidam, inquit Paulus, non sincere Christum
annuntiant, quidam autem ex bona voluntate.

Quin etiam addit, omnes quæ sua sunt quærere,
non quæ Iesu Christi. Quominus mirandum est
si de nobis etiam tale aliquid dici queat. Vt inãq;

Matt. 23. illud ad nos minimè pertineat, Væ vobis qui cir
cuitis mare, & aridam, vt faciatis vnum profely
tum, & cum factus fuerit, facitis illum filium ge
nennæ duplo, quam estis vos. Quod vehementer

*Lib. de Fide
& per. cap.
26.* Augustinus execratur in libro de Fide, & operi
bus, Nec sic, inquit, faciamus Christianos, quo
modo Iudæi profelytos, quibus Dominus ait, Væ
vobis & cætera. Sæpè enim quos pastores cura,

beneficentia, fide sentire oportuit, hos potius sæ
uos lupos miseri greges experiuntur. Comminan
tur certè diuinæ literæ nobis, Qui violenter, ait

Mich. 3. Michæas, tollitis pelles eorum desuper eis, & car
nem desuper ossibus eorum. Atq; alius quoque

Amos. 5. Propheta, Odio habuerunt corripientem in por
ta, & loquentem recta siue perfectè abominati

sunt. Iccircò pro eo quod diripiebatis pauperẽ,
& prædam electam tollebatis ab eo, domos qua
dro lapide ædificabitis, & non habitabitis in eis,
vineas plantabitis amâtissimas, & non bibetis vi
num earum. Quòd profectò vaticinium vereor

ne

ne Indicæ opes nimium experiantur, cum instat
 omnij nimium properatæ fortunæ, & oriantur,
 & occidant, & quæ de meretricibus congregata
 sunt, ita Deo comminante, vsque ad meretricis
 mercedem teuertantur. Festinata quippe substā- *Mich. 1.*
 tia minuetur, deficientesque sicut fumus defi- *Prou. 13.*
 cient, quoniam non prosperabitur possessio sce- *Psal. 36.*
 lerata. Igitur temporales Domini Indorum, ne *Eccli. 5.*
 cupiditate & violentia salutem eorum impediāt,
 timendum est. De nobis autem, id est, de mini-
 stris Ecclesiasticis fortassis non sit minor quere-
 ra, atque vtinam minime ad nos pertineant illa
 prophetica, Principes eius in medio eius, quasi lu-
 pi rapientes prædam ad effundendum sangui- *Exec. 22.*
 nem, & ad perdendas animas, & auare sectanda
 lucra. Prophetæ autem eius lineabant eos absque
 temperamento, videntes vana, diuinantes eis
 mendacium, populi terræ calumniabantur ca-
 lumniam, & rapiebant violenter egenum, & pau-
 erem affligebant, & aduenam opprimebant ca-
 lumnia absque iudicio. Sine temperamento hi
 niūt, qui peruersis ausis colorem vndecumque
 quæruunt, etiam si nulla veratatione subsistat. Sed
 illud & formidandum & dolendum, quod adiun-
 ctus est sermo diuinus. Et quæsiui de eis virum, qui
 interponeret sapem, & staret oppositus contra
 ne pro terra, ne dissiparem eam, & non inueni-
 o, & effudi super eos indignationem meā. In igne
 nim iræ meæ consumpsi eos, viam eorum in ca-
 ut eorum reddidi, ait Dominus Deus. Nec dis-
 similis Michæas est, Principes eius in muneribus *Mich. 3.*

M iudi-

iudicabāt, & sacerdotes eius in mercedem doce-
bant, & super Dominum requiescebant dicētes,
Numquid non Dominus in medio nostrum? Nā
venient super nos mala. Propter hoc cāsa vesti-
Sion quasi ager arabitur, & Hierusalem quasi ace-
uus lapidum erit, & mens templi in excelsu syhu-
rum. Sophonias quoq; inelamat, ac post multa
concludit, Desolatae sunt ciuitates eorum non re-
manente viro, neq; vllō habitatore. Quae proli-
xè recitata sunt prophetica oracula, quod similia
quadam ex parte hisce quoq; temporibus acci-
disse cernamus. Noui equidem permultos esse &
Ecclesiastici, & sēcularis ordinis viros, qui piè ac
religiose neophytorum causam agant, atq; ita cō-
modorum suorum rationem habeant, vt salutem
fortunaēque Indorum non negligant. Verum
apud alios res ita habet, vt expreſsit sermo pro-
pheticus. Neque id mirari homines debent, cum
his certe in locis auaritia maximè vigeat, vbi il-
lius plurima materia est, auri, atq; argenti copia
plurima. Quae enim alia est remotissimas regio-
nes penetrandi causa? Cur imensos Oceani ci-
cuitus, & labores homines subeunt? Nempe vt
modestissime dicam, proprijs fortunis consulere
se arbitrantur, cum aut suam, aut suorum inopia
argento ex India collecto se depulsuros con-
dunt. Neq; id ego reprehendo modo, sed illuc
ago, vt non omnem in Indos culpam reijciamus
si prouentus Euangelici in hoc agro non ita lati-
atque vberes extiterint. Existent profecto qua-
les volumus, si nos ij operarij simus, quos ager

domi-

ominicus postulat, si Christum non nostra quaeramus. Nā quæ fidei propagatio, quæ morū institutio sperāda sit, si iuxta prophetā sacerdotes nō solū mercede doceamus, sed mercedē etiā potissimū requiramus? Re vera verendū est, ne vanale putēt barbari esse Euāgeliū, venalia sacramenta, etq; animas nobis curæ esse sed nummū. At dignus est operarius mercede sua. Dignus planē. Sed māducandū est, vt Euangelizes, non Euangelizādū, vt māduces. An verò Euāgelizādū, vt diteris? t cōgeras? vt opibus plenus reuertaris in patriā? am verò quam sanctē, quam integrē, quam innocenter viuamus omnes qui Christi sanctissimam legem barbaris promulgamus, nos nos ipsos interrogemus. Certē barbari fidem nostram de moribus iudicāt. Procluius quippe est, quod videas, credere quān quod audias. Ratō peruadet factis sermo contrarius. Illud autem mānopere prouidendum est ijs qui inter fidei tyrones versantur, ne priuato suo malo publicam Christianæ familiæ existimationem lædāt, atque corrumpant, neve dum ex quibusdam cēteros cōiectant, omnes criminentur. Vitium enim, vt sciē dixit Gregorius Theologus similem causam regens, ad omnes facilē manat, atq; ob multorum vel etiam quorūdam culpam, vniuersus ordo in nuditiā crimēq; vertitur. Quoddq; omnium miserimum est hæc criminatio non in nobis consistit ac defigitur, verū vltērius se porrigit, ac magnum & venerandū religionis nostræ mysteriū in inuidiā trahit. Hoc illud est, quod Deus vehementer

M 2

queritur,

Mich. 3.

In oratione de Pace.

3.

Esa. 52.

Ezech. 36.

Rom. 2.

queritur, Propter vos iugiter nomen meū blaphematur inter gentes. Desinamus igitur tan-
tōpere barbarorum infidelitatem, & morum
peruersitatem accusare, & nostram aliquando
agnoscamus ignatiam, qui non dignē Euange-
lio Christi conuersemur, plusquē operā incol-
ligendo argenti ponamus, quā in acquiren-
do populo Dei.

De Castitate & Abdicatione necessaria ad Euangelizandum. CAP. XII.

TRIA vero sunt, quæ fidei prædicationi & cultui, vehementissime officiant, avaritia, impudicitia, violentia: quemadmodum numero-
toridem Euangelium maxime promouent, Vita
continentia, Abdicatio omnium, Mansuetudo.
Quæ, si quis velit parūper aduertere, Aposto-
lis & à Domino commendata, cum prædicando
Euangelio instituerentur, & ab ipsis diligenter
seruata comperiet. Atque impudicitia quidem
labes manifeste contemptum parit. Nihil enim
perinde homini philosopho ita ignominie ac de-
decori est, ac more pecudis libidini prosterni. Et
quidem in omni doctorum aut magistratuum
gradu ita res habet: at in Euangelico viro, qui
vitam totam supra humanam ac penitus cœle-
stem instituit, id dedecoris dici non potest, quan-
tum offendat oculos, quā reddat abiectum, &
aspernabilem. Quam ob causam vt ego sanē opi-
nor, etsi sunt alia grauiora crimina, nulla tamen
ab an-

ab antiquis patribus grauius animaduersa in ho-
mine Ecclesiastico, vt qui priscos canones lege-
re, merito miretur ob semel admissum stuprum,
irrecuperabiliter de omni sacerdotali gradu &
ministerio Ecclesiastico depelli conuictum. Id-
circo Apostolus Paulus & toties & tā opere Di-
scipulos Timotheum & Titum, in quibus Eccle-
sia magistros informat, castitatis cuiusdam per-
fectæ admonet. In omni castitate, inquit, & rur-
sus, Te ipsum castum custodi. Et alibi, Te ipsum
præbe exemplum bonorum operum, in doctrina
integritate, in grauitate. Vt enim nihil contē-
tum ita ingenerat præceptoris vt turpitudi-
ne, & sordes, ita nihil est quod magis admirabi-
lem reddat, atque perfectā quādam & omni etiā
suspiciōne libera pudicitia. Admirantur, inquit,
non concurrentibus vobis in eandem luxuriæ
confusionem, Virtutis cuiusdam cœlestis id esse
homines opinantur, quod nostri barbari, vbi for-
e intuentur, adeo suspiciunt, vt vix credant. Cū
quādam in vrbe in foro clericum cōcionantem,
inter cæteros audisset Curaca quispiam Indorū,
& sermonis ardorem ac vim admiratus esset, cō-
uersus ad Hispanos, quæsiuit, Quænam ratio ho-
minis, & quod institutum esset? Cum respondi-
set quispiam, Hominem esse sanctum, qui salu-
em ipsorum tantummodo quæreret. Perrex-
it ultra quærere, vtrum delicijs, opibusue vacaret,
an esset respōsum minime isthac ab illo quæ-
rit, subdidit barbarus, Cur ergo non alio vtitur
habitu ac veste, vt, genus vitæ declaret. Vide ob-

1. Tim. 5.

Ibidem.

Tit. 2.

1. Pet. 4.

- secro quam apud illū laborarit ordo Ecclesiasticus. Atq; vtinam solus esset. Quemadmodum vero impuditiæ fœditas despicabilem reddit prædicatorem, ita auaritiæ sordes faciunt odiosum. Atq; haud scio an quicquam aliud magis audientium animos à verbo Dei auertat, & alienet, diuinitatem quæstum putant, & sicut scriptum est vitæ conuersationem compositam esse ad lucrū. Quam professionis Euangelicæ pestem Christus Dominus à prædicaturis discipulis diligentissimè amolitur. Nolite possidere aurum, neq; argentum, neq; pecuniam in Zonis vestris, non peram in via, neq; duas tunicas, neq; calciamenta, neq; virgā, dignus est operarius cibo suo. Gratias accepistis, gratis date. Quam expresse, quam diligenter, quā etiam minutim inculcatū? Cibum solum Euangelistæ suo Dominus permittit, & quidem vt prædicationis nō sit causa, sed fructus.
- Matth. 6.* Querite primum Regnum Dei, & iustitiam eius, & hæc omnia adiicietur vobis, Sed ne ipsum quidem cibū Paulus excellentissimus Prædicator amittit, sed laborat manibus suis, ne quæ grauet, vt sine sumptu ponat Euangelium, & gloriæ ducit quod nemini onerosus sit, cū possit onerari esse, vt Christi Apostolus. Animaduertebar optimus Architectus & sapiens fabricā Euangelij magnopere quauis cōmodi specie etiā iusti, etiā necessarii vel impediri, vel certè retardari, ob eā rem eligebar potius mori, quā vt gloriam hanc suam, id est fructū Euangelij copiosum perderet. Quamobrem præ omnib; Apostolis nō solū amplius laborauit

*1. Tim. 6.**Sap. 15.**Matth. 10.**Luc. 9.**Matth. 6.**1. Thes. 2.**1. Cor. 9.**2. Cor. 11.**1. Cor. 9.**1. Cor. 15.*

se

sed multò etiam vberius fructificauit. Ingenerat
re vera expoliatio hæc Euangelica animis homi-
num admirabilem quãdam vim amoris, vt quem
tuis cõmodis insudantem videas, oblitum sui, re
propriam negligentem, hunc totis visceribus cõ-
plectaris, tanquam syncerè & paternè tua curan-
tem. Quare cupiditatem omnem, & turpe lucrũ
principes Apostolorum Petrus & Paulus, in Ec-
clesiæ ministris sæpe & grauissimè detestantur, si
qua ergo plaga dolenda est in hæc causa, auaritia
est. Quid enim non agat mali auri sacra fames?

1. Pet. 5.

Tit. 1.

Quantum officiat Fidei violentia. CAP. XIII.

SED præter hæc incõmoda, ipsa Fidei primor-
dia ex multa nocendi licentia non mediocre
damnum accepere. Atque vt stirps primis initijs
nata peruerse, & inflexe non facile mox vitium
deponit, cum creuerit, sed aut perfringi, aut nati-
uo suo errori permitti debet, ita prorsus cum In-
dorum natio bellici apparatus potius autorita-
te, quã germana prædicatione magna ex parte ini-
tio Christũ acceperit, dubitare nõ possum⁹, quin
animo conceptũ metũ, & seruilẽ cõditionẽ nõ in
genuè in Filios Dei translata per regenerationẽ,
adhuc retineat, ac rebus ipsis, vbi sibi impune li-
cere putat, ostendat. Nihil enim ita fidei suscep-
tioni aduersatur, atque vis omnis, & violentia.
Non enim est fides nisi volentium, vt prouer-
bij loco sit illud Augustini, cætera posse ho-
minem etiam nolentem, credere non nisi vo-
lentem. Quamobrem mäsuetudo, & suauitas vel

Aug. tract.

16. in Ioan.

- Tit. 3.* præcipuè commendatur Euangelicis viris. Om-
nem, inquit, ostendentes mansuetudinem ad om-
2. Tim. 2. nes homines. Et alibi, Cum modestia corripien-
tem eos, qui resistunt veritati, nequando Deus
Iacob. 1. det illis pœnitentiam, & resipiscant. Et Iacobus
Apostolus monet, in mansuetudine suscipere in-
fitum verbum, quod potest saluare animas no-
stras. Quoniam ergo voluntarium est ac liberum
cuique obedire Euangelio credendo, neque fi-
Iac. 2. des per vim extorta aliorum potest esse, quã dæ-
monum, suauiter ac beneuole ducendus est, non
protrudendus auditor. Hinc diuinus præceptor
missurus suos ad Euangelizandũ exorditur, Ecce
Mat. 10. ego mitto vos sicut agnos in medio luporum.
Ac vide Domini magnificentiam, ab agnis lupi
superati sunt, ac deposita feritate in eundem se
gregem adiunxerunt. Quando obsecro ferocia
potentium minis cederet? Quando orbis doma-
retur vi? Tacendo, tolerando, benemerendo de
inimicis, vicerunt Christi milites, non cædendo,
non terrendo, non minitendo. Quod si non re-
ceperint Euangelium, quid præcipis Domine?
Iubebunt ne ignem de cœlo descendere? ruinæ
Luc. 9. tradent ciuitatem? Nescitis, inquit, cuius spiritus
estis. Filius hominis non venit perdere, sed salua-
re. Quid ergo? si non receperint vos in ista ciui-
tate, ite in aliam. Quam benigne? quam dulci-
ter? Itaque qui sponte Euangelio cedunt, verè
cedunt, fidem corde concipiunt, & pre confiten-
tur, & fixi manent, & toti Dei sunt, non partim
in Deo, partim in Baal claudicâtes, specie & voce
Chri-

Christiani, animo, & re infideles. Id enim consequatur necesse est, ubi contra naturam suam, contra Domini voluntatem, Fides extorquetur inuitis.

Qualis in religione Christiana magna ex parte sit natio Indorum. CAP. XIII.

AC mihi quidem videtur res Indorum per similis antiquæ Samaritanorum historiæ, quâ in 4. lib. Regnorum legimus, ubi terrore ac metu ferarum incurfantium perculsi habitatores perierunt Dei sacerdotē, qui Dei legem doceret. Cum venisset igitur, ait, vnus de sacerdotibus his qui captiui ducti fuerant de Samaria, habitauit in Bethel, & docebat eos, quomodo colerent Dominum. Et mox post enumeratas superstitionis varias illorum adiungit. Et cum Dominum colerent, Dijs quoque suis seruibant, iuxta consuetudinem gentium, de quibus translati fuerant in Samariam, vsque in præsentem diem morem sequuntur antiquum. Non timent Dominum, neque custodiunt ceremonias eius, atque iudicia & legem, & mandatum & cætera. Postremo concludit, Fuerunt igitur gentes istæ timentes Dominum, sed nihilominus, & idolis suis seruientes. Nam & filij eorum, & nepotes sicut fecerunt patres sui, ita faciunt vsque in præsentem diem. Non ideo totum nostrorum Indorum habitum, & religionis statum describi potuisse, vel plenius, vel elegantius. Et Christum colunt, & dijs suis seruiunt:

& timent Dñm, & non timent: vtrumq; enim cõfirmat scriptura diuina. Timent ore tepus, timent dum instat Iudex, aut presbyter, timent denique simulatoriam Christianitatis speciẽ præferentes: non timent animo, non colunt serio, neq; corde credunt ad iustitiam. Quid plura? Filij, & nepotes eorum, sicut fecerunt patres sui, sic faciunt vsque in præsentem diem.

Nihilominus vera Fidei, ac salutis apud Indos spem esse magnam, alienumque esse à Dei spiritu contra sentire. CAP. XV.

EN nostrorũ temporũ Samaria: vbi Christus habitat cū Socot Benot Babylonio, cū Nergel Cuthæo, cū Asima, cū Nebahaz, & Thartac, & Adramelech, & Anamelech, & quibuscunque alijs portentis Deorũ. Vbi non tã colitur cū alijs, quã iniuriã suã, & contumeliã ferre quodãmodo cogitur, Dæmonibus consociatus, & eorũ honores consortio suo cumulans. Sed non sunt ideo Samaritani nostri auerſandi, non statim desperandi. Et Samariæ quoq; recordabitur Dominus: & erit, cum accipiat verbum Dei, & Simone relicto Philippum audiat, Petrum ac Ioannem prædicatores mereatur. Erit cum dicat, Et nos credimus, quia hic est vere Saluator mundi. Omnino Samaritanis quoque sui ipsius copiam facit Christus, & ostendit suis regiones iam albas ad messẽ, & laborem foelicem pronuntiat, & fructum copiosum pollicetur in vitam æternam.

Act. 8.

Ioan. 4.

Ibidem.

æternam. Cur ergo spem abijciemus? cur Iudæo-
 rum supercilio Samaritanos procul abire iubebi-
 mus? ac non magis Dominum illiusq; Apostolos
 imitantes Euangelium proferemus? & quod in *Colos. 1.*
 todo mundo fructificat, & crescit, & hic in terra
 arida, & inuia aliquando tandem fructificaturū
 credemus? Nam quæ erat sitiens, erit in fontes *Esa. 35.*
 aquarum, quia scissæ sunt in deserto rupes, & in
 flumina eruperunt. Veniet, veniet prorsus tem-
 pus suum Samariæ: & qui prius in mandatis ac-
 ceperant, In viam gentium ne abieritis, & in ciui- *Matt. 10.*
 tates Samaritanorum ne intraueritis, audient po-
 stea Dominum præcipientem, Accipietis virtu- *Act. 1.*
 tem Spiritus sancti superuenientis in vos: & eri-
 tis mihi testes non solum in Iudæa, sed in omni
 etiam Samaria, & vsq; ad vltimum terræ. Ac mi-
 hi sanè persuasum est, neq; inde possum reuoca-
 re sententiam, & si aliquanto serius, & laborio-
 sius, & parcius fortasse pro initijs, tamen aliquan-
 do Spiritus sancti benignitate, Indorum gentes
 fore, vt in Euangelij gratia multū locupletentur,
 & vberes corā Domino Sabaoth fructus ferant.
 Neq; verò alias ego difficultates perpendo aut ti-
 meo, quā operariotū fideiū, & prudētū in Chri-
 sto maguā inopiā cū magna profecto copia mer-
 cenariotū, & eorū qui sua quærūt, non quæ Iesu
 Christi. Igitur si Dñs veros operarios miserit in
 messem suam, operarios inquā inconfusibiles, re *2. Tim. 1.*
 ctè tractantes verbum veritatis, quos hæc natio *Phil. 2.*
 hominū, nō sua quærere, sed se perspiciat, qui libe-
 ter filijs thesaurizēt, insuper & seiplos impēdere
 pro

2. *Cor.* 12. pro animarum salute promptissimi sint, quibus adeo chari sint filij spirituales, vt non solum Euāgelium Christi, sed ipsa quoque viscera tradere ament, qui probati à Deo ita loquantur, vt non quærant hominibus placere, sed Deo, qui probat corda, quorum sermo non sit in specie adulationis, neq; in occasione auaritiæ, denique qui non suam sed Dei gloriam syncerissimè quærant: tunc planè manipuli pleni in area Christi colligentur, tunc consumpta sterilitate, latissimæ segetes surgent, & congregabuntur in vitam æternam. Patientia interim opus est, & fidei ad Deum oratione, vt mittat operarios suos. Neq; leuiter hæc & temerè pronuntiata quisquam putet: ipsa rei experientia locuples testis est. Sunt homines Dei, rari illi quidem, sed sunt certè, qui exemplo suo comprobauerunt Indorum perniciem non ex ipsis esse, qui nacti fideles, strenuos, ac prudentes sacerdotes ac duces, sentiunt planè doctrinæ diuinæ vim, & vita ipsa respondent, paulatim quidem vt solent omnia, sed tamen accipiunt semè, & vtrò fructificant primum quidem herbam, id est externum religionis cultum, deinde spicam intelligentiæ, & affectus qualiscumq; postremo plenum frumentum in spica, hoc est Fidem iam plenè per dilectionem operantem dignè Deo. Neque enim summa incrementa exigenda sunt vno statim die. Quod si quæ à Catholico Rege, & illius senatu (pro magno Christianæ religionis ardore, & studio salutis Indorum, edicta manarunt, rei fortunisque istorum bene ac sapienter prospici-

Marc. 4.

prospicientia tam diligenter ac fideliter executio
 ni committantur, quàm sunt necessario procura-
 ta, non solum facilis, & iucunda; verum etiam fru-
 ctuosa admodum futura esset breui Indicæ salu-
 tis administratio. Et tamen utcumque res ha-
 ctenus se habuerit, non tam malè habet, quin
 multa Indorum milia Christo lucrifiant: atque
 ubi quidam Helix ac nimij zelatores omnes In- 3. Reg. 19.
 dorum gentes post Baal suum abite conquerun- Rom. 11.
 tur, omnes, retinere. Quacumque suas, & suo Zupai
 seruire clamant, ibi reliquit sibi Dominus plus-
 quam septem milia, qui non curuant genu ante
 Baal, ibi & Abdias interdum est, etiam Prophe- 2. Tim. 2.
 tix dono cumulatus. Nouit Dominus qui sunt Psal. 58.
 eius, omnes gentes seruiunt ei. Quæ cum ita sint,
 non est Christiani pectoris, sed à Christi spiritu
 alienissimi, homines inde auocare, & à negotio
 gerendo dehortari: cum difficultates omnes quæ-
 acumque sint, Dei præcepto, & gratia superio-
 res esse non possint, fructusque animarum, ut par-
 uissimè succedat in tam infinita multitudine non
 possit non esse copiosus, & merces apud Deum
 multò maxima.

*Quod etiam in præsentia labore ministrorum fructus
 animarum sit longe maior. CAP. XVI.*

AC fructum Euangelicæ prædicationis nos
 quidem animarum multitudine metimur
 ut scriptum est, In vnum colligam reliquias Is-
 rael, pariter ponam illum quasi gregem in ouili,
 Mich. 2.
 quasi

- quasi pecus in medio caularū, tumultuabuntur à multitudine hominum. Ipse tamen Dominus dicit multos esse vocatos, paucos verò electos.
- Matt. 21.* multos ad Euangelium, & nuptias inuitatos, paucos dignosse conuiuio præbuisse. Quod sapiēter reputans Paulus sibi quoq; ipsi timet, & non cōtentus tam raræ vocationis suæ gratia, corpus ad huc castigat, & domat, ne prædicans alijs reprobus ipse efficiatur, neq; nos hoc consilij vllō modo ignorare patitur. Vt cū antiquos patres tot actantis beneficijs cumulosos videamus, & baptismo figuratiuo lotos, & mensa Domini spirituali communicatos, & tamen ex tot millibus hominum vix vnum, aut alterum bene placuisse corā Domino, quibus iratus iurauit, si introibūt in requiē meam: nos quoq; timeamus, neq; nobis ipsis de accepta iam gratia placeamus, & dū ad correctionē nostram scripta illa omnia intelligimus, qui nobis videmur stare in gratia ista Euangelij, omnibus modis caueamus, ne inde excidamus. Nam & semē recipi, & exoriri parū prodest, quādo vel solis iniuria, vel spinarū improbitate corrūpitur. Pauci sunt reuera, qui saluantur: neq; semper multiplicata gente, magnificatur statim lætitia. Sed & si fuerit multitudo filiorum Israël, vix arena maris, reliquiæ saluæ fient. Tota enim electorum ciuitas magna quidem ipsa per se, sed cū numerositate filiorum sæculi huius comparata, exigua est: vt verissimè à sanctis Prophetis, reliquiæ saluæ esse dicantur, veluti ex magno aliquo acervo, aut copioso conuiuio. Hæc eō pertinen
- Matt. 13.*
Luc. 13.
Esai. 9.
Isai. 10.
Osè. 1.
Rom. 9.

inveniant omnia, ut inanis quorundam opinio refellatur, qui iustitiam Dei ignorantes, & suam volentes statuere, iustitiæ Dei non sunt subiecti. Hi cum demum messem vberem, & fructum copiosum sibi cogitant, cum ad votum succedunt omnia, atque hominum myriades lucro suo vix sufficere putant quorum, ut est laudanda voluntas, ita corrigenda sententia: ne si gloriam Apostolicam emulentur, & primitias Evangelij, quicquid inerior est, aut minus amplum, sterilitatem, & inopia arbitrentur. Contentus certe esse debet operarius, si in vineæ labore & fructu, Domini atque ære dis voluntati satisfactum sit. Sed ut lucra Evangelica ipsa multitudine metiamur, e quidē non intelligo, cur labore, & opera ministrorum non longe maior appareant fructus salutis Indorum. Nam ut afferā, quæ omnes norunt, quæque ipsi causæ Indorum infestissimi confitentur, profecto, & renascentium, & in Christo morientium turba non potest non esse plurima. Quot enim infantium millia quotidie de interitu æterno eripiuntur salutari lavacro? qui empti statim de terra teneri Christi sanguinis fœtus Deo immaculati offeruntur. Et si nimis frequens est ubique, infantulos recentes ab ætère extingui, ob quam causam Aristoteles scripsit gentium fuisse consuetudinē, non ante nomen imponere quā octavus dies veluti iam victurum puerum enuntiaret, quod primo dierum septenario vix ita nomine dignus haberi possit, propter naturæ inconstantiam: tamen, ut quorundam opinio fert, nescio quo cœli, ærisve occulto.

*In lib. de
hist. Anim.*

occulto tactu in tota prope regione duobus circulis Tropicis comprehensa, multò frequentissimum est, recens ortos pueros ante paucos dies interire, vt vix ausim dicere, vtra portio sit maior abeuntium, an permanentium. Quos omnes cum sibi Christus amator paruulorum sacro sui sanguinis fonte purgatos lucrifaciat, quis non vel integrum hoc vniuersi laboris Indici operæ pretium ducat? Ipsos grandiores intueamur. Illud firmum est diuinæ legis oraculum, in vltimo agone vitæ, de tota causâ pronuntiari: vt quem mores iustificatum inueniat, huic non admodum obstat vitæ superioris iniquitas. Atque de Indorum gente hæc plurimorum sententia est, eorumque maximè, qui diutius cum ijs versantur, urgente metu mortis, plerosque sacerdotem protinus sibi vocare, Patrem adesse obnixè petere, peccata sua dolenter, & seridò confiteri, magna Fidei, & pœnitentiæ indicia præbere, idque cum liceret illis, vel sine teste res suas agere, & pro arbitratu componere. Quem eorum animum cum à nonnullis audissem, & aliqua ex parte ipse quoque expertus essem, quæsiui tamen diligentius ex alijs, quos experientiores iudicabam, & minus causæ Indorum affectos: & quamuis non pauci essent præcipue inter Satrapas, & Curacas ac vetustiores Indorum, qui etiam tunc infidelitatis suæ signa proferrent, tamen plerosque, vt dixi, ita se comparare omnium testimonio comprobavi. Quæ vna res magnam profecto salutis Indorum spem facit: propterea quod certum esse videtur internæ

fidei & religionis indicium, eo tempore pœnitentiam Ecclesiasticam exoptare, quo maximè veritatis & sensus intimi ratio haberi solet, utpote nulla iam fictionis aut metus causa restante. Quo circa narrabat Episcopus Popaianensis, cum ipse iam olim in partibus Mexicanis simul cum alijs sui ordinis viris versaretur (erat enim Augustinianæ familiæ) vehemēter admitari se solitum illorum Indorum fidem, qui iam extrēmō morbo laborantes & morti propinqui à suis se portari præciperent ita ut erant decumbentes lectulis aut quas Hamacas vocant, longo itinere sex aut septem interdum etiā pluribus milliarijs confectis vsque ad sacerdotem aut monachum, ut fieret sibi copia confitendi peccata, adeo ut in ipsa via iacentes horum non pauci patris præsentiam præstolantes occurrerent, interdum in ipso itinere extinguerentur. Ac reuera credendum est eorum non mediocrem turbam pro sua pietate ac fide, salutari pœnitentia remissionem consequi apud benignum Deum, atque ad vitam migrare perpetuam. Primum quod quibus minus naturalis talenti donatum est, ab ijs iuxta salutatoris sententiam, minus requirendum sit, exiguo quippe cōceditur misericordia. Deinde istorum crimina ut plurimum, non eius generis sunt, ut inexorabilem sibi reddant Deum, atque in ipso interitu vetera vlciscentem, cuiusmodi scripturæ prædicant maximè peccata in spiritum sanctum, ex certa malitia perpetrata. Peccant enim plerique vel ignorantia vel carnis infirmitate incitati,

Luc. 12.

Sap. 6.

Prou. 1.

Hier. 7.

Esai. 65.

N quibus

quibus si ebrietates, & scortationum flagitia adimas, vix quicquam reliquum sit. Postremò, neq; restitutionibus rei alienæ, neq; iniurijs, aut inimicitijs impediuntur, neq; obstinatione quadam scelera perpetrandi, cum vix avaritiæ, aut violentiæ apud eos sensus sit. Quibus omnibus rebus meritò adducimur, vt de istorum extrema salute non parum speremus, eius præsertim intuentes clementiam, qui pauperis, atq; inopis oblatione licet exigua non contemnit. Mihi verò persuadeo, vt de istorum miserorum confessione, & penitentia melius sentiam, quam de multorum sæculi huius potentium ac sapientium in extremo vitæ spiritu ingenti apparatu, & pompa, etiam si sacerdotum longo ordine cingantur, & de male partis diuitijs magna legata Ecclesijs relinquant. Solus ille, qui nouit omnes, scit vnde plures salui fiant. Sepe quod altum est hominibus, abominatio est ante Deum. Nemo igitur iudicet alienum seruum, neque stulta, & ignobilia mundi contemnat. Itaq; vbi operariorum non cernimus vsque adeo magnos sudores pro Christo, non possumus terræ sterilitatem accusare, si quidem in tanta desidia ministrorum hos certè fructus videmus, vbi furi sine vlla dubitatione longe cumulatiores, si modo dignitati Euangelij responderit dignitas ministrorum. Neque verò pro paruo ducendum est, quòd expulso Diabolo Christus regnat, ac pro nefarijs, & impuris idolorum cultibus Ecclesiastica sacramenta celebrantur, quòd veneficiorum, flagitiorum, parricidiorum quotidie decreseat furor,

Luc. 12.

uror, neq; audeat scelus impune grassari. Tremat
 satanas se pulsum, & quantis potest viribus, agit,
 ut liceat redire ad pristinam domum iuxta Evan-
 gelium. Itcirco vacuam Christi ministris optat,
 & dolens se spoliari antiquissima hereditate, in
 omne se latus vertit, cui nomina mille, mille no-
 vendi artes, vt servis Christi persuadeat vanos, &
 nutils suos esse labores, vt torpore ac despera-
 tione superati relinquant dissipatas Christi oves,
 h immansissimo lupo protinus trucidandas. Sed
 stat Dominus pro populo suo, & clamat, *Qui nō*
colligit mecum, dispergit, & qui non est mecum,
contrā me est. Adhuc monet, adhuc hortatur le-
gare oculos, & videre regiones albas ad messē:
ut qui seminat, simul gaudeat, & qui metit.

*Matt. 12.**Matt. 12.**Ioan. 4.*

patientia, & labore effici, vt copiosi fructus ex hoc agro
Dominico colligantur. CAP. XVII.

Ulla verò Dñi sententia comprobantis in hoc
esse verbū verum, quia alius est, qui seminat, &
alius est, qui metit, satis nos confirmare, & confo-
ari deberet si pro diligentia seminandi salutis
verbum, non apparet illico fidei, & charitatis fru-
ctus assurgere. Fieri enim potest, vt sementis ia-
ciendæ præsens tempus sit, futurum aliquādo cer-
te messis colligendæ. Apostoli in Prophetarū labo-
res introisse dicuntur, neq; tamen, vel hi, vel illi
ibi fructificaverunt sed Deo, qui nouit opportuna
tempora iuxta sapientis sententiam vnicuique
negotio. Hominis autem afflictio multa est

*Ioan. 4.**Ecccl. 8.*

1. Cor. 9.

Prov. 13.

Iac. 5.

Heb. 6.

Rom. 15.

1. Mach. 8.

Leuit. 19.

propterea quod futura scire non potest. Sed tamen & qui arat, in spe debet arare fructus percipiendi, & huic sue spei, etiam si dilata affligat, debet nihilominus patientiam & longanimitatem adhibere. Ecce agricola, ait Iacobus apostolus, expectat pretiosum fructum terræ, patienter ferens, donec accipiat temporaneum & serotinum, patientes igitur estote & vos, & confirmate corda vestra. Abraham longanimiter ferens adeptus est repromissionem. Ac ferè omnis historia, omnis sermo diuinus eo maxime tendit, vt per patientiam scripturarum spem & consolationem habeant, qui laborant quidem, sed laborum suorum emolumenta non vident. Nihil magnum nihil gloria dignum sine patientia vnquam peractum est. Ipsos Romanos rerum dominos patientia maxime & tolerantia, orbis potitos, non solum profana, verum etiam sacrae literæ commendarunt. Neque tam fuit admirabilis potentia in prospera, quam in aduersa fortuna constantia. Non videmus nos modo nascētis Ecclesiæ difficultates à Christianis orti, inter solos Christianos educati. Certè fides vbi nunc firmiores altioresque radices egit, ibi initia habuit longe difficillima. Non igitur sementis Euangelicæ fruges ex præsentibus tantummodo metendæ sunt. In lege sanè scriptum legimus: Quando ingressi fueritis terram, & plantaueritis in ea ligna pomifera, auferetis præputia eorum, poma, quæ germinant, immunda erunt vobis, nec edetis ex eis. Quarto autem anno omnis fructus eo-

rum

um sanctificabitur laudabilis Domino. Quinto
 utem anno comedetis fructus, cōgregantes po-
 na, quæ proferunt. Fortassis in terram nuper in-
 reffi ex plantatis lignis nondum poma matura
 etque esui apta decerpimus: fortassis fides Indo-
 rum nondum fructus satis fame prædicatorum
 ignos edidit: adhuc præputia auferenda sunt:
 adhuc multus pristinæ infidelitatis gustus est.
 Sed quid agimus? ita ne semper futurū est? Imo
 pro posterorum saltem generatione quis dubi-
 tat fructus diuino conspectu dignos, omni vetu-
 statis sapore abolito, exorituros? Erunt nati pa-
 rentibus feliciores, quod experientia satis docet,
 erunt fidei magis idonei paterna sua superstitio-
 ne minus imbuti, religioni diligentius innutriti.
 Sed; video cur quisquam cōtra nobis ominetur
 causa. Natio nulla est hominum obsequētior,
 nulla subiectior. Ingenio nequaquam duro &
 obtuso, imitandi quicquid viderint, mirè cupidi.
 In quibus potentiā & regendi autoritatē conspi-
 unt, nimium venerabundi, dicto citius obse-
 quendātes. His moribus Indos esse præditos, qui-
 nque vel exiliter expertus est, non ignorat. Si
 ergo magistros nacti sint strenuos, Christi chari-
 tate feruentes, qui bono exemplo, ac sana doctri-
 na greges sibi commissos solícite pascant, quid
 non sperandum est, diuina in primis, quæ non
 est suis, gratia aspirante? Sed quoniam omnia
 hic aspera, omnia aduersa narrantur vel certe exi-
 miantur à multis, ostendam labore & patientia
 omnia superari, & de desperatis atq; ærumnosis

198. DE PROCVRANDA INDORVM
initijs in lætissimos exitus solere conuerti. Osten-
dam verò non tã rationibus, quã exemplo Patrũ,
quod efficacius persuadet. Ac placet paulò fusiùs
referre, quę de sancto Malachia Episcopo coëta-
neo suo B. Bernardus scribat, cum primũ crea-
tus est Pastor Connereth, quę ciuitas est in Hi-
bernia. Cũ cœpisset, inquit, pro officio suo age-
re, tunc intellexit homo Dei, non ad homines se,
sed ad bestias destinatum. Nusquam tales exper-
tus erat in quantacumq; barbarie, nusquam repe-
rerat sic proteruos ad mores, sic ferales ad ritus,
sic ad Fidem impios, ad leges barbaros, ceruico-
sos ad disciplinam, spurcos ad vitam. Christiani
nomine, re pagani, non decimas dare, non primi-
tias, non legitima inire coniugia, non facere con-
fessiones, pœnitentias nec qui peteret, nec qui da-
ret, penitus inueniri. Ministri altaris pauci admo-
dum erant, sed quid opus plurium, vbi ipsa pau-
citas inter laicos propemodum otiosa vacaret.
Non erat quod de suis fructificarent officijs in
populo nequam. Neq; enim in Ecclesijs, aut præ-
dicantis vox, aut cantantis audiebatur. Hoc statu
his moribus nemo opinor causę Indicę tam ini-
quus sit, qui nō fœliciores, vel potius minus in-
fœlicem prouinciã istam nostram agnoscat. Sec-
pergamus audire, quod optimi Chriști ministri in
tã perditō populo officium fuerit. Quid faceret,
inquit, athleta Domini? aut cedendum turpiter,
aut periculose certandũ. Sed qui se pastorem, non
mercenarium agnoscebat, elegit stare quam fu-
gere, paratus & animam dare pro ouibus, si oport-
teret.

*In vita Ma-
lachia. c. 6.*

eret. Et quanquam omnes lupi, oues nullæ, stetit intrepidus in medio luporum, omnimodis argumentosus, quomodo faceret oues de lupis, Monere cōmuniter, secretò arguere, flere per singulos, nunc asperè, nunc leniter conuenire, prout cuiq; expedire videbat. In quibus minus hæc profecissent, cor contritum, & humiliatum offerebat pro eis. Quoties noctes totas peruigiles duravit, extendens manus in oratione? Et cū venire ad Ecclesiam nollent, per vicos, & plateas occurrebat inuitis, & circumiens ciuitatem quærebat in helus, quē Christo acquireret. Sed horū conatū exitum forsitan quis expectet? Vbi ergo Bernardus iniurias, & difficultates pro Christo mulas à B. Malachia tolleratas narrauit, adiūgit, Perseuerauit pulsans, & secundum promissionem talem aliquando pulsanti apertū est. Celsit duritia, quieuit barbaries, & domus exasperans paulatim leniri cœpit, paulatim correctionē admittere, recipere disciplinā. Fiūt de medio barbaricæ leges, Romanæ introducuntur, recipiuntur ubiq; Ecclesiasticæ cōsuetudines, cōtrariæ reiiciuntur, reedificantur Basilicæ, ordinatur Clerus in illis, sacramentorū ritè solēnia celebrātur. Cōfessiones fiunt, ad Ecclesiā conueniunt plebes, concubinatus honestat celebritas nuptiarū. Postremò sic mutata in melius omnia, vt hodie illi gēti cōueniat, quod Dominus per Prophetam dicit, Qui ante non populus meus, nunc populus meus. Hæc Bernardus de S. Malachia, quæ tam fuscè recitata sunt, vt in causa simili imò longe deteriore

Matt. 7.

Luc. 11.

Ose. 2.

industriam atque operam boni militis Christi discamus, & fidei ac perseverantiæ certissimos atque vberriimos fructus contemplemur, ne nostra dissimulata inertia inculti ac syluosi soli sterilibus naturæ culpetur. Alterum quoq; exemplum eodem pertinens quamuis alia ratione ex historia Bedæ probata afferamus. Is lib. 2. Anglicarum rerum refert Mellitum olim à magno Gregorio cum Augustino missum, propter sæuientis regis iniurias & plebis exiguum numerum pulsam propria sede Cantuam venisse, vt cum Laurentio & Iusto coëpiscopis suis tractaret, quid facto opus esset. Decretumque communi consilio factius esse, vt omnes in patriam redeuntes libera ibi mente Domino deseruirent, quam inter rebelles fidei barbaros sine fructu residerēt. Itaque Mellitus & Iustus in partes Galliarum recessere. Cū verò Laurentius eos iam secuturus, ac Britanniam relicturus esset, iussit ipsa sibi nocte in Ecclesia B. Apostolorum Petri & Pauli stratum parari: in quo cū post multas preces, & lachrymas ad Deum pro statu Ecclesiæ fusas, obdormisset, apparuit ei beatissimus apostolorum princeps, & multo illum tempore secretæ noctis flagellis arctioribus cædens, sciscitabatur Apostolica districtione, quare gregem, quem sibi ipse crediderat, relinqueret? An mei, inquit, oblitus es exempli, qui pro paruulis Christi, quos mihi in iudicium suæ dilectionis commendauerat, vincula, verbera, carceres, afflictiones, ipsam postremo mortem & mortem crucis ab infidelibus etiam inimicis

Christi

*Lib. 2. c. 5.
& 6.*

Christi ipse cum Christo coronandus pertulit? His B. Petri flagellis simul, & exhortationibus animatus, atq; eruditus Laurentius, manere decernit, socios ex Gallia reuocat, Regem sibi hactenus infestum adit, ostēsis vulneribus flectit, Deo iuratur, gentis totius salutem ad finem vsque multa cum alacritate procurat, & perseverantiæ tandem meritis impetrat. Sola nimirum est, quæ coronatur perseverantia. Quibus profecto documentis satis Christi milites admonentur certare usque ad mortem, & in rebus aduersis diuino auxilio freti, constanter sperare victoriam. Nostrum est pugnare pro viribus, Dei autem, qui bella cōferit, vincere. Dei agricultura est, Dei ædificatio 1. Cor. 3. est: & neq; qui plantat est aliquid, neque qui rigat, sed qui incrementum dat Deus, vnusquisque vero secundum laborem suum, mercedem accipiet.

Quod non solum futuri fructus spes sit; sed præsentis etiam satis magni certa documenta teneantur.

CAP. XVIII.

Atque hæc ferè ita à me disputata sunt, tanquam de Indorum gente ad Euangelij veritatem perducēda, tenuiter, & angustè ipse quoque sentirem, neq; præclari alicuius fructus ex his laboribus colligendi spem vllam certam tenebam. Quod quanquam his gentibus, quibus valde me fauere profiteor, non solum parum honestum; verum etiam, vt quidam nostri rectè admo-

nent, prorsus iniquum, & iniuriosum est, attamen
 libenter facio, quod malim in causa Indorum af-
 ferenda modestus defensor, quam nimius lauda-
 tor existimari. Vt enim omnes nationes hæ, quæ
 magno Oceano ambiuntur, ita essent barbaræ,
 absurdæ, inhumanæ, ingrata, leues, obtusæ,
 Euangelio denique, & omni spiritali nego-
 tio ineptæ, quemadmodum plerique merce-
 narium calumniantur, tamen ipsa illorum
 testificatione effectum est certè hactenus, vt
 tot gentium salutem nullo modo desperare de-
 beamus, neque verò salua rerum fide possimus.
 Itaque quamuis verum esset, quod sumunt sa-
 lutis Indicæ oppugnatores, tamen quod maxi-
 mè volunt, minimè efficiunt. Ego verò si planè
 quod sentio dicturus sum, immeritò prorsus in
 causa Euangelij harum gentium ingenium natu-
 ramq; accusari nullo modo dubito, atque equi-
 dem certus sum, si Euangelij introitus in has re-
 giones is extitisset, quem Euangelij conditor
 maximè docuit, non alios illius progressus fu-
 turos fuisse, quam quos in prima, & Apostoli-
 ca Ecclesia legimus. Nam si post talem nostro-
 rum hominum corruptionem, Christum tamen
 colunt, & si quando magistrum præfectum ve-
 paulo modestiorem nacti sunt, mirifice, & aus-
 cultant, & colunt, & seipsos quauis cera molli-
 ores præbent, & quicquid præclari, atque hone-
 sti vident, imitari contendunt, quid Deus bone,
 futurum fuisse arbitramur, si ex ipsis prædica-
 tionis exordijs speciosos Euangelizantium
 pacem

pacem pedes conspexissent, si se solos Christo, non sua quæri, & verbis, & rebus ipsis didicissent? Nostræ certè minimæ societatis Patres qui in his Peruensibus regionibus annos iam octo versantur, & harum gentium mores experti sunt, tum missiones diurnas multasque obeundo, tum eorum Parochias propriè suscipiendo, tum verò sine Parochi munere contententer cum his agendo, omnibus prorsus modis se se fructus opinione maiores inuenisse iam seriò testificantur, vt Deum inuocent in animam suam, si non ita res se se habeat. Quidam etiam in primis inter nostros graues, & maturi viri se nusquam, neque faciliores, neque meliores Euangelij segetes vidisse, scriptis literis confirmarunt, qui tamen, cum ex Hispania aduentarent, vulgari, id est contraria opinione tenebantur, quam facto abunde satis periculo penitus exuerunt. Nam & ingeniosos esse hos Indos, & dociles, & mansuetos, & bonorum sacerdotum amatores, & obediens, & fastus, opumque contemptores, & quod multi minus credunt, si semel serio, atque ex animo, religionem virtutemque susceperint, in sententia constantes. Quod ego vt sentiam, non difficile adducor, cum videamus Ingarum fidei deditos, aut Guacarum superstitione astrictos, pro occultanda sibi commissa idolorum vanitate, aut gaza recondita, libentissimè passim occumbere, citiusque fortunas vitamque ipsam suam, quam paternæ superstitionis arcana prodere.

Quis

Quis enim nescit Indos flagris saepe concisos, saepe
 flammis exustos, neque verbum tamen in his
 cruciatibus contra suam sententiam protulisset.
 Cur ergo Diabolum Christo fortiozem in se tué
 do putemus? Aut ad falsa, & perniciosa, quam ad
 vera, & salutaria conseruanda constantiores futu-
 ras esse gentes à Deo, & conditas, & redemptas?
 Da mihi certe apud Indos Apostolicos viros, red-
 dam ipse vicissim ex Indis Apostolicos fructus.
 Ad nostros, quod nescio quam vitæ honestioris
 speciem, & cupiditatis abiectiorem fortè conspe-
 xerint, ita Indi accurrunt, vt passim confessionis
 faciendæ causa remotissimi etiam veniant, trigin-
 ta, aut octoginta leucas emensi: conciones sacras
 ita frequentasse vidimus, vt insatiabili Dei verbi
 fame ferri viderentur, vnam ex alia vsque ad qua-
 tuor, & quinque eodem die adeuntes, idque om-
 nibus diebus Dominicis, & festis: pœnitentiæ sa-
 cramentum perpetua quadam frequentia ita, &
 peti, & reddi, qui cerneret, iubilæum, aut magnæ
 hebdomadæ tempus omnino crederet. Dari sibi
 graues pœnitentias postulant, & si minus pro vo-
 tis graues imponuntur, ipsi arripiunt, lachrymis
 & acerbo dolore se cōficiētes. Inuitant alij alios
 ad pœnitentiam tanto ardore, vt nostri non pos-
 se omnibus satisfacere, & illorum precibus im-
 portunis se opprimi conquerantur. In melioris
 vitæ proposito ita constantes, vt nonnullas fœ-
 minas, qui sexus fragilior est, constet, neque preci-
 bus, neque minis, neque verò stricto cominus mu-
 crone, & iugulo opposito peruiuci potuisse, vt
 veteribus

veteribus amatoribus obsequerentur, sua omnia
 libenter dant: Christi corpus avidissime esuriunt,
 & quibus conceditur, mundissime accipiunt, &
 religiose conseruant, neque vltra se semel com-
 municatos locum crimini dare posse testantur.
 Quod secus cum esset aliquando factum, tanta
 indignatione aduersus se ipsum Indum com-
 motum seimus, vt à se strangulando tanquam
 impio, & sacrilego Domini corporis prodito-
 re vix manus temperare potuerit. Quosdam
 a deuotione diuinitus impleri constat, vt de
 rebus diuinis sapienter prorsus, & excelsè sen-
 tiant, & nonnunquam dono cœlesti futura præ-
 videant. Immodica hæc, & per exaggerationem
 dicta plerique existimabunt, aut etiam velut
 dicta ridebunt. Verum ego certa, & explora-
 ta loquor. Ac quicquid ij, qui videntur sibi so-
 ci esse Christiani, contra disceptent, in natio-
 nes quoque gratia Dei diffusa est, & nihil Deus
 discernit inter istos, & nos, fide purificans
 corda eorum. Et quidam sane rebus ipsis iam
 dicti fatentur se nihil vnquam tale, aut vidisse,
 aut de Indorum gente sperasse, atque ita, & ad-
 mirantur, & Deo optimo Patri orphanorum
 gratias agunt: nonnulli etiam nostros sequi, &
 e socios adiungere in hac Euangelij fœlicita-
 te contendunt: plurimi contra oppugnare per-
 gunt, quos oportebat de fratrum salute lata-
 ti, & coadiutoribus suis beneuolè gratulari.
 Quod verò à nostris hactenus effectum est, tan-
 tum est quantum operarius quiuis Euangelij
 non

206 DE PROCVRANDA INDORVM
non infidelis, & imperitus efficere possit. E
ij ipsi ex nostris hanc operam nauantes salu
ti Indorum pauci admodum numero sunt
præ innumerabili Indorum multitudine. Qu
bus ex rebus facile profecto intelligi potest
quam sint futuri præclari, atque vberis fru
ctus, si plurimi huic agro excolendo opera
rij ijs viribus, & industria, qua decet, à Do
mino messis mittantur. Quamuis autem, mul
tas Indorum nationes Euangelio ita esse ap
tas existimemus, vt nunc scribimus, ac Pe
ruenses profecto tales experti simus, tamen
in reliquo etiam opere modum tenebimus
neque ita ample de rebus Indorum dicemus
ne alias Indorum nationes, quas minus esse
idoneas non ignoramus, præterisse videamur.
Nam etsi nostros Indos, quos nouimus, præci
puè spectamus, cuperemus tamen si fieri pos
set, omnium salutem prodesse, quod scribitur. Nam
ex ijs quoque, quos in extrema classe posuimus
barbaris, scimus Euangelij gratiam copiosos, &
illustres manipulos ferre. Brasilienses profecto
constat, nulli barbarorum nationi ingenij ferita
te, & morum absurditate cedere, quos tamen so
cietatis Iesu maximè opera, ita esse domitos
& humanis diuinisque legibus assuefactos
nostrorum literis accipimus, vt & homines
& Christiani boni simul esse didicerint. Ha
bet etiam nunc Fides gentium primitias suas
Habet Euangelium inter nationes fructus
omni opinione maiores. Illud solummodo
orandum

randum est, ut Christus Dominus dig-
nos nos reddat novi testamenti ministros.
Nam ad hæc quis tam idoneus? Atque ha-
tenus prædicationem Euangelij apud bar-
baros, & si magna ex parte difficilem, ta-
men, & necessariam, & fructu plenam
ostendimus. Iam quibus modis ag-
gredienda sit, sequenti disputa-
tione explicandum

est.

DE



DE PROCVRANDA INDORVM SALVTE,

LIBER SECVNDVS.

*Difficile esse rationem tradere prædicandi barbaris
Euangelium. CAP. I.*



VÆ duæ res maximè inter se dissimulare videntur, annuntiatio Euangelicæ Pacis, & intentatio bellici gladij, eas nescio quomodo nostra hæc tempora non solum coniunxerunt, verum ut necessariò coherentes certa lege sanxerunt. Et re vera complurium barbarorum hunc nouum orbem incolentium ingenium eiusmodi est, ut nullo more ferarum, aliqua ratione cogantur, vix vlla spes sit, aut prorsus nulla, fore aliquando, ut humanitatem libertatemque filiorum Dei induant. Porro altera ex parte Fides ipsa veluti reclamante se Dei esse donum, non opus hominum, & suapte natura ita liberam, ut qui coactam velit, nullam potius efficiat. Itaque hæc sibi adeò repugnantia conciliare, & certam aliquam inire rationem, ut intelligentiæ vera luce consistant, & studiosa charitatis industria cohæreant, maius omnino opus est, quàm ut nostra diligentia, aut ingenio perfici possit. Sed, qui simul nuptias præ-

claras

Ephes. 2.

Luc. 14.

claras in Euāgelio ac verè regias apparuit, simul
 conuiuas non nisi laceros & pānosos ac barbaros
 prorsus offendit, docebit pro sua diuina sapiētia
 seruos suos, qua ratione neq; ad epulas admittāt
 indignos, neq; quantumuis tamen illiberales &
 sordidos tanta Domini liberalitate frustrentur,
 etiam si honesta quædam vis, ac voluntaria, vt
 ta dicam, compulsio afferenda sit. Huius tam
 difficilis negotij in cōuersione Barbarorum dux
 & magistra charitas est, quæ omnia sustinet, om- *1. Cor. 13.*
 nia sperat, quæ non agit perperam, neque infla-
 tur, neque cogitat malum, & vt semel omnia di-
 cam, non quærit quæ sua sunt. Charitatis verò
 venenum singulare cupiditas est, pessima fides
 propagandæ ac nutriendæ nouerca, patrona mē-
 acij, temeritatis magistra, cōmes violentiæ: quæ
 ammonæ seruos specie pietatis interdum in-
 uicit, sed virtutem eius funditus abnegat atque
 uertit. Funditus igitur extirpanda est, si in ouile
 Christi per ostium cupimus introire quam plu-
 rimos, nam qui contra fecerim. Religionis Chri-
 sti amplificandæ prætextu Christi nomini
 infestissimos se hostes præbunt, eruntque de
 eorum numero, de quibus perspicuè propheta
 prædixit, Et eos qui transibant simpliciter, con- *Mich. 2.*
 uertitis in bellum, causam paulo superius attu-
 erat, Quoniam contra Deum est manus eorum.
 Et concupierunt agros, & violenter tulerunt &
 aperuerunt domos, & calumniabantur virum &
 hominem eius, virum & hæreditatem eius. Hos *Habac. 2.*
 ilius quoq; propheta mihi compellare videtur,

O

cum

cum ita vehementer inuehitur: Væ qui congregat auaritiam malam domui suæ, vt sit in excelsu nidus eius, & liberari se putat de manu mali. Cogitasti confusionem domui tuæ, concidisti populos multos, & peccauit anima tua. Quia lapis de pariete clamabit, & lignum, quod inter iuncturas ædificiorum est, respondebit, & reliqua, quæ sequuntur. vaticinium sanè in multis istarum melius oculi cernunt, quam legunt in Prophetæ codice. Auaritia quidem manifesta est omnibus, & auaritiæ causa nidus excessus ambitionis: vnde magnus error consequitur hominum, sibi vt putant consulentium, cum potius, & sibi, & suis ruinam parent. Mirabile dictu est, quam cito multorum opes effugerint, atq; euanuerint, vt ad nepotes ex tanta re vix aliquid peruenerit, occulto Dei consilio, sed manifesto adeò effectu, vt eas omnes copias præstigias putare homines possint. Viderint ergo hi, an ad ipsos pertineat, quod propheta loquitur, concidisse populos multos ac domui suæ confusionē potius cogitasse, quam splendore & gloriā. Sed de his alio loco dicendum est. Illud modò teneamus, quod est omnium maximum, & præcipuum fundamentum, In hac disputatione de ratione prædicandi Barbaris Euangelium, Cupiditatem nullo modo esse audiendam, cuius suffragio periclitetur Fides necesse est: Charitatem verò prudentem pro Magistra semper habendam, quæ cum fideliter salutem proximorum quærit, inter difficiles causas viam inuenit, & omnibus rationibus agit, vt consequatur quod

cupit,

cupit, & quamuis impedimenta interdum multa
patiatur, fœlices tamen Deo bene iuante exitus
sortiri solet.

*Propter Infidelitatem etiam pertinacem non licere bar-
baros debellare. CAP. II.*

EXISTIT verò hoc loco quæstio à multis qui-
dem copiose grauitèrque tractata, sed neces-
sariò nobis quoq; repetenda, An charitatis Chri-
stianæ sit barbaros bello domare, vt debellati Fi-
dei prædicationem recipiant. Illud autem pri-
mum sit in causa barbarorum, Non esse facienda
mala, vt veniât bona, quod sentire blasphemie ge-
nus interpretatur Apostolus. Bella ergo si ini-
qua sunt, suscipienda non sunt, etiam si certam sa-
lutem, vel dimidio orbis allatura videantur.
Quamobrem si nullam aliam patere viam præ-
dicationi inter Indos constaret, quam belli
expeditione non iusta, clausam potiùs illis Euan-
gelij ianuam oporteret existimare, quam vt le-
ge Dei perfracta ad eiusdem legis obseruandæ
prædicationem irrumperetur. Si enim ea propo-
sita quæstione, vbi quisquam baptizandus in po-
testate sit impiorum, atque infidelium con-
stitutus, ad quem perueniri non possit, vt la-
uacro regenerationis abluatur, nisi deceptis
mentiendi custodibus, Augustinus Theologiæ
decus ita respondendum existimat, vt clausum
omnino reputandum sit, vbi ad subueniendum
animæ æternæ saluti solum per mendaciû aditus
patet,

Rom. 3.

*Augus. lib.
contra Mē
daciū. c. 20*

pater, quis non videat, quanto facilius responderet, si ostium fidei ferro iniusto aperiendum sit, clausum potius existimare oportere? Sed quoniam documentum hoc omni dubitatione vacat, quæ sunt consequentia videamus. Quæritur, An iusti belli causa in barbaros sit infidelitas ipsa, quod Euangelium repudient. Sed breuiter & absolute, iusta causa non est infidelitas, quæ solum Deum habet iudicem, & ultorem. Qui incredulus est, inquit, ira Dei manet super eum. Et, Qui non credit iam iudicatus est. Et, Qui non crediderit condemnabitur. Hoc ad illos sanè. Ad nos verò quid? Si non receperint vos, exeuntes excutite puluerem pedum vestrorum in illos. Non dixit, stringite gladios vestros in illos, iacula euibrate. Quomodo verò iacula aut gladium intentare præciperet, qui etiam virgam & baculum de manu abstulerat? qui non solum inermes ad prædicandum mittit, verum etiam seminudos, discalciati sine pera, sine argento. Neque enim ait, Ecce ego mitto vos lupos inter oves, sed oves potius inter lupos. Quam speciosi pedes Euangelizantium pacem, annuntiantium bona. At, quam terribiles pedes minantium gladium, effundentium sanguinem. Et si armandi sunt milites Christi, qui bella Domini exercituum præliantur, sed longe alijs armis, quæ Paulus magnus dux ostendit, State succincti lumbos mētis vestræ in veritate, & induti loricam iustitiæ, & calciati pedes in præparationem Euangelij pacis, & reliqua, quæ enumerat. Dicet aliquis, Quid si

verba

*Ioan. 3.**Ioan. 5.**Mar. 16.**Mat. 10.**Rom. 10.**Esai. 52.**Nahu. 1.**Ephes. 6.*

verba non profunt, & profunt verbera? si pacem oblatam fastidiunt, bellum intentatum timent? An non satius erit vel per vim saluos facere, quã per nimiam indulgentiam perire permittere? Rẽtẽ ista quidem, si in subditos proferantur. Infideles vero quod nobis ius subiecerit, quære: & inuenies Paulum, qui de data sibi à Christo potestate gloriatur, se inde colligentem, Quid mihi de ijs, qui foris sunt, iudicare? Nonne eos, qui foris sunt, Dominus iudicabit? Legamus sanctorũ patrum commentarios, certam sententiam Apostoli consentienter docentium, Ecclesiæ ius & fas non esse in infideles, sed in eostatũ, qui per anuam baptismi ingressi sunt in ouile Christi. Quamobrem Augustinus in quodam sermone alloquẽs quosdam Christianos, qui ethnicorum sã sacrificijs contaminauerant; De ijs, inquit, qui foris sunt, nos non iudicamus, illis blandiendum est, vt credant, in vobis putredo hæc refecanda est. Et mox, Non tollo, inquit, idola illorum, quia non habeo in illos potestatem; habeo autem cum fuerint facti Christiani. Diuinẽ quoque Bernardus Eugenium admonet libro de consideratione secundo, Vicario Christi non dominatum in orbem, sed apostolatũ conuenire. Nam principes gentium dominantur eorum: at non ita erit inter vos. Neque ante paratũ se Paulus dicit vlcisci inobediẽtiam suorum, quam illorum prior fuerit completa obedientia, id est, vt alibi Augustinus interpretatur, non ante in quenquam agere lege fas est Ecclesiastico vico,

O; quã

2. Cor. 10.

& 13.

1. Cor. 5.

August. 10
tom. ser. 6.

Bern. 2. li.
de consid.

2. Cor. 10.

Aug. epist.

50. ad Ro-

nifacium.

quã per Fidei obedientiam se ipse Ecclesiæ spõte submittat. Siue ergo infideles sint, & Christũ ignorent, siue annuntiatũ etiã reiiciant, nobis in illos belli decernendi ius nullũ est, nulla honesta causa. Quã sententiã satis autoritate sua confirmavit D. Thomas, cũ perspicuè docuit, ad Ecclesiã non pertinere infidelitatẽ in illis punire, qui nunquã Fidem receperunt. Et quoniã magna copia est eorũ, qui ista accuratè exposuerunt, illud solũ admonendũ arbitror, veniam ijs, dare oportere, si quĩ sint, qui zelo fortassis potius, quã sciẽtia ducti, dũ summi Pontificis nunquam satis commendatã autoritatem amplificare pergunt, etiam extra septa Ecclesiæ gladium illius, & leges proferri volunt, quod tam est absurdum, vt à nemine melius confutetur, quàm ab ipsis summis Pontificibus, & Ecclesiæ Catholicæ perpetuo sensu, atque vfu, quæ nunquam in Paganos, aut Iudæos, quod Christi Fidem respuerint, animaduertit, neq; religionis diuersitatem causam belli iustam interpretata est. Quando namq; vel minimũ iurisdictionis actũ Ecclesia exercuit in infideles per mille quingentos annos? quando legẽ tulit? quando bonis spoliavit? quando deniq; sibi subijci nolentes coëgit, vel etiam attentauit? Nisi fortè temporalem dominatum gentium iure obtinentes, etiã temporales leges in sibi subiectos infideles, Christiani Principes tulerint. Quod quia sine controversia omnes sentiunt, qui modo aliquid sentiunt, non est, quod morosa disputatione reuocetur in dubium.

Tho. 2. 2.

q. 12. ar. 2.

*Cõc. Trid.
sess. 14. c. 2.*

Quod

*Quod quibusdam visum sit, propter crimina natura cō-
traria, licere nostris barbaros debellare.*

CAP. III.

QVoniam verò infidelitatis etiam pertinacis,
& positivæ, ut loquuntur Theologi, crimē
sibi, viutorum, & mortuorum Iudici, puniendum,
Christus reservari voluit, neq; vlla Ecclesiastica
lege in rebelles animaduerti fas est, illud diligen-
tius discutiendum est, quod potest serio in quæ-
stionē vocari, An seposita causa Fidei, ob id pos-
sint Barbari debellari, quòd crimina multa eadē-
que atrocia perpetrant contra ius naturæ. Itaq;
vtrum possint necne cogi, ut ab idololatria absti-
neant, à nefarijs sacris, & colloctionibus, quas cū
ipso Diabolo per quā frequentes habent, à con-
cubitu masculorum, ab incestuosa pollutione so-
rorū ac matrū, & reliquis id genus flagitijs? Nam
facinora longum esset commemorare, quomodo
alii alios in dicta causa enecent, computationes
ac temulentias suas cruore misceāt, humanis mul-
ti carnibus pro summis delicijs vescantur, alij pue-
ros innoxios simulacris mactent, alij suorum infe-
rias aliorum sanguine peragant, pleriq; potentiā
ad nihil aliud, quā ad nocēdū, & sæviendū, sibi da-
tā arbitrētur, perinde, atq; immanes feræ, quæ na-
turaliter gradu inferiores ac viribus imbecilles
pecudes, prædæ suæ vendicāt: ut idē sit apud istos
dominari, & prædari: nihil aliud subditum esse,
quam potentioris libidini obnoxium esse. Quan-
ta sit, & quam late patens hæc feritas barbarorū

in hoc vastissimo orbe, qui ritus portentosi, quæ legum ac dominorum tyrannis, referre exacte, iusti voluminis opus esset. Historiæ Indicæ quāquam multa narrant; exigua tamē est portio præ illis, quæ res ipsa habet. verum quod ad rem pertinet, certum est mores Indorum plurimorum esse ferinos, vt quod fabulæ canunt de quibusdam facie quidem homines esse, corpore vero aut pisces, aut sues, aut lupos, id verum esse nostri barbari suis moribus probent. Fremit ergo nostrorum hominum turba ac tumultuatur, cū ista audiunt, aut etiam intuentur: horum se scelerum vltiores æquissimos, milites putant: quicquid contra nefarios naturæ violatores ferro, cæde, incendijs sauerint, gloriæ ducunt, ac tum demum excursions suas in barbaros laude ac præmio, & apud Deum, & apud homines dignissimas iactant. Neque vero huic vulgari opinioni patroni defuere. Nam vt omittam eorum sententiam, qui penes Ecclesiam & Ecclesiæ caput Rom. Pont. ius esse ad hæc Ethnicorum crimina plectenda statuerunt, qui non tam nostra quam Apostolica voce iam dudum explosi sunt, cum de incestuoso flagitio Corinthij illius (quod contra naturæ leges pugnare quis nesciat?) suos, id est, Christianos acriter obiurgans, eorum qui foris sunt nempe Paganorum similia crimina ad se nihil pertinere testatus est. Illi porro probabilius aliquid afferre sibi videntur, qui huiusmodi ius ad vindicanda naturæ contraria scelera, non Ecclesiasticum, sed naturale esse volunt penes opti-
mum

1. Cor. 5.

mum quemque principem, qui possit ac debeat
 in Remp. perditis legibus ac moribus institutam,
 si verbo audiens non fuerit, ferro decernere, &
 belli iure subiectis iustas leges imponere. Quod
 si ab ijs quæras, cum multi principes, sapientes,
 & probi, vel sint, vel sibi esse videantur, cui potissimum
 hoc opus delegandum sit, respondent, in
 hac re vt in cæteris natura communibus, primo
 occupanti locum cedere. Ipso ergo iure naturæ
 barbaros istos posse ab Hispanis debellari, quibus
 per Rom. Pont. prouincia hæc demandata
 est, quiq; victricia signa primi vltra Herculis co-
 lumnas extulerint, & ad immensa terrarum spatia
 omni antiquitati hætenus ignota prouexerint.
 Neque mirum esse si fortunis suis exciderint Indi,
 cum potuerint propter sua mala merita etiam
 vitæ spoliari iustissimè. Et quoniam quibusdam
 dicere aliquid videntur, & magnopere cum po-
 pulari sententia istorum consentit oratio, quæ
 pro causa argumenta afferant, recitemus necesse
 est. Aristotelis, inquiunt, sententia est, qui in li-
 bris Politicis ita scripsit: Quod potest mente pro-
 picere, natura imperat, & dominatur: quod au-
 tem potest corpore hoc facere, paret natura, &
 seruit. Et mox, Barbari quod natura dominetur,
 non habent: quamobrem aiunt Poætæ Græcos
 barbaris dominari oportere, quod idem natura
 sit barbarus, & seruus. Cum ergo barbari isti no-
 tri supra modum barbari ac ferini reperti sint,
 neque mentem habeant ad se, & sua regenda ido-
 neam, natura ipsa comparatum est, vt illis sub sint

Primum.

Aristo. 1.

Pol. c. 1.

acpareant, qui dominari rectè possunt, atq; eos
secūdū naturæ leges cōueniēter regere. Quod si
repugnēt, debellari posse iustè idem autor affir-

1. *Poli. c. 5.* mat. Bellica inquit, vi uti oportet cōtrā bestias, &
cōtrā eos homines, qui ad parēdū nati sūt, nec vo-
lūt parere: quia natura id bellū iustum existat. Al-

Lib. 7. Pol. c. 14. bi quoq; Philosophus suā hanc sententiā de iusto
bello in barbaros amplius explicat ita scribens
Neq; exercitatio rerū bellicarū ob id est medita-

da, vt in seruitutē adigant immerētes. Sed primi-
ne ipsi alijs seruire cōpellātur. Deinde vt Imperiū
querāt gratia vtilitatis subiectōrū, nō ante omni-
dominationē. Tertiō vt eis dominētur, qui serui-
re sunt digni. Hæc ille. Atq; huc pertinere vide-
tur aliqua ex parte Romanorū historia, qui quodā

Augu. 5. de Civ. c. 12. æqui, & boni obseruātes forent, omniū potiti ex-
stimātur, diuino ita decernēte cōsilio, quorū in-
S. Thom. de Reg. Prin. c. 4. 5. 6. periū à sanctis Patribus laudatū legimus, & quod
est amplius in ipsis diuinis libris. At infinitis par-
tibus præstāt Christiani barbaris, quam olim Ro-
mani cæteris. Secundū sit, Filij Israhel ob idolatri-

1. *Mac. 8.* atq; alia scelera debellarunt Amorrhæos, & reli-
Secūdum. quas gētes, quarū scriptura meminit, vt libri Io-
sue, & sapiētix copiosè docēt. Cur ergo nō licea-

Cypria. lib. de Exhort. ad Marty. c. 5. 25. q. 1. c. Si au- dieris. Christianis veri Dei cultoribus iniurias illius vl-
cisci, & ad verum vnus Creatoris cultum idolo-
latras reuocare? Quam rationem Cypriani con-
firmat autoritas, si ante aduentum Christi, inquit
ille, circa Deum colendū, & idola spernenda, hæc
præcepta seruata sunt, quāto magis post aduentum
Christi & cætera? Præterea, si in lege naturæ viu-

ren-

rent homines, quando nulla erāt regna diuisa, nō
 dū Resp. collocata, liceret sapienti, & probo viro
 improbum à malefactis cōpescere, vel verbo, vel
 vi, liceret de pertinace pœnas sumere; nisi velim⁹
 naturam adeo sui oblitam, vt nullum constituerit
 naturaliter suarū legū iudiciū, nulli potentiā ad
 dominādū detulerit. Igitur ad eūdē modū Reip.
 bene institutę barbaros, & illeges fas erit ad ratio
 nis iura compellere. Alioqui immanissīma scelera
 naturaliter, & multa, & inemēdata, imò ne emē-
 dabilia quidē permaneāt necesse est, quo nihil vi
 detur absurdius. Adde quòd si pueri, vel homines
 stupidi & semiamētes Rēp. aliquā gubernarent
 idq; cū insigni detrimēto subditorū, liceret profe-
 ctō vicinis Principibus lege charitatis, & iure na-
 turæ, si nō posset aliter perditā illorū administra-
 tionē emēdare, armis & vi, magistratus, & populū
 cogere, vt aut sibi Principē crearet idoneū, aut si
 ne id quidē effici possit, Reip. ipsius administratio
 nē suscipere per seipsos, multū licet reclamātibus
 illis. Atqui natio Indorū minus habet, vel æquita-
 tis, vel prudētiæ, & iudicij, quā pueri, & semiinsa-
 ni. Quid ergo culpatur si vel ab inuitis pro ipsorū
 salute, & pace eripitur principatus? Postremo in-
 nocentē ab iniuria, & cæde defendere quiuis po-
 test, atq; si opus sit, aggressorē multare fortunis,
 & vita ipsa. Manifestū vero est inter istos innu-
 merabiles innocentium cædes perpetrari, cum &
 obuios quosque capiunt, & trucidant, & in suos
 quoq; immaniter sæuiunt, pueros, fœminas, & mi-
 serabile genus neci dātes, adeo vt cruore humano
 mace-

Quartum.

Quintum.

macelli cuiusdam instar permulta loca redundare comperta sint, quorum testis locuples esse potest Mexicana prouincia. Quamobrem non licere solum, sed etiam quàm maxime expedire barbarosita insanientes bello domare, rationi consentaneum apparet. Hæc potissimum sunt, quæ pro causa belli Indici afferri à nonnullis solent.

Confutatio superioris sententia. CAP. II II.

*Deut. 16.
Diony. epi.
8. ad Demophilum.
Rom. 2.*

Verum si partium studijs sepositis, quæ tanquam nebulæ quædam crassæ veritatis lumen abscondere solent, lex ipsa æterna consulatur, non dubium est, quin purissimis radijs omnem hanc caliginem, quæ nobis offunditur, depulsura sit, dilucide ostendens, eque esse iniquum, si vel non iusta fiant, vel quæ iusta sunt, non iuste fiant. Iustè quod iustum est exequeris, ait diuinus legislator: quam rem præclare explicat Dionysius magnus, & diuinæ, & humanæ sapientiæ ponderator. Infideles sane, idololatræ, masculorum concubitores, incestuosos, sine fœdere, sine misericordia, parentibus non obedientes, ingratos, scelestos, & quibusuis alijs nominibus verè notatos coerceri, mulctari fortunis, atque ipso capite plecti, iustitia, & æquitatè plenum est, quis hoc neget? Verum à quo, & qua autoritate, id verò quæritur. Neque enim quia tu peccasti, id circo mihi statim de te pœnas sumere fas est, nisi & iusego in te habeam, & causam tuam legitimè transigam, Neque verò si Resp. aliqua peccet leges

ges condendo flagitiosas, & turpes, aut si mori
 us perditis princeps ac Magistratus labefactan-
 ur, continuò inserit Reipub. vicinæ, aut princi-
 i leges ferre meliores, inuitos compellere, vt re-
 piant, & seruent, non obsequentes ferro aggre-
 repugnantes bonis, & vita exuere. Etenim si
 ntum licentiæ Reip. in Remp. tribuas, nihil
 iudagas, quam vt breui vniuersum terrarum
 be perturbes, & discordia, ac cædibus impleas.
 melius, melius omnino diuina, incommutabilis,
 q; æterna lex sanxit, nullius vnquam emendan-
 sapientia, aut temeritate violanda, vt id iuris
 incipi in principem, Reip. in Remp. sit, quod
 tinet ad leges ferendas, & scelera profliganda,
 od est ciui in ciuem, priuato viro in priuatū.
 bi illud solum interesse volunt clarissima inge-
 a, quæ totam hanc rem copiosissimè, & diluci-
 ssime prosecuta sunt, vt non modo fas sit Reip.
 defendere contra aggredientis iniurias, quod
 iam priuato licet, vt vim repellat vi, verum etiā
 m acceptas propria autoritate vindicare queat,
 od priuato nequaquam licet, id ita docente ra-
 one clarissima, quod ciuis ac priuatus habeat
 ud quem exposculet, vbi repetat, à quo iniu-
 e recompensationem merito expectet, publi-
 m Magistratum: at Resp. contra Remp. alte-
 m nullum habet, quod adeat, commune tribu-
 l; ac nisi ipsa propria autoritate vlciscatur ini-
 rias, futurum sit, vt rebus omnibus læsa repara-
 nullo modo queat. Quæ cum ita se habere tum
 ipsa naturæ luce veluti in aperta lege notas-
 sent,

222 DE PROCVRANDA INDORVM
 sent, tum perpetuo ab ipso mundi exordio decus
 su ab omnibus mortalibus seruata, quotquot iu-
 stitiæ qualemcunq̃ prætextum bello gerendo
 præferrent, animaduertent, sapientes omnes &
 nostri, & externi eam solam causam bello aggre-
 diendo equam, & iustam statuerunt, ad refarcien-
 da dāna, & iniurias vindicādas, vel suas, vel suo-
 rum, id est ciuium, aut sociorum, aut eorū etiam
 qui iniquè læsi ipsorum opē implorassent. Præ-
 ter hanc causam acceptæ iniuriæ, aut violati iu-
 ris gentium, nullam nostri maiores iustam agno-
 uerunt, neq̃; gloriæ quærendæ, neq̃; cumulanda-
 rum opum, neq̃; amplificandi dominatus, neq̃;
 verò religionis propagandæ. Quotquot verò ne-
 læsi arma sumpserunt, eos prædones potius, quā
 milites vocitandos censuerunt. D. quidem Aug-
 ustinus suo ipse ingenio, acerrimus quæstionum
 obscurarum indagator, in hac vero etiam Mani-
 chæorum calumnijs, & Ethnicorum contra Fi-
 dem Christianam opprobrijs excitatus, sæpe a-
 diligenter totum hoc de bello gerendo negotiū
 tractans, illud ubiq̃; constituit, causam iustā bel-
 li solam esse iniuriæ depellendæ necessitatem. Itē
 quodam loco, bella, inquit, iusta definiri solent,
 quæ vlciscuntur iniurias. Ambrosius quoq̃; cum
 de fortitudine in lib. Offic. disputaret, ita scribit.
 Non se ipsam committit sibi, alioqui fortitudo
 sine iustitia iniquitatis materia est, quo enim va-
 lidior est, eo prōptior est, vt inferiorē opprimat
 cum in ipsis rebus bellicis, iusta bella an iniusta
 sint, spectandum putetur. Nunquam David ni-
 lace

*Aug. lib. 6.
 Quæst. in
 Iosue. c. 10.
 Amb. lib. 1.
 offi. c. 25.*

lacedæmonius bellū intulit. Vides quale bellū Ambro-
sius iustū definiat. Illud planē quo exēplo Dauid
non nisi lacedæmonius princeps arma induit. Hos Iſi-
dorus ſecutus bellū iustū definit, quod ex edi-
to geritur de rebus repetēdis, aut propulsando-
ū hominū causa. Deniq; bellū gerere necessita-
tis est. Quod etiam Tullius vidit, cū in tertio de
ep. libro vt idem Auguſtinus refert (nā ad nos
non peruenit opus illud præclarum) definiuit nul-
lum ab optima ciuitate bellum suscipi solere, ni-
si aut pro Fide, aut pro salute. Fidem intelligens
iustum cum socijs fœdus, salutem ipsum Reip. cō-
tra oppugnantes statum. Et planē quotquot in
iustis literis à sanctis viris bella suscepta referū-
tur, qui ob id laudantur, quod fuerint fortes in
bello, quod castra verterint exterorum, à primo
loco quod magnus Patriarcha Abraham pro fra-
tris salute gessit vsq; ad extrema Machabæorum
gesta pro patria, lege, & libertate, semper mentio
est acceptæ prius iniuriæ, vt magis non recusata
fuerit opus, quam quæſita cum non esset, appa-
reat, excepto quod diuina autoritate quædā in-
terdū peracta sunt, quæ nō humanis auspicijs sed
celesti p̄cepto ascribēda sunt. Sed vt vetera omit-
tam⁹, Ecclesiæ catholicæ, quæ firmamētū est veri-
tatis, sensum atq; vsum tenem⁹ apertè, quæ per mil-
la quadringētos annos nūquā in barbaros, aut pa-
ganos nihil nos aliàs ledētes, arma, vel ipsa sūp̄sit,
vel suis cōsultuit, cū essent potētissimi ac religio-
sissimi Principes, atq; cōstaret externos omni ſce-
re obstrictos. Scit em̄ fidelis populus Dei Ch̄m
inter-

Isidor. lib.

18. c. tym.

c. Gratia-

Caus. 23.

q. 1. 2. & 3.

Augus. ad

Bonifaciū.

Augus. lib.

22. de Ciui.

c. 6.

Heb. 11.

Gen. 14.

Luc. 12.

interpellatum à quodam, respondisse, O homo quis me constituit iudicem inter vos? Si legationis Indorum rebus suis componendis vltro accerserent nostros, haberet fortassis aliquid rationis eiusmodi introducta potestas leges ferendi, emendandi, puniendi. At nunc molestissimè ferunt causæ suæ non vocatos iudices, vltro neos disceptatores, qui non solum leges, & ius dicant inuitis, verum iam olim admissa ferociter vindicent. An sapimus nos plus quam maiores nostri? An Fidei zelo vehementius ardemus? Omniuno

Greg. lib.

11. Regist.

ca. 15. dist.

45. ca. qui

sincera, idē

li. 1. epist. 45

verum est, quod sanctissimus Gregorius de hac re scripsit, Qui Fidem asperitatibus propagare volunt, suas magis quam Dei causas probantur attendere. Interim quis illud non videat, quam implacabile isto modo Christiani nominis odium apud barbaros excitetur? quam graue, & immedicabile scandalum? Tota ista res vergit in obstinatum quandam inuidiam, & odium Fidei, & certam perniciem hominum. Neque verò scandalum istud separabile est vllō modo ab hac causa, aut in ijs numerandum, quæ non data, sed accepta dicuntur. Christus quod non debet tributum soluit, ne scandalizet; nos nullo modo debitas terras, si spoliemus, vexemus, prædemur, nulum ne iustum timebimus scandalum? Res ipsa satis clamat per se. Neque enim ea exempla hætenus vidimus, quæ licentiæ, & furori militum fræna laxanda persuadeant. Et quod caput est Catholicorum nostrorum Principum leges longe aliter faciendum esse edicunt, quibus obedire

Matth. 16.

par est

par est. Quāobré præclarissima & sui ordinis & nostri temporis lumina, quæ in causam Indorū propriè inciderunt, eiusmodi beili suscipiendi consilium, idq; iuris grauisimè cum disputatio- nibus suis, tum etiam scriptis de industria libris improbarunt. Quorum sentētia iam dudū apud omnes obtinuit, Salmantino & Complutensi il- lustribus gymnasijs damnātibus, vt audio, atq; explodentibus: scriptum cuiusdam librum con- tra causam Indorum, atque ipso Catholici Regis cōsēnāto longe aliam rationem in expeditionibus Indicis præcipiente, cuius æquitatem opportu- ne exponemus, si prius obiectionibus supra pro- positis responderimus.

Responsio ad obiectiones pro expugnatione Barbarorū.

CAP. V.

AC primum quid sibi voluerit Philosophus, barbaros natura seruos asserens, non est ob- iectum cernere, si paulò altius illius disputatio repetatur. Sentit & quidem sapienter, in Rep. be- ne constituta; natura ipsa docente, alios debere dominari, alios parere, sapientes & viros impera- re, imperitos & fœminas obedire, quod profe- cto verissimum est. Hinc colligit Græcos natura comparatos esse ad imperandum, quod essent sa- pientiores, barbaros vt pote rudes & imperitos ad seruiendum. Quid obsecroverius quàm senes & maturos præesse natura, adolescentes obtem- perare, fœminas virorum, pueros maiorum ar-

*Cait. 2. 2.
q. 66. ar. 8
Victoria
Rel. de In-
dis. & De
bello. nu.
23. 24. &
40.
Soto in. 4.
d. 5. q. 1. ar.
tic. 10. &
li. 4. de ius.
iur. q. 2.
ar. 2.
Anton. Cor
duba Mino
rita. 1. pa.
questiona-
ry. q. 57.
Covar. 2.
p. relec. Re
gul. Pecca.
S. 10.
Ad primā
obiect.*

bitrio naturaliter regi? Iam qui velit colligere ex
 his, à barbaris imperium quod iam habent, eripe
 re licere, eadem ratione conficiet, à fœmina, aut
 adolescente, vbi regnat, posse per vim extorqueri
 dominatum, itemq; à rege imperito regnum, & à
 præfule indocto pontificatum: quod omnibus, &
 diuinis, & humanis legibus, quàm repugnet, ne-
 mo non videat. Aliud est enim quid faciendū sit
 ex ratione ac secundum naturam: aliud, quid si
 fiat, infectum fieri nequeat. Iure ergo sapientio-
 res, & elegantiores regnant: sed re ipsa imperitus,
 & barbarus si regnet, non ius sed iniuria est, de
 regno hunc pellere. Alioqui rapinæ, & cædi res
 mortaliū omnes expositas esse oportebit. Quod
 ex eodem Philosopho adiunctum est de iusto bel-
 lo in barbaros, qui seruire recusant, obscurius pro-
 fecto est, & quod suspicionem non exiguam pa-
 rit, illa non tã ex philosophica ratione quàm ex po-
 pulari quadã opinione profecta esse. Intelligi ta-
 men potest, si in hac quoq; re Aristotelis autori-
 tas magnopere cõseruanda est, in eos barbaros ser-
 uire nolentes bellū iustū decernere, qui Remp. nul-
 lã habent propriã, neq; Magistratus, neq; leges,
 sed ritu feratū incertis, & sedibus, & legibus vagā-
 tur: quales & fuisse olim, & esse hodie quã pluri-
 mos notissimū est. Bellum autem in hos non om-
 nis illa cædis, & seruitutis licentia cogitari debet,
 sed moderata quædã vis, quatenus humanè, & nō
 bestialiter prorsus viuere persuadeantur. Quod si
 Alexandri, vt quidam ferūt, potentia delectatus,
 signa Macedonica in orbem vniuersum proferri
 voluit,

oluit, nobis nō admodū curandum est, quid ille
 adulatoriē magis quam Philosophicē scripserit.
 Quāquā nō diuersa à nostris sapiēs, in Rhetorica
 d Alexandrū, suscipiendum bellū esse constituit
 n eos qui Remp. & eius siue amicos, siue socios
 iniuria violare moliūtur. De Romanis parum ad
 em pertinent, quæ afferuntur. Etsi enim laudari
 plēt, neq; fortassis immeritò quod legibus equio
 bus subditos gubernarint, fœdera, & societates
 fidelissimè custodierint; tamē multa vsurpasse ty
 rānicè ne ipsi quidē diffitētur; ita nō nemo dixit,

Non ius arma dedit: potius ius arma dedere,

S. Augustino illorum imperia vocantur hono- *August.*

ifica latrocinia. Neque tamen, si me non fallit
 memoria, eorū historici celebriores bella gesta
 narrare solent, nisi quæ aut pro salute, aut pro Fi
 e, vt eorum dixit egregius auctor, suscepta videri
 elint. Nā quod de expugnatis Chananēis per Is
 aēlitas assertur, multò robustius nostrā cōfirmat
 entetiā. Nā cū sanctarū scripturarum tractatores
 n eā quæstionē incidunt, diligenter causas iusti

belli exponunt, & vnā quidem potissimā Augu- *August. lib.*
 tinus reddit, illud genus belli iustum asserens, *6. Quæf. q.*
 quod Deus imperat, qui nouit, quid cuiq; fieri *10. in 10.*
 lebeat, in quo bello dux ipse, aut populus non tā *sue.*

utor, quā minister iudicāus est. Vt ergo præci
 piēti Deo necē filij innocentis, religiose paruit
 Abrahā, vt pote vitæ omniū Domino, ita quoq;
 el Iosue filius Naue, vel quicumq; alius senten
 tiam Dei in populos reos exequi debuit, & iudici
 c dominatori omniū man⁹ administras præbere:

P a. neque

*August. li.
44. quest.
q. 2. super
Num. c. 20
Et ser. 105.
de tēpore.
Cassianus
collat. 5.
cap. 24.*

*Cap. 12.
sap.*

Sap. 12.

neque tamen ob id liceat vel patri in filium vel
principi in externum populum quantumuis im-
pium, gladium stringere. Adde quod iisdem sa-
cri scriptores humanas rationes adiungant, qui-
bus ex iure gentium bella Hebræorum contra
Amorrhæos & cæteros Palæstinos non iniquè
gesta declarent. Eas modo persequi longum es-
set, & instituto non necessarium. Illud modo agi-
mus, ut fiat perspicuum sanctos Patres nullo mo-
do existimasse vel idololatriam, vel quævis alia cõ-
tra naturam piacula causam idoneam exitisse,
ut de loco suo pellerentur illæ gentes, vastaren-
turq; ab Hebræis, siquidem tam solícite causas
alias exquirunt. Et reuera eadem sunt vel minus
grauia nostrorum barbarorum crimina, quam
quæ illorum scriptura commemorat. Ita enim
de his loquitur liber sapientiæ. Illos enim anti-
quos inhabitatores terræ sanctæ tuæ, quos ex-
horruisti, quia odibilia tibi opera faciebant, per
medicamina & sacrificia iniusta, & filiorum suo-
rum necatores sine misericordia, & comestores
viscerum hominum & deuoratores sanguinis à
medio sacramento tuo, & autores parentes ani-
marum inauxiliatarum perdere voluisti per ma-
nus parietum nostrorum, & reliqua. Non opinor
horribiliora obijci Indis, ijs quoque, quos Cary-
bes vocant, qui sunt omnium truculētissimi. Ob
id apte paulo inferius diuinam autoritatem exi-
tio illarum gentium interponens, subdit per in-
terrogationem, Quis enim imputabit tibi, si pe-
rierint nationes quas tu fecisti? Non enim alius
est

est Deus quam tu, cui cura est de omnibus, ut
 ostendas, quia non iniuste iudicas iudiciū. Hoc
 est, non inuadis aliena, neq; usurpas iniquē iudi-
 cium, si gentes impias cogis commeritas pœnas
 eorum scelerū dare. Cypriani verò ineptē pro-
 fertur autoritas, cuius longe alius sensus est. Su-
 scipiens enim illo opere causam Martyrij agere,
 idolorum cultum vult adeo Christiano viro exe-
 crandum, ut quiduis potius perpetiatur, quā id
 impietatis admittat. Quod ut confirmet, admo-
 net, quā fuerit quondā infestus Deus Idololatrię
 ob id cæde grassari in externos suis iusserit, quā
 ergo tempore gratiæ reuelatæ amplius amare
 debet fidelis ob fugiendum idolorū cultum san-
 guinem quoque proprium fundere? Ita enim
 concludit, si ante Christi aduentum circa Deū
 solēdum & idola spernenda hæc præcepta serua-
 ta sunt, quanto magis post aduentum Christi ser-
 uanda sunt, cum ille veniens non verbis tantum
 nos hortatus sit, sed & factis, post omnes iniu-
 rias & contumelias passus quoq; & crucifixus,
 ut nos pati & mori exemplo suo doceret. Hæc
 Cyprianus. At verò quod de lege naturæ affere-
 atur, militat potius pro causa indorum. Neque
 enim iure Naturæ priuatus de priuato pœnas su-
 mere posset, neq; vim aliquam coercendi habe-
 ret, cum sint omnes homines natura pares. Quo-
 dam vero mores institui recte non poterant, ne-
 que Societas in officio contineri, placuit omni-
 bus publicam potestatem creare, in quā ius suū
 uniusque transferret, quæ proinde & leges conde-
 dere

Cypria. c. 8
 de Exhor.
 ad May.

Ad tertiam
 obiectionem.

re, & supplicio afficere peccantes autoritate totius multitudinis in se transfusa posset. Quod si Magistratus, aut Reip. barbarorum suo muneri non facit satis, habet iudicem Deū, non Rēp. aut principem aliquem externum. Alioquin cum grauissima peccent interdum Principes, aut Magistratus nostri, licebit, vel Gallo, vel Italo, vel Anglo, Hispaniensis Reip. peccata castigare, & ius dicere, vt vicissim inter se Principes hac autoritate fungantur. Hoc neque ineptius, neque rebus humanis exitiusius dici quicquam potest. Neque vero vbi subditorum consentit voluntas, præsidendum stoliditas, atque insipientia potest per vim compesci. Itaq; si Principes barbarorum iniquē ac tyrannice tractarent suos, posset innocentes per vim (si secus non esset locus ab illorum scelere, & iniuria eripi. Sin autem corruptio morum ea est, quam ipsi quoque subditi libenter sequuntur, non possunt ab extraneis compelli ad virtutem. Neque est eadem ratio in pueris, & amentibus Remp. administrantibus. Naturale est enim, vt pueri non dominantur in viro, cum puer etiam si sit omnium hæres, nihil à se quo differat teste Paulo, ac multo minus infans in mentis compotes iuris aliquid esse potest, quod admodum, neque belluæ in hominem. At barbari isti, & imperantes, & seruientes æquē vel sapientes, vel insipientes sunt. Quare si ligna syluestria, vt est in antiqua parabola, Rhamnum si bi prætermissa oliua, ficu, & vite, Regem creant, quid mirum si illius incendio concrementur.

Ho

*Ad quartā
obiectionē.*

Gal. 4.

Iudic. 9.

Hoc enim in summa interest, quod barbarus non natura, sed studio, & moribus talis est, puer, & amens non studio, sed natura. Quamobrem quæ barbari peccant, non est cuiusvis animaduertere.

*De bello propter defensionem innocentium,
qui à barbaris trucidantur.*

CAP. VI.

IN fine huius de bello disputationis non præ- *Ad quintā
obiect.*
teribo sententiam illustrium Theologorum, qui defensionem innocentium, iustum titulum bello indico posse prætendi significant. Aiunt, si mores sint aded tyrannici legesq; , vt innocentes passim trucidentur, quod Carybes faciunt, vt eis vescantur, dijsq; suis immolent, tunc sanè tēporis licere nostris, & cuius Principi eiusmodi infelices homines à cæde tyrannica eripere, ac si opus sit, ferro decernere, & barbaros ab ea immanitate reuocare. Cuius documenti manifestam esse rationem quod fas sit homini priuato innocentem de alterius nece, etiam cum inuasoris cæde, si opus sit, eripere, multò ergo melius id Reip, licebit in Remp. alteram. Vnicuiq; enim mandasse Deum de proximo suo. Et rursus, Erue eos, qui ducuntur ad mortem, & qui trahuntur ad interitum, liberare ne cesses. Addunt præterea non obstare rationi iam dictæ, si ipsi, qui occiduntur, sponte patiantur, & seipsum offerant neci, imò etiam à nostris liberari inde quàm maximè

Eccl. 17.

Prov. 24.

232 DE PROCVRANDA INDORVM
renuant. Neque enim esse dominos vitæ suæ,
& planè quāuis libens patris irati mucroni, filius
supponeret iugulū, liceret, nihilomin⁹ vel inuitū
à cæde eripere. Hæc illi differunt: quibus equi-
dem nullo modo contradixero, cum sciam pro
fide iustè suscipi bellum, fidem vero seruandam
ei qui læsus à potentiorè, ad nostra auxilia confu-
git. Innocētis verò defensionem à morte præser-
tim, etiam si ipse taceat, natura ipsa clamante, cui
uis valenti opem ferre, commēdatam esse etiam
atque etiam omnes quantum puto consentient.
Itaq; efficitur, iusti belli causam contra barbaros
homicidas, defensionem innocētium esse. Verū
hæc quamuis disputata subtiliter, si tamen con-
ferantur ad rem parum accōmodata inueniun-
tur. Cū enim defensio ista cum minimo lēden-
tis damno adhibenda est, vnde neque dominio
spoliari barbari possunt aut vita, si possunt terro-
re aut subiectione aliqua contineri: tum verò
nullius est rationis eos velle defendere, quorum
grauiore perpetres cædem. Constat verò co-
piosissime, bello Indico plures infinitis partibus
absumi quam vlla barbarorū tyrannide. Quare
si moraliter loquendum est, vix poterit, vel po-
tius nunquam omnino poterit suscepti belli ad-
uersus Indos causa iusta in defensione innocen-
tium collocari. Etenim quod & supra admo-
nui & sæpe repetendum est, vastationis Cha-
nanæorum & terræ Palæstinæ occupatę neque
hanc commemorant sancti Patres causam, cum
profecto sacrę literę manifestè doceant natio-
nes

nes illas omni scelere contaminatas, neque
etiam à plurimo innocentium sanguine tem-
perasse. In libro Sapiëntiæ legimus ad hunc
modum: Aut enim filios suos sacrificantes, aut *Sap. 14*
obscura sacrificia facientes, aut insanix plenas
vigilias habentes, neq; vitam, neq; nuptias mun-
das iam custodiunt, sed alius alium per inuidiam
occidit, aut adulterans contristat, & omnia com-
mixta sunt, sanguis, homicidium, furtum, & fi-
stio, corruptio, & infidelitas, turbatio, & peri-
urium, tumultus bonorum, Dei immemoratio, ani-
marum coinquinatio, natiuitatis immutatio, in-
ordinatio mœchix, & impudicitix. Infandorum
enim idolorum cultura, omnis mali causa est, &
initium, & finis. Atque hæc quidem sunt illa ope-
ra gentium, quæ Dei populum didicisse ex earũ
confortio Propheta dolenter meminit. Commi-
xti, inquit, sunt inter gentes, & didicerunt opera *Psal. 105.*
eorum, & seruierunt sculptilibus eorum, & fa-
ctum est eis in scandalum. Et immolauerunt filios
suos, & filias suas dæmonijs, & effuderunt sangui-
nem innocentem, sanguinem filiorum suorum,
& filiarũ suarum, quas sacrificauerunt sculptili-
bus Chanaan. Quæ eò fufius cõmemorata sunt,
quò minus nostrorum barbarorum mores fœ-
dos, & sanguinarios miremur, cum sciamus fami-
liare id fuisse perpetuò nefariæ idolorum cultu-
ræ, quæ, vt sapiens dixit, omnium malorum cau-
sa est, & initium, & finis. Ita demum intelligemus
has omnes, quæ à nonnullis aduersus Indos cau-
sæ prætexuntur, nõ defuisse antiquis iustis sub lege

234 DE PROCVRANDA INDORVM
aut etiam sub Euangelio agentibus, contra sui te-
poris infideles, & barbaras nationes : sed nequa-
quam tamen eas satis esse existimasse, vt bello in-
festandas arbitrarentur.

*Quod omnia iam dicta de bello aduersus Indos non so-
lum diuina: sed etiam regia lege firmentur.*

CAP. VII.

HAud parum perfectum est, quòd omnes bel-
li causas aduersus barbaros, quæ nostrum ad
illos ingressum antecedunt, remouimus, vt vulga-
ri errore profligato putantium beneficij loco po-
nendum esse, quod barbaris pro agris, & liberta-
te prærepta, Fidem Iesu Christi, & vitam homi-
nibus dignam reddamus, quorundam etiam plus
sapere volentium, quàm par sit, sententia perspi-
cùè refellatur, qui nostris ad illorum scelera, vel
compescenda, vel etiam plectenda ius faciunt:
quod summæ potius iniuriæ tribuendum esse
abunde, vt opinor, apparuit. Hinc ià consequens
esse videbatur, vt exponeremus, quid illis facien-
dum sit, qui eiusmodi expeditiones in Indos se-
cuti, fortunis potiti, & opera ac seruitute mise-
rorum iure belli abusi sunt, quorum superstites sunt
hodie quoq; non pauci. An potuerint excusari
ignorantia: an sint restitutioni obnoxij omnibus
modis tum ipsi, tum res ipsorum, ad quoscunq; tan-
dem deuolutæ sint: Et quid remedij tandè in tan-
ta perturbatione afferri queat. Sed de ijs quæquæ
est difficilis, & periculosa censura, tamè alio loco

si Deus

si Deus annuerit, dicetur opportunè. Nunc vni-
 uerse, ius, & iniuriam indicendi belli tractamus:
 atq; illud tanquam totius actæ causæ firmamen-
 tum adjicimus, quòd cum in omnibus regnis In-
 diarum tam multa prælia commissa sint, & tot na-
 tiones subactæ; nullum tamen genus Indorum
 seruituti subiecit regia lex, quin potius Indos om-
 nes, & liberos esse, & suis rebus liberè vti decla-
 rauit, grauissimis pœnis propositis, ijs, qui veluti
 iure belli captos, sibi manciparent. Imo verò in
 omnibus expeditionibus quæ fiunt, faciendæ ve-
 sunt, siue ad nouas gentes quærendas, siue ad
 iam quæsitæ peruestigandas, inuiolabili lege
 sancitum est, vt neque nostri milites aggre-
 diantur non lacesiti ad vexandos, cædendosve
 barbaros, neq; illos vndecumq; captos seruire co-
 gant. Qua vna lege plenissime demonstratur, nul-
 lum belli ius nostris ex quantauis Indorum bar-
 barie, & inhumanitate concedi. Superest vt quo-
 niã, & diuinis, & humanis legibus bello lacesse-
 di Indos omnis causa sublata est, hac exclusa via
 prædicandi Euangelium ijs, quos armorum vis
 subegisset, persequamur, an alius aliquis aditus pa-
 teat ad annuntiandum gentibus Christum.

*Veterem & Apostolicam Euangelizandi rationem non
 posse exactè seruari inter barbaros.*

C A P. VIII.

TRibus igitur modis, quantum mihi diligen-
 ter cogitanti occurrit, ad prædicationem
 Fidei

Fidei apud barbaros infisti potest: quorum nos-
tum æquitatem, tum prudentiam expendere ne-
cesse est. Primus est, vt more, & instituto Apo-
stolico, gratia Dei freti eant prædicatores ad gen-
tes, & prædicent Euangelium, omni militari re-
moto apparatu. Alter, vt gentes nouæ nõ adean-
tur, sed quæ iam fuerint principibus Christianis
subiectæ siue per ius, siue per iniuriam, ijs demũ
operam suam impendant verbi Dei ministri. Ter-
tius, vt adeant quidem, & prædicent Christum,
vbi nominatus non est, sed tamen humanis præsi-
dijs, & copijs adiuti, quibus seruentur illæ si. Ha-
bent autem hæ singulæ viæ, proprias & commo-
ditates, & difficultates suas, neque parum diuinę
lucis expetendum est, vt intelligatur, primum, an
quæuis istarum probanda, improbandaue sit, tum
quæ debeat cæteris anteponi, si omnes sequi non
vacet, postremo quid in vnaquaq; prouidendum
sit Christi seruo. Prima igitur illa non dubium
est, quin sit non solum officij, & æquitatis ple-
na, verum etiam omni laude superior, in ipso du-
ce, & Apostolo conuersionis nostræ Iesu Christo
primum dedicata, deinde in sanctis eius Aposto-
lis illustrata, qui patientia sua, & eximia pauper-
tate potentiam mundi vicerunt, de quibus Esaïas
præcinit, Conculcabit ciuitatem sublimẽ pedes
pauperis, gressus egenorum. In quo genere Euan-
gelizandi prorsus Euangelico (neq; enim dici ali-
quid maius potest) primum consolationis est plu-
rimum, ipsis Dei ministris, quod vitam cœlestem
instituant, ab omni cupiditatis, & violentię specie
remo-

Esaï. 26.

remotam, ideoq; iucundam, & liberam. Ipse enim dixit, Nō te deleram, neq; derelinquam. Et, cum *Heb. 13.*
 nisi vos sine sacculo, & sine pera, numquid aliquid defuit vobis? Testis huius rei locuples est *Luc. 22.*
 M. Franciscus noster, qui tanquam de alio loquatur, tantum diuinæ voluptatis, & consolationis flumen in illa sua verè beata peregrinatione in animum influere solere affirmat, vt cogeretur a Deo petere, vt aut imbecillitati suæ parceret, aut si ita decreuisset, iuberet se vitam commutare, quòd tantam vim cœlestis dulcedinis ferre nō posset. Id fortasse minus facile credent homines: sed experti sciunt, quid accipiant, & nemo scit, *Apoc. 2.*
 nisi qui accipit. Deinde fructus ipse Euangelij merito speratur vberior, vbi verbis facta non disident, sed exemplo suo, mansuetudine, paupertate, benignitate, Christi prædicator vehementius pulsat animos, quam aures quibusuis vocibus. Nihil Paulus audebat loqui eorum, quæ per illum non efficeret Christus. Admirabilis est vita Euangelica, & oculos ad se omnium animosq; ipsa nouitate conuertens; cumq; intelligunt homines non sua, sed se quari, tunc nescio quomodo, & se & sua libenter impertiunt. Postremo quicquid molestiæ accidit, quicquid difficultatis & periculi, mors deniq; ipsa & quicuis cruciatus, si tandem designetur in Christi militem, videtur ad illius gloriam cumulandam pertinere, neq; tam in fugam vertere, quam palmam offerre, & certaminum omnium fructum pretiosissimum Triumphum Crucis. Quæ cum ita se habeant

habeant, plerique eorum, qui ad munus dilatan-
 di Euangelij excitantur, eam sortem fœlicio-
 rem putant, vbi potest, vt dixi, Euangelium Euange-
 licè prædicari. Atq; in ea re non dubium est, quin
 præclarè cum nostris magna ex parte in India
 Orientali actum sit, in qua vere more Apostoli-
 co licuit inter tot gentes Christum annuntiare
 Indis, Persis, Arabibus, Æthiopibus, Malauari-
 bus, Iapponensibus, Sinensibus, & infinitis alijs.
 Quam tamen Euangelizandi rationem si in ple-
 risque huius Occidentalis orbis gentibus ad-
 amussim tenere quis pergat, nihil aliud quam
 amentia extremæ damnandus sit, neq; immeri-
 to. Experientia ipsa omni exceptione superior te-
 stis rem abunde monstrauit. Nam vt de alijs ta-
 ceā, sola terra illa Florida semel, atq; iterū, & ter-
 tiò pacificè ad se venientes prædicatores, inaudi-
 tos indicta causa trucidauit, quod & Dominica-
 ni probarunt, & nostri plus satis experti sunt.
 Itaque institutum illud Apostolicum vbi tene-
 ri commodè potest, nihil prius, neque melius.
 Vbi autem non potest, vt ferè in omni bar-
 baries habet, non est prudentia, specie ius-
 titia sanctioris committere, vt salutem ipse
 abijcias, & alienam nihilo amplius compares.
 Mihi verò attentius intuenti in hoc instituti
 genus, duæ occurrere causæ solent, ob quas
 Apostolica illa Regula, & forma inter has na-
 tiones teneri exactè non posse videatur. Vna
 est satis nota, quod hæ gentes sicut bestiarum
 moribus vtuntur, ita humanitatis parū permittat;

sine

sine frædere, sine misericordia, prout quiduis col-
 libitum est, ita temerè agentes. In hospites, & ex-
 ternos nullum gentium ius obseruantes cum ne-
 inter se quidem naturæ leges sciant. Quamobrè
 qui horum se rationi, & arbitrio commisserit, po-
 terit is cum apris & crocodilis amicitiam inire.
 Neque vero ab istis Martyrium expectandum
 est, quæ fortassis spes tantum discrimen leuaret,
 non enim pro Fide, pro Christo, pro Religione
 moriendum est: sed vt vel suauiores epulas de te
 præbeas, quod Brasiliensibus, & toti Septentrio-
 tali oræ huius orbis vulgare est, vel spoliū præ-
 beas barbaris elegans, vel deniq; quia visus es nū-
 quam, & quid in te sibi liceat, experiri iuuat. Apo-
 stoli prædicabant Christum Iudæis quidem scan-
 dalum, gentibus autem stultitiam, alijs sapientiā,
 alijs signa quærentibus: sed vtriq; tamen ratione
 utebantur: oderant verò illos propter nomen Chri-
 sti, atq; ita beatos potius faciebat persecutio; per
 quam etiam miro modo Dei gratia amplius dila-
 tabatur. At barbari, excepto hoc quod homines
 similes, nihil cogitant, imo illud quoq; diu addu-
 citasse non pauci comperti sunt. Altera causa in-
 nobis est, cur Apostolica prædicatio institui om-
 nino Apostolicè nō possit, quod miraculorū nul-
 la facultas sit, quæ Apostoli plurima perpetrabāt:
 quorū splendore & potentia freti, auctoritatē dicē-
 ti apud quosuis quicquid placebat, facile vēdica-
 bant. Habebantur homines Dij similes, atque
 cætera eorum paupertas abiectio, ignobilitas,
 ineruditio secularis, ornamento potius erant, quā
 con-

1. Cor. 2.

Act. 10. &

14. & 28.

Act. 13.

1. WO. 1

O. 1. 12.

1. WO. 1

Matth. 7.

contemptui & fastidio, diuinam eorum vim admirantibus, & prudenter iam inde colligentibus gentibus, quam essent homines affectibus superiores, & toti pene cœlestes. Quod de Sergio Paulo Proconsule viro prudente diuinæ literæ commendandum memoriæ putarunt. At nostri, nunc temporis, cum talium operū maiestate se se barbaris admirandos, & timendos non præbeant, nihil restat, nisi vt reliqua vitæ inopia & impotentia penitus contemnatur, neque à generoso & excelso animo sed à misera & aduersa fortuna profecta intelligatur, atque adeo cum sordidi illiberalesque istī maxima ex parte sint, omnium rerum penuria nostros consequatur necesse est. Et si enim ob cibum Euangelizare non expedit sed sine cibo tamen Euangelizari non potest. His accedit, quod perspecta nostrorum hominum auaritia & ferocia ita hæ nationes perculsæ sunt, vt sibi consulendum putent, nostris vbi- cumque conceditur, sine vllō discrimine interemptis. Non solum ergo signorum vis nostris temporibus deest, verum pro ijs etiam scelera vbi- que feruent. Quo grauissimo incommodo interclusa ferè videtur via ad primam illam penitus Apostolicam Euangelizandi rationem: vt maiores societatis nostræ sapienter edixerint, specie Euangelicæ perfectionis non esse temere arbitrio barbarorum, prædicatores Euangelij committendos. Quandiu enim porcorum, & canum socordiam, atque impudentiam agnoscimus, nobis quoque à Christo Domino præceptū existi-

existimare debemus, ne pretiosas margaritas frustra mittamus ante eos, qui & eas conculcent pedibus suis, & conuersi dirumpant nos.

Cur miracula in conuersione gentium non fiant, nunc, vt olim, à Christi predicatoribus.

CAP. IX.

MULTOS verò inter hæc illud querere & admirari non temere solere animaduerti, quid sit, quod nostra ætate in prædicatione Euangelij, apud nouas gentes miraculorum illa vis non cernatur, quam Christus suis promissit, quæque ad confirmanda superhumana dogmata singulariter efficax est. Nā & nationes innumerabiles sunt, quarum salutē Deo esse charam dubitare non possumus: & hæc, si quæ vnquā alia, externis signis & operibus prodigiosis fidem commodare plusquam dici queat, facile solent. Argumento est mirabilis illa, & inaudita nostrorum hominum peregrinatio in terra Florida, vbi ex immenso naufragio quatuor illi homines tantum superstitēs Cabeça de vaca, Dorantes, Castillo, & quidam alius, diuinitus gratia curationum donati & opera apostolica perpetrantes, homines alioqui militares & profani, inter immensissimos barbaros per totum decennium non solum illæsi seruati sunt, verum infinitas populorum cateruas post se agentes, itinerā ad id temporis inaudita confecere ab Oceano Arctico usque ad Antarcticum mare penetrantes. *Qua in*
Q pere-

Marc. 16.

*Barbari
act. 28. pri.
Paulum homicidam,
mox Deū dicebant,
quod nihil
lausus esset
à vipera.*

peregrinatione, quemadmodum eorum fide di-
 ni commentarij habent, propter sanitatum ope-
 rationes vitæq; innocentiam tantum admiratio-
 nis, & gloriæ apud barbaros sunt consecuti, v-
 propemodum adorarentur pro dijs, & quicquid
 imperarent, non aliter quam de cælo profectum
 acciperetur. Quæ res abundè monstrauit, vt eo-
 rum etiam quidam literis prodidit, quam esset fa-
 cilis, ac certa via ad conuersionem gentium ha-
 rum, vitæ innocentia, præsertim signorum splen-
 dore decorata. Quid ergo? Cur putamus Excel-
 dexteram se continere, neq; quod facillime po-
 test, gratia miraculorum tot populos ad Fidem
 trahere? Iuuat interdum illa Prophetica oratio
Eccles. 36. ne exclamare ad Dominum, Miserere nostri Deus
 omnium, & respice nos, & ostende nobis lucem
 miserationum tuarum, & immitte timorem tuum
 super gentes, quæ non exquisierunt te, vt cogno-
 cant, quia non est Deus nisi tu, vt enarrant mag-
 nalia tua. Alleua manum tuam super gentes alie-
 nas, vt videant potentiam tuam. Sicut enim in
 conspectu eorum sanctificatus es in nobis, sic in
 conspectu nostro magnificaberis in eis: vt cog-
 noscant te, sicut & nos cognouimus, quoniam
 non est Deus præter te Domine. Innoua signa, &
 immuta mirabilia, glorifica manum, & brachium
 dextrum, & reliqua. Atque hæc sanè oratio huius
 temporis, & negotio non aliena videtur. Verum
 cur tanta signorum parcitas sit, cum videatur
 tam esse effusa necessitas, merito cruciat ani-
 mum. Etsi enim Apostolica tempora vberiora
 Spiritu

Spiritus sancti dono ditata sunt, & spiritus primicias habuerunt; tamē nō statim cū sæculo illo pri-
nō euauit potestas signorū. Ecclesiastica histo-
riā narrant tēpore Cōstātinī Magni totā Iberiā
provincia, quæ est Armeniæ proxima, Christianæ
mulieris captiuae opera, & signis, ad Christū esse
conuersam. Legimus in historijs Anglorum quot
& quā magna per Augustinum, & Iustum, &
Mellitum, cæterosque monachos miracula Chri-
stus ediderit, & magni Gregorij in hac causa te-
stimonium tenemus, quod gentium salutē Deus
tanta indulgeret. Cur ergo nostra tempora deser-
ta sunt, quibus tanta orbis portio innotuit, vt
cum ea Anglia vniuersa si conferatur, vix do-
mus exigua ad ingentem urbem futura sit? Mul-
tos ergo, vt dixi, ad hunc modum secum cogi-
tantes, pia hæc neq; indocta quæstio tenet. Mihi
verò illud Augustini opportunē occurrit, qui cū
commemorasset paulo ante, diuinam vocationē
interdū signis externis, aliquando interno potius
impulsu fieri, mox adiungit, Hæc autem vocatio
quæ siue in singulis hominibus, siue in populis,
utq; in ipso genere humano per tēporū opportu-
nitates operatur altæ & profundæ ordinationis
est. Quis enim cognouit sensum Domini, aut cum
quo iniit consiliū? Populum Israël sibi charum,
initio de seruitute Ægypti Pharaone toties pro-
ligato ingentibus prodigijs eripuit: eundem
populum longē post de Babylonica captiuitate
patriæ restituit non ita magnis operibus per-
petratis: illic quidē per Moysen, & Aarō, hic per

Aug. li. 83.

q. 9. 63.

Esaï. 40.

Exod. 14.

Q 2

Zoro.

Agg. 1.

& 2.

Zach. 1.

3. Esd. 5.

Hier. 16.

Ephes. 3.

Zorobabel & Iesum: neque tamen minus se mirabilem prædicari vult secundo isto reditu quam primo illo ingressu in terram promissionis. Proinde Hieremias loquitur, Ecce dies veniunt, dicit Dominus, & non dicetur vltra, Viuit Dominus, qui eduxit filios Israel de terra Ægypti, sed viuit Dominus, qui eduxit filios Israel de terra Aquilonis, & de vniuersis terris ad quas eiecerat eos. Cui rei non dissimile mihi videtur, quodd Ecclesiam suam olim in ipsis Euangelij cunabulis, multorum signorum & variorum charismatum copia congregauerit, eandem modo de gentibus non minus mirabiliter mirabilium paritate colligit, diuersa tempora secundum altissimas sapientiæ suæ leges diuersis rationibus administrans. Attamen in re obscura, quantum sapere datur, non nihil etiam rationis inuenire potest humana cogitatio, modo sobriè quærat, in charitate primum radicata & fundata, vt possit comprehendere. Ac mihi quidem aliquoties ista animo repetenti tam perspicuæ diuersitatis in potestate signorum, illa occurrere causa solet, quod priscis temporibus omnino necessaria fuerint, nostris nõ item. Etenim fides mysteriorum sublimium omnem humanam rationem superantium astruenda tunc erat apud homines maxime ratione sua cuncta metientes, & ad solitos calculos reuocantes, Græcos inquam atque Romanos ceterosque illa maxime ætate sapientiæ huius sæculi florescentes. His quomodo per homines paucos, ignobiles, imperitos persuaderi posset, doctrina

ctrina

1. 100. 1. disquireret? Vnum illud his gentibus huic nouo
 1. 100. 1. orbi potentissimum, & ad Fidem efficacissimum
 1. 100. 1. ac pene singulare miraculum necessarium est
 1. 100. 1. mores cum Fide congruentes. Hoc & abūde suf-
 1. 100. 1. ficit, & omnibus concessum est, modo velint. In
 1. 100. 1. hoc argumento explicando de signorum rari-
 1. 100. 1. te, mirifice versatur S. Ioannes Chrysostomus in
 1. 100. 1. epistola priori ad Corinthios tractās illa verba
 1. 100. 1. Apostoli, vt Fides vestra non sit in sapientia ho-
 1. 100. 1. minū, sed in virtute Dei. Ac primū quidem mon-
 1. 100. 1. stratur signa Euangelicæ prædicationis initio pat-
 1. 100. 1. ta Fidē non illi solum sæculo, sed & futuris pep-
 1. 100. 1. ruisse. Si enim illa tunc perfecta credūtur, certū est
 1. 100. 1. doctrinā, cui cōfirmādæ adhibebantur, diuinitus
 1. 100. 1. esse profectā & inspiratā, sin autē historię, ac ve-
 1. 100. 1. ritati signorū minus gētilis credat, at longē omni-
 1. 100. 1. bus signis maius est, homines paucos, ignobiles,
 1. 100. 1. literatos, omnib⁹ mortalib⁹ exosos toti orbi per-
 1. 100. 1. suasisse Religionē adeo intellectu arduā, & omni-
 1. 100. 1. bus affectibus oppositam, qua neque ratione fir-
 1. 100. 1. marent, neq; potentia defenderent, neq; visibil-
 1. 100. 1. aliquo præmio persuaderent. Non ergo Fides in-
 1. 100. 1. satis fundata miraculis, nouis indiget confirmari
 1. 100. 1. quin potius vtilius esse asserit signis nunc carere
 1. 100. 1. quoniam maioris meriti sit. Postremo id, quod de
 1. 100. 1. vitæ integritate ad fidem conciliandā Euangelicā
 1. 100. 1. admonui, adeo confirmat, vt dicat, Quod etsi in
 1. 100. 1. præsentia signa viderentur, quis tamen persuade-
 1. 100. 1. ret? quis externorum aures nobis accommodaret
 1. 100. 1. cum tantopere increbrescat malitia? Etenim pro-
 1. 100. 1. bata Christianorum vita maiorem apud multos
 1. 100. 1. auctori-

Chrys. ho.
 6. in. 1. ad
 Corint.

auctoritatem sibi vendicabit, quàm signa. Si qui-
 dem hæc apud impudentes, & malos homines ma-
 lam concitant opinionem. Vita autem pura, etiã
 ipsum Diaboli os maiorem in modum obsruere
 poterit. Hæc ille. Quibus ego addiderim inter
 Apostolica signa ad subiugandum orbem in ob-
 sequium Christi hoc maximum extitisse. Signa,
 inquit Paulus, Apostolatus nostri facta sunt su-
 per vos in omni patientia, in signis, & prodigijs,
 & virtutibus. Vide obsecro te quid loquatur, vbi
 inter signa Apostolatus primum locum tribuit
 Patientiæ, secundum miraculis, & prodigijs. Atq;
 ad Thessalonicenses, Ipsi scitis fratres introitum
 nostrum ad vos, quia non inanis fuit, sed ante
 passi, & contumelijs affecti, & cætera, vbi qualis
 fuerit vita, qui mores, quam ab avaritia, ab adula-
 tione, à fastu omniremoti, id verò pro certo, &
 insuperabili veritatis annuntiata testimonio
 profert. Sit vita pura, & innocens, in Christi
 predicatore: & hæc signorum omnium vim ob-
 tinebit.

2. Cor. I. 2.

I. Thess. 2.

Quod etiam exiguo merito Predicatorum, signorum
 parcitas aliqua ex parte attribuenda sit,

CAP. X.

Quid si quis præter allatam rationem, am-
 plius adhuc requirat, accipiat etiam alterã.
 Miracula quidem etiam per homines à charitate
 Dei alienos effici posse, notior res est, quã vt longa

Q. 4

proba-

1. Cor. 13.

probatione indigeat Habes Paulum dicentem, si habuero omnem fidem, ita ut montes transferā, charitatem autem non habuero, nihil sum. Habes ipsum Dominum perspicuè docentem, Multi dicent mihi in illa die, Nonne in nōmine tuo prophetauimus, & virtutes multas fecimus? qui-

Mat. 7.

Aut. li. 83. q.

q. 79. f. 5.

bus ipse respondebit, Amen dico vobis, nescio vos: Discedite à me operarij iniquitatis. Quo in loco Basilius Magnus, & autor de Ecclesiasticis dogmatibus serio monent vitæ potius fidēdum

Luc. 9.

esse quàm signis, quod his interdum etiam peccatores abundant. Nam & ille in Euangelio demones expellebat, qui Christum non sequebatur. Hæc quāquam ita se habent, tamen non dubium est, quin frequentissimum sit, & veluti lege fixum, ut quo quis fide & sanctitate magis eminuerit, eo aptius instrumentum sit, per quod Spiritus sanctus tam præclara opera perpetret. Nix enim inter multos vnus occurret, qui vera signorum gloria claruerit, qui non idem egregia fide opus Domini operatus sit. Cum enim apostoli etiam semicinctia ac sudaria magna in oppressis peragerent, scæuæ cuiusdam filij viribus maiora conantes, etiam si Christum inuocarent,

Act. 19.

& Paulum commemorarent, tamen iuste audierunt sibi à malignis spiritibus responderi, Iesum nouimus, & Paulum scimus: vos verò qui estis? Quo facto nos admonitos scriptura voluit, etiam si Christi nomen ad profligandos hostes, & corporibus humanis satis potens esset, sed tamen maiorum meritis impediri sæpe rem tantam. Quid ergo

ergo mirum, si rara illa, & admiranda testimonia
 aufugerint, si signa nostra, ut est in Psalmo, non
 videamus, neque sit propheta in terra, ubi Fides
 exigua est, ubi charitas refrigescit, rarusque om-
 nino est, qui parem animi cum corpore curam
 gerat, & celebretur ille pro sancto, qui paulo stu-
 diosius pueriles carnis illecebras, & sæculi vani-
 tates ab se abdicarit? Equidem non dubito si illa
 priorum prisca fides, si pietas, spiritusque feruor
 ille rediret, quin prisca etiam opera spectaturi es-
 semus. Conuertamus oculos in nostri sæculi ho-
 minem B. Magistrum Franciscum, virum Aposto-
 licæ vitæ, cuius tot, & tam magna signa referun-
 tur per plurimos, eosque idoneos testes, ut vix de
 alio exceptis Apostolis plura, aut maiora legan-
 tur. Quid M. Gaspar, alijque socij non pauci in
 India Orientali, quantam diuinæ magnificentia
 laudem nouis conuertendis populis operibus ad-
 mirabilibus pepererunt? Quod in alijs sacrorum
 Ordinum viris perspectum etiam est, & in nostra
 quoque Occidentali India non omnino inusita-
 tum. Verè humilibus dat gratiam Deus. Atq; ut
 eos canales infundendo liquori sapiens artifex
 eligit, qui neque comminuti, neque vitiati ali-
 qua ex parte sint, ne humorem infusum, vel non
 transmittant quo oportet, vel propria affectione
 corrumpant: ita profecto Spiritus sanctus ad suā
 potentiam, & gloriam declarandam, eius purita-
 tis viros, atque humilitatis assumit, qui nihil sibi
 sumentes, totum Deo cuius est omne donū per-
 fectum, & saluti proximorum sincere refundāt.

Psal. 73.

Iac. 4.

1. Pet. 5.

Q 5

Quod

Luc. 16.

Quod quia magnum, & rarum est, ita scilicet, Deo esse fidelem, vt neq; in magno, neq; in paruo Dei gloriam sibi quis suffuretur, iccirco rara etiam sunt talia dona. Si enim in iniquo mammona infideles estis, ait veritas, quod vestrū est, quis credet vobis? Hoc profundè significās, quod qui etiam de puerilibus, & sēcularibus superbimus, de opibus, de genere, de elegantia, quod vocat iniquum mammona, & alienum, quia verè, neq; nostrum est, neq; iusto dignum, quomodo non magis intumescemus, si spiritus dona illa magna, & prāclara nostrā fidei committantur? Atq; has ego duas prācipuas esse causas reputare solleo in raritate signorum: & alteram diuinā esse iustitiā, alteram sapientiā, quibus suprema illa, & inexhausta potentia quoddammodo cohibetur, atq; libratur, ne se secundum diuitias suas effundat. In omnibus verò bonitatem superexcedentem considerare licet, quā etiam hoc ipsum quod minus prāstare, atque indulgere videtur, ad hominum certam salutem accomodat, atq; conuertit. Ipsi gloria in sēcula, Amen.

De Pradicatione inter eos qui Fidem iam receperunt.

CAP. XI.

Igitur morē illū Apostolicū Euangelizādi vbi nominatus Christus non est, vt omniū beatissimum, vbiq; licet, retinendū esse, vbi id vero minus conceditur propter malitiā, vel regionum, vel hominum, saltem suspirādum, & quoad eius fieri potest, imitandum, satis, vt reor, monstra-

tum est. Sequitur vt de eo prædicandi genere disceramus, in quo auditores iam vtrumque Christianos offendimus, & legibus nostris subiectos: Id quod est modo vñtatiuſ, propterea quod non tam nouis regionibus inueſtigandis, quam olim repertis excolendis, magis inuigilare hominum ſtudia cœpere. Qua in re duo præcipienda videntur. Vnum, vt Principum ciuili iurisdictioni minimè reſiſtatur. Alterum vt in Eccleſiaſtica cura religioſe, & magno animo perſeueretur. Nihil perinde inſtructioni, & ſaluti Indorum nocere compertum eſt, atq; peruerſam quãdam, & malignam poteſtatum temporalis, & ſpiritualis con-
certationem, aut imminutionem, aut quoquo-
modo offenſionem. Atq; vt de cæteris modo ma-
giſtratibus ſæcularibus taceamus, certè grauiter errât quidam ſpecie fortasſe pietatis, ius regiũ, & adminiſtrationem vocantes in dubium, quæren-
tes interdum, quo titulo, & iure Hiſpani dominè-
tur Indis? Num hæreditario iure ad nos deuolu-
ti ſint, an bello iuſto ſubiecti? Quæ ſanè diſputatio
eò pertinet, vt adminiſtrationis Indicæ, vel tolla-
tur, vel certè debilitetur autoritas, quo ſemel ſi
gradus ſiât, quãta ſit futura perniciēs, quæ pertur-
bationerũ omniũ cõſequatur, dici vix poteſt. Neq;
verò id ego modò ſuſcipiã, vt bella, bellorũq; ge-
ſtorum rationes defendam, atque omnes illos ſu-
periorum temporum turbines. Illud religioſe &
vtiliter moneo non oportere in hac cauſa am-
plius diſceptare, ſed veluti præſcriptam iam ſit,
optima fide agere debere Chriſti ſeruum.

Neque

Neque alia subtilior petenda est causæ euictio, quam quòd, vt demus quam maximè peccatum esse in vsurpatione dominatus Indici, tamen neq; restitui iam potest (cui enim, aut quibus modis?) neque si maximè posset, Fidei Christianæ semel susceptæ euidēs iniuria, & periculum, id illo modo pateretur. Nam etsi infideles ad Fidem profitendam cogi violenter ab alienis præsertim principibus, disciplina Christiana grauissimè detestatur, & prohibet: eadem tamē ipsa religionem semel, siue iure, siue iniuria susceptam, nullo modo deferendam esse, & desertores coercendos esse seuerè decernit. Qua de re extant Patrum antiqua decreta in Concilio Toletano, Oportet, inquit, vt Fidem etiam, quam vi, vel necessitate suscep- runt, tenere cogantur, ne nomen Domini blasphemetur, & Fides, quam susceperunt, contemptibilis habeatur. Plus enim habet iuris, vt Augustinus censet, quod in eis Dominicus character agnoscitur. Adde, quod subditorum non est ista examinare, sed honorem potius omnem deferre principibus. Certè Cæsarum dominatus in orbem inuectus, si quis exactius discutiatur, maxima ex parte tyrannicus fuit, neq; tamen Paulus, & Petrus eorum potentia resistendum docuerunt, quin potius honorē, obediētiam ac tributa reddenda diligenter præcipiunt, idque non solum propter iram, sed etiam propter conscientiam. Ac licet alijs gentibus iure aliquo imperarent Romani, at in Iudæos iniuriōse profectō irruerant: tamen Christus Dominus, neque censum,

neque

*Conc. Tol.**4. c. 55. d.**45. De Iu-
da.**Epif. 50. ad**Bonifa.**Rom. 13.**Tit. 3.**1. Pet. 2.**Matth. 22.*

neque tributa reprehendit, sed soluit ipse quoq; *Matt. 17.*
 libertate sua non utens, cum esset filius summi
 Regis. Et cum multa in Herode Ioannes Bapti- *Luc. 3.*
 sta acriter obiurgaret, potentiam tamen nunquā
 increpuit, imo verò milites stipendia Romana,
 qualis est in Actis Apostolorum, ille Centurio, *Act. 10.*
 rectè mereri sanxit. Deniq; & magnarum opum
 & Regnorum maximè iura, cum sæpe per iniu-
 riam introducta sint, tamen videmus in sacris li-
 teris principibus sua imperia constare, & subdi-
 tos obedientiam doceri. Igitur siue iniuria vsur-
 patus sit dominatus Indicus, siue quod magis
 existimandum, & prædicandum est, quantum at-
 tinet ad Regum administrationem, iure & ordi-
 ne, nequaquam expedit Indorum administratio-
 nem, quæ illis utilisima est ad salutem æternam,
 Christianis principibus derogare. Hoc sibi cum
 persuaserit Euangelicus operarius, poterit sine
 ulla offensione, & scrupulo in hanc latissimam
 egetem falcem mittere: & tam de salute Indo-
 rum, quàm illos administrantium in Christo co-
 mitare, atq; operam suam omnem impendere si-
 meliter, ingressurus sine dubio vastissimam quā-
 dam syluam, multis quidem asperitatibus horri-
 bilem, sed tamen fertilitati Euangelicæ commo-
 dissimam, modo zelus Dei vigeat, & tolerantia
 non desit cum fiducia coniuncta. Et quoniam,
 quod ad caput alterum attinet de Ecclesiastica,
 & religiosa disciplina conseruanda tam in nostris,
 quàm in ipsos Indos, ubi iam Fides Christi
 suscepta est, prolixiorē orationem desiderat,
 tra-

tractada res est vberius cōsequentibus libris. Mo-
do illud maneat, vt in militari disciplina res ha-
bet, non rectè prouinciam aliquam expugnari, &
in ditionem redigi, nisi deducta colonia, & præ-
dio imposito, gradus figatur, ita profectò in ho-
rū infidelium conuersione, nihil sperandum esse
lucri, nisi obfirmato animo, ijs corripiendis, in-
struendis, atq; ad perfectū vsq; promouendis cō-
silia, curæ, conatusq; omnes admoveantur. Neq;
enim repente quicquam legitima incrementa
suscipit.

*De expeditionibus necessarijs ad prædicandum barbaris
Euangelium. CAP. XII.*

Q Voniam constat antiquo, & Apostolico mo-
re non posse plerosque infideles obiri, &
debellari barbaros prius, vt mox domiti religio-
nem Christianā recipiant, multis, & magnis ra-
tionibus peruersum esse monstrauius, non exi-
guæ occurrere videntur angustia, quonam mo-
do, & via verbū Dei ad nouas nationes perueni-
re queat. Sed quia omnibus gentibus prædicari
Euangelium oportet secundum Saluatoris præ-
ceptum, & prædictionem, & nulla est hominum
portio, quam incurabilem reliquerit summus cō-
ditor, colligitur, nouo aliquo Euāgelizandi ge-
nere vtendum esse, nouo quoq; hominū generi
accommodato. Vt enim barbari, veluti mixta hu-
mana & ferina natura constant, vt moribus non
tam homines, quam hominum monstravideātur,

sic

hic quæ cum illis instituenda est consuetudo, partim humana & liberalis, partim subhorrida, & ferox sit, necesse est, vsq; dum natiua illa sua feritate deposita, paulatim mansuescere incipiât, & ad disciplinam humanitatemq; traduci. Non igitur negligenda est accuratior de expeditionibus tractatio, quibus, vel incognitæ nationes explorantur, vel iam exploratæ adeuntur, idque sæpius navigatione proluxa, interdum terrestri itinere. Quo in utroq; genere in hoc Occidentali orbe, utq; Oceano Antartico nouæ quotidie gentes, & huc vsq; inauditæ occurrūt, quarum salus nullo modo contemni potest. Simul ergo proficisci oportet viros militares, necessaria humanæ vitæ præsidia in tam longa, tamq; periculosa peregrinatione ferentes, simul vitæ æternæ præcones, caritatis Christi militantes, vt diabolica tyrânide captas animas Deo expugnent. Id ita coniuncto officio oportere fieri, non solū ratio docuit, verum ipsa iam longo vsu comparata experientia. Quare si qua spes est salutis barbarorū, in his certè expeditionibus posita est. De quibus primū quod ad militiæ leges spectat secūdū omniū supremam Dei legē, dicendū erit: deinde quod ad prædicationē cōuersionēq; gētiū pertinere arbitrabitur.

1. Cor. 15.

Præterea prius enim quod animale est, deinde quod spirituale. Tria igitur queri posse videtur, Primū quod iure, quæ ratione nouæ expeditiones in barbarorū terras suscipiātur: tū quid in ijs fas sit agere nostris: postremo quib⁹ iniurijs lacefsiti Christiani possint sibi barbaros subijcere, vel bello vel vi.

Quo

REgna igitur barbarorum quo iure Christiani adierint, adireve possint, si quis ex me quærat, facile responsurus sum, non alio opus esse quam ipso communi naturæ, quod homines sint. Peregrinari cuius quocumque fas est: nefas verò hospitem pacatum, neque lædentem, neque suspectum communi solo excludere. Quamobrem leges illæ Chinenſium, quæ capitis supplicium in hospites iniussu Regis venientes statuunt, ini- quæ profectò sunt, & ab omni humanitate alienæ. Nam ut nihil aliud, certè innatus amor noui discendi, atq; experiendi, ius cuique facit, ut remotissima quæq; si libeat, oculis, atque animo lustret, quod ad rerum humanarum, atq; etiam physicarum prudentiam non parum conferre censeat. Poëta, qui sagacissimi viri laudes exordiens, *Qui mores hominum, inquit, multorum vidit & vrbes.* Itaque hostibus tanquam pœna digni aditum ad nos præcludimus, cæteris non item, nisi meritò in suspensionem veniant. Iam verò mercaturæ artis hoc proprium est, ut quæ apud suos abundant, deferant ad externos, & quibus vicissim illi circumfluunt, reportent suis. Ita enim communis nostri generis autor mortales omnes inter se sociandos, & quadam communione in officio retinendos existimauit, si sibi essent vicissim oportuni, & commodi. Atq; ut in hominum ingenijs alios alia curare cernimus, ut hic calceos

*Homerus
initio Odis-
sea, ut ver-
tit Horatius.*

paret

aret, ille contra domum ædificet, ita ipsas orbis
 terrarum regiones suo quoque quodam fœdere
 coniunxit, dum rerum aliarum alijs atque alijs fe-
 racitatem attribuit, nec fœlicitatis humanæ esse
 censuit, quod ille cecinit,

Omnis feret omnia tellus.

Vergil.

Auri atque argenti hæud scio an ditior vlla regio
 possit concurrere hoc ipso Piru, aliarum pene
 omnium rerum olim summopere indigentē. Ali-
 bi metalla, alibi gemæ abundant, alibi ligna, pi-
 per, herbæ medicinales, lana, serica, artificia, & id
 genus sexcenta. Qui ergo commoditates suas,
 nauigantes aut peregrinantes apud exteros quæ-
 runt, illis vicissim vtilēs futuri, operæ pretium fa-
 cere quis non videat? At in istis, dicet aliquis, cu-
 piditas potius regnat, & immoderata rapacitas,
 sicut & in illis alijs pernicioſa sæpe curiositas aut
 ostentatio potius, quam vtile aliquid discendi cō-
 municandiue studium. Neque humanitatis est
 officium, sed auaritiæ sitis, qua feruntur. Quis
 hoc neget? At modo non quid vitioſitas homi-
 num habeat, sed quid ipsa communis utilitas cō-
 cedat, expendimus. Licet ergo, licet sine vlla du-
 bitatione barbatorum fines penetrare, idque si
 renuant nulla vel accepta vel meritō expectata
 iniuriæ iniqui sunt. Verum his sepositis rationi-
 bus, quas habet ipsa natura communes, est om-
 nino singularis quædam causa Christianis, & ab
 ipso omnium conditore ius conditum, vt quæ à
 Deo didicerunt, doceant ipsi cæteros mortales,
 quorum salutem optare & quærere debent. Qui

R

ergo

Mate. 16.

ergo dixit, Ite in mundum vniuersum, & prædicare Euangelium omni creaturæ, is certè aditum liberum quocumq; terrarum aperuit, quem qui nobis præcludere velint, & summi Dei præcones ac legatos inauditos à se relegant, non solum contra salutem suam facere putandi sunt, verum etià insignem Christianæ Reip. contumeliam irrogare. Quod si barbari prædicatione Euangelica cōmonendi excitandiq; sunt, neq; id fieri vnus, & alterius sacerdotis peregrinatione permittit, vel ipsorum ingenium ferox, vel regionum immensa distantia, necessario præsidio destituta, perspicuum est complurium hominum cætu, & rerum opportunarum apparatu opus esse: quæ sanè duo in Expeditionis ratione continentur. Nouas ergo siue Expeditiones, siue profectiones, siue alio melius vocabulo appelles, ad Indorū terras, conuictumque explorandum, esse æquitatis, & officij, plenas, si genus ipsum per se spectetur, satis ex his persuasum puto. Aristoteles quidem in Politicis suis, Peregrinis non admodum fauere videtur. Seditiones, inquit, concitat peregrinitas, donec in eādem simul conspirationem deuenerit. Quapropter quicumq; adhuc inquilinos susceperunt, vel aduenas, omnes ferè seditionibus iactati sunt, cuius documenti exempla plurima accumulat. Ceterum & si rectè ac perfectè institutis ciuitatibus peregrinorum turba meritò suspecta esse debeat, ac proinde purgatio aliqua iusta sit, tamen barbarorum alia longè ratio est, qui vel ob hoc ipsum externis indigent, vt eorum Respub. rectè consti-

Aristot. 5.
Pol. 6. 3.

consti-

onstituatur, imo verò vt possint eo nomine dignam habere Remp. quippe cum ferarum magnitudinem vitam agant, quos ad societatem legesque naturæ accommodatas attrahere, & reluctantes quoddammodo compellere, seclusa tamen seruitute, & cæde, potius officio assignandum est. Quod vsq; adeo certum habuit Philosophus, vt *Aristot. 2. Pol. c. 5.* barbaros homines parere nolentes, bello etiam domare, iustum natura decernat, quod nos ita temperamus, vt capi quidem, aut cædi, aut proligari barbaros nequaquam sinamus, propterea quod naturalem seruitutem nullam agnoscimus, sed tamen melioribus, & sapientioribus pro sua salute docendos ac regendos, non illeberaliter committamus.

Quid in terris barbarorum, Christianis liceat.

CAP. XIII.

VNDE fit consequens ea omnia, quæ huic fini honestè præscripto necessaria sunt, ipsa lege naturæ, & Christi, nostris apud illos licere, imò verò etiam expedire, modò id quod vbique quidem, sed in hac maximè causa seruandum est, modus adhibeatur, Vt ne quid nimis. Quoniam ergo natura barbarorum est maximè inconstans, atque infida, opus est, vt qui apud illos versantur, securitati suæ consulant, & neque nocere cupiant, neque tamen se frustra ledi permittant. Quare quæ

R 2 defen-

defensionis sunt propria & tutelæ, ea nemo culpare debet, si Christiani satagant. In quo genere sunt portus naualibus stationibus occupati, arces erectæ, ac munitæ, præsidia militaria cætera, quo confugere violati queant, & barbaros quantum satis erit, terrorè ipso, in officio continere. Hoc à Lusitanis factitatum in plerisque Orientis maritimis vrbibus, non sine egregia ipsorum gloria, & magna Christianæ Reip. commoditate, nemo est, qui non laudet. Quod si morosior quisquam id interpretatur iniuriam, propterea quod in suo regno munitiones, & præsidia extrui ab externis, quiuis nostrorum principum graviter indignaretur, & quantis posset viribus obfisteret, intelligatis oportet, barbarorum ingeniū eiusmodi esse, vt nullam patiatur iniuriā, si contra ipsorum iniurias se quisquam muniat, quod in nostris humanè & pro dignitate se se gerentibus secus habet: qui enim inter suos non nisi armatus incederet, iniurius esset, idem si inter externos, & merito suspectos armatur, cautus & prouidus potius dicetur. Adde quod ipsorum barbarorum interest, vt nostri cum illis consuetudinem habeant, quam fieri possit, tutissimam, & diuturnam, vt religionis veræ, ac salutis suæ, documenta percipiant. Atque hæc quidem militaris apparatus, & disciplinæ causa est, quam dixi. Iam quod ad commutationes rerum pertinet, & mercimonia, nihil est quod hoc loco peculiariter percipiamus, dum sit, præterquam vt pretia rerum iudicio boni viri atque prudentis consti-

uantur.

uantur. Quam in re non mediocrē habet quēstio-
em, vtrum quanti barbari merces nostras æsti-
mant, tanti transigi possint. Nam bracteolas, &
calculos, & gladiolos, & sistrā, & vitrea, & id ge-
us nugas ac scrupēa, tanto in pretio apud istos
haberi compertum est, vt auri, aut argenti non
paruam vim, interdum eximios etiā smaragdos
cum his commutare perlibenter ament. Verum
ista discutere enucleate, non huius negotij est.
Illud exploratum teneamus, omne genus merci-
monij cum istis exercere licere, pretium vero
neque lege, neque certa ratione constare, sed iu-
dicio sapientis, qui perspiciat quantum abundēt
is, quæ ipsi reddunt, & quanti faciant, vel ad vi-
æ præsidia, vel ad ornatum quendam ipsis cha-
tum ea, quæ accipiant à nostris, & quanta ho-
um copia inopiauē sit: vt omnibus probe per-
pectis atque libratis quæ rerum æstimatio iusta
censenda sit, statuere possit. De agris vero colen-
dis, & fructibus faciendis, dūmodo fundi ijs ne-
cessarij aut culti nō occupentur, non dubium est
quin beneficij etiā loco ponendum sit, si de-
sertos & infœcundos agros nostri exerceant, &
ementem faciant, atque Europæ frugibus assue-
faciant. Idem in gregibus alendis iudicium est,
ubi pascua vberissima nullis vlibus vacant, quod
plerique barbarorum armenti, ac pecoris negli-
gentes sint, venationibus delectentur. Denique
quicquid vtilitatis nostris ex illorum solo acce-
dere potest, sine vllō eorum detrimento, imo cū
non exiguo emolumento, id iure naturæ con-

cessum esse dubitare non possumus. Quamobrem quod ad auri & argenti fodinas exercendas spectat, quod præcipuè nostrates curant, processo reputandum est, quicquid barbari pro neglecto habent. Ita metalla fodienda suscipere, aut auri grana ex fluuiorum obicibus cogere, aut argenti fundendi industriam sequi, aut gemmas ex fundo expiscari, aut pretiosos vniones eruere, aut quicquid denique rarum est, & indigenis, vel ignotum, vel despectum, non est contra æquitatem, si harum rerum studiosi sua diligentia & industria persequantur. Sed obseruandum tamen, vt neque iam ab incolis occupata, & habitata in pretio, iniuriose dolo, aut vi præripiantur, neque ipsimet nostris ad nostras non ipsorum commoditates seruire cogantur: quod vtrumque periculi plenum est.

Quando liceat barbaris infidelibus bellum inferre.

CAP. XV.

QUod si barbari, vt sæpe solèt, nullis iniurijs læsi, sed humanè ac benèficè affecti, nostros lædere pergant, aut fide violata cædem meditentur, præsidia aggrediantur euertere, agros populentur, fruges corrumpant, naues iniectione igne cremare studeant, dolo alimenta surripiant, aut denegent, cæterasque iniurias adorianur, nõ solum nostris se se defendere, ac tueri licebit, verum etiam damna illata reparare, & acceptam contumeliam vleisci, ac si res exigat, serio agere, & bello

& bello prosequi rem . Nam belli eam iustam definiuimus causam , vbi iniuria laceſſitus princeps arma induit . Verum illud ſummopere aduertendum , non eodem modo barbarorum iniurias ac cæterorum hominum perſequi oportere . Cum enim ſint imbecilli, ac puerili ingenio indi , magis puerorum ac fœminarum , vel potius pecudum more tractandi ſunt , vt non tam eos ſerio vlciſci velis , quam neceſſario caſtigare , & terrere , neque tam gladius in iſtos acuendus eſt , quam intentādum flagellum , vt vel ita mulctati diſcant timere & parere . Non enim ad illa ſua ſtatim veniendum eſt , ad ædes incendio cõflagrantes , viros ferro trucidandos , ſeruitutem perpetuam , & reliquas bellorum calamitates . Sed quatenus progrediendum ſit , & vbi ſiſtendum , Ducis Chriſtiani charitas cum ſalutari prudentia coniuncta , & melius dictabit , & plenius , modò meminerit ſe Chriſti religionem profiteri , & verbo & exemplo debere , vt non tam ſuas curet , vel incommoditates , vel iniurias , quam vt pretioſa animarum lucra Domino acquirat .

De officio prædicatoris Euangelici erga ſocios itineris.

CAP. XVI.

HIS ita explicatis , iam quod ſit Euangelici prædicatoris officium in nouarum vocatiõne gentium , intuendum eſt . Atq; illud in primis præcipiendū , ne quoniã nouo modo & immutata

*Eccle. 3.**Phil. 4.**Mat. 10.**2. Tim. 4.**Tit. 3.**Act. 27.**Act. 28.*

ratione Christum barbaris annunciaturus sit, se-
 ptus militari præsidio & multiplici apparatu, id-
 circo se Apostolico officio minus fungi arbitre-
 tur, animumque demittat, quasi Euangelium
 non euangelicè annuntiet. Oportet Dei seruum
 diuinæ per omnia voluntati promptissime sub-
 di, ac se æterna illius sapientia regi, generose per-
 mittere. Non omnium eadem tempora, sed cun-
 cta fecit Deus bona in tempore suo. Nouo gene-
 ri hominum; nouam Euangelizandi rationem
 non ingratè suscipiet, quisquis non suam, sed
 Dei gloriam meditatur. Sæpe aurea illa & depi-
 cta ante oculos antiquitatis laus, si ad nos refe-
 ratur, nihil aliud, quam vmbra quandam & fa-
 ctum & nominis appetentiam immoderatam sa-
 pit. Etenim quid magis Apostolicum quam vbi-
 que, & in omnibus institutum esse, vt sciat Dei
 seruus; in quibus est, sufficiens esse, & abundare
 & penuriam pati. Aliquando Christi discipuli
 sine sacculo, sine duplici tunica Euangelizant,
 aliquando vero etiam penulam postulant, & so-
 licite præmitti iubentur, vt nequid illis desit.
 Quod si militum & sæcularium profana turba
 mouet Christi seruum, meminerit Paulum apud
 Iulium nauigantem cum cohorte Italica eaque
 superstitionis Gentilicæ, eundem doctorem Gen-
 tium recolat Romam caput mundi primum ad
 se ingredientem spectasse vinctum, & militari
 custodia circumdatum. Quis vero ita crederet?
 Maximi prædicatoris in maximam urbem in-
 gressum quam alienum, quam incommodum
 putes,

utes, si humanas rationes consulas? at si diuinas,
 Quæ circa me sunt, inquit, magis ad profectum
 venerunt Euangelij. Verbum enim Dei non est
 igatum. Quamobrem gloriose prorsus nos hor-
 tatur strenuus militiæ cœlestis dux, Vt in om-
 nibus exhibeamus nos sicut Dei ministros, non
 solum in vigilijs, in ieiunijs, in castitate, in scien-
 tia, in longanimitate, in suauitate, in Spiritu san-
 cto, in charitate non ficta, in verbo veritatis, quæ
 postea commemorat, verum etiam in ijs; quæ
 prius admonenda putauit, in multa patientia, in
 tribulationibus, in necessitatibus, in angustijs, in
 plagis, in carceribus, in seditionibus, in labori-
 bus. Deniq;, In virtute Dei, per arma iustitiæ à
 dextris, & à sinistris, per gloriam, & ignobilita-
 tem, per infamiam, & bonam famam, vt seducto-
 res, & veraces, sicut ignoti & cogniti, quasi mor-
 tuos, & ecce viuimus, vt castigati, & non mor-
 tificati, quasi tristes, semper autem gaudentes, si-
 cut egentes, multos autem locupletantes, tanquā
 nihil habentes, & omnia possidentes. His cœle-
 stis tubæ vocibus generose animatus Christi
 miles, cum ad rem induxerit animum, & se totū
 diuino arbitrio permiserit, iam quid sibi præstan-
 dum sit erga cæteros, animaduertat oportet. At-
 que hic aduersus socios itineris, vel maritimi, vel
 terrestres, partes suas diligenter intelligat, vt eos
 quantum fieri possit, in disciplina Christiana cō-
 seruet, primum beneuolentia in omnes, omnibus
 omnia factus, vt omnes Christo lucrifaciat, affa-
 bilis, suauis, sermonem habens semper in gratia

Phil. 1.

2. Tim. 2.

2. Cor. 6.

1. Cor. 9.

Col. 4.

- Ephes. 5.* sale conditum, vt sciat quomodo vnicuique eum
Rom. 15. oporteat respondere, ac nihilominus tempus redimat, vt sibi interdum vacet & Deo. Infirmi-
Gal. 6. tes aliorum portare, & non sibi placere, & præ-
occupatum in aliquo delicto si spiritualis est, in
Col. 1. spiritu lenitatis instruere, omnem hominem iux-
ta Apostolum, corripere, & docere, & conari, vt
exhibeat perfectum in Christo Iesu. Hoc vt effi-
Hier. 23. ciat, frequenter Verbum Dei proponet in spiri-
tu, & virtute conterens petras. Neque valde lo-
cis aut temporibus impediatur, sciens Paulum in
Act. 21. litore orasse, & prædicasse in plateis, in tentorijs,
in nauigio, omnem locum Dei verbo non in-
commodum iudicabit. Ad pœnitentiam maxi-
mè hortabitur omnes, confessiones indefessè ex-
cipiet, & scelerum, neq; multitudine, neq; mag-
nitudine perterrebitur, sciens Christi sanguinem
1. Ioan. 2. propitiationem esse pro peccatis totius mundi.
In summa duo magnopere prouidere debet, vnũ,
vt saluti suorum consulat verbo, & re, quantum
licebit: alterum idq; præcipuè, vt infidelium ac
neophytorum illis curam serio ac sæpe commen-
det: ne nostrorum, vel iniurijs læsi, vel malefa-
ctis offensi Christianæ religionis nomen blas-
phement. Quid illis fas sit, quid nefas, tum quid
deceat, & expediat, secundum ea, quæ supra sunt
disputata, docebit, atq; eos quamuis in militari
classe, tamen Apostolorum quodammodo offi-
cio satisfacere debere admonebit. Deniq; sata-
get Christi seruus omnibus modis, vt Christiani
Christo, si non milicent, vt par est, ne saltem bellũ

impla-

implacabile indicant, facti laqueus (vt scriptum *Osee. 9.*
est) speculationi, & rete expansum in Thabor.

*Qualem se prestare debeat Christi seruus in conuersio-
ne infidelium. CAP. XVII.*

Cum nostris cura erit, quam diximus. Cum in fi-
delibus vero ad Christum conuertedis, cuius
rei causa omnis iste labor susceptus est, omnes cha-
ritatis vires exeret operarius Domini, memor se
opus Domini operari, repetens vero animo & al-
tius expendens, Neminē venire ad Christum nisi
quē Pater traxerit, Fidemq; Dei donū esse, & cor *Ioan. 6.*
da hominū in manu Domini, vt quo voluerit ver- *Ephes. 2.*
tat, Voluntatemq; à Domino pręparari, & multa *Prou. 21.*
talia quibus Spiritus sanctus certissimos nos esse
voluit, nullius esse industrię, nullius diligentię
nostrę vocationem gentium ad Euangelium, sed
soliis miserentis, & pręuenientis Dei, ad oratio-
nes, & preces assiduas, atq; feruentes totum se cō-
ferat, spem omnem in cœlesti gratia collocans, &
diuinę misericordię fores diutissimē pulsans. Et
quamuis in omni negotio orationis præsidio fi-
dendum sit, at in hac vnare nihil oratione magis
necessarium, nihil omnino potentius: hæc vna
impetrat gratiam, cui acceptam oportet refer-
re Fidem. Apostoli quidem cum cætera bene-
ficientię officia ab se ablegassent, Nos, in- *Act. 6.*
quiunt, Orationi, & ministerio Verbi instan-
tes erimus, adeo inter se duo illa coherere intel-
ligebant. Nunquam Petrus, & Ioannes, nunquā
Paulus

Paulus ante precem ad Deum fusam, de Christo ad populum verba fecerunt. Et recte Dionysius *Dionys. de* monet ante omnem actum, Theologia præfer- *diu. nom.*
c. 3. tim, orationē præire oportere: Augustinus quo- *Aug. 4. lib.*
de Doctrin. que cum Ecclesiasticum Oratorem informat, initio sermonis se, & sua omnia, & fructum atq;
Chri. c. 15. exitum orationis Deo committere ingenuè ad- *Sap. 7.*
monet, In cuius manus sumus, & nos, & sermo-
nes nostri: Ipse mediator Dei, & hominum Chri-
stus Iesus non ante ad prædicandum Apostolos
mittit, quam in oratione peruigil pernoctarit.
Luc. 6. Neque enim tam sermonis, & diligentiae suæ fru-
ctum, quam orationum expectare debet fidelis
Dei minister. Neque suis tantū sacrificijs, & pre-
cibus quamuis assidujs, quamuis feruentibus, cō-
tentus esse debebit, sed aliorum etiam Christi
feruorū auxilia studiosissimè efflagitare, vt ex
multarum personis facierum gratiæ agantur pro
2. Cor. 1. eo, & consensus fratrum super omni re, quam pe-
Matt. 18. tierint, in nomine Christi, obtineat apud Patrem
2. Thes. 3. misericordiarum. Paulus tantorum apud Deum
meritorum vir per omnes epistolas pro se orari
obnixè contendit, vt sermo Dei currat, & clarifi-
cetur, vt liberetur ab importunis, & malis homi-
nibus, vt detur illi fiducia in apertione oris sui,
vt loquatur Dei verbū ita, vt oportet eum loqui.
Ephef. 6. Atq; hæc, & alia huius generis cogitans Christi
Col 4. seruus, maximam atque optimam ministerij sui
spem, in efficacibus & frequentibus, & suis &
suorum orationibus collocabit. Deinde exemplo
suo, ac vitæ integritati, & innocentiae secundas
partes

partes attribuet, patiens, benignus, humilis, beneficus, continens, mansuetus, super omnia vero Christi, & fratrum charitate ardens. Sermones nostros minus fortasse barbari intelligent: at virtutis officia, ubique & clarè loquuntur, & perfectè intelliguntur, & potentissimè persuadent. Sed in hoc genere peculiariter fides, ac sincera benevolentia in barbaros ac veluti paterna quædam providentia exhibenda est. Nihil æquè animorum fidem conciliat ac beneficentia: ut de eo factis optimè mereri studeas, quem dictis tuis audientem velis. Quamobrem prædicaturos Apostolos iubet Christus infirmos curare, leprosos mundare, demones eijcere, gratis accepta gratis dare, quod expeditissima ad conciliandos Evangelio homines via sit benignitatis ac beneficentiæ. Sentiāt infideles, sentiant catechumeni, sentiāt neophiti Patrem, & aduocatum: pro ijs sæpe interpellat apud Ducem, & magistratum, hos à militum iniurijs tueatur, horum egestati consulat, vel propria mendicitate. Si quid acerbius designandum erit in aliquem, huius ipse administer non sit. Thesaurizet potius filijs patens, ac non solum sua, sed & se libenter impendat, & super impendat pro animabus eorum, licet plus diligens minus ipse diligatur. Neque datum requirat, sed fructum. Dici non potest, quam sit ad persuadendum efficax charitas, & viscera digna Apostolo. Vbi tamen (ne & hoc prætereamus) sic dilectionem impendere norit, ut se se tamen non improvidè committat alienis: ne, quod quibusdam contigit nostris,

Luc. 9.

2. Cor. 12.

Phil. 4.

Act. 28.

noſtris, dum plus ꝥquo indulget inſidis, temeritate ſuæ pœnas luat. Nihil mutabilius barbarorum ingenio. Paulo Apoſtolo naufraganti exhibent non modicam humanitatem pyra accenſa, eundem à vipera appetitum, homicidam reputant, mox nihil à beſtia læſum, pronuntiant Deum. Huiuſmodi barbarorum ingenium eſt. Qui heri habebaris pro amico ſummo, hodie indiſta cauſa interire iuberis, quem paulo ante homicidam & extremo ſupplicio dignum ducebant, mox, ſi ita res tulerit, adorabunt pro Deo. Itaque prudens ac fidelis Dei ſeruus, & illis conſulet quantũ poterit, & ſui nihilominus non erit negligens. Iam tertias partes in miniſtro Euangelij, Verbũ Dei ſibi vendicabit, qua vna in re vehementer, & in deſeſſe laborandum erit. Primum, vt ſermonis aliqua copia ſit, vel per interpretem fidum vel per ſeipſum, ſi conſequi potuerit. Quocirca non multa neque ardua, ſed pauca eademque ſæpius repetendo elementa ſermonum Dei tanquam pueros edocebit: & M. Franciſci induſtriam ſequens, ſermone vernaculo atque ipsis familiaribus myſteria fidei præcipua & vitæ Chriſtianæ regulas repetet: illorum fabulas ac nugas facile confutabit: exemplis vtetur atque ſimilibus, quam fieri poſſit, ipsis accommodatis: interrogationibus vrgebit non inſuauiter. Si deprehendat in quopiam ingenij aliquid atque iudicij, diſputationes non admodum philoſophicas ſed populares potius inſtituet. Signa adhibebit externa, & ceremonias cultumque om-

nem

nem ecclesiasticum plurimi faciet, vt vel hoc modo homines sensu obtusos commodius instruat. Iam concionibus publicis statis temporibus aget, iam priuatis colloquijs. Demulcere verbis, inuitare præmijs, minis terrere, persuadere exemplis, sed in Christi virtute, non in hominum sapientia. Deus, pater misericordiarum aderit seruo suo in omnibus, vt verbum Euangelij recipiatur, non vt verbum hominum, sed *1. Thes. 2.* sicut est vere, vt verbum Dei. Sed quoniam cum de ordine, & modo catechizandi agetur, latius ista explicabuntur, satis sit vel exiliter adumbrasse Euangelici prædicatoris officium.

De tribus impedimentis, quæ conuersioni gentium maxime obstant. CAP. XVIII.

VERVM in conuersione gentium ad fidem, hostis nostri generis diabolus, cum acerbissima torqueatur inuidia, quibus potest viribus atque artibus agit, ne opus Domini prospiciatur. Itaque innumera impedimenta molitur, vt fructum sementis diuinæ de cordibus audientium rapiat. Ad hæc paratum atque constan-tem oportet militem Christi stare, ne asperitatis offensus, ab incepto pedem referre incipiat, tum vero vt contrarijs vndique perspectis, remedia adhibere opportuna conetur. Ostium fortasse erit apertum & euidens, sed *1. Cor. 16.* tamen aduersarij multi. Et quanquam sunt impe-

impedimenta verbi Dei plurima, tria tamen præcipua sunt: quorum vnum à nostris, alterum ab externis, tertium ab ipsismet, quibus Fides annūtiatur, proficiscitur. E nostris quidem, solent plurimum Indorum veram conuersionem retardare pessimi exempli mores. Vnus autem ædificās, & alter destruens, quid proficit eis nisi labor? Nul-
lam re vera ego grauiorem difficultatem sentio in hac causā: propterea quod cum barbari religionis nostræ ignari sint, omnes nos similes ac veluti vnius coloris reputant. Ita crimen huius atq; illius, in omnium redundat infamiā, & quod est grauius ipsum Christianum nomen apud infideles in odium venit. Huic malo quid potest afferri remedij, nisi vt nostrorum hominum licentia, quibus modis possit, frænctur, neq; vsque ad miserās infidelium animas sæuire sinatur? Deinde illud multum à B. Augustino commendatum in catechizandis rudibus documentum accuratè seruetur, vt admoneantur ij, qui Fidem suscipere parant, ne religionem nostram ex nostris hominibus metiantur, sed ex ipsius potius æquitate, & sanctitate. In nostris si quem viderint modestum & probum, eum secundum legem, & Fidē se se gerere, quos vero arrogantes, auaros, obscenos, immites notarint, hos nobis quoq; odio esse persuadeāt, ac iuxta legem nostram multo grauiſsimas suorum scelerum pœnas daturos. In omni genere hominum bonos esse & malos: neque Christum cogere quemquam vi, sed in futuro iusta vel præmia, vel supplicia cuique pro meritis

refer-

Eccl. 34.

De catechi.
rudibus. c.

25.

reservare. Ad hæc quantum licebit, vt à talium
 consuetudine & familiaritate abstineant, curan-
 dum, & boni viri frequentius barbaris obijeci-
 ti, & mutuo connectendi. Ad quæ omnia præfi-
 dis, siue ducis voluntas religiose ac beneuolenter
 affecta, multum momenti afferet, vt cõhibeat
 atque castiget nimiam suorum insolentiam. Ve-
 rum à suis quoque fidei candidati molestiam pa-
 tiuntur non mediocrem, tum à Dominis, & pro-
 teribus, qui suos ad alienas leges transire graui-
 ter ferunt, tum maxime à veneficis & præstigia-
 toribus, & idololatriæ magistris, qui auaritia &
 ambitione corrupti lucri & gloriæ iacturam fa-
 cere se vident Christianæ religionis augmento.
 Hi vt quondam Iamnes & Mambre Moyfi, Ely-
 mas Paulo & Barnabæ, obstinate resistunt veri-
 tati. Quemadmodum in India Brachmanes, in
 Lapponia Bonzos, apud Noui regni incolas Pia-
 ches, in nostro Piru Humos cernimus. Et quidẽ
 Dominorum ac Principum suauiter, ac diligen-
 ter tentanda voluntas est, & expugnãda in Chri-
 sto, & suorũ obsequia, iuxta nostram legem pro-
 ptiora futura, & gloriæ plurimũ accedurum, cũ
 his etiam crebrius & liberalius agendum. Mul-
 tum quippe in vtramque partem horum studiã
 promouent. Qua in re grauiter à nostris pecca-
 tum esse in Atabalipẽ Ingarũ principis nece, ipsi
 quoque eius successores conquerebantur, quod
 affirmarent, si regis voluntas delinita obtineretur,
 breui admodum futurum, vt vniuersum Ingarũ
 imperium fidem libentissimẽ acciperet. Miro
 enim

2. Timo. 3.

Act. 13.

2. 1. 100. 1

enim modo barbari omnes Regibus suis ac ducibus addicti sunt. Aduersus Magos actius pugnant dū erit: eorum fuci ac fraudes detegendæ, & traducenda in sapientia, & ridenda deliramenta, & confutandæ versutiæ. Quod si resipiscere nullo modo velint, & facultas non desit, à cæteris separandi, & grauer inter dum mulctandi, modo plebem reliquam maior turbatio non sequatur. Sed his ambobus maius ac difficilius Fidei impedimentum ex ipsa inueterata consuetudine proficiscitur. Vbiq; sanè consuetudo magnas vires habet, sed in barbaris longe maximas, quippe vbi rationis est minimum, ibi consuetudo radices profundissimas agit. In omni natura motio eo diuturnior ac vehementior, quo magis est ad vnum determinata. Ita lapidem sursum ferri, impossibile: deinde bruta animantia dedocere, difficile: mox hominem parum mente vigentem à consuetis retrahere, graue. Proinde in hac vna palæstra omnes suos sudores, operas, conatus exercebit copiose Christi discipulus. Proderit autem quā plurimum, ritus, & signa, & omnem externum cultum diligenter curare. His quippe, & delectantur, & detinentur homines animales, donec paulatim aboleatur memoria, & gustus præteritorum. Quæ causa fuit Moyse, vt populum Ægyptijs ritibus assuetum, multitudine sacrificiorum, & ceremoniarum distineret. Neque enim prius

1. Cor. 15. quod spirituale est, sed quod animale. Postea superstitionis antiquæ monumenta cautè, & gradatim extinguenda curabit, vt idola sua Guacas, adora-

adorationesque omnes penitus dediscant, ac pro ijs pijs alias, atque Christianas frequentent. Deinde teneriores animos puerorum nondum illa superstitione imbutos Christiana consuetudo, & disciplina suauiter occupet, & paternas nugas ridere, ac contemnere iubeat, quod M. Franciscus sapienter faciebat. Præmijs, & laudibus paruulos inuitet, atq; animet, maiores puerorum exemplo pudefaciat, & terreat. Postremo quod omnium est, & præcipuè considerandum, & diligentissimè obseruandum, non facile credet verbis, & quibusuis significationibus Barbarorum, etiam si Fidem tenere, & baptismum appetere se proclament. Cum enim sint leues corde, facile credunt, non Fidem concipientes ex Deo, facile quoq; id retractant inconstantes, & leues. Diu & multum tenendi, vt quid profiteantur, intelligant, vt veterem consuetudinem idolorum deponant, vt mores alios induant. Denique consuetudinis peruersæ venenum alterius consuetudinis antidoto curandum est, vt verè Christum induant, ac non partim in Christo, partim in Baal claudicantes, sibi grauiorem acquirant damnationem, & sancto nomini grauem faciant iniuriam. Non multitudine, sed veritate, animarum lucra computanda sunt. Ita & religio Christiana pluris fiet, & qui illi dant nomina, gloriæ atque honori erunt.

QVONIAM verò de vniuersa catechizandi ratione vberius in quarto libro dicitur nihil præterea addendum arbitror, nisi vt summam eorum omnium, quæ differui, ad hoc vnum conferam, vt per iniuriam fides nullo modo propaganda existimetur, tum verò vt nouo generi hominum nouam Euangelizandi rationem non fastidiat Christi seruus: & quantum per rerum & temporum opportunitates licebit institutum vetus atque Apostolicum conseruet: vbi minus id exactè fieri patitur conditio hominum, intelligat, neque de merito, neque de laude, neque vero de fructu aliquid sibi perire, si fideliter De gloriam quærens atque animarum salutem, labores suos, & curas omnes in Euangelij dilatandi studio ad finem vsque consumat.

FINIS SECVNDI LIBRI.



DE PROCVRANDA INDORVM

SALVTE,

LIBER TERTIVS.

*non esse quæstiones omnes tractandas, ac deinceps de
civili administratione differendum.*

CAP. I.

SCio equidē, in ijs, quæ de iure bellī,
deq; promulgandibarbaris Euange
lij ratione hætenus disputata sunt,
multa posse quæri, multa tractari,
quæ à me parū explicata, vel etiā prætermiſſa vi
deantur. Neque verò dubitō quin ſtudioſi ac li
berati nonnulli diligentiorē, atq; vberiorē ha
bitum rerum, quæ ſunt per ſe quidem grauiffimæ,
et præmunt quotidie vehementer animos reli
gioſos, tractationē deſideraturi ſint, quibus in
tanta communiter hæc, atq; vniuerſe dicta nō
ſufficiunt ſatis, ſed priuatas, ac familiares quæſtio
nes ſuas minutè ac ſigillatim ſolui mallent. Qui
us profeſſō ita obſequi cupimus, vt quamuis pe
riores de moribus ſermones eſſe vtiliores per
ſe videamus, tamen inſtuti noſtri rationem de tota
cuſa Indorum ſuſceptam, varijs, implicatisque
quæſtionibus obſcurandam, ac veluti extenuan
dam non arbitremur. Etenim neque doctrinæ,

Ariſto. 1.

Ethic.

S 3

neque

neq; experientia nostra tantum tribuimus, vt ex-
plorare liquidò omnia, ac certo definire possi-
mus, quæ præclarissimis etiam ingenijs negoti-
faceffunt: neq; si id mediocriter præstare possi-
mus, ad propositum nobis finem accommodatū
esset, quibus illud maximè animo est, ea afferre
quæ & intelligantur ab omnibus, & quātum fie-
ri poterit, nemini non probentur. Nam in tanta
sylua eaq; ita spinosa, ac densa, illud potius optan-
dum esse videtur, vt via aliqua ad barbarorum salu-
lutē certa, ac tuta muniatur: omnes verò latebra-
exquirendi, omnia abstrusa lustrandi, omnia de-
niq; impedita, atq; implicata perpurgandi onus
tantum nemo nobis æquus imponet. Quam ob
rem & in ijs, quæ de rebus Indicis administrandi
dicta sunt hactenus, & in ijs, quæ deinceps pluri-
dicentur, præcipuas quidem res, ac veluti capita
quantum Christi Iesu dono licet, explicare, & con-
firmare satis putamus: tenuiora verò cætera, atq;
illarum veluti radicū, vel fibras, vel germina, valde
de illa quidem alioqui necessaria, persequi hoc
loco minimè suscipimus. Igitur Euangelij ad bar-
baros profectio, & ingressu superioribus li-
bris declarato, quid illis præstandum sit, quod
diuinitus tacti verbo veritatis manus dant, &
in ouile Christi intrare volunt, deinceps per-
tractandum restat. Hi verò tanquam in Chri-
sto geniti infantes multa cura, diligentiaque
egent, ac quemadmodum Regij pueri tum pæ-
dagogo regendi traduntur, tum magistro eru-
diendi, ita hi, & ciuiliū magistratuum admi-
nistratio

administratione solerti regendi sunt, ut in officio disciplinaque teneantur, & præceptorum spirituum, id est sacerdotum doctrina accurate imbuendi. Itaque de cura, & Politica, & Ecclesiastica salutis Indorum necessaria differendum est. Cum verò id quod animale est, præire Apostolus definierit, tum verò sequi quod spirituale est, hanc partem civilis administrationis finite persequamur, ex ordine certè faciemus, Quæ verò ratione barbari omnes, qui Christi nomen profitentur, ad Principum Christianorum curam, ditionemque pertineant, ante exponendum est, quam de ijs agatur, quæ vel Indorum populis illi præstare debent, vel ab ipsis vicissim percipere possunt.

Barbaros Eisdem suscipientes ad curam, ditionemque Principum Christianorum pertinere.

CAP. II.

PRINCIPIO nemo est, qui neget, modo catholicè sapiat, Evangelij promulgationem per totum terrarum orbem ad Romani summique Pontificis auctoritatem pertinere. Is enim propriè est, cui in Petro ouile dominicum commissum est, cui grex omnis Christi traditus est, cuius proinde interest non solum oves iam congregatas pascere, verum etiam dispersas, ac dissipatas, quim potius nondum oves quærere, ut oves fiant, atque ut intra septa

Ioan. 21.

Ioan. 10.

Euangelij cum reliquo grege pascantur, euocare: de quibus sanè Christus dixit, Alias se oues habere, quas oporteret adduci, vt fieret vnum ouile & vnus pastor. Hanc suam curam, & agnouerunt, & præstiterunt Romani Pontifices. Nam & Petrus Apostolus in Ægyptum Marcum misit, & Clemens Dionysium Areopagitam in Galliam, & Gregorius Augustinū sociolq; eius in Anghā, Gregorius item secundus Bonifaciū in Germaniam, Hispaniam quoque, & Africam per sacerdotes à Romana sede destinatos Christum recepisse historiæ veteres tradunt, atque eiusmodi Euangelicis expeditionibus ad expugnandum Christoque subiiciendum terrarum orbem factis per summos Reip. Christianæ imperatores, idest Apostolicę sedis antistites, plena est omnis antiquitatis historia. Et nomen ipsum Apostolicum valde consentit. Neq; enim ob id solū Apostolicam Romanam sedem vocari puto, quod Apostolorum fuerit, nā fuit & Ephesina, & Hierosolymitana, & aliæ non paucae; verum etiam quia Apostolorum munus pro Christo legatione fungendi, & vsque ad terminos terræ, illius Fidem immobili firmitate testificandi propriè ac præcipuè in Romano Pontifice perseuerat. Hoc cum ita sit, quis dubitat, quin sanctissimi Patres, cum ipsis per se orbem obire non liceat, eam curam alijs demandare & possint, & debeant; neque vt eant solum, sed vt destinent ipsi ac mitant, quos idoneos iudicant. Id ergo negotij in noui orbis gentibus adeundis, & infinitis, & dif-

difficilimis Romani Pontifices Catholicis Hispaniarum Regibus detulere, vt tanquam proprium, ac peculiare munus agnoscerent, & curarent. Cum enim clasibus vsque adeo crebris, & magnis, apparatu quoq; & sumptu ingenti opus sit propter immensam Oceani navigationem, & errarum regiones plerumque incommodas, & gentes, non potuit vlllo modo nisi Regiæ potentia restant committi. Cur verò Hispaniæ Regibus potius aut solis, si modo absit inuidia, non sit ab æquitate alienum, cum & illorum auspicijs, atque ope primum inuenta, vtrique India sit, & navigationi Oceani opportunissima Hispania sit. Denique primi illi eam prouinciam, & petierunt, & studiosè curarunt. Neq; est cur de immorum Pont. voluntate conqueratur quisi-
biam, si onus, vtrè vera est, idq; grauissimè pre-
mens, cogitetur. Eiusmodi prædicationem con-
sequitur, vt qui ex infidelibus barbaris, Christianam Religionem profiteri velint, ad curam Principum Christianorum, tutelamq; pertineant. Id cum literæ Alexandri Sexti copiose doceant, quarum concessionem ad hunc modum rectè viri doctissimi intelligunt, non est, cur in hac causa diutius hæreamus. Neque enim posset aliter Fides in tot populis recens, & tenera permanere ac crescere, nisi Christianorum Principum patrocinio, fide, potentia aduersus inimicorum Christi defenderetur iniurias. Barbari natura efferrati & insolentes, fœdera, atq; amicitias parum curare soliti, rationem facillè contemnentes, quonam

modo franari, tenerique possint, nisi nostrorum vim pertimescant? Qua ratione Christi character impressus in nouis Euangelij tyronibus non summo opprobrio sit, si semel baptizati Indi suorum scelere, & parricidio Fidem statim sint proditura? Denique in tam remota orbis regione, & à cetera Christianitate seiuncta, in medio nationis prauæ & peruersæ, quid spei superesse potest, homines vt infirmi, iudicij inopes, moribus perditis, natura instabiles perseuerent, nisi nostrorum regum sinu foueantur, atq; vlnis infantium more gestentur? Cuius rei cum aliæ pleræq; nationes, tum maximè Æthiopicæ, Angolæ, & Manicongi testimonium abundè dant, in quibus lauacrû Christi susceptum maiorum perfidia & temeritate ignominiose scèdatum est, cursus Euangelij abruptus, salutis hominum aditus omnis occlusus, qui si vim nostrorum sentirent, non in religionem Iesu Christi tam perniciose sauirent. Rectissime omnino sentiunt summi Theologi esse penes Ecclesiam integræ, absolutamq; potestatem Fidem ab hostium iniurijs, & contumelijs tuendi, eaq; nisi grauiora exinde mala consequantur, aduersus consilia & vim pessimorum esse vtendum. Itaq; si expedire censeat, potest sine ulla dubitatione Ecclesia infidelis Reges, aut Dominos de Fidelium dominatu, & ditione deijcere, eamq; ad Fidei defensionem committere Christianis. Ac ne noui aliquid afferre videamur, præter concordem, vt dixi, sententiam, vetus sanè est Apostoli Pauli præceptum, in causa matrimonij

si infi-

Th. 2. 2. q.

10. ar. 8. ibi

dem Caiet.

Dur. 2. d.

44. q. 3. ar.

2. Viç. Re-

lect. de In-

dis. Sotus.

4. dist. 5. q.

vni. ar. 10.

1. Cor. 7.

si infidelis coniux fidei, fraudi & impedimento
 esse cœperit, liberum esse fidelem ab eiusmodi
 seruitute. Et certè constat acctius ac magis natu-
 rale vinculum esse coniugij, quam cuiusvis subie-
 ctionis, & seruitutis. Itaq; si periculo Fidei etiam
 dissoluto coniugali vinculo pro data sibi à Domi-
 no potestate, occurrendum putat Ecclesia, quid
 mirum est, si in eadem Fidei causa subditum, seruū
 in Fidelem ab infidelis Domini seruitute liberet?
 Adde quod idē gentium Doctor causas, discepta-
 tionesq; Fidelium non vult ad ethnicos magistra-
 tus deferri, sed ipsos sibi legere, qui ius dicant,
 propterea quod Fidei iniuriam ab impijs petti-
 mescebat. Quin etiam re ipsa Iudæos omnes ac
 Saracenos hominum Christianorum seruitijs iā
 pridem spoliavit Ecclesia, cū primum ex infide-
 libus seruis fieri illi Christiani liberi velint. Qua
 de re etiam legem Iustinianus Imperator tulit,
 vt siue Paganorum, siue Hæreticorum serui, siue
 Iudæorum, ad Christianam religionem transire
 velint, dominorum potestati eripiantur, nullo
 etiam dato pretio. Quominus mirandum est, si
 tyrannide in recens effectos Christianos infide-
 les Domini abutentes, omni in illos ditione ac
 iure, Ecclesia auctoritate interposita, excidere pos-
 sint. Quod si Euāgelio prædicando, & propagādo
 nullo modo obsistāt, neq; suis impedimēto sint,
 quominus Christo, qui vel dare volūt, fidē dent,
 vel quā semel dederūt, inuiolatā seruēt, etiā si ipsi
 alioqui in erroris sui cœcitate perstēt, non iccirco
 suorum
 cipia.

L. Deo nobis. §. His ita dispositis. C. de Episcopis.

Inno. 3. cā.

Quanto. &

c. Gaude-

mus. de Di

uortijs.

Cōc. Tol. 4.

cā. 61. &

62. Refert.

28. q. 1. c.

Iudæi. & c.

Sape malo-

rum.

1. Cor. 6.

Gelas. d. 54

c. Genera-

lis D. Gre.

eadem. d. c.

Fraterni-

tatē. ex li.

5. Regist.

c. 131.

Et titul. de

Iudæis, &

Saracenis.

c. 1. & seq.

& sin. Cōc.

Matifcon.

1. cap. 16.

apud Gra.

d. 54. c. Mā

suorum gubernatione spoliandi sunt: sed est ni-
 hilominus summus veluti Imperator ab Ecclesia
 cōstitutus Christianus Princeps, vt causam Fidei,
 ac Fidelium prouidentiam, quotiescunq; res po-
 stulet, diligenter agat. Quoniam verò rarissimū
 est ac penē impossibile, vt barbari Domini in suo
 regno auitam religionem contemni, euertiq;,
 ac leges plerasq; mutari non ægrè ferant, & qui-
 bus possint modis nouam religionem auertant,
 dæmonibus præsertim furentibus, ac multum
 apud suos ea de re tumultuantibus, commune ac
 veluti canonicum debet haberi, vt hoc tempore
 Indorum populi, quicumq;ue Christum sequi de-
 stinarunt, sub nostrorum regum cura, atq; admi-
 nistratione sint. Ea tamen moderatione se nostri
 gerant oportet, si Christianam Remp. saluam esse
 volunt, & religionis dignitatē pro virili sua par-
 te tueri, vt neque ferro, nisi extremum discrimen
 vrgeat, agatur in barbaros, neque de commodi-
 tatibus ac dominatu suo pellantur, nisi quatenus
 iniuriæ Fidei, & suis perniciosi deprehendantur,
 neq; grauius quicquam designetur, quo Christi
 Euangelium lædi, perturbatiuē possit. Deniq;ue
 vt agnoscat religiosus Princeps potestatem sibi à
 2. Cor. 13: Christo ad ædificationem, non item ad destru-
 ctionem datam. Et quamuis Christiani prin-
 cipes Domini sint, parentes se tamen præbeant,
 neque tam quæ Indorum sunt sibi, quàm
 Indos ipsos omnium Domino
 querere videan-
 tur.

*Non oportere falsos titulos comminisci dominationis
Indorum. CAP. III.*

HOC igitur ius administrationis, ac subiectionis Indorum ex propria ac certa Ecclesiæ commissione generale est, & commune tum ijs, qui hætenus explorati sunt, tum ijs, qui procedente tempore occurrent. Quod quidem nisi aliunde perturbetur iniuria, æquum ac salutare esse constat. Alios verò titulos, quos afferre quidam nituntur, Regiæ potentiae, ut mihi quidem videntur, assertores non necessarij, ne assentatores dicam, qui nimirum ex tyrannide Ingarum in hoc regno, atque usurpato per vim imperio, itemque ex polycratia gentium plurimarum legitimo Rege carentium (has Hispani Behetrias vocant) contendunt Christiano Principi regnandi ius facere, equidem neque satis intelligere, neque certe probare possum. Etenim si à prædone alterius rem deprædari, & tibi vèdicare non potes, quæro quid æquitatis, quid rationis habeat, quod à tyrannis (ut ita esse faciamus) Indorum dominum eripias, tibi que ipse adscribas? An ideo iustior Sylla, quod Remp. Marij servituti eruerit, addixit suæ? An verò alienum scelus, nostro ius facit? Hoc vero perridiculum est, & Æsopiciæ fabellæ per simile. Adde quod istorum imperia, per vim licet usurpata, tamen annos iam sexcentos confirmata sunt: quam ætatem si in alijs plerisque imperijs neque præscriptioni esse satis, profecto res humanæ omnes mulceantur, necesse est. Quod enim regnum

regnum est, quod non violentia magna ex parte initio quæsitum sit? vt non ineptè apud veteres, & Reges, & Tyranni eodem nomine censeantur. In Polycratijs vero, aut communitatibus, præter ciuium ipsorum consensum, imo contra omnem omnium sententiam, externum principem inducere, si tyrannide vacat, nescio planè quis vnquàm tyrannus haberi debeat. Neq; vero abnuo multis Indiarum locis ex bello iusto ac legitimo, quod propter iniurias hominum, aut fidei offensas existeret forsan potuit, ius peculiare Christiano Principi dominandi fieri, nam eiusmodi Lusitanicæ Historiæ nonnulla referre videntur. Verum cum de communi, ac certo titulo disputatur, Ecclesiæ autoritatem, Fidei periculum, ipsorum barbarorum salutem, Remp. Indicanam administrandi, & æquisimum ius præbere Principibus Christianis, & illud per se abundare, certò nobis persuadet cum ratione valde experientia ipsa consentiens. Quamobrem siue alij tituli etiam sint, siue non sint, constat ad Regum catholicorum curam maximè pertinere salutem Indorum, cui procurandæ, & religionis præceptores, & disciplinæ ciuilibis administratos lectissimos mittât, oportet, vt Deo atq; Ecclesiæ iniuncto sibi munere perfungentes, vt & ipsos decet & causa tanta exigit, satisfaciât.

Quales administratores res Indicæ postulent.

C A P. II II.

Igitur quam refert vniuersitatis Indorum perfectos, ac magistratus optimos apud Christianos

tianos nancisci, quantumue ponderis in
 utramque partem vel salutis, vel exitij ciuilis
 administratio habeat, quouis etiam tacente, res
 per se ipsa declarat. Nam cum in omni Repub.
 Magistratus perinde sit, atque pædagogus qui-
 lam, vt est ab Ambrosio præclare dictum, atque
 culti & æqui custos immortalis, facile quiuis in-
 telliget, ita ad Ecclesiasticam, ac spiritualem in-
 stitutionem comparatam esse ciuilem & huma-
 nam, quemadmodum ad Christi Euangelicam
 regē, naturalis iuris disciplina necessaria est, quip-
 e nisi hæc fuerit obseruata, vt ait beatus ille, illa
 custodiri non possit. Quamobrem Paulus docet
 non esse potestatem nisi à Deo, easque quotquot
 sunt, à Deo ordinatas esse administras boni, mali
 utrices. Quibus consentaneum est illud Petri
 qui & Regibus, & Regum ducibus obediendum
 monet; quod bonis laudi, improbis terrori eorū
 officium sit. Ergo si sunt hæc capita populorum,
 pastores, si duces, gubernatores, aurigæ, tum
 etiam lumina, specula, leges viuæ, & quibuscū-
 que alijs nominibus tum diuinæ tum philoso-
 phicæ literæ ornandos ducunt, quis satis dicere
 queat, quantum in horum integritate, & fide præ-
 idij ac salutis Reip. situm sit? Qualis enim re-
 ctor est ciuitatis, tales inhabitantes in ea, & secun-
 dum iudicem populi, sic & ministri eius. Quem
 totum locum ab omnibus penè Reip. legumq;
 tractatoribus externis copiose grauitèrque ver-
 atum, à nostris Ecclesiasticis, sacris, & exem-
 plis, & documentis disertissimè illustratum,
 quanquam

*In Epist. ad
 Rom. c. 1.*

Ibidem.

Rom. 13.

1. Pet. 2.

Amos. 6.

Hiere. 23.

1. Reg. 9.

Exech. 27.

Arist.

Eccles. 10.

Orat. 20.

quamquam diutius proferre non opus est, tamē
 iuuat insignem Basilij ea de re accumulare sen-
 tentiam. Necesse est, inquit, huiuscemodi viris
 mandare magistratus, ac eos aliorum constituere
 duces, qui ceteros omnes prudentia, constan-
 tia, ac vitæ sanctimonia longē anteeant, vt virtu-
 tes, quibus præditi sunt, communes fiant eorum
 omnium, qui eos imitantur. Nam ad mores eorū,
 qui gubernacula tenent, componere se totos ipsi,
 qui parent, solent, ita vt quales duces fuerint, ta-
 les esse necesse sit eos omnes, qui sequuntur, &
 quales fuerint in Republica principes, tales vt
 plurimum existere solent reliqui ciues. Atq; hæc
 quidem Magistratum, atque potentiam optimo
 atq; aptissimo cuique demandandi cura in omni
 Repub. in omni Principe debet esse vel maximas
 at in noui huius orbis administratione, in barba-
 rorum nationibus, & subigendis & continendis
 in Fide, quisquis rerum Indicarum vel tenuiter
 experiens sit, nullo modo dubitabit eam, neque
 primam, neque maximam esse debere, sed omni-
 no ac penitus singularem. Etenim à præfectis, à
 ducibus, à iudicibus, à Regiæ deniq; maiestatis
 ministris, perinde, atque à fonte fluuium, ad
 res omnes Indicas, vel perniciem, vel salutem, vel
 si quid aliud tertium est, deriuari, ac permanere
 perspicuum est. Neque dici potest, eo fonte vi-
 tiato, quam latē lues influat, quamq; omne re-
 medium respuat. Ac ne cui forte videar in susce-
 pta causa amplificanda studio magis, quam ratio-
 ne duci, afferam non nisi certa, & explorata argu-
 menta,

menta, quæ utinam quantum habeant ponderis
 ipse exponere possim, & ij, quorum interest,
 velint attendere. Primum in alijs Rebus, ac ciui-
 tatibus ex multa antiquitate fundatis, & consti-
 tutis, habent moderatores adiumenta plurima
 ad emendandamque maxima, quibus etiam volentes non
 nuntur errare. Sunt leges publicæ vtilis, est
 patriæ consuetudo, sunt exempla maiorum, est
 denique quidam rerum veluti cursus ipsa anti-
 quitate firmatus, quo in otio & negotio facile
 tranquille ciuitatis status per se pene consistit,
 vel certe si deflectat paululum, modica rectoris
 ratione dirigitur, sicut in tranquillo ac tuto ma-
 gis clauum tenenti vsu venit. At in Indicana gu-
 bernatione, cum præsertim noua regna adeun-
 tur, atque habitantur à nostris, omnino est secus.
 Omnia noua, nullæ consuetudines certæ, leges
 iuræque omnia, naturali excepto, nihil propo-
 situm firma, autoritas exempla; superiorum
 temporum vel nulla, vel non imitanda, euentus
 quotidie inopinati, repentinæ plerumque ac pe-
 riculosæ mutationes, municipalia iura tum igno-
 rata, tum non satis firma ad iudicandum, Hispa-
 nienſes, Romanæque leges magna ex parte cum
 barbarorum diu retentis moribus repugnantes,
 status ipse Reipub. adeo inconstans & varius sui-
 que dissimilis, ut quæ heri commodissima rectis-
 simaque habebantur, hodie rebus commutatis
 iniquissima, ac perniciosissima existant. Hic quis
 non videat qualem moderatorem eiusmodi Res-
 pub. efflagitet, quam sapientem, quam cordatum,
 T quam

290 DE PROCVRANDA INDORVM
quàm prouidum,quàm integrum,atq; constan-
tem,quippe cuius consilio,& prudentiæ commi-
sa sint omnia,in quo præsidia omnia belli pacis-
que constituta, collocataq; sint? Si enim primos
ciuitatum conditores optimos,ac sapientissimos
esse antiquitas voluit ad prima fundamenta rati-
da,profecto perspicuum est,non nisi præstantis-
simos, lectissimosque viros orbis indagatores,ac
nouarum gentium duces esse debere. Hæc planè,
vel vna ratio ad obtinendam causam satis erat.
Adiungam tamen alteram non minus efficacem,
atq; robustam. Nam cum remotissimæ regiones
hæ sint, caputq; huius vniuersæ Reip. siue Regiæ,
siue Pontificiam maiestatem spectes, longissimè
dissitum, licentiæ, ac libidini Præfectorum cam-
pus latè patens ostenditur, vt quicquid collibeat,
licere sibi etiam opinentur. Quod enim longe di-
stat, quasi nihil ad se pertineat, facile temeritas hu-
mana contemnit. Hinc seditiosa consilia, tumul-
tus etiam, atq; adeò totius Reip. perturbatio: re-
mediū verò oppido ferū, atq; incertū. Quarū re-
rū testis locuples est hoc ipsum regnum Peru to-
ties intestinis armis concussum, atq; instar pro-
cellosi maris contrarijs ventis agitatum. Itaque
vt Medici pulmonum, si ægrotare cœperint, cu-
randorum perdifficilem esse rationem docent,
quodd ad traducendum eo vsq; medicamentum
longa, & valde clausa via sit per stomachum, vt
pharmaci vis valde iam debilitata perueniat, aut
ne perueniat quidem, ita planè longuinquitas
supremæ Potentiæ, atq; autoritatis, huius Reip.
ægritu-

gritudini leuanda remedia opportuna vix ple-
umque sperare permittit. Quamobrem quic-
uid in rebus Indicis à Præfectis peccabitur,
propemodum dixerim sine emendatione pecca-
bitur. Quod equidem perspexisse Romanos mi-
hi persuadeo, cum ad remotissimas quasque pro-
vincias non nisi lectissimos, atq; integerrimos vi-
ros mittendos censerent, aliquando quoq; si res
consultare videretur, ipsi Consules Reip. lumina
non cunctanter proficiscerentur, quippe qui egre-
di non possent, quos animos faceret temeritatis di-
cta vindicta, utq; soleat à reliquo grege seiun-
tus vel ipse bos efferari. Postremo si hæc tanta
non essent, illud non paruum existimari potest,
quod vel leuia peccata gubernatorum, & procer-
um in rebus Indorum ingentia crimina haberi
debent, propterea quod teneros adhuc illorum
animos vehementer sauciant, & à Christiana ré-
gione perniciosissimè auocant. Etenim & publi-
corum Magistratuū culpæ abscondi nō possunt,
quia ut Tragicus dixit,

Pellucet omne Regia vitium domus:

& infirmi adhuc, & rudes Indorū sensus nullo mo-
do de Christiana gēte, deq; Christo ipso aliter iu-
dicare norunt quā ex his, quæ perspiciunt in no-
stris sublimibus præsertim, atq; autoritate eminē-
tibus. Quæ res quanti fiat apud æquissimum ho-
minū cōditore, atq; parētē, inde facile intelliges,
quod cū lachrymis ac dolori intimo sancti Regis
Dauid flagitiū admissum condonasset libenter,
illud tamen seuerissimè vindicauit, & questus est,

T 2

quod

*Seneca in
Thyeste.*

2. Reg. 12.

Ezech. 36.

Rom. 2.

In vita Am
brofij.

quod inimicos Domini nomen blasphemare fecisset, cum inter se reputarent, Deum eius regium amicum habitum, qui tanta perpetrasset, quod ad diuinæ existimationis contumeliam quādam pertinere videbatur. Propheta sanè Ezechiel, et de suo Israele narrare videtur, verius tamen de nostri æui hominibus vaticinari credendus est cum illa, diuini doloris & querimonie plenā pronuntiat, Et ingressi sunt ad gentes, ad quas introierunt, & polluerunt nomen sanctum meum, cum diceretur de eis, Populus Dei iste est, & de terra eius egressi sunt. Quas sanè ironicas voces fastidij, & despicientie testes, cum inter se gentes de nobis sapissimè vsurpant, tum verò cū acrius obiurgantur etiam in os nobis iactare non verentur, eadem quippe ipsi agimus, quæ in illis maxime reprehendimus. Si quis igitur animaduertat rerum Indicarum varium, ac mutabilem statum, tum supremæ potestatis tam longe positam sedem, mox animorum in fide recentium teneritudinem fateatur necesse est, ad nullam aliam prouinciam regendam, ad nulla negotia gerenda ampliorem desiderari sapientiam, integritatem, pietatem, vt mihi quidem sæpenumero occurrat, quod à Probo dictum sanctus Paulinus narrat Ambrosio cum res Mediolanenses id temporis difficiles & prætumentes iret administraturus, Nō tam se iudicem quam Episcopum, vt putaret benignitate, zelo, paterna cura erga omnes. Quæ de re Valentiniani illius maioris nō erat parua gloriatio, quod eiq; ipse iudices daret, quos

nos Ecclesia sibi legeret sacerdotes. Atque uti-
am nunc, vel Ambrosios, vel Nectarios, vel si
ua sunt præfectorum celebriora nomina habe-
mus: profecto noui orbis administratio tales
maximè decere ipsis rebus ostenderet, quibus,
uod Leo magnus Theodosio Augusto gratula-
atur, non solum regius animus, sed etiam sacer-
otalis inesset.

Epist. 7.

*Quam ob causam difficile inueniantur idonei rebus
Indicis præfecti.* CAP. V.

HOS igitur ducēs, hos magistratus res Indi-
cæ postulant, neque vlla argumenta, quan-
tuam vrgent illa quidē satis, tanti faciendā sunt,
uanti ipsa longi temporis experientia. Quam
causam cum diserte ageret vir quidam clarissi-
mus, & inter regios ministros princeps, collige-
bat nusquam fidem, prudentiam, animi magni-
tudinem magis requiri, tum vero adiungebat
ptissimè. Et cum tales ministros efflagitent res,
qui homines ad hæc venimus? ut potius exone-
andæ Hispaniæ causa quam huius reipublicæ
apellendæ missi esse videamur. Quotum enim
quemque inuenies, cui si in Hispania magistra-
tu potiri, si præfectura licuisset, Oceanum traie-
cturus fuisset, atque hæc in extremo orbe qua-
riturus? Ita melioribus rebus exclusi ad hæc ve-
uti extrema conuertimur. Mihi verò hæc pru-
dentissimi viri oratio, non tam esse iniuriosa vi-
detur in multos, quos prouinciæ hæc, & habuerūt,

T 3

& ha-

& habent præstantissimos, Christianæque ac sapientis administrationis laude florentes, quam commonere potius, & conqueri Indicarum rerum natura ipsa comparatam difficultatem. Et enim cum penetrandi ad Indos plerisque, vt modeste dicamus, familiaris rei angustia in causa sint, ac relictam patriam, liberos, charos omnes, labores quoque immensos, & pericula navigationum, itinerum, noui cœli, ea vna cogitatione compensent, quod aliquando tandem ex India redituri sint diuites, ac beati, vt quod reliquum est ætatis, in otio splendide agant, suos etiam fortunis iuuent (quis enim si cogitationes, consiliaque sua inspiciat, ita se animatum neget?) quis obsecro non videt cupiditati, atque auaritiæ ianuam esse patefactam amplissimam? vt cumulanda pecuniæ cura sit prima, cætera omnia huic vni posthabeat, quippe cuius causa se tanta suscepisse, tanta perperum esse secum reputat, dedecori que sibi, & ignominia vertendum, si ex India non optimè nummatus reuertatur ad suos? Sic vsus, atque hominum existimatio habet. Hac lege quisiam magistratus, vel supremus, vel infimus non cupit familiaris rei suæ commoda augere? quod non potest non vehementer nocere Reipublicæ. Aristoteles quidem magnopere interesse Reip. censet, ne egentes ad magistratum vocentur, quod pauperes in magistratu vanales fieri ob egestatem asserat. Moyse quoque de creandis iudicibus Iethro socer sapienter consilium

dedit

2. Pol. c. 7.

Et li. 3. c. 8

dedit, quod ille libenter accepit. Prouide, in- *Exod. 18.*
 quit, de omni plebe viros sapientes, & timen-
 tes Deum, in quibus sit veritas, & qui oderint
 auaritiam. Et quamuis Indicis magistratibus
 stipendia ampla constituta sint, quibus viri
 boni contenti sunt, sæpe tamen sitis illa opu-
 rente in patriam reuertendi iusto nescit ex-
 pleri, vt hîc quoque verum sit illud Salomo-
 nis, Rex iustus exigit terram, vir auarus de- *Prou. 29.*
 truet eam. Atque inde quoque rebus Indicis
 altera non leuior arumna proficiscitur, quod
 cum gubernatores omnes, ac iudices Hispa-
 niæ cogitent, studia sua omnia, & curas il-
 lic collocent, Indicum solum veluti alienum,
 atque extraneum habent, ita parum curant,
 quod nihil amant, quod quantum statui, at-
 que incrementis Reipubl. obstat, dici non
 potest. Inter laudes eorum, qui ciuitatem ali-
 quam administrant, & necessarias dotes, illam
 primam Philosophus numerat, vt statum præ- *5. Pol. c. 9.*
 sentem Reipub. ament. At Rempub. hanc ita
 plerique ab animo suo alienant, vt exilij loco
 habere videantur: aut certè præclare cum
 rebus Indicis agatur, si quemadmodum mili-
 tares præfecti vbi castra ponunt, in id tempo-
 ris, quod eo in loco se acturos intelligunt,
 commeatum, cæteraque opportuna curant: in-
 de abeuntes dissipata omnia, atque exusta
 relinquunt, ita nostri homines ad id saltem
 ætatis, quod hîc exacturi sunt, vt cum que res In-
 dicas constare velint. Hæ sunt administrationis

Indicæ graues difficultates. Ad quas accedit quoque alia longè quidem maior, verum non ita communis, sed propria eorum, qui nouas Indorum terras adeunt, sedibus ibi collocandis intenti, quòd cum ad barbaros eant, non nisi armorum præsidijs fulti rebus se incertis committant, vbi vel se tueri oportebit, vel ferro etiam aperire viam. Itaque totus iste primus ingressus militaris est: Quamobrem ei demandari prouincia solet, qui peritia militari excellit, neque ad copias ductandas tam Ducis probitas, quam militaris peritia spectari solet. Hic quid occurrat incommodi, facile quiuis cogitare potest. Cum enim primus ingressus fidei, prima exordia Euangelij, prima Christi annuntiatio pro ductu ac voluntate hominis, vt parcissimè dicam, militaris transigenda sit, illius sententia in omnibus princeps sit, cumq; dux ipse profanus sit, manus vero satellitū temeraria, qualem expectare debemus ad administrationem, quam rebus Christianis prouidentiam? Quamobrem illud etiam atque etiam Catholici principes, horumque proreges, aut cuiuscūque demum intersit, cogitare deberent, cum ad eiusmodi expeditiones bellicas duces præfectosque legunt, vt pij, Christiani integri, Deū timentes, salutemque hominum plurimi facientes querantur, denique ij, qui se Episcoporum imò verò Apostolorum munus sustinere perspiciant. Quanquam enim ad arma tractanda non tam viri probitas, quam militaris peritia, vt Aristoteles voluit, spectanda sit, tamen vbi de fide initijs

initijs agitur, de salute tot barbarorum, denique de ipso Christi honore, atq; existimatione, infinitis partibus pluris facienda est vitæ integritas, atque constantia. Neque enim tam dilatanda Reip. causa res geritur, quam Fidei amplificanda. Huic verò duci & moderatori probo etiam adiungere oportebit cohortem non hominum perditorum, ac profligatorum, sed si non optimam ac religiosam, tamen non pessimam, & infamem. Quod si quis nimia ista censebit, ridens fortassis in cogendis militaribus copijs eiusmodi de spectanda probitate præcepta, is sic habeat, longè magis esse risu dignum, ad Euangelij primum introitum eos reputari commodiores, qui ad nocendum procliviores sint. At neq; vir ea probitate ac modestia facile reperietur, inquiunt, neq; delectus ille hominum ad expeditiones bellicas ullo modo haberi potest. Primū si fieri nequeat, expeditiones ne fiant. Neq; enim amat Christus annuntiari cum insigni Christianæ religionis de decore. Deinde non vsque adeo dura res est, modo voluntas ne desit, ut præfectus quispiam queratur non solum militari laude clarus, verū Christiana pietate commendatus: utque ad illius comitatum si non deligantur pij homines, tamen non admittantur nefarii. Si enim homines infames, & sordidos Imperatoribus militare Romanæ leges non iniuria vetuerunt, quid est cur Christo in primo illius ad infideles ingressu perditissimus quisq; nomen dare sit permittendus? Quamobrem cum in omni Magistratu Indico, tū verò

298 DE PROCVRANDA INDORVM
 maxime in primà ad barbaros profectio viros
 idoneos sapientia, & pietate præstantes, præfice-
 re oportet, magna adhibita diligentia, vt tales
 omnino quærantur, inuentique præmijs, atque
 honoribus ad rem pro dignitate gerendam per-
 moueantur. Quanquam magna apud Deum glo-
 ria copiosaque pro meritis rei tantæ remunera-
 tione nihil potest amplius, ac præstantius co-
 gitari. Assiduæ autem nostrum omnium ad Do-
 minum preces esse deberent, si modo tot homi-
 num millia amamus, aut alicuius facimus, vt ne-
 que det reges in ira sua, neque propter peccata
 populi regnare faciat hypocritas, sed mittat po-
 tius pastores iuxta cor suum.

Osee. 13.

Iob. 34.

Hier. 3.

*Non esse iniquum tributa Indos pendere administrato-
 ribus suis. C A P. VI.*

QVONIAM administrationem nouæ
 Christianitatis penes nostros principes es-
 se iam diximus, & his ex Dei, Ecclesiæque præ-
 cepto incumbere, vt saluti Indorum minitros
 idoneos tum ad spiritualia, tum ad ciuilia præ-
 beant, exinde dicendum est, vtrum ad horum ip-
 sorum necessarios vsus, possit ab Indis exigi ali-
 quid, quidve illud sit: mox, quid vicissim In-
 dis rependi debeat. Tributa ergo necessa-
 ria ad spiritualem, politicamque gubernationem
 certa ratione moderata, ac definita non
 iniquè Indorum gens pendere existimanda est.
 Nam vt omittam Philosophorum Respubl.
 suas

suas constituentium, de publicis tributis sententiam, qui semper moderatoribus publicis, ne gotijsque communibus de publico, & communi censu tribuendum docent, certe in diuinis non testamenti literis, vsque adeo expressa res est, ut nihil amplius. Paulus sanè Apostolus hunc totum locum scribens ad Romanos excellenter illustrat. Neccssitate subditi estote, inquit, non solum propter iram, sed etiam propter conscientiam. Ministri enim Dei sunt in hoc ipsum seruientes. Reddite ergo omnibus debita, cui tributum, tributum, cui vectigal, vectigal, cui timorem, timorem, cui honorem, honorem. Quo loco non oscitanter notari debet, quos alloquatur Paulus, & de quibus. Scribebat sanè ad Romanos iam Christianos subditos verò Cæsaribus, qui in liberam ciuitatem per vim irruperant ad potentiam. Et tamen his necessariò parendum monet, non solum propter iram, sed etiam propter conscientiam, id est, non timore hominum solum, sed etiam Dei ita urgente. Deinde tributorum pensiones præcipiens, atque commendans, causam reddit æquissimam, quod publici magistratus ministri Dei sint in commune bonum seruientes, ac proinde eos, ali atq; honorari à subditis iustum sit. Quæ ex re colligit reddendum esse quicquid debetur, siue tributum sit, siue vectigal, siue quiduis aliud. Quæ in hoc loco commendetur Chrysostomus, placet etiam ascribere. Innumera bona, ait ille, ciuitatibus per magistratus obueniunt, quæ si sustuleris, omnia simul pessum

Rom. 13.

Hamil. 23.

peſſum ibunt, ita vt neque vrbes, neque agri, neque domus, neque forum, aut aliquid aliud conſiſtere queat, ſed omnia ſimul ſubuertantur, potentioribus imbecilliores impunè deuorantibus. Propterea ab antiquis temporibus communi omnium ſententia principes à nobis ſuſtentari debere viſum eſt, ob id quod ſua ipſorum negligent, communes reſ curant. Et mox, Quod ſi Paulus tunc cùm gentiles adhuc eſſent Principes, iſta præcepit, multò magis oportet ea fidelibus exhibere. Eam Apoſtoli ſui doctrinam Chriſtus Dominus non ſolum præcepto ante conſtituit, verum etiam exemplo commendauit ſuo. Nam de Cæſari reddendo cenſu rogatus, Cæſari, quæ Cæſaris ſunt, reddenda eſſe reſpondit, magiſterio obedientiæ, vt ait ſanctus Ambroſius, & nos in hæremus, dum ſoluimus, quæ ſunt Cæſaris, Cæſari, & quæ ſunt Dei Deo, tributum Cæſaris eſt, nō negamus. Ipſe verò recens natus Saluator in Bethleem etiam profeſſus eſt, ac deſcriptus, & Auguſto Cæſari Iudæam tunc cum cætero orbe obtinenti cenſum perſoluit, quemadmodum vult D. Nazianzenus. Quam rem cum & diuinorum librorum autoritas, & ratio ipſa ſatis muniat, atque confirmet, neq; noſtrorum Theologorum eorū quoq; qui cauſæ Indicæ ſtudioſiores ſunt, aliqua ab ijs tributa exigi poſſe quiſquam neget, nihil eſt cur in loco plano, & expedito amplius immoremur.

Matt. 22.

In oratione
contra Au-
xentium.

Luc. 2.

In oratione
ſine epiſto-
la ad Iulia-
num.

Et Auguſt.
de cat. rud.
c. 21.

Improbantur tria genera tributa taxandi.

CAP. VII.

TAmetsi ab Indis tributa exigere nostris licere manifestum sit, at quanta illa tamen, & qualia quauē ratione, & sorte, & quousque, id sane per obscurum est, & ad explicandum impense difficile. Neque enim statim immodicæ exactiōnes probaturi sumus, neq; auaritiæ, ac rapacitati multorum conuiuere debemus, quæ vna res totius regni enerfio sit, atq; Indici fundi, vt comicè dicam, calamitas. Nā quod hos capere oportet, illa intercipit. Ac sit licet maior res facultate nostra certum aliquid in re vsque adeò incerta & dubia definire: tamen operæ pretium facturus sum, vt mihi videor, si diligentius rationes aliquas tributa taxandi excussēro. Primum igitur documentum sit, Indis multæ nomine tributa imponi minimè posse. Nam vbi iustè aliqua ciuitas, aut gēs debellata est, solet, idq; merito, pecuniaria redditio pro victoris arbitrio imperari, vt temeritatis suæ pœnas luat. Hanc vel potissimā tributorum originem extitisse, Gregorius Theologus vult, ita scribens, Ex peccato penuria nata est, perniciosæ cupiditatis mater, quæ bella peperit, à quibus orta sunt tributa, quibus in diuina condénatione nihil grauius est, & acerbius. Hæc Gregorius, Ad hunc modum profligato ac victo Ioachaz Rege Iuda à Pharaone, centum talentis argenti & talento auri terrā esse multatā diuinæ

Orat. ad Iulianum.

4. Reg. 23.

2. Reg. 8.

1. Par. 18.

Iosue. 16.

G. 17.

3. Reg. 9.

diuinæ literæ tradunt. Hoc genus tributorum tñ profanis, tum sacris literis frequentissimum est. Sic Moab à Dauide percussus sub tributo seruasse, itemque Syrum Damascenum, sic Chananæum tributarium factum Ephraim autore Iosue, nec non reliquas illas nationes Iebusæorum; Amorrhæorum, atq; aliorum Salomonis opera perpetuo tributo soluendo addictas esse populo Israel sacra historia commemorat. Quod sane nullo modo iniuriosum esse, non solum sanctorum virorū exempla demonstrant, sed etiam aperta ratio, quæ iure belli victos victoribus subdit, neq; fortunis solum, sed libertate quoq; vitaq; ipsa reddit obnoxios. At Indorum populi, vt supra satis disputatum est, à Christianis debellari non possunt, ac proinde neq; libertate, neque argenti pensione mulctari. Quid enim nostros læserunt, quorū nomen quidem audierant? Dei verò offensas, naturæq; iniurias vlcisci, nostra nihil interesse, opinor alias satis esse mōstratum. Itaq; grauiter profecto peccarent, qui eo iure debellatos barbaros instar Amorrhæorum, & Chananæorum, vel potius, vt præsentia loquamur, Maurorū, atq; Turcarum, seruitute, atq; multa pensione onerarent, existimantes etiam beneficium se collocare, quod non capite plecterent. Neq; enim tam stolidi ratio nisi ab imperitia, & insolentia militari proficisci potest. Quod si id genus quippiam hætenus pertratatum est, consulant certè conscientijs suis, qui ita se compararunt. Atq; hoc sanè documentum certissimū est: sequens verò multò certius, Nefas

esse

esse in exigendo censu rationem habere Euangelij illis comunicati, quasi retributio expectetur, vt pro Fide, & Baptismo, Christi q; noticia imperita vicissim repetatur argētum. Hæc tota sordidissima cogitatio hominum tum imprudentium tum improborū Euangelium veluti licitantium (nam & hoc à quibusdam iactari aliquando solitum audio) nihil profectò à Simone illo abest, nisi *Act. 8.*
 quod illè nefarius pecuniā potius dare pro gratia, illi gratiā pro pecunia cupiunt commutare. Nullo ergo modo ferendum est, vt in designando tributo, quid per Christianismū sint consecuti barbari, cogitetur. Quæ enim gratis accepimus *Matth. 10.*
 gratis quoq; dare iubemur. Tertium documentum esto, Barbaros causa soli, terreve ab ipsis cultæ, & habitatæ nihil debere Principibus Christianis. Quod vt intelligatur, meminisse oportet tunc nemum ratione soli pensionem persolui Principibus, aut Reip, ab homine priuato, cum Principis autoritate, & iure conceditur. De quo genere tributorū Ambrosius videtur loqui in sua illa cōtra Arrianos defensione mirabili. Si tributū, inquit, Imperator petit, non negamus. Agri Ecclesiæ soluunt tributum. Si agros desiderat Imperator, potestatem habet vendicandorum, & cætera ne persequitur. Hoc igitur ita habet, cū ager re iure possidetur. Quare videmus tū subditos Dominis, tum externos à ciuibus agros ea partitione accipere, vt certos semper cēsus inde percipiant. Isto sanè exemplo sanctus Ioseph vniueram *Gen. 47.*
 Egypti terram subdidit Pharaoni, quinta portione

De hoc tributi genere loquitur

Zacharias

Papa in epi.

ad Bonifacium.

De secularibus Christianorum

ecc. Extat

lib. 5. epist.

11. quæst. 1.

Si tributum.

24. q. 8. c.

sancitum.

Gen. 47.

portione frumētaria Regijs vsibus perpetuo addicta, quod quibus agros ipsos tribuisset, rectè & iure posset cum his de reddenda ea semper portione pacisci. At hæc ratio in tributis Indorum iniri nequaquam potest. Neq; enim solum nostrum ipsi occuparunt, sed nos illorum, neq; ad nos ipsi, sed ad illos nos certè perualimus. Itaque barbarorum terra subditur quidem Christianis principibus, cum primum populi ipsi subduntur, sed nihil, illius ratione barbari debent, quam à nobis mutuati nō sunt, sed nobiscum potius cōmunicarunt. Plurimum verò interest, vtrum homines ratione loci subdantur, an potius hominū causa locus ipse. Hic enim res nullo modo addicuntur, sed integrum ius penes dominos manet. Quamobrem Indis (huc enim nostra iam dudum tendit oratio) pro modo ac magnitudine possessionum, agrorum, gregum, pascuorum, tributū etiam exaggerare, & cumulare, vt pro tanto tantum certa ratione persoluant, iniquissimum esset, siquidem rebus nihil per se debentibus census imponeretur. Quod sane, neq; factitatum habetū esse scio, sed est fortasse improborū cupiditate tentatum. Neque tamen illud modo disputo, An Rex, quemadmodum Ingarum imperio successit apud nos, & Moteçumæ apud Mexicanos, ita quoq; in omnia illorum iura concessit, vt agros, greges, pascua, mineralia, cæteraq; principum, suo ipse iure adeat. Nam si rectè & ordine ab illis ista obtinebantur, & legitimè ac iuste nostri illis successisse censentur, rectè quoq; ista

ista omnia retineri consequens est. Vtrum vero aut illud ita habeat aut illud, examinare ac diiudicare nostrum non est. Habent Catholici reges consilia, senatusque suos, habent conscientie magistratos. Subditis, dum iniuria non est euidentis, pro iure suorum principum sentiendum pronuntiandumque est, vt Apostoli Petri præceptum: *1. Pet. 2.* integrè conseruetur, regem honorificare. Illud hoc loco solum agimus, quod & fatentur omnes & est per se satis certum, etiam si barbari conuertantur ad Christum, non tamen rerum suarum iure excidere, neque verò nostris, quamuis subdantur ad fidei susceptæ tutelam, vel seruitute vel fortunis suis obnoxios esse, id quod Paulus quoque Pont. max. apertè decreuit.

Vulgaris ratio tributa imperandi expenditur.

C A P. VIII.

Plerisque autem illa ratio tributa imperandi videtur æquissima, vt perspiciatur primum, quibus rebus vnaquæque prouincia abundet, vtrum frugibus, veste, gregibus, mineralibus, argento: tum verò numero Indorum oppidatim tributumque iuito, ea summa quotannis impere-tur, quæ possit commodè conferri, ita vt singuli certa portione tantum attribuunt, quantum vel ex hisce rebus, vel ex operis suis locandis sustentata familiola, præbere queant. Quæ sanè consuetudo obtinuit, vt viritim tributa pendantur. Exstant regia edicta grauitè cautentia, ne ab Indis ea
V exigantur.

306 DE PROCVRANDA INBORVM
exigantur, quæ & ad se sustentandos, atq; ab ægra
valetudine, si acciderit, recreandos, & ad liberos
educandos, ac matrimonio collocandos necessa-
ria habent. Quam Christiano pectore dignam le-
gem laudare par est. Qua in re totam quoq; illâ
prouincias lustrandi diligentiam, prouentus, ac
commoditates perspiciendi, tum vt ea iniungan-
tur, quæ commodissimè possunt præbere Indi,
vt nihil supra vires, nihil nimis graue sustineant,
cæterasq; instructiones eodem pertinentes, com-
probare profectò decet: quin ne illud quidem
improbandum est, vt singuli, qui modo vel ætatis
imbecillitate, vel corporis affecta valetudine, vel
officio publico non impediuntur, aliquid in com-
mune conferat, vnde tributî pēsis fiat. Bene hæc
sanè omnia. At quod viros in primis doctos non
bene habet, quo etiam me moueri vehementer
fateor, illud est, quodd solum cogitatur, quid Indi
soluere possint, quid verò soluere debeant, non
item. Quæ sanè consideratio, vt non exigantur,
quæ non possunt reddere, necessaria est: sed nullo
modo sufficiens, nisi præterea addatur, vt ne-
que ipsi ab Indis capiamus, quæ nostra non
sunt, iustitiæ sempiterna lex docet, ad exigen-
dum ab aliquo quippiam, tametsi necesse, sit vt
possit ille præbere, tamen nullo modo id satis
esse, nisi & possit soluere, & insuper debeat. Nam
siue non possit soluere, siue non debeat, æquè
est iniqua exactio. Et si enim supra satis mōstra-
tum est Indos nostris aliquid debere reddere,
quorum in administratione sunt, non tamen
conti-

continuò efficitur, vt quantum possint, tantum debeant, etiam si rem temperes verbo leniore, vt tantum tribuant, quantum commodè queant. Itaque ratio hæc peruulgata ad tributa barbaris imperanda, qua solum spectatur, quid quantumue vnusquisq; soluere queat, licet plerisque vt dixi, sancta ac legitima appareat, tamen penitus inspecta, non satis idonea, imo verò exitiosa deprehendatur necesse est. Quæro enim, cur Hispanis, & Gallis cæterisque per Europam, si ista conditio offeratur, vt singuli tantum pendant, quantum possunt commodè, iniquissima, & iniuriosissima sit, Indis verò iusta & æqua? An istos sua imperitia, imbecillitas, tenuitas fecit obnoxios? Deinde quid hoc à seruorum conditione abest, à quibus iustè exigitur quicquid reddere possunt, quia quicquid seruus acquirit, Domino acquirit? Præterea si bello iusto domiti, multæ nomine tributa pendere cogentur, quid posset grauius imponi, quam id vnusquisque vt det, quod potest? Nam quod non potest, ne tyrannus quidem exigendum putat.

An propter reuocandos ab otio barbaros, tributa grauiora imperanda sint. CAP. IX.

AT dicunt qui res Indorū, atq; ingenia maximè callent, hoc magnopere barbaris expedire, vt tributis grauentur, propterea quòd natio hominum ignaua, & otiosa, nisi cogatur laborare, & industriam, atque operam in quæritando censu ponere, socors more pecudis

vitam transigit, turpiter belluinis rebus vacat: quippe qui neque rem familiarem augent, neque sibi consulunt in posterum, sed hodierno tantum cibo contenti, genio indulgent. Ad hanc quidem ratiocinationem, quæ peritissimo cuique maxime familiaris esse solet, nos sanè ita respondemus, ut barbaros laborare, negotiari, occupatione & cura distineri, per quam ipsis salutare esse fateamur, imo verò illorum Reipub. vtrumque constituendæ necessarium omnino. Quæ de re Ingarum procetes ingenio sine dubio peracri, iudicioque præstantes, in eo vel maxime rectam istorum ac diuturnam administrationem esse censuerunt, ut quam maxime exercerentur, minimeque vacare sinerentur. Itaque ubi necessaria aut vtilia deerant, etiam rebus superuacaneis distinebantur, ut qui eorum disciplinam cognouerit, merito miretur, quod veteres narrant, etiam vermiculorum colligendorum certam mensuram quibusdam imperatam, alios saxi vltro citroque voluendis serio occupatos. Neque verò causa aut obscura est, aut longè posita, cur Indos negotio vrgeri maxime expediat. Etenim barbari omnes ingenio sunt serui, seruis verò nullum otium esse debere, etiam in prouerbium abiisse Aristoteles dicit, quod otium petulantes faciat, id quod noster sapiens præclare monuit, Mitte, inquit, seruum in operationem, ne vacet, multam enim malitiam docuit otiositas. Igitur exerceri Indi debent, non negamus, sed libentissime amplectimur. At cui exerceri, cui negotiari,

cuius

7. Pol. c. 15

Eccle. 33.

quius inferuire cōmodis debeant, hoc verò quæ-
ritur. Cum enim illud à tyrannico dominatu re-
galis absit, quod hic in subditis moderandis non
suam, sed ipsorum magis vtilitatem spectet, pro-
fectò non est obscurum sincere cernētibus, ope-
ras atque negotia Indorum in ipsorummet emo-
lumenta debere conuerti. Non enim instar apia-
rij id tantum mellis in aluearibus relinquendum
est, quantum apibus alendis sufficit, ne intereant,
reliquum omne auferendum : neque vt greges
detondendi sunt, quibus vellera ita desecamus, vt
radices solum denuo procreāda lana saluas esse
sinamus. Excepto igitur eo, quod & spirituali-
bus & ciuilibus prapōitis necessarium esse pru-
dens charitas sanxerit, quicquid vltra salutis In-
dorum prætextu nobis vsurpamus, pro rapina
ducendum est. Atque equidem vereor, ne vbi se
quidam Catones Mutiosue profitentur, moresq;
barbarorum censura sua seuera notare atque
emendare pergunt, Pharaones potius existant,
depositaque censoria larua, qua tam rigide incre-
pitant, Vacatis otio alteros se Nabuchodonoso-
res exhibeant, omnia expilantes, & miseros du-
ram seruitutem seruire cogentes. Desinant ergo
iam tandem homines auari, & inhumani saluti
se se Indorum iactare, fortunisque consulere.
Agnoscant potius, ac fateantur priuatis se com-
modis seruire, nulla publicæ disciplinæ cura te-
neri, nullo gentium harum adiuuandarum desi-
derio tangi. Omnino fucus ipse se prodit, neque
sustinet diu cupiditas prouidentia sibi falso no-

Exod. 5.

Hiere. 5. 20

*Eccl. 10.**Prov. 22.**Iob. 27.*

men impositum. Quod si duri esse pergamus in
 miseros, neq; nostrę cupiditatis ardorem eorum
 lachrymę extinguant, profectò timendum est, ne
 multus ac creber clamor Indorũ cęlos omnes pe-
 netrans ad ipsum æquissimi iudicis tribunal irrũ-
 pat. Regnũ, ait Spiritus sanctus, trāsferetur de gēte
 in gentē propter iniurias, & contumelias, & in-
 iustitias, & diuersos dolos. Auaro quoq; dicit ni-
 hil esse scelestius. Et qui calumniatur pauperem,
 vt augeat diuitias suas, dabit ipse ditiori, & ege-
 bit. Et in sancto Iob terribilius. Hęc est pars ho-
 minis impij apud Deum, & hęreditas violento-
 rum, quam ab omnipotente suscipient. Si multi-
 plicati fuerint filij eius, in gladio erũt, & nepotes
 eius non saturabuntur pane: Qui reliqui fuerint
 ex eo sepelientur in interitu, & viduę illius non
 plorabunt. Si comportauerit quasi terram argen-
 tum, & sicut lutum præparauerit vestimenta, præ-
 parabit quidem, sed iustus vestietur illis, & argen-
 tum innocens diuidet, ædificauit sicut tinea do-
 mum suã, & sicut custos fecit vmbraculũ. Diues
 cũ dormierit, nihil secum auferet, aperiet oculos
 suos, & nihil inueniet, apprehendet eum quasi
 aqua inopia, nocte opprimet eum tempestas.
 Quasfane diuinę seueritatis minas in pauperum
 oppressores, violentosque alieni sudoris exacto-
 res, videant qui volunt, an de nonnullis huius
 sæculi hominibus res ipsa copiose declarauerit.
 Filios cęsos, nepotes auita hęreditate deiectos,
 vix pane saturatos, posteritatem omnem extin-
 ctam, viduas etiam virorum obitu lętas, & voti

com-

compotes, argentum terræ propemodum coar-
 quatum ad pauperes detolutum, sacras do-
 mos pretiosis illorum spolijs, & veste coorna-
 tas, ac reliqua, quæ de violentorum vltione di-
 uina Iob loquitur, promptum est cernere in
 plerisq; nostræ ætatis hominibus, quæ quicum-
 que meminerit, fateatur necesse est, etiam no-
 stræ Reipub. & gentis referre plurimum, vt mo-
 dus teneatur diuinæ autoritatis lege præscriptus:
 quem si exactiones excefferint, non solum non
 erunt adiumento, verum etiam Deo iustissi-
 mè vindicante, certi exitij, & ruinæ causa ple-
 nissimæ. Extat sanè epistola grauissima Grego-
 rij magni ad Constantiam Augustam, in qua
 multa seuerè locutus adiungit, Idcirco for-
 tasse tantę expensæ in hac terra minus ad vti-
 litatem proficiunt, quia cum peccati aliqua
 admixtione colliguntur. Præcipiant ergo fere-
 nissimi Domini nihil cum peccato colligi. Nam
 scio quia & si parum Reipub. attribuitur vtili-
 tatibus, ex eo multum Respub. adiuuatur. Qua
 sapientissimi Patris sanctissima sententia cau-
 sâ totius Indicanæ nullum proferri potuit, vel
 plenius, vel certius oraculum.

lib. 4. Regi.
 epist. 33.

Quis modus in tributis taxandis tenendus.

CAP. X.

SI quærat ex me, Ad quâ igitur Regulâ re-
 spicere debet, qui tributa neophytis barbaris ex

1.2.q.96.

ar.4.Sylu.

Gabella.3.

q.2.

Sotus lib.1

de Iust.q.6

a.4.Ciuet.

verb.lex.

in summa.

bono & æquo taxare cupiunt, ego certe nullam
 noui aliam præter eam, quam D. Thomas affert
 de lege humana eleganter differens, quamque
 Theologi reliqui summopere probant. Vt in le-
 ge ferenda onerosa præsertim, finis ipse penitus
 inspiciatur, atque pensionis tantum imponatur,
 quantum fini proposito congruit, tum verò in
 distribuendis eiusmodi oneribus proportionis
 æqualitas conferuetur. Hinc quoties exceſſerit,
 pro iniqua legem computari oportere. Hæc illu-
 strum Theologorum, rationi prorsus consenta-
 nea, de tributorum impositione sententia est. Duo
 ergo accurate prouidenda sunt ei, qui in lege de
 tributis ferenda nolit errare: Vnum ex parte In-
 dorum, vt non grauentur nimium, sed ea exigen-
 tur, quæ possint opportune præbere & commo-
 de; alterum ex parte nostrorum, vt quod ab In-
 dis accipitur, pro officio ijs ac necessaria proui-
 dentia impertienda æquum, congruensque sit.
 Huc enim Theologi, & Theologorum decus
 Thomas respiciunt, cum dicunt tributa ratione
 finis necessaria licere imponere, ea verò eousque
 debere progredi, quousque finis ipse efflagitat.
 Itaque quod supra iam dixi, repetendum est dili-
 genter, vehementer eos errare, qui Indorum gen-
 tes perinde atque prædia quædam, aut greges re-
 putant, vnde quicquid emungi potest, dummo-
 do ne intereat funditus, sed futuris vsibus reser-
 uetur, siue ager sit siue pecus, id totum honesto
 ac liberali lucro assignant. Sed labuntur profe-
 cto grauissime, quicunque ita se comparant,
 Neque

Neque enim Indos tuos numerare potes, & quā
de tuo inde quiduis accipere. Quin potius si
quid accipis, ob id accipis, vt tu vicissim aliquid
aliud rependas, quod si nō dederis ipse, quicquid
abstuleris, iniquum est, & iniuriosum. Vt Medi-
cus ab ægroto, Adūcatus à cliente iustè pretium
capit, pro impensa opera, & officio: ita Patronus
ab Indo si quid accipit, pro officio accipit. Itaq;
quemadmodum militibus Reip. causam suscipiē-
tibus de publico, & annona, & stipendia præben-
tur, quæ sanè à cæteris pro collato in se beneficio
Reip. tuendæ iure exiguntur, neq; tamen militiæ
prætextu quantumuis extorquere, & corradere
iustas est, sed hactenus tantum, quatenus militi, præ-
stidijque comparandis, ac tenendis opus est: ita
etiam prorsus quæ Christiani à barbaris tributa capiūt,
eo vsq; solum progredi oportet, quousque fini
proposito necessarium est. Est vero ille finis ra-
tione præscriptus, vt ministri salutis, & admini-
strationi Indorum necessarij nō desint, honoren-
turque congruenter. Hi verò in duplici genere
sunt. Primi ac præcipui numerantur Pastores ani-
marum, Ministri salutis æternæ, quos eorum lar-
gitionibus, & prouentibus ali, quos ipsi diuino
verbi, & sacramenti pane nutriunt, non tam
dispositionis humanæ, quam diuini esse iuris no-
tissimum est. Id omni lege definiri Paulus gen-
tium doctor disertè ostendit. Nam de lege gen-
tium hoc argumentum versans, Quis militat, in-
quit, suis stipendijs vnquam? quis plantat vineā,
& de fructu eius non edit? quis pascit gregem, &

I. Cor. 9.

de lacte eius non manducat? Ne vero secundum leges humanas tantum agere videatur, producit statim diuinam veteris testamenti. Numquid secundum hominem hæc dico? An & lex hæc non

Dent. 25.

dicat? Scriptum est enim in lege Moyfi, Non alligabis os boui trituranti. Si nos spiritualia vo-

Dent. 18.

bis seminauimus, magnum est, si carnalia vestra metamus? Nescitis quoniam qui in sacrario operantur, quæ de sacrario sunt edunt, & qui altari deseruiunt, cum altari participant? Atque hæc quidem iuxta legem veterem, quid verò noua, & Euangelica? Nequaquam ab his discrepantem monstrat, Ita & Dominus ordinauit ijs,

Luc. 10.

qui Euangelium annuntiant, de Euangelio &

Matt. 10.

vinere. Dixerat quippe Dominus, Dignus est operarius mercede sua. Nihil ergo opus est testimonijs alijs, quæ sunt plurima, eademque grauisima. Vnus Paulus, vel potius Spiritus sanctus in eo loquens nobis abundet. Verum præter sacerdotes Domini non est dubium, quin politice, atq; humanæ administrationi Reip. barbarorū, per quam necessarij sint sæculares præpositi. Hi verò distributi videtur apud nos in duas species. Nam & iudices Magistratusq; sunt, de quibus dictum est supra, & si quid restat, dicetur post: & sunt propriè susceptores Indorum, siue Patroni (ita enim appellare malo, quos vulgus nostrum suo sermone Encomenderos vocat) quibus procura, ac prouidentia, quam gerere debent hominum suæ fidei, ac tutelæ commissorum, licet sanè tributa quædam vicissim capere. Quo in loco

accura-

accuratè intuendum est Regiam maiestatem ius illud omne, quod habet ad exigenda tributa à populi neophytorū sibi ab Ecclesia in fidem datis, in eiusmodi Patronos transfundere, eosq; penes collocare, certis quibusdam pactionibus interpositis, de quibus mox opportune dicemus. His ergo, si eos se se exhibeant, quos fide iurata profitentur, tributa rectè solui non est, cur reuocetur in dubiū, cum manifestū sit licere Principi alijs attribuere, quæ percepturus ipse esset. Qua de re & nostrorum Theologorum, iurisq; prudentium cōcors sententia est, & accedit B. Gregorij nullo modo cōtēnenda autoritas, qui ad nobiles quosdam viros Sardiniae scribēs, eosq; & quid debeāt præstare subditis sibi commissis & quidē inñdelibus adhuc, & quideam ob rem percipere ab illis possint, commode admonet. Ad hoc quippe, inquit, illi vobis commissi sunt, quatenus & ipsi vestræ utilitati valeant ad terrena deservire, & per vestram prouidentiam, eorum animabus ea, quæ sunt æterna, prospicere. Vnde apparet rectè posse nobilium hominum, ac bene de Rep. meritum fidei curæq; committi, vt saluti barbarorum consulant, eaq; ex causa ab his sua ipsi emolumenta percipiant. Quoniam verò cum est conuentio aliqua, vt ob hoc illud detur, certa quædam ratio ac proportio seruetur necesse est, ne aut hinc excedat, aut inde deficiat, omnino perspicendum est ad quæ & qualia Patroni Indorum obligentur, vt inde verissimè cognoscamus quādo & quousq; iustū sit talib⁹ tributa persolui. Sed ante

lib. 3. Regist. epi. 23.

confi-

316 DE PROCVRANDA INDORVM
considerandum erit, An ne expedierit Indorum
populos in Fide rudes eiusmodi patronis com-
mittere, quibusuè ex causis id excogitatum, effe-
ctumque sit.

Cause, ob quas Hispanis Indi commendati sint.

CAP. XI.

Causas igitur cogitanti mihi, cur in hoc nouo
Corbe Indi Hispanis hominibus commenda-
ti sunt, vnde & vulgare illorum vocabulum tra-
xit originem, tres præcipuæ veniunt in mentem.
Prima, quòd cum suis expensis, & laboribus in
nouas regiones penetrarent summis, & difficul-
tatibus, & periculis se se obijcientes, excogita-
tum, atq; inuentum est, quod mercedis loco tri-
bueretur à Principe ipsis ita flagitantibus, vt ex
Indorum populis suo patrocínio commissis emo-
lumenta annua perpetuò reportarent. Quemad-
modum Imperatores Romani emeritis militibus
agrum aliquem impertiebantur, vnde sustentan-
dæ reliquæ vitæ certi prouentus relinquerentur.
Nostrorum autem hominum prima cum Rege
pactio fuit, vt Indorum à se expugnationum ad-
ministratio tum sibi, tum primo successori, aut
hæredi firma rataque esset: exinde Regi liceret,
cuicumq; placuisset, adscribere. Itaq; pro militia
stipendio, pro victoriæ præmio Indi Hispanis da-
ti sunt. Altera quoque fuit causa, eaque maioris
momenti: quòd nouus orbis Regi vsq; adeo lon-
gè posito subactus, in illius ditione retineri nullo
modo

modo poterat, nisi à quibus erat quæsitus, ab ijs-
dem custodiretur, vt licentiam barbarorum fræ-
narent, & à finitimis tuerentur, & nostris demum
legibus assuefacerent. Neque enim minus est, vt
quidam poëta dixit, quam quærere, parta tueri,
imo verò vt Nazianzenus probè asserit, longe
maius ac difficilius. Vt ergo in peregrina terra ho-
mines alioqui patriæ amantissimi tenerentur, fie-
rentque nouæ Reip. cultores, atque amplificato-
res studiosi, fixas ibi sedes collocantes, attributa
sunt certa oppida Indorum, quorum, & domi-
nati & commodis potirentur. Perinde atq; vm-
bra quædam Hispaniæ procerum repræsentata
sit, cum subditis, siue, vt nostri vocant, basallis im-
peritent. Tertia eademque maxima, ac reliquarū
fundamentum causa extitit, vt noui Fidei tyro-
nes, teneræque stirpes patrocinio curaque ve-
terum protegerentur, instituerentur, religionis
disciplina regerentur. Denique salutis viam, vt
omnino munirent, atque infirmos in Fide, vt mo-
net Paulus, assumerent. Arbitror me omnes in-
stitutionis huius causas esse complexum. Iam se-
quitur, vt de vnaquaque quid habeat æquitatis,
quid difficultatis, quid officij, differamus. Ac pri-
ma illa de remunerandis laboribus sumptibusq;
militarium hominum, ex necessitate quadam po-
tius quàm ex voluntate, aut religione profecta
fuisse videtur. Neque enim poterat Princeps, aut
per quam agrè poterat, tantos tot hominum su-
dores, imo vero etiam cruores dixerim, præmio
pari afficere, nisi in nouo orbe illorum virtute
parto,

*Ouidius.
Inuestina
prima con-
tra Iulian-*

Rom. 14.

318 DE PROCVRANDA INDOCVM
parto, potētiam quāstūq; partiretur. Nam ne-
que isti alioqui contenti essent, & cæteris similia
audēdi, aggrediēdiq; cupiditas omnis extingue-
retur. In Lusitanica India, quod Regum Lusita-
norū auspicijs, & auro parta sit, potuit penes Re-
gem totus ille dominatus sine iusta suorum que-
rela retineri. Nostorum verò hominum, quoniā
suapte ductu & re, tanta peregerunt, longē alia ra-
tio est. Itaq; necessitatis, vt dixi, cuiusdam fuit, vt
suo quodam iure, vt olim Israēliticæ tribus distri-
butore Iosue, terram sortirentur, permanente tam-
men, quod minimè obscurum est, supremo om-
nium penes Regem imperio. Quamobrem faten-
dum est, hac nostris mercede proposita, distribuē-
di leges quoddammodo, & fuisse, & esse seruan-
das. Vt planè, nisi alioqui quippiam impediāt, de
hac Rep. benemeritis, ipsiusmet emolumenta red-
dantur, & pro ratione meritorum maior minor-
ve portio unicuiq; designetur. Neq; enim inanis
prorsus, & superuacanea vox est hominum, suo
sudore, & sanguine partis nouos, & nihil in Rep.
gerentes præclari frui vehementer expostulan-
tium, idque non leuis iniuriæ loco exprobran-
tium. Etenim cum cætera non desunt, debet
profectò laborum, meritorumque ratio haberi,
id quod & Regia statuta præscribunt, &
gubernatores à se obseruari contendunt, ve-
rè an falsò, non statuo, satis proposito est, om-
nium vna consensio. Sed ecce ingens malum
vnde minus timebatur, exortum, ex æquitate
iniquitas, ex commoditate damnum, ex iure
confla-

*Ios. 13. &
deinceps.*

conflatur iniuria. Quis enim cum sibi Indos pro mercede propositos, ac redditos intuetur, non statim labores, expensas, pericula, quibus defunctus est, cogitat, parumque esse quicquid capiat, & sentit, & iactat? Itaque prouentus commodaque sua, quæ ex Indorum, vel opera, vel tributis percipit, non pro futuro in illos officio, & à se impendenda opera, sed pro iam exhaustis laboribus metienda putat. Cui malo quid remedij possit afferri, non satis video. Verum illud serio moneo, atque contestor, quamuis æquum sit in eiusmodi commendationibus Indorum, rerum antea præclare gestarum rationem habere, minimè tamen tributa operaque istorum amplius augeri posse, quam conferendi in illos beneficij ratio postulet. Quemadmodum & præfecturæ in Rep. & sacerdotia in Ecclesia benemeritis quidem conferenda sunt, & dignioribus, oppido ampliora, at census, vel publicus, vel Ecclesiasticus pro futuro labore, atque officio datur. Itaque huic percipiendo veteres labores prætexere minimè licet. Sed si profecto desis officio, atque imposito munere non perfungaris, quantumcunque olim emeritus sis, prouentus tutò nō percipis. Secūda vero causa cōseruandæ, ac tuendæ Reip. huius, nō dubiū est, quin æquitatis vtilitatisque plurimū habeat, quin potius in eo salus Regni tū tēporalis tū spiritualis sita sit, si nō desint his veluti deductis colonijs coloni sui. Nam id quoque Romanæ Reip. sapientissimæ moris fuisse cōstat, vt novos colonos, quo firmaret, defenderetque, coloniā suā, domi-

domicilio donatos varijs priuilegijs, commoditatibusque prosequeretur. Regis, regnique interest maximè, vt sint qui tãquam proprium domiciliũ tueantur, & quoad licet, amplificent. Quamobrem propria quadam nuncupatione, eaque apud nos honorifica, hi propriè vicini, ciuesue nominantur. Itaque & vxorati esse iubentur, & certam vrbem incolere, vnde nisi annuente prorege, abesse nusquam liceat: si abfuerit, absentis expèlis alius sufficitur, quod si diutius moras traxerit, ab Indorum moderatione remonetur, aliusque succedit perinde, atq; demortuo. Quin etiam Principis hi omnes feudatarij habentur, fidem suam sacro iureiurando Reip. Regisque iussis astringentes. Itaque bella si qua exoriantur in prouincia, proprijs sumptibus adire, & belligerari coguntur, quod nuper in bello Ingarum Cuzquenses, & in Chiriguanensium, Charquenses, Pacensesque fecerunt: proinde equos, arma ceteraque in repentinum quemque tumultum parata habere, in otio, & negotio Reip. adesse promptissimè. Quæ quidem omnia, & prudenter, & salutariter instituta sunt, neque parum conscientias eiusmodi hominum leuant, qui pro imposito sibi onere honorem quoque, hoc est, prouentus referant. Neque enim, quod multi falso opinantur, sola est causa redditus Indicos percipiendi, propria ac peculiaris Indorum saluti adhibita cura, licet ea præcipua sit, verùm aliæ quoque causæ sunt, sunt alia etiã publicæ vtilitatis officia, quibus cum addicuntur nobiles homines, iure

remune-

remunerandi sunt. Eas ob res quod regem ex Indis capere oportebat, id in eiusmodi feudatarios omne transmittit. Tertia quoque ac potissima causa supra allata de cura, providentiaque Neophytorum, si nuda ipsa per se spectetur, speciosa plane, & honesta, atque officij plena videatur. Quid enim magis salutare dici potest, quam ut novi Christiani veterum diligentiae commendentur, quod etiam in primaeva Ecclesia in more fuisse Dionysius Areopagita satis indicat, cum fidei candidati probatae vitae susceptoribus traderentur, pie ac salubriter imbuendi, atque officiose adiuuandi. Hec ut dixi, perpulchra, perque honesta causa est, si nuda ipsa cernatur. At ubi à cogitatione venimus ad rem, Iesu bone, quæ per turbatio, quantà fœditas. Verum vitio hominū, non causæ hoc fit. Neque vero prauorum peruersitas bonis detrahere debet, sed Dei optimi, & benignissimi ope fiet, ut Patroni officium non deserant, sed nomini suo ipsi respōdeant. Nostrum iam est quæ sint horum partes in Indos à se susceptos exponere.

*De Eccles.
Hier. c. 2.*

Quod doctrinam fidei, & moribus sufficientem Patroni Indis susceptis præbere teneantur.

C. A. P. XII.

Primum ac maximum onus sustinent, Indos iam Christianos effectos in fidei, morumque doctrina, cæterisque ad salutem opportunis, quantum opus est, adiuuandi. Re enim vera Patroni,

322 DE PROCVRANDA INDORVM
 Pædagogi, Nutricijque in Christo teneris adhuc
 & paruulis dati sunt. Hoc omnes sine exceptio-
 ne consentiunt, & docti, & indocti, & experti &
 imperiti. Hac lege, hac conditione Indi nostris à
 Principe commendantur, recepto vtitatoq; mo-
 re se se penes ipsos conscientiam suam exonerare
 testante. Quod sanè onus ipsi, qui sustinent, tarò
 intelligunt. Ex hoc primo præcipuoq; documen-
 to efficitur in primis, vt quicumq; iniuncto sibi
 muneri non faciunt satis, non solum graue crimè
 admittant maledictionis æternæ rei, quòd opus
 Domini fraudulenter faciunt, verum restitutioni
 etiam obnoxij sint, quòd minimè officio functi,
 ob quod tributa instituta sunt, nihilominus illa
 perceperint. Neq; enim charitati tantum Chri-
 stianæ infensi sunt, sed etiã publicam iustitiam læ-
 dunt. Efficitur deinde, vt si negligentes admodũ
 segnesq; se præstitierint tales Patroni, neq; emen-
 dare & relarcire iacturã pergãt, possint omnino,
 imò vero debeant ab Indorũ cõmendatione re-
 moueri, alijs eorum loco suffectis. Quæ ne durio-
 ra quispiam arbitretur, aut quoniam consuetudo
 contrã obtinuit, tanquam noua respuat, extat ho-
 die quoq; Regij decreti publica fide exemplum,
 quod ipse quoq; legi, vtrumq; illud, & de restituti-
 one facienda, & de remouendis negligentibus
 Indorũ patronis, seuerè grauiterq; statuentis, ser-
 uariq; omnino in posterũ præcipientis. Ego verò
 adiiciã id quoq; quod perparũ aduerti video, cũ
 sit vel maximũ, quòd in Indorũ cõmendationi-
 bus longè plus spectare oporteat, vtrum is, cuius

Hier. 48.

fidei

fidei commendantur, ea existimatione sit, vt im-
 posito muneri non defuturus merito credatur,
 quā meritorū rerūq; gestarū quantus splendor ex-
 titerit Atq; omnibus modis affirmo id, quod vel
 tenuiter doctus facile cōcedet, Patroni, indignus
 si sit, consciētiā quidē nō esse tutā, at multo mi-
 nus Principis eam curā cōmittentis indigno. In-
 dignū autē eū dico, quē viri boni, ac sapientes ne
 quaquā idoneū reputāt eiusmodi negotio procu-
 rando, nimirū qui prae vitæ impuritate, prae inue-
 terata auaritia, prae socordia ingenita miseros su-
 sceptos vexādo, expoliādo, diuina omnia, ac salu-
 taria pro nihilo ducēdo, pessundaturus apparet.
 Profecto mirari libet, quodd cū in triēnali, aut etiā
 annuo Prætorē creādo, vitæ integritas accuratē
 quærat, in perpetuo Indorū Domino, cuius sit
 vel leue peccatū perniciosius futurū, vix morū ra-
 tio habeatur: sola vel ipsius, vel maiorū merita at-
 tēdantur, tanquā pecunię dandę nō animarū ne-
 gotiū tractaretur. Quæret ex me aliquis, quā nam
 institutionē, quā doctrinæ rationē sufficere intel-
 liget Patronus, vt cōsciētix satisfaciāt suæ? Respō-
 debo breuiter ac vere, nūc tēporis magna ex par-
 te ea cura, & molestia liberatos esse patrōnos: si-
 quidē Episcopi sibi sumpserūt, neq; iniuria, vt sa-
 cerdotes ipsi designēt, ac destinēt: quib⁹ Patroni
 stipēdiū à maiorib⁹ præscriptū optima fide persol-
 uāt. Quod si hos, vel remissos, & negligētes nota-
 rint, vel imphos, & impuros, vel cupidos, ac rapa-
 ces, deniq; gregē Dñi lēdi grauiter insolētiā pasto-
 rū animaduernerint, p fide, quā suis debēt oportet

C. cùm ex ad Episcopos deferant, & quātum in ipsis situm
iniuncto. erit, ardentè agant, vt susceptis suis quam opti-
de Heret. mē consultum sit. Id cum sedulo prætiterint; si
docet id In tamen nihil profecerint, fidem suam hac in parte
nocent. 3. liberarunt: nec quæretur de manibus illorum
Ezech. 3. sanguis effusus, cuius antistites Principi pasto-
1. Pet. 5. rum, cum apparuerit, rationem reddent. Quot
 verò sacerdotes in Indorū oppidis habere oporteat, breuiter quidem dici potest, quot erunt necessarii fidei institutioni, sacramentorum administrationi, cæterorumque ecclesiasticorum functioni. Prouincialium vero synodorum, vbi de paræcijs agitur, canonibus definitum est, quot numero Indorum vnus sacerdos sufficere existimandus sit. Sequatur patronus Episcopi sui iudicium, si synodi decreta seruari vsquequaque non possunt. Quicquid verò paracho tribuendum erat, si abesse contingat, siue negligentia patroni id fiat, siue periuria ministrorum, siue Episcopi desidia, nihil interest: prorsus tantundem debet Indis restituere ad minimum vsque obolus. Neque potest illa summa cuiusuis iudicio in alios vsus conuerti, aut quouis prætexitu alio deflecti. Qua de re frustra sanè nonnulli dubitarunt. Nam præter edicta regia id diserte cauentia, ratio est aperta, quod pecunia illa ab Indis tanquam ex conditione persoluitur ad ministros Ecclesiasticos sibi necessarios sustentandos: hi cùm defuerint, quacunque ex causa defuerint, debet profectò horum stipèdium ad largitores redire ex integro. Quemadmodum cum

*In Concilio
 Limensi
 consti. 77.*

pro

pro negotio tuo curando homini pecuniam offeres, si nihil ille curauerit, siue culpate id, siue imculpate, certe pecuniam tuam iure repetes, neque te inuito ea pecunia auerti in alias causas potest. Igitur hæc certa, & sunt, & habentur. Illud non item, vtrum qui negligentia sua, crassaque culpa Indos sibi commissos, sine sacerdote, sine legitima doctrina tenuit, teneatur restituere tributa omnia per id temporis percepta, an vero factis sit, tantum reddere, quantum parochio datum erat. Qua de re alios audire mallet, quam ipse dicere. Verum non teneri omnia tributa restituere, magis mihi persuadeo, propterea quod tamen si doctrina Indorum, proventuum annuorum colligendorum præcipua causa sit, non tamen sola, vt supra explicatum est. Sed sunt alia quoque patronorum onera reipub. vtilia. quibus cum defuerint, non iniuste tributis aliqua ex parte fruuntur. Iam si quis vrgeat, quantum ergo, & quousque restituendum est? Nihil equidem certius afferre possum, quam vt visitorum, ac iudicum regiorum sententijs acquiescat, qui cum non soleant præter doctrinæ defectus, & damna alioqui Indis data, aliud præterea iubere restitui, idque mos habeat doctorum ac proborum hominum, aliquid insuper imperare, quamdiu res amplius explorata non est, minimè oportet. Quod si Indorum tam populosa ac frequens turba sit, vt sunt pleraque in prouincijs superioribus, manifestum vt sit vnum sacerdotem tot hominum curæ & doctrinæ nullo modo esse satis:

Cap. 11.

X ; neque

neq; tamē antistes admonitus plures mittat, vel quia nō habet in promptu, vel quia fortasse dissimulat, ita vt Patronus non sit in culpa, quæritur merito, an oporteat reddere Indis id, quod alteri sacerdoti, si adesset, erat attribuendum. Hic quoq; varia res est. Sed cum iuxta retentū morem, vel iuxta synodale decretum obseruatum, plures essent sacerdotes adhibendi, non dubito, quin redditurus sit Indis Patronus, quicquid de duorum stipendio, vel plurium subtractum sit, siue vitio id suo acciderit, siue secus. Nam vt dixi, pactiois ea lex est. Vbi verò neq; consuetudo, neq; synodi decretum, neq; præsulis vrget præceptum, etiam si plures ministros populi numerositas postulet, potest Episcopi sui iudicium sequi, si vnum satis esse ille responderit. Deniq; vsque dum ille statuatur pluribus esse opus, potest dato sibi ministro esse contentus. Namq; vt prius admonui hac parte sollicitudo præcipua ad Episcopos recidit, qui de Indorū rebus edocti Patronos molestia antiqua idoneos ministros quæritā diliberarunt. Hæc de præcipua cura Patronorū hoc est de spiritali ministerio erga iam Christianos Indos, attigisse sit satis.

Quid erga nondum baptizatos Indos Patronis liceat.

C A P. XIII.

ANtea verò quam ad politica officia progrediā, diluenda est dubitatio de cæteris infidelibus Indis, qui sorte cum Christianis eadem con-

cōiuncti sunt, quorum tanta est copia in prouincijs nonnullis, vt intra annum, aut non multo amplius in vna ad decem, & septem millia maioris ætatis baptizati referantur. Albi verò commendati Indi omnes, vel pene omnes idololatræ adhuc sunt, vt in Prouincia sanctæ Crucis. Magna ergo mihi quæstio esse videtur, An à talibus tributa quoque Christiani exigere queant, propterea quòd nondum sunt Ecclesiæ subiecti, ex cuius commissione ius omne nostris in barbaros esse diximus. Deinde quam nam ob rem pensiones eas nostri dignè percipiunt, siquidem nulla ijs sacramenta, nulla diuina officia communicant; Caterum consuetudo nihil videtur inter fideles, infidelesq; Indos discernere, quoad tributa reddenda. Omnes iisdem astringit legibus. Id igitur an liceat, & si olim dubitabam, imò verò improbabam, tamē re magis animaduersa, non adeo mihi persuadeo iniquum. Etenim Principi subditi hi quoque sunt, postea quam terra hæc in illius ditionem venit, siquidem istis non minus ius dicit, quam cæteris: ac proinde quemadmodum olim Paganis Christiani tributa pendebant, cum illi rerū potirētur, ita nunc temporis Christianis Pagani non iniuria persoluunt. Neq; enim modo de iure dominatus Indici disceptatur, sed pro confesso sumimus imperium hoc illi stare, qui imperat. Accedit ad hoc, quòd infideles Indi nullo modo Christi baptismum auersantur, quin & capiunt, & petunt: verum plerique in numero

328 DE PROCVRANDA INDORVM
catechumenorum siue ipſorum vicio, siue no-
ſtrorum negligentia tenentur. Cum ergo in ca-
techismi cura, hi quoque cum cæteris commu-
nicent, non immerito cum cæteris quoque mi-
nistis necessaria tribuunt. Siquidem Apostoli
Pauli præceptum est, Communicet autem is, qui
catechizatur ei, qui se catechizat in omnibus
bonis. Minimè verò ferendum esset, vt Christiani
Christianis, pagani pagani imperarent, cum-
que vnum eundemque populum hi, & illi con-
stituunt, non posset non exitiosissimum esse di-
scrimen eiusmodi. Quam ob rem præterquam
quòd his quoque ius dicere, atque hostueri perin-
de ac cæteros principis interest, proprie ac pecu-
liariter patronorum, parochorumque partes sunt,
cum istis quoque de salute æterna serid agere,
ad Euangelij gratiam vocare sedulo, de fide in-
struere, instructos moribus informare, volentes
& dignos vltro admittere ad Ecclesię gremium,
si grauiori periculo vrgeantur, salutari lauacro
succurrere, vt sanctorum Patrum decreta habent.
Denique nihil prætermittere, quod ad illos Chri-
sto lucrifaciendos pertineat, quod non charita-
tis tantum, sed officij sui propriam obligationem
agnoscant necesse est. Quod vsque adeo D. Gre-
gorius sentit, vt ad Ianuarium Episcopum scri-
bat his verbis. Rusticos, quos habet Ecclesia tua
nunc vsque in infidelitate remanere negligentia
fraternitatis vestrę permisit. Et quid vos admo-
neo, vt extraneos ad Deum adducatis, qui ve-
stros ab infidelitate corrigere negligitis? Vnde
necesse

Gal. 6.

*De consec.
d. 4. cap. Si
qui. & seq.*

*Lib. 3. epis.
26.*

neceſſe eſt vos per omnia in eorum conuerſio-
nem vigilare. Nam ſi cuiuſlibet Epiſcopi in Sar-
diniâ Inſula Paganum ruſticum inuenire potue-
ro, in eundem Epiſcopum fortiter vindicabo. Iâ
verò ſi ruſticus tantæ fuerit perfidiæ, & obſtina-
tionis inuentus, vt ad Deum venire minimè con-
ſentiat, tanto penſionis onere grauandus eſt, vt
ipſa exactionis ſuæ pœna compellatur ad rectitu-
dinem feſtinare. Ex qua ſanè tanti Patris autori-
tate, & diligentiam diſcimus conuerſioni infide-
lium adhibendam, & modum, ſi ſe duriores præ-
buerint ruſticitate magis animi, quam electione
rationis, cuiuſmodi barbari penè omnes ſunt, iu-
dicij vix ſententiam ſequentes, ſed impetu, aut
conſuetudine impulſi, vt hi certè ſeueritate qua-
dam ſalutari compellantur intrare. Penſionibus
vero grauandos cēſet beatus Pater, quas ſine in-
iuria poteſtas imponat. Nam ſi iniquæ eſſent,
nullo modo exaggerandas ille cenſeret. Atque
hæc quidem ad ſe dicta ſacerdotes accipere de-
bent. Patroni verò illa, quæ ad nobiles Sardinia
idem Pontifex ſcribit in hunc modum, Cognoui
penè omnes vos ruſticos in veſtris poſſeſſioni-
bus idololatriæ deditos habere, & valde de hac
re contriſtatus ſum, & poſt pauca, Vnde magni-
fici filij exhortor, vt omnicura, omnique ſollici-
tudine animarum veſtrarum zelum habere de-
beatis, & quas rationes omnipotenti Deo de ſub-
ſectis veſtris reddituri eſtis, aſpiciate. Ad hoc quip-
pe illi vobis commiſſi ſunt, quatenus, & ipſi ve-
ſtræ vtilitati valeant ad terrena deſeruire, & vos

23. q. 6. Iâ
verò.

lib. 3. Re-
giſt. ep. 23.

per vestram prouidentia eorū animabus ea, quæ sunt æterna, prospicere. Si igitur impendunt illi quod debent, vos eis cur nō solutis quod debetis? id est, vt assiduē illos magnitudo vestra comoneat, ab idololatriæ errore compescat, quatenus eis ad Fidem ductis omnipotentem Dominū erga se placabilem faciat. Hæc Gregorius; quibus & quid liceat accipere, & quid deceat reddere in fidelibus Indis sibi commissis, Patroni satis, quantum arbitror, edocentur. Illud obiter aduerti debet, quamuis non liceat per vim ad baptismum Christianamq; professionem compellere barbaros subditos, licere tamen imo expedire ab idolis collendis etiam inuitos reuocare, hoc est illorum simulacra, & fana demoliri, superstitiones diabolicas extrudere, quæ non solum Euangelij gratiam impediunt, verum etiam naturæ legem infestant, quam vt seruent, cōpelli infideles subditi sine vlla dubitatione possunt, id quod abūde declarant leges Constantini, Valētiniani, Theodosij, cæterorumq; Principū Christianorū, quas mirificè sancti Patres collaudarūt: neq; laudatores modo, sed impulsiores autoresq; se præstiterūt. Et re verā quāuis officij minus exhibeatur infidelibus Indis, tamē nō videtur satis cōsuli saluti eorū, si tributorū minus pendant, quā Christiani, vel hac enim de causa à baptismo percipiēdo deterrebuntur, si grauiora tunc sibi tributa imminere cognouerint, quæ potius imminui sanctus Gregorius vult, vt leuem Christi sarcinam, & iugum suaue libentius subeant,

*Cō. Eliber.
can. 41. iubentur*

*Christiani
infidelium
seruorū idola cōminuere, idē infiruat Aug.
ser. de Petro Centurionis.*

*De Paganis
& tēplis eorū. l. 1. c. 1.
Nemo. Niceph. lib.*

*7. cap. 46.
lege Amb.
li. 5. ep. 30.
cōtra relationē Symmachi. Aug. lib. 1. cōtra epi. Parmē. 6. 7. c. epi. 48. c. 50.*

De temporali prouidentia Patronorum in suos.

CAP. XIII.

EAdem quoque Indorum commendatione diligenter præscribitur Patronis, vt non solum in Fidei, ac salutis æternæ eruditione populi sibi commissi curam gerant, verum temporali præsidio in vitæ huius ærūnis quotiescūq; ope eorū indigeant, benigne adsint, intelligātq; se Neophytis datos esse parentū loco. Horū igitur rem politicam inuare debent, & ab iniurijs, vel hominum, vel temporū pro sua virili tueri. Itaq; vt Hispaniæ proceres sui municipij hominibus defensione, ac prouidentiam proprio iure debent, quo nomine ab illis tributa percipiūt, sic in his locis populis indorū sibi attributis Patroni singularis cuiusdā in otio æquē, ac negotio patrocinijs tenentur obnoxij, aut si id maius, quēadmodū familiæ suæ pater ipse familias consulere debet. Serio ergo illud sibi dictū cogitent de cliētibus suis, Discite benefacere, quærite iudicium, subuenite oppresso, iudicate pupillo, defendite viduā. Abdiā in alēdis famelicis, & è periculo eripiendis infantibus repræsentēt: aut egregiū honorū sibi diuinitus affluentium distributorem sanctum Iob imitentur, qui sua illa fortunata tempora memoria repetens, ait, Si negaui quod volebant pauperibus, & oculos viduæ expectare feci, si comedi bucellam meam solus, & non comedit pupillus ex ea, si despexi pereuntem, eo quod non habue-

Esai. 1.

3. Reg. 18.

Iob. 31.

332 DE PROCVRANDA INDORVM
habuerit indumentum, & absq; operimento pauperem. Hac beneficentia & fide si susceptis suis nostri consulerent, verè & nomini, & officio responderent suo, essetque non voce tantum, sed re ipsa horum institutio nouis Euangelij cultoribus conseruandis, & promouendis quam maxime accommodata.

Quam circumspectè onerosæ leges fortunis Indorum indicendæ. C A P. XV.

ENumerauimus hætenus omnes, vt reor, Patronorum functiones, institutionisq; huius causas, quas intuentes ijs, quas cernimus, legibus Principes hanc Indorum Remp. condiderunt. In alijs orbis regionibus, apud Orientales præsertim alias esse rationes neophytorum institutorum non ignoro: neq; verò disputo, an nostratia hæc longè illis inferiora sint, minusque ad salutem, quam quærimus, accommodata. Fuiſſet fortassis alia Reip. forma commodior, & ad Iesu Christi notitiam consequendam nouis gentibus multò iucundior. Quâquam vt dixi supra, quæ nostris barbaris incommoda acciderunt, hominum magis nequitia, quam administrationis vitio, referenda sunt. Quamuis enim rectè & sapienter constituta Resp. quamuis æquis legibus temperata, facile improborum temeritate violatur, cum sit nihil, quod non humana perversitas, si relinquatur sibi, cōuertat in peius. Viderint alij, quid cui præferendū sit. Nos ea omni collatione præ-

prætermiffa, præfentia, & nobis nota tractamus, illud fuperiorib⁹ adiiciêtes, caufas eas, quas retuli; noftris vt Indi cômiffi fint, oportere omnibus vtriusque fori, externi inquã, atq; interni iudicibus effe notiffimas. Quibus ex omnibus rectè fapienterque animaduertif poterunt profecto legiflatores ftatuere, quid tributi gens quæq; Indorum Pattonis fuis foluere debeat. Idque vt fine vitio, & errore decernant, perfpicient primum quantum, & quibus è rebus prouentuum commodè omnino poffit afferre, tum verò cum ratione metientur, impofito oneri, ac functioni exoluendæ fuæ, quantum Patronis afignare par erit, idq; ex æquitate, & prudentiã moderabuntur, vt non aliorum remiffio & indulgentia, aliorum, vt Apoftolus ait, fit tribulatio. Et facultatem *2. Cor. 8.* ergo Indorum, & præpofitorum operam, atque obligationes intuebitur fapiens Reip. moderator, vt tributa taxet, atq; conftituat. Quam fanè & facultatum, & gubernationis rationem fimul ineundam in cenfu imponendo, & vel augendo, vel relaxando Ariftoteles quoque ad Reip. confervandam incolumitatem valde commendat. Si quidem excedat, inquit (populus populi que gubernandi difficultas, vt ego interpretor) augeatur cenfus fecundum multiplicationem: fin verò deficiat, relaxetur, ac minor fiat cenfus taxatio. Quo fanè fpectaffe videntur nonnulli gubernatores noftri Iam verò ulterius progredi, & quantum ex vnoquoque viritim exigi oporteat, & vtrum homines tantum cenferi debeant, an etiam fortuna-

fortune, vt ditiores plustribuât, & quousq; nostrę
considerationis fines egreditur, legū prudentiæ
potius id vniuersum relinquendum. Nobis, quæ
causa sit iusta tributorū Indicorū, & ad quā re-
gulā debeant temperari, exposuisse satis est. Illud
tantum modo admonendum arbitror, tam grauē
esse hanc imponendi tributa prouinciam, vt nisi
multa accurataq; consultatione virorum pruden-
tium, & rerum peritorum, atq;, quod caput est, ab
omni cupiditatis specie alienorū res primū agite-
tur, agitataq; manifeste constet, quicquā decer-
nere, ac lege sancire valde temerariū sit. Si enim
ad priuatas de fundo, de domo, de legato contro-
uersias finiendas; solent homines non cōtenti vul-
garibus, Regios etiam senatus adire, & è sapiētis-
simorum iudicū suffragijs sententiam postulare,
quātō obsecro amplius, ac maius est, cū de totius
gentis perpetuo censu agitur, vbi vel leuissima
iusti, & æqui ignoratio damnum affert fortunis in-

In. 4. casu numerabilium hominū sempiternū? Quamobrē
bullæ Cœna seuerissimē simul atq; sanctissimē Romani Pōti-
Dñi. 1568. fices inter atrocissimos casus sedi Apostolicæ re-
Sylu. Excō. seruatos illum semper numerandum putarunt, cū
7. §. 54. Ga domini Christiani populorum sibi subditorum
bella. 3. §. ceruices, vel nouis pensionum oneribus premūt,
7. Naua. c. vel auctioribus cumulant. Quæ vel vnica res ne-
27. nu. 58. gotij magnitudinem copiose perspicueq; decla-
rat. Neq; enim esse potest Proregis, Præsidis ve, le-
ue, aut venia dignū erratū, vbi vel studio partiū,
vel rei cognoscendæ negligentia, vel proprii sen-
sus fiducia, in tanto negotio labitur.

Quia

Quidin confessionibus Patronorum audiendis sacer-
doti prouidendum. CAP. XVI.

AT vero de Principum legibus magistratuū-
 que sententijs censere non interest cetero-
 rum, quibus potius præceptum est, ne contra iu-
 dices iudicent, & vt pareant siue Regi quasi præ-
 cellenti, siue ducib⁹ ab eo missis. Certè Christus
 Dominus, neq; Cæsaris censum, neq; sacerdotū di-
 dragma reprehendendū, imminuendūve puta-
 uit: sed tū hoc soluit, tū illū reddendū docuit. Ne-
 que illius Apostolus tributorum ve & galium ve
 examen, sed redditionem integram imperauit.
 Quare vbi non est manifesta tributi impositi ini-
 quitas, & Præpositus tuta conscientia petit, & sub-
 ditus non tuta subtrahit. Itaque Sacerdotes dum
 vel Patronorum res concionibus versant, vel ho-
 rum confessiones audiunt, non debent nimij es-
 se censores, ne nihil agendo pacata perturbent,
 & sine vllō fructu quieta pectora extimulent:
 neque verò decet, quæ publica lege firmata
 sunt, priuata autoritate velle conuellere. Hoc vt
 dixi, vbi lex non apertè esset iniqua. In quo
 fortassis quidam zelo non secundum scientiam
 vtentes, dum nimium emungunt, iuxta vetus
 prouerbium eliciunt sanguinem. Habet hīc lo-
 cum illud antiqui sapientis, vt ne quid nimis.
 Quin potius sic à sacerdotibus Christi eiusmodi
 homines excipiēdi sunt, quemadmodū manipu-
 lares olim à Ioanne Baptista, quibus de sua salu-
 te quærentibus breuiter cū magna moderatione
 respon-

Ecc1. 8.

1. Pet. 2.

Matt. 22.

Matt. 17.

Rom. 13.

Didratmū

Cæsari sol.

ni vult Hie

ron. in Mat

thæum. At

Ambros. li.

1. epi 1. &

Hilari⁹, &

Chryso. &

Theoph. in

Matth. Sa-

cerdotibus

solui cen-

sent.

Prou. 30.

Luc. 3.

respondit, Neminem concutiatis, neq; calumniā faciatis, & contenti estote stipendijs vestris. Sed notanda sunt tamen conscientijs istorum tractandis præcepta nonnulla, in quibus quantum a rem de qua nunc agimus pertinet, frequentiores esse iniuriæ solent. Primum quamuis in taxationibus tributorum publica lege conscriptis, autoritati Principis acquiescere possit Patronus, nisi aperta fraus, aut iniuria, aut vis intercedat, neque de hac re nimium hædere, aut sollicitari debeat sacerdos, cui eiusmodi cura minimè incumbit, scire tamen, & hunc & illum oportet, si Indus aliqua ex causa peculiari non sit nisi magno suo detrimento soluendo, non posse tributum ab eo tutò exigi. Exemplis res fiet perspicua. Fortè accidit, vt anni inclementia agricola fruges, vel vitiatas, vel perexiguas collegerit: accidit, vt ægrotaret, vt vel tugurium ignis depastus sit, vel ouicula scabie interierint. Hic si Patronus rigide tributū exigat, & infelicem Indum, cuius tenuissima, & in diem tantum res est, conijciat in vincula, aut malè mulctatum dimittat, magnam facere iniuriam putandus est. Nam etiam si ex mutuo, aut permutatione ista ille deberet, tamen cum tanto suo damno soluere nemo æquus cogeret, cū Propheta seuerè increpet eiusmodi rigidos exactores, dicens, Percutitis pugno impiè, & omnes debitores vestros repetitis: Præterea verò, vt est supra definitum, tributum nullo modo debet nisi ex ijs, quæ habet, commodè habere potest, congruenti sibi familiæq; sustentatione seruata. Quæ si calu-

*In Cōc. Tu
ron. c. 49.*

Esai. 58.

si casu aliquo subtrahantur, neque premi molestè debet, neque in sequentes annos præsentì exactione onerari. In quare nonnulli nostri liberales se haberi volunt, quod ea remittant, quæ recuperare non possunt. Alij inhumana atrocique contentione servitutis genus edicunt, vt tam diu laborare cogantur, quoad ipsorum arbitrio sit satisfactum. Illi quidem non admodum admirandi, cum id faciant, quod necesse est, fiat: hi verò prorsus etiam detestandi, quod ius suum iniuriam aliorum putent. Atque hoc est, quod olim sanctus Papa Gregorius valde cum Augusta exposulat Corsicæ exactiones tam durè fieri, vt filios suos, Insulares vendere cogerentur, vt tributaperfoluerent. Ipse verò Dominus Israelis improbitatem execratur, pro eo quòd vendiderit pro argento iustum, & pauperem pro calceamento. Qui conterunt, inquit, super puluerem terræ capita pauperum, & viam humilium declinant. Talia à nostris agitata cum Indis non ignorant regionis Americæ experti. Id ergo totum iniquum est, & extremæ rapinæ non absimile. Quin potius quoties graui egestate & damno propter annonę caritatem, aut morbum quemuis grassantem, aut rei familiaris infortunia Indos premi patronus videt, debet omnino non illa charitatis tantum lege communi, sed propria susceptionis suæ ratione, subuenire, ac de suo tribuere. Hoc igitur ita habet. Alterum verò documentum est, permutationes patroni facere ne sinantur, à quibus lege prohibentur. Solent pro veste, exempli cau-

li. 4. epi. 33

Amos. 2.

338 DE PROVVRANDA INDORVM
sa, argentum, pro frumento vestem, pro radicibus
aliud aliquid, sæpe etiam ipsorum operas quære-
re, quod totum per iniquum experientia mōstra-
uit, lex interdixit. Et si enim pretium æquale vi-
dentur & petere, & capere, tamen reuera & sibi
vttiliora, & Indis grauiora moliantur. Hic ergo
etiam vigilet Sacerdos Domini. Tertium idemq;
valde ad rem pertinens sit, tum in exigendis tri-
butis, tum in persoluendis operis seruiijsque In-
dorum oportere fraudes, atq; imposturas vitare
eorum, qui inter Indos ipsosexcellunt, cæterisq;
præsumt, quos Curacas seu Caziques nomina-
mus. Horum quippe fraude, & violentia miseri
plerumque suo sudore frustrantur, sæpe multo
plura conferre coguntur, quam lex ratiove præci-
piat: cum sit subditorum tanta imbecillitas, tan-
ta plebis inualidæ trepidatio, vt ne mutire quidē
audeant contra suos illos satrapas, sed viui ac vi-
dentes pereant potius, quam illorum imperijs mi-
nimum obloquantur. Hanc tam præpotentem
tamq; diu expertam tyrannidem nostri suscepto-
res compescere certè deberent, atque eripere in-
opem de manu fortiorum, secus res habet: vtriq;
compositò fabulam agunt, istis illi sponte conui-
uent, illos isti patienter ferunt: vt simile quippiā
parēmīæ lupi, atq; vulpis agi videatur. Quod ma-
lum quam latè pateat, nemo non sentit qui res In-
dicas vel summis digitis attigit. Remedium verò
quale sperare liceat, ignoro, cum inde perniciēs
proficiscatur, vnde salus maximè petebatur. Sed
publica lege, vt eiusmodi sceleri, & dolo occur-
ratur,

ratur, caueri iam dicitur, hæcenus certè cautum esse videmus nihil. Vt cumque id habeat, peruestiget spiritualis medicus, an hoc quoque loco, vt solet virus infideat, aperiatque diligenter, ac ferro resecet, nec parcat igni, si opus sit, quippe cum in lethali profundoque vlcere, seueriora medicamenta tutiora sint. Ac nescio an hoc loco de magistratibus, sacerdotibusque vsurpem illud sancti Leonis, inferiorum ordinum culpas ad nullos magis esse referendas, quam ad desides negligentisque rectores, qui multam sæpè nutriunt pestilentiam, dum austeriorem dissimulant adhibere medicinam.

*Epi. 86. ad
Nicet. a. dis:
86. inferio
rum.*

De seruitio personali Indorum.

CAP. XVII.

SEQUITVR, vt de seruitio personali Indorum disseramus, seruitium personale solemus intelligere quicquid vtilitatis ex ipso hominum labore, operaque percipitur. Quo in loco, quoniam impeditior, asperiorque est, & si quis alius maxime necessarius, consistere aliquantulum oportebit. Atque in primis Indos non esse seruitute mulctatos, sed liberos prorsus, & sui iuris ex ijs, quæ in libro secundo disputata sunt, sumimus. Etenim, & publicæ leges, ita statuunt, & consuetudo diuturna, & ratio constans, ac certa, quòd qui nulla iniuria laceffunt

non possint reddi belli iure captiui. Nempe sermo nobis est nō de generali quadam subiectione, quam Aristoteles non admodum propriè vocat seruitutem naturālē, quamq; D. Ambrosius non natura introductam neque venditione comparatam, sed insipientiæ redditam dicit, ad Noē in Cham filium irreligiosum, maledictionem alludens : sed loquimur de civili legitima ac propria seruitute, quæ iure gentium victos victoribus subdit, quomodo solent definire philosophi seruum, quicquid est, domini esse. Liberi ergo isto modo Indi cum sint, operas illorum ac labores sua mercede frustrari iniquissimum est. Nam siue agrum tuum excolat, siue gregē pascat, siue domum ædificet, siue pabulum ac ligna comportet, siue onustus eat, siue literas cursor deferat, siue domi tui desidens ostia obseruet, denique quicquid operis agat, cuicunque vsui sit, dignus est operarius mercede sua, quam qui negat, sanguinis reus arguitur. Sic enim monet Spiritus sanctus in sapiente, Qui aufert in sudore panem, quasi qui occidit proximum suum, qui effundit sanguinem, & fraudem facit mercenario, fratres sunt. Et in lege Domini disertè positum, Nō morabitur opus mercenarij tui vsq; mane. Per Malachiam quoque se Dominus minatur testem vel locum in eos, qui calumniantur mercedem mercenariorum suorum. Neque mitiora Iacobus Apostolus, Ecce, inquit, merces operariorum vestrorum, qui messuerunt regiones vestras, quæ fraudata est à vobis, clamat : & clamor eorum in

aures

aures Domini sabbaoth introiuit. Terribilis sanè clamor, qui pro subducta mercede aures Dei aduersus potentes, & diuites interpellat. Quod si in alieno iumento onerando, vel a quo ferèdo pretium domino iustè rependitur, cur non iniquum valde existimetur hominis liberi corpus oneri laboriue addicere, neque quicquam tamen soluere pro opera collocata? Illud quoque vigilanter audiendum, quod sermo diuinus non eos culpat, qui mercedem penitus abnuunt, immane enim id atque inusitatum relinquendum putauit, sed eos nominatim perstringit, qui vel morantur vel imminuunt, vel quouis modo defraudant pretiū sudoris alieni. Ne mihi igitur obsoletum à te cibum porrectum commemorares, ne vestem annuā, ne agelli portiunculam illius vsibus relictam referas. Adest iustus arbiter Deus, qui se etiam te- *Mal. 3.*
stem pro paupere & quidem velocem pollicetur. Quæres, quæ nam æstimatio iusta sit, vt scrupulus omnistibi eximatur. Si lege præscriptum est pretium, vt in rebus plerisque est, ne alium quæras interpretè, quicquid de legitimo detrahis, rapina est. Si nulla lex est, communis æstimatio bonorum atque prudentium ponet modum, aut etiam vtriusque locantis inquam & conductis mutua pactio, dummodo dolus omnis, & vis absit. Quo toto genere multum ac sæpe peccant, & patroni Indorum, & prætores, & ipsi passim parochi, dum subditis pro rerum occasionibus multa imperant, nulla aut pauca persoluunt, qui neque à culpa eximi neque à satisfactione

342 DE PROVVRANDA INDORVM
excusari vlllo modo possunt. Neq; verò obsequē-
di facilitas, & prompta opera Indorum prætendi
debet, cum genus hominum timidum ob id tam
officiosum, atq; obsequens se se præbeat, quod ti-
meat sibi, atq; consulat, dumq; pœna liberetur,
pretium non audet repetere, id enim seruilis in-
genij est. Alioqui cum se possunt subducere ex
oculis, neque plagas timēt, egregiè fugitant ope-
ramque detrectant. Igitur cuius operæ cuius la-
bori Indorum mercedem suam esse reddendam
perspicuū est. Sed quoniam lege interdum præ-
scriptum est, vt certus Indorum numerus Patro-
no detur ad hoc illudvè negotium, vt ad pascēda
pecora, aut agrum excolendum, sementemvè fa-
ciendam, quod olim vsitatus erat, & nunc & tē-
poris in nonnullis locis sit, quarunt multi, an id
iniquum quoq; sit, quod videatur seruitium per-
sonale introduci contra modo definitā quæstio-
nem. Verum id sanè iniquum non est per se, cum
tributi loco accipitur. Nam quam essent aliàs pē-
sionem reddituri, vel argenti, vel vestis, vel cate-
rorum, tantumdem si remittatur Indis, pro ope-
ræ mercede redditum intelligitur. Vbi peruersi-
tas illa cauenda est, ne eiusmodi onera inæquali-
ter Indos premant, sed per sortes, vicesq; suas, tum
vt huic detrahatur de illius tributo, quod ipse ser-
uiuit, ac non huius sudoribus alius lucrum fa-
ciat. Itemq; illud prouidendum, ne ob eas ser-
uiendi vices sibi rebusque suis in necessarijs de-
sint. Quæ quidem omnia dictare facile est, perfi-
cere verò, aut infecta emendare per quam
diffi-

difficile. Libero homini mercedem reddi oportere pro opera ostensum est: vtrum verò liberam quoque esse oporteat illius operam, ac nullo modo cogi, à multis merito quæritur. Mouet enim non parum hinc, quod liber homo si cogitur, liber non est, atque adde qui ad opus inuitum trahit, non leuem facere videtur iniuriam, seruire enim est pati vim. Inde verò non parum quoque; vrget, quòd si barbarorum ingenio, & voluntati indulgendum est, nihil operis vnquam fiet, nihil negotij conficietur, quippe qui otio desideant, ac sibi etiam ipsis vix necessaria laborent: alios verò nisi vi aut metu perculsi, nihili faciant, Atque hoc loco non disputamus de ea coactione, quæ affertur cum ipsorum interest, vt cum sibi oppidum ædificare iubentur, aut templa extruere, aut fundos colere, cæteraque rei, vel publicæ, vel familiaris officia, est enim in aperto res, cum etiã ingenui omnes ad ista compellantur, cum militiæ pacisve negotia ita fieri exigunt. Magistratus cum ista & indicit, & vrget pro officij sui munere facere non dubitatur. At Respublic. hæc Indicana cum partim Europæis, partim Indicis hominibus constet coagmentataque sit, cumque sint multa, quæ nullo modo Hispani in his locis per se faciant, propterea quòd vel laboriosa, vel sordida ducunt, & vt quam maximè velint, non possunt tamen tanta perficere, quale est, humum effodere, rudera egerere, lateres cogere, onera baiulare, iumenta agere, cætera-

344 DE PROCVRANDA INDORVM
cæteraq; seruilis, quæ si desint, breui omnis ciuitas deleatur, necesse est: ad talia igitur si spõte sua barbari minimè ducantur, an liceat fasque sit per vim, metumue compellere, id prorsus in quæstionem vertitur. De qua re sunt, qui Indis vsq; adeo patrocinantur, seridò vt affirmant grauem ferre iniuriam, cum ad ista coguntur: Hispanosque vel sibi seruire, vt in Hispania sit, vel si ingenui omnes esse pergunt, eos neque vesci, neque bibere iubent, siquidem qui non laborat, ne manducare quidem eum Apostolus vult. At si dura ista omnia videntur, deserant, inquit, deserant quam cupiditate non vtilitate terram occuparunt, & ad patrias angustias reuertantur. Quorum etsi dictu apparet liberalis, atque honesta sententia, tamen factu tam est & difficilis, & absurda, vt nihil præterea. Nā vt demus ex Hispanis non paucos posse seruilis ista tractare, propterea quod natalis, educatioque non admodum abhorrent, & lucris spes potest fortassis excitare; tamē quota ista portio est hominum præ multitudine necessaria? Iubere autem vel ista cessare, vel nostrates ad sua remeare, quis non videt, quam sit fidei & religionis lumen extinguere? Quamobrem non est improbandum, quod ciuitates omnes institutum tenent, & seruant, vt Indorum ad ista necessaria multitudo deputetur, parereque, si nolit, cogatur, dummodo & conueniens, vt dixi supra, merces labori retribuat, & cum minimo lalutis fortunarumque suarum incommodo ab Indis ista exigantur, tum etiam inter ipsos iusta oneris

oneris vicissitudo seruetur, ne aliorum remissio, aliorum sit tribulatio, sed ex æqualitate, vt dixit Apostolus. Si tria hæc custodiantur, nihil hîc inesse iniuriæ, nihil querelæ, primum proborum ac sapientium hominum cōsensus persuadet: qui & nunc, & ex ipso initio ita Remp. hanc administrādā intellexerunt. Deinde ipsorum barbarorum consuetudo per antiqua ab ipsis Ingarum Regum exordijs ante Christianum nomen auditum multis sæculis cōseruata. Postremo ius naturæ hoc habet, vt ad totius corporis, familiæ, ciuitatisve cōseruationem necessariæ partes laborare iubeantur. Neque enim oculus calcare terram iubendus est, vel culinariam paterfamilias exercere. Vniuersa porrò Indorum, atq; Hispanorū multitudo vna eademq; Resp. habenda iā est, non duæ quædam inter se disunctæ, siquidē, & Rege, & lege vtuntur ijsdem vtriq;, & vtrisq; tribunal, & ius non aliud, atque aliud, sed idem certe. Quare quæ ab Indis nostris hominibus operæ impenduntur, non exteris & alienis collocari putandę sunt, quod fortassis fallit nonnullos, sed suis potius ciuibus: quoniam & si testa ferro male cohæret iuxta Propheticum vaticinium, tamen eosdem statuæ huius pedes ambo componūt. Itaq; mirandū nō est, si testa ferro prematur interdum, illud potius optandum, ne penitus cōminuatur, ac dissipetur. Deniq; Aristoteles magnus ciuitatis instructor, toto suo primo Polytico, aut nihil agit, aut hoc certē obtinet, vt secūdam naturam in Repub. quidam seruiant, qui labori

idonei sunt, quidam imperēt, qui ratione potius
 præstāt, dummodo alijs alij adiumento sint, ocu-
 losq; alter ad videndum, pedes alter ad ambulā-
 dum mutuet. Quæ si vera sunt, manifestū est non
 esse ab æquitate alienum, quodd publica diuerso-
 ria per vices suas, quas mitas ipsi dicunt, Indi &
 incolere, & viatoribus necessaria præbere pretio
 dato iubentur, quod ex veteri Ingarum discipli-
 na nostri accepere, vt alia pleraque plena prudē-
 tiæ. Neque verò improbandum, quod mercena-
 rij conducticij certo die, & loco adesse Magistra-
 tum decreto solent, quodq; publicis operibus,
 vt pontibus reficiendis, vijs expediendis, alijsque
 id genus distinentur. Neque illud vituperandum
 quodd peculiare ob causas ad domestica ministe-
 ria quibusdam locis attribuuntur, vt in xenodo-
 chijs, in religiosis domibus, tum etiam publicorū
 nobiliumve hominum, aut contra grauiter affe-
 ctorum, & indigentium seruitijs suo ordine, & ra-
 tione assignantur. Abusio tamen illa amputanda
 est, & pro iniqua ducenda, cum in eiusmodi mi-
 nistros (sic enim vocitant) siue mercenarios iustum
 pretium imminutum est, vel maiora, quam vires
 ferant, imperantur, vel diutius retinentur quam
 proratione præscripta, quæ iniuriosa sunt om-
 nia, & ex improbitate hominum potius quam
 ex vllō vero iure profecta. Neque bona vnquam
 fide ista vsurpata sunt, sed magna, vel tempo-
 ris, vel hominum corruptione. At personalia
 seruitia quæ diximus, publica autoritate in-
 ducta sunt. Priuata verò an fas sit aliquando
 bar-

barbaros nolentes ad opera opportuna cōpelle-
re, non tam dubitare videntur multi, quam ip-
so sño facto dubitandum afferunt. Deprehen-
sus, vt tritissimo vtat exemplo, in media via His-
panus, cibi indiget sibi, pabuli iumento, aut etiā
sarcinulis vectandis iumentum quoque. Orat In-
dum vt sibi subueniat, explicat causam, pre-
tium offert, nihil ille mouetur, neque prece, neq;
pretio, neq; verò flocci facit, vtrum viam ille cō-
ficiat necne, imo ne si intereat quidem. Hīc fa-
cti nulla esse solet quæstio. Nam dicto citius In-
dus capillistrahitur, calcibus tunditur: sedulo sta-
tim, atque copiose cuncta administrat, adeo vt
plerique iactent nostratium, persuasum Indis esse
à suo Zupaio, idest diabolo, nihil vt Christianis
sponte impertiant, sed per vim omnino, & iniu-
riam. Quæ quanquam militum licentiæ, & rapi-
næ fabula opportunè inducta est, tamen res ipsa
non admodum abhorrere videtur à vero. Etenim
qui barbarorum confessiones pro veteri super-
stitione idolorum sacrifici hodie quoque au-
diunt, feruntur grauissimas pœnas ei iniunge-
re, qui se se aliquid Christiano profuisse confes-
sus sit. Neque mirum est eo vsque progredi ho-
stis antiqui in Christianos odium, in suos quibus
potest modis trās fūsum. Sed redeo ad rem. Cum
eiusmodi angustia incidunt aut ijs similes, quod
in his regionibus percrebrum est, quid Deū timē
mētiviro agēdū sit, dicā, vt sentio. Primū si potest
pactione transigi, id multo prius ac melius. Vbi
nō potest, si cōmodē cōueniri potest magistratus
ali-

aliquis, qui publica autoritate cogat, adeundus est. Hic quoq; si desit, vt deest persape, ac negotij grauitas vrget, nihil aliud præcipi potest, neque breuius, neque planius, quam vt leges necessitatis obserues, quæ tibi necessaria sunt quærens cum quam minimo proximi detrimento. Honestæ certè aliqua vis, atq; compulsio afferri potest, & terroris quædam significatio, tanquam puero alicui iusta, & comoda contemnenti. Quare multum plerumque iusti, & æqui limites transiuntur. Quorsum enim verbera, si verba sunt satis? quorsum plagæ, si vel metus incussus hominem subigit? Iam verò an onera baiulanda Indis imponere crimen sit, multi quærent. Nam prima illa tempestate Hispanorum has regiones peragrantium, magnam esse hominum factam iacturam propter eius generis duras molestias non dubium est. Quamobrem & olim sæpe, & nuper demum lege lata Indi onusti iter carpere prohibentur. Tamen consuetudo omnium propemodum secus habet, tum harum regionum incredibilis incommoditas, & penuria id veluti suo iure deposcit. Sanè Indos onerari onustosque incedere per se quidem, neque iniquum est, neque perniciosum, cum ab antiquissimis annis, ita assuesciti sint, fueritque solenne toto tempore Ingarum imo verò hodie quoque se suis sarcinulis ipsi onerent, quæ sæpe non leuius pondus habent, quam quod à nostris imponitur. Neque habet ea res plus miraculi, aut violentiæ, quam quod in Europa baiuli onera etiam grandia dato pretio quouis

vnde

unde vis, portant. Quamobrem si & onus moderatum est, & via non longior æquo, & pretium non iusto minus, nihil res ipsa peruersi habet. Vtrum verò expediat necne Reip. ista vel prohibere, vel sinere, non nostri arbitrij est decernere. Lex verò quatenus obliget consuetudine contra obtinente, nihil habet hinc propriæ difficultatis, sed commune est cum alijs plerisque. Certè ut est culpanda, vel detestanda potius veteranorum quorundam immanitas fœdissimè barbarorum ceruicibus abutentium, ita etiam quorundam delicata nimis hoc tēpore trepidatio est improbanda, qui non vident, non solum cōsuetum vnicuiq; non esse molestum, verum etiam iucundū, putantq; omnium sensus, & animos ex suis esse metiendos. Integrum æstiuum diem metendis rugibus insudabit rusticanus, aut aratro ducendo, qui si quartam horæ partem vtrumque genui figere iubeatur, necem sibi prælagiet certam. Est suus vnicuique iucundus labor. Itaque gentes Indorum apud nos baiulandis oneribus perassuetæ, si æquo plus non vrgeantur, neq; iniuriæ, neque incommodi quicquam subeunt, cetera, vt dixi, moderata sint, pōdere, labore, pretio.

De metallorum operatione.

CAP. XVIII.

AT illud durissimum videtur imperium, cum metallis effodiendis mancipātur, quod vsq; deo ærūnosum & graue à priscis est iudicatum,

vt

vt quemadmodum nunc ad triremes damnantur
 propter insolentia crimina homines facinorosi
 ita olim ad fodienda metalla damnarentur, quo
 capitali supplicio proximum erat. Ad id ergo ho
 mines liberos nihil mali committos adigere, in
 humanum, atq; iniquum valde videtur. Deinde
 compertum est eo in labore multos absumi, ve
 fatigatione fractos, vel discrimine extinctos. Ho
 ror est dicere, quæ mineralium intra ipsa abditis
 sima telluris viscera delitescētium facies sit, qua
 vorago, vt verè tartarus ipse patere videatur, ne
 que ineptè Poëtæ olim gazas apud Plutonē re
 conditas fabulatisint. Chrysostomus sui tempo
 ris laborem hominum in extrahendo metallo m
 ratur, narratque eloquenter, verum illa omni
 præ nostris fumus, & vmbra sunt. Perpetua atq;
 horrenda nox, aër crassus & subterraneus, descen
 sus prolixus & perdifficilis, cum durissima rup
 sæua contentio, statio periculosa, siuestigium nu
 tet, actum est, humeris vectatio permolesta, pe
 gradus obliquos, & male herentes ascensio, cete
 raq; etiam cogitatu graua. Ad hæc cum argent
 venæ in præruptis plerūq;, & inaccessis rupibu
 sitæ sint, terraq; inhabitabili, vt curentur, à patri
 extorres veniunt, solum aëremque mutantes, fa
 cillimè valetudine afficiuntur. Quid verò vbi ar
 genti viui effodiendi labor est, cuius vel tenuissi
 mus halitus, cum igne circūclusum exhalatur
 præsentem necem affert? Quid de gemmis expli
 candis dicam? In oppido Rio de la hacha, vo
 cato cum essem, comperi duram Indorum ser
 uitudinem

uitutem extrahendis conchilijs, summo mane in
 ratem imponebantur, in pelagus descendebāt
 magnæ sæpe profunditatis, vbi integrū penē ho-
 ræ dimidium halitu compresso vrinatorum mo-
 re, conchilia, ostreaq; conquirent immenso la-
 bore, summo periculo, cibis semper parcissimus:
 commercium omne interdictū: custodia omni-
 bus nocturna communis: vitæ ratio molesta, ac
 liberis hominibus prorsus aduersa. Hæc diu
 actitata, serò tandem animaduersione digna emē
 data sunt, sed sunt tandem Rege catholico id se-
 mel, ac bis, ac tertio inquirente, & agente. Itaq;
 Indi omnes liberi declarati sunt, & ab eo labore
 cessare iussi: quicūq; superstites tā diuturno labo-
 ri reperti sunt. Ad eundē ergo modum, & metal-
 lorū effodiendorū non admodū dissimiles ærum-
 næ sisti debere nō paucis videntur. Habent enim
 eū iniuriam contra libertatem Indorum, quod
 seruire cogantur alieno lucro cum tanto suo in-
 commodo patria sæpe liberisque desertis: tum
 vero exitiale periculum, cum cæli mutatione, la-
 boris molestia, rei ipsius discrimine impendere
 videatur interitus. At si metalla curari desierint, si
 argentū è venis nō eruatur subuersis à radicibus
 montib⁹, vt est apud S. Iob, si aurū ex fluuiorū obi- *Iob. 28.*
 cibus nō cogatur, mineraliaq; cætera negligātur,
 dictū est, Indorū negotiū & Resp. interijt. Neque
 alios fructus Hispani tāto Oceani circuitu qua-
 rūt, neq; alia ex causa, vel mercatores negotiātur,
 vel iudices præsident, vel ipsi quoq; sacerdotes
 plerūq; Euāgelizāt. Argentum aurumq; si desit
 &

& ſe ſubducatur ex oculis, omnis frequentia, omnis
 com meatio, omnis ciuilis & ſacerdotalis concu-
 ſus breui euaneſcet. Inſulæ Hiſpanica & Cuba, &
 ſancti Ioānis, olim quidē frequentiffimæ dū aurum
 materia circumfluere, nūc penē deſertę & hor-
 ridę, poſtquam indigenarum penuria pretioſiſſi-
 ma metalla, quę illic abundant, elaborari non
 poſſunt. In omni hoc nouo orbe eas prouincias
 doctrina maximē florere cernimus, quas opibus
 quoque præſtare conſtat, vt ad hoc commune
 emporium omnes vndique confluere videantur.
 Equidem neſcio vtrum potius faciam, querarne
 noſtrorum temporum calamitatem, & charitatē
 refrigeſcentem, fidemq; raro in quoquam inue-
 tam iuxta Domini verbum, tot animarum millia
 vt Chriſto lucrifiant, non ſatis merces videri dig-
 nas, quę noſtrorum animos excitent, auri argen-
 tique cupiditatem longē plus valere apud nos, vt
 iſta ſi deſint, animarum ſalus pro nihilo fiat? An
 verò Dei bonitatem, ſummamq; prouidentiam
 admirer, qui pro noſtrorum hominum ingenio,
 vt gentes adeo remotas, & barbaras Euangelio
 adiungeret, aurum argentumq; his terris tam
 copioſe donauit, hiſque veluti illexit noſtrorum
 cupiditatem, vt ſi charitas non inuitaret anima-
 rum, auri ſaltem cupiditas inefcicaret? Et quemad-
 modum olim incredulitas Iſraēlis ſalus fuit gen-
 tium, ita nunc Chriſtianorum auaritia Indorum
 vocatio facta eſt. Quid enim? ſiue per veritatem
 ſiue per occaſionem Chriſtus annuntietur? ſed
 in hoc gaudeo, ſed & gaudebo, ait magnus Apo-
 ſtolus.

Luc. 18.

Rom. 11.

Phil. 1.

stolus. Occasiones namque benefaciendi etiam Deus captat. Prima Euangelij diffusio ex trepidatione, & fuga discipulorum ob Hierosolymitanam tempestatem nata est, Apostolis solis vel penè solis Hierosolymis persistentibus. Populus Israeliticus ob iram Dei sibi commeritam intergentes dissipatus est, quibus magna ex parte saluti fuit. Itaque & populo suo iram, & alieno misericordiam eodem facto Deus impendit. Merito Paulus compellat, cum ad ista venit, altitudinem diuitiarum sapientiæ, & scientiæ Dei. Itaque quis non diuini consilij arcanum suspiciat, atque admiretur, qui aurum argentumque omnium mortalium perniciem salutem voluerit esse Indorum? Quamobrem quæ sine Dei offensa, & fratrum iniuria adhiberi consilia possunt, ut ista neque intercidant, neque imminuantur, ea à sapiente & religioso Reipub. administratore negligenda non sunt. Et quoniam graui maturaque Theologorum, iurisque prudentium cōsultatio non ita pridem totum hoc de mineralibus per Indos elaborandis negotium tractatum est, extantque leges prouinciales scriptæ, quo ordine, quaque moderatione metalla eruantur, ut saluti commodique Indorum prospectum sit, nō mihi videor tantorum virorum sententiam improbare, multoque minus leges alias debere præscribere, quibus tam aspera Indorum conditio temperetur. Tantum capita repetenda sunt, breuiterque ponenda, quibus eius rei facultas constringatur. Primū igitur doctrinæ spiritualis ministri

*Act. 8.**Deut. 28.**Hiere. 9.**Tob. 13.**Rom. 11.*

354 DE PROCVRANDA INDORVM
in his, qui metalla operantur, ne desint, vt sine
qui missas celebrent, qui in fidei rudimentis eru-
diant, qui morituros confessione excipiant, cetera-
raq; necessaria administrent. Deinde vt valetu-
dini consulatur, ne aut contrario valde cœlo vten-
tes traducantur, aut è longo valde tractu euo-
centur, aut laboribus immodicis opprimantur.
Mox, vt fortunis quoque suis non pessimè cōsul-
sentiant, sed pretio iusto tam molestus eorum la-
bor compensetur, sinanturq; lucella sua interim
quærere. Adhæc vt & valentibus opportuna ali-
menta suppeditentur, & ægrotantibus solatia
necessaria non desint. Ad vltimum vt labor ipsi
distribuaturs commode per vices suas, ne diutius
contra voluntatem suam à patria abesse cogantur,
neue vna prouincia semper oneretur, alia
semper in otio degat. Quas condiciones si, vt pa-
est, legitime seruauerint nostri, quemadmodum
a viris sapientibus enucleatè propositæ sunt, vi-
dentur tolerandi, ne commercio finito, cura quo-
que Euangelij concidat: at si negligantur hæc, &
acerbius cum Indis tanquam cum mancipij
agatur, viderint ipsi, quas Patri pauperum & iu-
dici orphanorum rationes reddituri sint.

Psal. 67.

*Quibus modis salus Indorum per secula
res ministros procurari possit.*

C A P. XIX.

Quoniam humanam ac ciuilem administra-
tionem Indorum hoc libro explicandam
fulce

suscepimus, & quibus ex causis & qualibus
 conditionibus tum Patroni tum Magistratus
 obstringantur, utcumque licuit, exposuimus, su-
 perest, ut dicamus quæ maximè ad eum finem
 facere videbuntur. Neque nunc tamen expe-
 ctandum est, ut de optima Republ. differamus,
 legumue ferendarum rationem, cæteraque re-
 etricis artis persequamur, quæ neque facultatis
 sunt nostræ, neque si maximè forent, ad præ-
 sens institutum pertinerent. Tantum quæ pro-
 posito negotio, id est, ut Euangelicam salutem
 barbari consequantur, propius inseruiunt, ea
 attingenda sunt. Quorum caput est omnium,
 quod quidam rerum Indicarum egregius æsti-
 mator dixit, in barbaris prius esse curandum,
 ut homines esse discant, deinde ut Christia-
 ni, quod tanti ponderis est, ut inde vel sa-
 lus certa, vel certa perniciēs expectanda sit.
 Etenim feritatem inter nationes barbaras
 plurimum reperiri Aristoteles recte mo-
 nuit, quam non minus rectè definiuit, vi-
 tium esse adeo exuberans, ut hominem fe-
 ram potius efficiat. Tales vero habitus, et-
 si ille regionum extremo vel æstui vel fri-
 gori non falso alicubi ascripsit, tamen &
 frequentius, & certius est consuetudine ma-
 ximè fieri, quod & alias docuit, & satis nos
 admonet huius Indici cœli mira temperies.
 Hos igitur syluestres, ferinosque homines
 ad humanitatem traducere, urbanisque in-
 stitutis accommodare prima debet esse cura

7. Eth. c. 4.

2. Mag. mo

1. al. c. 5.

Sect. 16.

Probl. 1.

7. Eth. c. 5.

356 DE PROVVRANDA INDORVM
moderatoris. Frustra diuina & cœlestia docebis,
quem ne humana quidē capere, aut curare per-
spicias. Prodest in ea re plurimum nostrorum ho-
minum consuetudo, prodest cultus omnis exter-
nus, atque obseruantia maiorum, profunt con-
uentus certis, & diebus, & locis, pœnæq; & con-
tumeliæ irrogatæ negligentia; honor, & præ-
mia rectè factis proposita: ex ipsis, qui elegan-
tiores sunt, ceterorum magistros, censoresq; con-
stituere. Ordo verò quidam tum oppidorum, tū
domiciliorum, vt non veluti cuniculi fortuitas
sedes eligant, tum verò vt in conspectu, eorum
omnis actio sit, neque latebras petere sinantur.
Ad hæc permixta illa ac sine vilo delectu spur-
ca habitatio, vbi simul & maritus, & vxor, & fi-
lius, & filia, & frater, & hospes, & canis ipse atq;
sus cubat, accuratè auertenda est, quantum lice-
bit, quæ causa est nullius pudoris, nullius pater-
næ reuerentiæ, generis quoque, imo & sexus cō-
tempti equinæ cuiusdā libidinis in obuia quæ-
que sine vilo pudore grassantis. Quæ tamē neq;
breui omnia exigenda sunt, neque desperāda vel
ferd. Videmus certè non parum esse perfectum,
vbi nonnulla cura moderatoris effulsit, quæ si
cōfirmata, vigilansq; fuerit, non dubium, quin
alium hominum statum efficiat. Vnus M. Fran-
ciscus Xabier, isque nulla ciuili potestate muni-
tus, Insulam Mori fertur ex immanissima feritate
ad miram mansuetudinem traduxisse, neq; adeo
longo tempore. Quæ vero antiquorum inute-
facta consuetudine occalluisse videntur, vt in
meliozem

Lib. 4. de vi-
ta Ignatij.

melio rem formã transferri nequeant; maioribus
sua amantibus, peregrina penitus respicientibus,
ea minorum, id est, puerilis, iuuenilisque ætatis
accurata institutione emendanda sunt. Cui vni
rei omni studio incumbere oportet rectores, si
modo res Indorum aliqua ex parte curant. Iuuen
tutis, quæ ieceris fundamenta, eam tu perpetuo
structuram reliquæ ætatis exilima. Quamobrem
non est quorundam contemnenda sententia, qui
scholas, Ecclesiæ rudimenta, domicilia quoq; &
tempore procedente collegia mobilium maxime
Indorũ Hispanos viros maxime integros, & pro
batos curare debere censent, vbi à suorum con
suetudine, quoad liceat, remoti mores nostros,
sermonemque perdiscant, qui possint mox suis
esse idonei præceptores. Quæ sanè sententia
quamquam difficultates non paucas habet, ta
men, vt minus prospere cedat, non poterit profe
cto non & plures, & maiores vtilitates afferre.
Iam illud maximi faciendum est, vt ab Indorum
populis desidia, atq; otium diligentius ampute
tur, cui & naturaliter dediti sunt, & vita sensuq;
omni torpescunt, vitijs quoque impuris non pa
rum capti. De qua re quoniã quæ satis esse puto,
supra insinuata sunt, faciemus ad reliqua gradu.

De ebrietatis malo barbaris familiari.

C A P. XX.

INter omnes verò barbarorum morbos, qui
bus leuandis atque tollendis inuigilare debet

Z 3

Chri-

Christiani rectoris prouidentia, nullus aut communior, aut perniciosior, aut etiam ad curandum difficilior ebriositate. Qui res noui orbis optimè callent, negant posse promoueri quicquam in religione, ac ne in qualicunque quidem institutione politica, nisi malum hoc latissimè fœuiens ab Indorum finibus exterminetur. Ac profecto mirabile est in tot tam vasti orbis nationibus repertis, cum nullus vini vsus, nulla penitus notitia extiterit, temulentia tamen usque adeo vitium omnibus esse commune, ut pro raro miraculo sit, si qui sobrietatem non odio, & ignominia prosequantur, id quod de Tucumanis, & quibusdam alijs sanè paucis accepimus, nescio an falso. Quanquam vnum illud ebrietas malum incredibile est dictu, quot artibus, quam varijs, quam exquisitis procuretur. Ex oryza Æthiopas, & Sinas expresso quodam ac de cocto humore ebrias sibi temperare potiones vulgare est, Nostri indigenæ plerique ex fruge sua præmansa fermentum aquæ immergunt atq; excoquunt, alij putrefacta potius vtuntur, vnde Sora ab ipsis dicta efficitur, quouis falerno potentior. Quidam ex ramulis quibusdam arborum decerptis sua vina cōficiunt. Alibi ex palmulis expressus liquor ebrietas mire efficax, quem & veteribus in vsu fuisse scribit Chrysostomus. Insulani nonnulli serui saccareum succum quil usdam medicamenti ita inficiunt, ut vehementissima potio euadat, quam illi Guarapum nominant. Verum quid attinet innumerabiles temulentia

species

*Homil. in
6. s. Esai.*

species referre, vt quod in vna vite natura latere
 voluit, id peruersa ars ad tā multa trāstulerit? Sed
 neq; nouum hoc est, neq; nostrorum barbarorū *Lib. 14. c.*
 propriū. Scribit Plinius grauis autor fuisse Occi- *22.*
 dentis populis suā ebrietatē fruge madida, Pluri-
 busq; modis, inquit, per Gallias, Hispaniasq; no-
 minib⁹ alijs sed ratione eadē. Hispaniē iā & vetu-
 statē ferre ea genera docuerunt (id est, instar vini
 diu in cellarijs asseruari) Ægyptus quoq; sibi po-
 tus similes excogitauit. Nullaque in parte mūdi
 cessat ebrietas. Hæc Plinius. Quo minus nostris
 barbaris irascendū est, quod vitis inopiā fruge cō-
 pensant, suaq; inde vina cōficiunt, cū & veterum
 ista fuerint, & hōdie quoque non dissimilia Cā-
 tabri in Hispania ex pomis facitunt, & Belgæ ex
 hōrdeo exprimant. Quæ omnia potionum ge-
 nera Siceræ nomine apud Hebræos comprehen-
 di Hieronymus docet. Cum verò cibis vtan-
 tur Indi ferè vilissimis, & parcissimis, atq; inglu-
 uiem maxima ex parte ignorent, perpotādi tamē
 nullus est finis, nullus omnino modus. Ac mihi
 tā prodigiosę bibacitatis causam aliquādo requi-
 renti ea occurrit in primis, quā Plinius eodē loco
 insinuauit. Nāq; & hæc necessitas vitiū comita-
 tur, vt bibēdi cōsuetudo augeat auiditatē, scitūq;
 est, Scytharū legati Quāto plus biberint, tanto
 plus sitire Parthos. Perinde est enim vinolentiā
 bibendo velle sedare, atq; ignē materia appōsita
 pergere extinguere. Nā quod naturę appetitioni
 datur, moderatum est; at vitiosa, & præter naturā
 libido nullo expletur, vt præclare Aristoteles de

*In epist. ad
 Gal. c. 5.*

*Hom. 29.
in Genes.*

Esaï. 5.

pecuniæ auiditate dixit. Id etiam Chrysostomus bene admonuit ebrietati vacantes nunquam satisfari, sed quantum ingurgitant, tantum siti flagrate, ita vt inflammatio quædã eis sit vini vsus. Æstuât enim vino ebrij, vt nos legimus in Esaia, siue vinum comburit eos, vt alij significantius legunt. Mihi verò præterea non solum delectatio ipsa potãdi ab ebrijs quæri videtur, sed illa quoque longè iucundissima esse, quæ est summa infelicitas, mentis emotio. Sensus illam caliginem, & noctem offusam cerebro, dulcem sibi reuera esse ipsi barbari iactant, & rebus ipsis copiose probant, cum potionibus interdum vtantur perquam acerbis, interdum ne potionem quidem ullam adhibeant, sed succo pigmentisue naribus resumptis, in quo nulla esse potest saporis voluptas, ebrietatem accersant. Nam in quadam insula cum nauigationis commoditatem expectarem, didici ex Tabaco contuso (genus id herbæ est ad permouendum cerebrum mire efficax) seruos Æthyopicos naribus exorbere vim solitos, grauemque sibi ac diurnam inde temulentiam excitantes, pro magnis delicijs ducere, vt vix minis plagisq; ab ea consuetudine auelli possent. Verum præcipua causâ tam effusarum compotationû, tamq; ardentis studij, Diaboli prorsus ars est, qui nescio quibus præstigijs insanos homines noctes diesque bibendo consumere pro summa felicitate, pro maxima religione persuasit. De his planè loquitur sapiens cum idololatrarum mores explicat, Tot & tam magna mala pacem

pacem appellant. Aut enim filios suos sacrificantes, aut obscura sacrificia facientes, aut insaniam plenas vigiliās habentes, neq; vitam, neque nuptias mundas iam cōstituunt, & cætera. Qui symposia barbarorum, & bibendi canendiq; vicissitudines, turbulentasque illas pernoctationes cōspexerit, non potuisse melius significari dicet, quā per vigiliās insaniam plenas. Eam quoque antiquorum fuisse superstitionem, vt Deos suos effusa perpotandi licentia celebrarent, nocturnasque cantiones, ac saltationes libidinis furorisque plenas multo mero dedicarent, Philonis libri attestantur, Græcis pariter, atque Barbaris mira contentione certantibus, vris potius ebrietatis palma concederet. Hinc Pœanes, hinc Orgia, cæteraque impudentia omnis Deorum cultibus attributa. Quo etiam exemplo Balthasaris conuiuæ temulenti simul bibebāt vinum, simul Deos suos laudabant aureos, argenteos, æreos, ferreos, ligneos, atque lapideos, vt scriptura commemorat. Quare ebrietatis malum non simplex quoddam hominis vitium, sed vniuersæ Reip. pestem existimare debemus, quæ & numero, & diuturnitate vires sibi maximas compararit.

Quæ mala ex ebrietate oriantur.

CAP. XXI.

S Atis quidem ad fugiendam, detestandamque ebrietatem esse debebat, quod inter ea opera ab Apostolo numeretur, quæ qui agunt, regnū

Z 5

Dei

Sap. 14.

De vita contemplat.

Dan. 5.

Gal. 5.

1. Cor. 8.

Dei non possidebunt, qui etiam tanquam venenatam ebriosorum mensam vitandam docet. Quamquam ebrietatis verbo cum copiosam quandam saturitatem scriptura significat, non necesse est

1. Cor. 5.

Homil. 29.

in Gen.

Gen. 43.

Pron. 11.

crimen accipere, quemadmodum adnotavit etiam Sanctus Chrysostomus, ut cum Ioseph cum fratribus inebriatum legimus, & apud Salomonem, Qui benedicit, impinguabitur, & inebrians, ipse quoque inebriabitur, quod in bonum accipiendum esse, non est dubium. At ubi vera temulentia & ebrietas est, ibi crimen esse dubitare non licet Christiano. Satis ergo mala est ebrietas ipsa per se, quæ excludit à regno Dei. Sed sunt longè grauiora, quæ ab ea mala proficiuntur.

Chrysos. in

c. 5. Esai.

Verè enim à sanctis Patribus innumerabilium malorum fons perhibetur. Qua de re extat Magni Basilij elegans sanè, & copiosa oratio, cuius sententias excribere, ut sæpe solet, videtur Ambrosius in libro de ieiunio, & He-

Cœc. Tarō.

c. 48.

Scot. 3. pro

ble. 5. lib.

14. c. 22.

Hom. 1. ad

Pap. Ant.

lia. Tribus ergo, ut compendio dicam, nocet vehementer ebrietas, Corpori, Moribus, Fidei. Aristoteles, & morbos, & causas persequitur in Problematis, Plinius in naturali historia. Ex nostris os aureum Ioannes ad suos Antiochenos, Non pauciores sed multo plures, & difficiliores animi, & corporis morbos immoderata vini parit potatio, passionum bellum, absurdarum hyemem cogitationum menti introducens, & corporis vim molliorem, & solubiliorem efficiens. Non enim ita terrę natura vexata aquarum superabundantia continuè dissoluitur, ut corpo-

corporis vis mollescit, & diffluit, & exilis redditur, vini potu continuo ingurgitata. Cui Ambrosius concinit, Hinc phrenesis periculosa, hinc calculi grauis pœna, hinc exitialis cruditas, & reliquæ. Neq; tacuit ista sapiens, Sed quàm sufficiens est, inquit, homini erudito vinum exiguum, & in dormiendo non laborabis ab illo, & non senties doloré. Vigilia & cholera, & tortura viro infrunito, somnus sanitatis in homine parco, &c. Quæ cum ita sint, verissima eorum mihi sententia visa est, qui immaturos plurimorum obitus in hac regione nimix ebrietati tribuunt. Sunt etiam viri per graues, qui hanc inferiorem, ac maritimam oram olim Indorum populis refertissimam, & numerosissimam, nunc adeo imminutam, ob id inter alia sentiunt, & prædicant, quod post Hispanos ingressos effrænate suæ siceræ, & quidem exitiali maximè indulgeant, argumento esse, quod montanos, quia & parcius bibunt, & natura frigidiores sunt, multitudine etiam auctos esse videamus. Id sanè magno Christianis opprobrio est Ingam Regem barbarum, & idolis deditum ab ebrietate subditos sibi populos cohibuisse: nostros vero, quos oportebat mores quoque perditos emendare, temulentix incrementa tanta fecisse. Omitto interim tumultus quotidianos, plagas, neces ab eiusmodi computationibus natas, quod & Indis, & seruis Æthiopibus familiare est. Vidi ipse ex taberna duos semicaptos vino egresos vix oboli causa, se mutuo vno eodèq; gladio

*De Helia
& ieiunio*

C. I.

Eccl. 31.

364 DE PROCVRANDA INDORVM
gladio confecisse, & quidem extracto bis è per-
cusso corpore præ alterum ferendi furore. Itaq;
momento temporis exanimis ambo corruerunt.
PROV. 23. Neque enim frustra Salomon dicit, Cui vñ, cuius
patri vñ, cui rixæ, cui foueæ? cui sine causa vulne-
ra, cui suffosio oculorum? Nonne his, qui com-
morantur in vino, & student calicibus epotandis?
Adde quod sensum hominis ebrietas, etiam di-
gesta reddit stupidum, & mentis aciem grauius
obtundit, atq; hebetat, obliuionem rerum om-
nium affert, & vt Plinius dixit, mortem memo-
riæ. Quid verò attinet dicere oris illum fœtorē,
gestus improbitatem, incessus titubationē, quid-
uis loquendi temeritatem, importunas corporis
sordes, cæteramq; illuuiem, vt homo breui in bel-
luam transisse videatur. Quæ quamquam in om-
ni genere ebrietatis damna reperies, nusquam ta-
mē cumulatius, quam in istis barbarorum ingur-
gitationibus adeo portentosis, vt corpus instar
vtris, aut canalis potius perennis, potu fluat, quæ
sanè pestis valetudinis, vitæque humanæ tâta est,
vt si nulla Dei præcepta cogitarentur, nulla sce-
leribus intentata supplicia, tamen ob Reipub. in-
commoda diligentissime cuius legislatori, & ma-
gistratui cauenda, relegādaque sit. Corpora igitur
infestat ebrietas, animos verò quid? Nempe
nulla est morum corruptela maior. Audi, si vacat,
Basilium in præclara de ista ipsa peste concione,
Ebrietas, inquit, Dæmon est voluntarius ex vo-
luptate animabus nostris inditus, ebrietas mali-
tiæ mater est, virtutis inimica, fortem virum
reddit

*Homil. in
Ebrietatē
& luxum.*

reddit ignauum, ex temperato facit lasciuum, iustitiam ignorat, prudentiam extinguit. Et post nonnulla, Quid opus est reliquam perturbationum cateruam enumerare, morum peruersitatē, promptitudinem illam ad iracundiam, ad querelas, celerem ac repentinam animi ad omnia mutationem, strepitum multum, ac tumultum, facilem ad dolos deductionem, ad omnes iræ motus inconsiderantiam? Voluptatis verò incontinentia omnis ex vini fonte originem, vimque habēs, præceps ad omnem impuritatem, atque intemperantiam ruit. Animalium omnium libidinum fœditatem superat, cum bruta naturæ leges in hoc genere noscant, atq; obseruent: ebrij tantum in mate fœminam, in fœmina marem quærunt, atq; optant. Hæc Basiliius aliaq; complura, quæ non augendæ orationis studio, sed quotidianæ experientiæ obseruatione prolata sunt. Obsidet hoc monstrum, atq; infestat vniuersum terrarum orbem, verum nusquam grauius sæuit, quam inter hosce barbaros, apud quos ea est rerum omnium perturbatio, vt extremæ obscænitates, & nefaria flagitia compotationis furore admissa in magna laude ponantur. Canitur more solenni, conueniunt sine vlllo discrimine omnis ætas, sexus, necessitudo: bibitur ad contentionem: dolia integra pene vno spiritu exhauriuntur: ducuntur choreæ per quam elegantes, saltitatur vsque dum Bacchus victos sternat: vigiliæ insania, atq; petulanti libidine plenæ exiguntur: quiduis licet in quemuis, inuiolata lege compotationis. Hic quæ dede-

366 DE PROCVRANDA INDORVM
dedecora humani generis pudet referre. Non
parcitur virgini, non defertur vel matri, nihil
inter coniuges interest, furit etiam libido in vi-

In libr. Nũ ros, masculi in masculos turpitudinem operan-
Philosophã tur. Perfas computationibus suis scorta tantum
dũ sit inter adhibere solitos Plutarchus refert, vxores nullo
pocula. modo, quod dicerent, temulentiam fræna nesci-

Gen. 19. re. Ipse Loth vnus in vniuerfa Sodoma iustus
inuentus, ebrietate tamen victus filiarum ince-
sta libidine non abstinuit, quid facient barbari
quid meræ pecudes? Equidem assentior Pitta-

Arist. in co duplices pœnas in ebrietate peccantes decer-
Ethic. nenti. Nam quamuis sciam Diuum Augusti-

Lib. 22. cõ. num non incestum in Loth, sed ebrietatem cul-
Faustum. c. pare, Ambrosium quoque mitius in ebriorum

44. crimina animaduertere, tamen Philosophi senten-
In libr. de tiæ nemo repugnabit, qui per ignorantiam excu-
Abrahã. sari peccatum negat, cum ignorantia ipsa, & sci-

c. 6. tur causa peccati, & nihilominus non cauetur, ne
Aristot. 4. dum cum vel ob hoc ipsum placet, vt peccetur li-
Ethic. centius. Ita prorsus res habet, consultò barbari

temulentiam amant, tanquam libidinis omnis
magistram. Sunt verò Bacchanalia hæc, aut Or-
gia, aut Cibellia, aut Lupercalia, aut quouis no-
mine appellari malis, non annua vt apud veteres,
sed menstrua, vel quotidiana potuis. Nullus est
mensis, qui ea celebritate vacet, nullus cætus co-
gitur, nulla res seria initur, non nubit filia, non
parit pecus, non foditur ager, non Deo sacrificat-
ur nisi ebrietate optima duce præeunte. Vna illa
publicas, priuatasq; res ornat, & magnificentia,
& re-

& religionis argumētum. Misera prorsus stultorum hominum seruitus, qui cum ipsi natalibus parum à brutis absint, studio, atq; opera omni cōtendunt, vt brutis quoq; deteriores fiant. Mores quidem tales ebrietas efficit: Fidei verò ianuam intercludit, estq; religionis Christianæ inter Indos hostis sæuissima. Præclarè Beatus Ambrosius dixit, ebrietatem esse perfidiæ matrem, & continentiam Fidei, quod perspicuè docet sermo diuinus, Sedit, inquit, populus manducare, & bibere, & surrexerunt ludere. Quem ludum intelligat, quis ignorat? Vituli aurei adorationem explicant patres, & Paulus ipse, Neque idololatræ efficiamini, sicut quidam ex ipsis, sicut scriptum est, Sedit populus manducare, & bibere, & surrexerunt ludere. Certissimum est ebrietati esse sacrilegium plerumq; coniunctum. Non ante Balthasar sacra vasa poposcit, ac profanè abusus est, quam tumultu imperauit, tum Deos suos cuique laudandi certamen exortum est. Reuera vinum, & mulieres apostatare faciunt etiam sapientes. Incredibili versutia Diabolus in hoc orbe omnem suum cultum ebrietate condidit, omni vicissim ebrietati aliquid de suo cultu adhibendum docuit. Experientissimi morum Indicorum præserto confirmant nullam esse paulo celebriorem computationem, nullas vigilias statas, quin peculiari superstitionis, & sacrilegij genere imbuantur: Huiusq; sceleris obseruata est tanta calliditas, vt non aliter iam antiquum seum errorem

*De Helia**& ieiun. c.*

12.

*Exod. 32.**1. Cor. 10.**Dan. 5.**Ecc. 19.*

368 DE PROCVRANDA INDORVM
errorem & idololatriam tueantur, quam per oc-
casionem solennium computationum, atq; can-
tionum. Huc maximè spectat omnis eorum Ta-
qui, sic enim vocant celebres cantilenas inter po-
tandum potissimum adhiberi solitas. Ipso sacri Pa-
rasceues magno die, quo Domini Iesu Christi
mortem Christiani pie colimus, Satanæ artificio
flagitiosissimi ludi ab ebrijs barbaris aguntur mo-
re solenni: quod tantum nostræ sanctæ Religio-
nis ludibrium etiam à baptizatis iam multis In-
dis, vt nobis viri fide digni narrarunt, occultè
quoad licet, frequentatur. Atque in hoc genere
sunt alia plurima veteranis magis comperta. Quæ
obrem sanctissimè est in Prouinciali concilio in
hac vrbe celebrato decretum, vt eiusmodi com-
putationes tanquam idololatriæ fomenta sum-
ma diligentia excludantur, ac penitus extermin-
entur: estque certa ac constans plurimorum
sententia frustra Indos Christianam Religionem
doceri, quandiu pestifera isthæc consuetudo in-
erti nostrorum dissimulatione retinetur.

Quibus modis ab ebrietate Indi compeisci queant.

CAP. XXII.

VErum huic tam pernicioso malo & si non
dubitant omnes pij, & prudentes occurrè-
dum esse, tamen quomodo occurratur, non est
omnium vna sententia. Sunt, qui non aliter ebie-
ritatem tollendam putent, quam vsu omni siceræ,
idest Indicæ potionis excluso. Id vt fiat grauis-
mas

mas esse proponendas, & exigendas pœnas, si quis vel è fruge ea vina conficiat, vel confectis vtatur. Nisi enim materia omnis subtrahatur, nullo modo tantū incendium extingui posse. Quorum vox nihil propemodum ab eorum sententia mihi abesse videtur, qui non ita pridem cum Romano Pontifice seriò agendum existimarūt, vt generali Ecclesiæ decreto vineæ omnes ab orbe Christiano extirparentur, relictis tantum in sacros vsus necessarijs, quòd per vini immoderatam vim incredibilia mala dicerent euenire, idq; in Septentrionalibus præsertim Europæ populis multis magnisq; documentis demonstrabant. Sed facile horum est explosa sententia. Neq; enim vt scitè dixit Chrysostomus, vino, sed vinolentiæ fræna adhibenda sunt. Eadem certè causa, & pecunias nullas esse iubeunt, vt avaritiæ occurrant, & pretiosos pannos, vt fastus retundatur, & fœminas ipsas sepelire oportebit, ne libidine concitentur viri, quin potius oculos eruēt, & linguā adiment, ne tanta peccemus. Omnino nihil est adeo sanctum, adeo bene prouisum diuinitus, quo non in perniciè suam abuti possit humana malitia. Et re vera sicut vinum decenter, & sobriè vsurpatum, & valetudini, & robori, & lètitia cõfert, quæ qui detrahit, iniuriam Dei prouidentia facit insignem, emendare volens quæ ille sapienter fecit, ita planè liceræ Indicæ potiones vtilitates habent non contemnendas, quas qui prorsus adimit, non mediocriter miseros premit. Nam & robustam, & salubrem, & assuefactis non in-

*Chryf. ho.
31. in. 1. ad
Cor.*

iucūdā esse sicerā (sic enim iā dudū voco istā vulgarē Indorū potionē, siue Maicio, siue Cacao, siue quouis alio genere cōstet) nullo modo negare possunt, quicūq; ista experti sunt, genus verō hominū inops, & tenue nullas alias delicias agnoscēs, hoc vno adiūmēto priuare velle, inhumanitatis est. Ergo nō res in culpa est, sed modus quērēdas est. Atq; in primis quāuis sicera omnis nō prorsus interdicienda videatur, tamē rectē admodū & sapiēter Regio edicto cautū est, ne fucata illa, & praeputētes potiones oppidoq; dānosae conficiantur, qualis ea est, quā nostri forā dicunt. Nam vbi nō tam potum, quam ebrietatem quāri constat, iure optimo vitiosum potionis genus prohibetur. Hoc ergo excepto, non placet omnem potandi iucunditatem barbaris adimere. Sed si rectē concessa in ebrietatem cōuertant, iā seueriore pharmaco putredo haec refecanda est. D. quidem Augustinus valde in Africanas suae aetatis computationes stomachans, consilium dat Aurelio Cartaginensi Episcopo, vt placidē, suauiterque ista emendare conetur, Non ergo asperē, inquit, quantum existimo, non duriter, non imperioso modo ista tollūtur, magis docendo, quā subēdo, magis monendo, quā minando, sic enim agendū est cū multitudine peccantiū, seueritas autē exercēda est in peccata paucorū. Sic planē cū liberis, atq; bene morigeratis hominibus decebat Dei sacerdotē ingenuē agere, & ratione magis, quā lege, doctrina potius, quā potestate niti. Nā & nobiles Lacedaemonij ebrietatis remediū esse ducēbant,

ebrio-

Epist. 63.

*Plutarch^o
in vita De-
metrij.*

ebriorum hominū spectaculū fœdissimū cōiuiis
 suis proponere, vt in se discerent ea cauere, quæ
 in alijs tantopere abominarentur. At nostrorum
 barbarorū ebrietas longè alia via exterminanda
 est, quorū alij longè mores sunt, & ingeniū natu-
 ra ipsa seruile. Seruus verò, vt dixit sapiens, non
 potest verbis emendari, quod enim dicis, intelli- *Pro. 29.*
 git, sed obedire contēnit. Itaq; & si exēpla propo-
 nenda sunt, & si sacerdotales cōmonitiones, atq;
 cōminationes cessare non debent; tamen vt in ve-
 tustis vlceribus sit, asperiore medicamine sanies
 ista radēda est. Opus est potestate ciuili, opus est
 seria animaduersione in temulentos, ac nisi lege
 agatur, frustra surdis verba fient. Verū si putredo
 hæc refecanda est, & tamen materia nō demitur,
 quidnā remedij esse pōtest? dicet quispiā. Audiui
 ex viro ornatissimo, eodēq; totius rei Indicæ pe-
 ritissimo plerisque videri difficilē, & permolestā
 eā cohibendi barbaros ab ebrietate prouinciā: si-
 bi verò perfacilē, & iucūdā. Cū me tantæ rei pol-
 licitatione nō mediocriter erexisset, subiecit præ-
 ceptionē & mihi, & vt opinor, cuius prudētī val-
 de probatā. Vituperabat ille eos, qui bibendi con-
 suetudinē, aut ad certos calices definirēt, aut pri-
 uatis mēsis magnopere interdicerēt. Censebatq;
 potius quandiu intra priuatos parietes priuatim
 ipsi biberēt, etiā si fortassis excederēt, vel dissimu-
 lādū esse, vel si proderēt, nō admodū rigide ex-
 cipiēdū. At cōpotationes publicas, statas, ac cele-
 bres, eas sūmis virib⁹ esse exturbādas, ac pfligādas
 dūq; & expedire omnino, & factu nō esse difficile.

*Prou. 30.
Epist. 63.
ad Aureliū.*

Vtriusque suæ assertionis causas afferebat egregias. Nam priuatim vniuscuiusque perpotationem infestè persequi tum difficile est, quod latebras domesticas, atq; horas importunas, & inusitatatas varietates peruestigare nemo possit: tum verò nimis hoc arctum, & asperum est, ac meritò verendum est, ne qui nimium emungit, eliciat etiam sanguinem. Quamobrem B. Augustinus quamquam ebrietati infestissimus, censebat tamen aliqua ex parte conuiuendum, sed feramus hæc, inquit, in luxu, & labe domestica, & eorum conuiuiorum, quæ priuatis parietibus continentur. Atq; hæc quidem antiquis eam & robustis Christianis condonabat, barbaris & à patria superstitione recentibus, quiq; iudicio parum aduersus consuetudinem obistere queant, non minora certe condonaturus. Et si enim ebrietas per se quidem crimen est, tamen ob ea maximè vituperatur, quæ parit mala: quæ tamen in priuata mensa, neq; ita multa, neq; adeo immania sunt. Nam tota illa incestuosa libido, illa sexus fœdissima permutatio, mox cædes, truculentia, & quod est omnium caput, scelerata idololatriæ observatio, in priuata mensa ignorantur, vbi præter coniuges, vix est alius: quæ certè omnia in celebribus, & publicis compotationibus effusissimè sæuiunt. Imo vero horum causa licentius patrædorum instituta sunt solenni more cōiuiua, quibus non solum licere sibi quiduis omnes intelligunt, verum improbissima quæq; audete splendidum, & gloriosum putent. Ista ergo publica tollere peni-

penitus oportere dicebat, tum ob innumera, & grauiſſima damna inde vt à primo fonte manantia, tum ob peſſimi exempli ſcandalū, quo Reſp. tota labefactatur. Neque verò id eſſe arduum, & difficile, non enim ita iſthac latere poſſe, vbi temulētia, & multitudine ipſa proditur, & temporum certa obſeruatiōe deprehenditur. Quæ non differentis verba ſunt tantū: ſed res ipſa docuit expertum. Conſtituebat vir ille ex ipſiſmet Indis iudices, atq; obſeruatores, quibus negotiū dabat, vt toto pomeridiano tempore conuentus omnes Indorū perueſtigarent, ſi quem temulentix operam dantem offenderēt, ad ſe ſe continuo deferrent, ſin vel negligenter indagarent, vel inuentum ſcelus diſſimularent, pœnas minabatur acerbis non temulentis, ſed obſeruatori, qui non quaſiſſet, aut indicaiſſet, negligentix, aut malitiæ conuictum obſeruatorē pro concione ſemel, atque iterum mulctari iubebat, tertio opus non erat, tanto omnibus terrore commotis, vt deinceps in detegendis ebrijs ſolertiſſimi eſſent. Iam verò cum obſeruatorum cuiuſquā induſtria delata eſſet ebrietas, eo conuolabat, recenti, ac flagranti delicto obnoxios capiebat: primum leuiore aliquo ſupplicio contentus, ſecundo, ac tertio augebat pœnas, aliquot ex primoribus verberatis, aut etiam crine detonſis, quod Indis acerbiffimæ injuriæ loco eſt. Affirmabat, cum Prætoris Cuzqueniſis munere fingeretur, quæ vrbs omniam caput, atque altera noſtris Indis Roma fuit, breui ijs artibus effeciſſe, vt ne veſtigium quidē

ebrietatis relinqueretur, in remotissimas quoq; provincias temperantiæ exēpla à maioribus suis transmissa Indi cæteri sequerentur. Sed negligētia, & socordia successorum rem tātam excidisse, & ad pristina temulētiæ studia reditum esse. Idē, cum Chuquisacæ essem, suscepit me hortante, pessimum illū morem abolere. Petijt vicissim à me, vt in concione ea de re verba facerem, rei; fœditatem exprobrarem: ipse socium, quo utebar linguæ Indicæ bene docto, cōuocata ad se Indorum concione legem de publicis computationibus abolendis promulgare, persuadereq; iubet; obseruatores deinde creat, quibus oppidi regiones distribuit, se se certiozem, nisi grauitè vapulare malint, maturè facere imperat. Quid multa? semel deprehensa temulentia, vix secunda animaduersione opus fuit. Verum omnes isti conatus, nisi magistratus omnes conspirent, facile corruunt. Re vera si qua decet constātia, & zelo, perfecti, atq; ij, penes quos summa est, negotiū persequerentur, poterat breui pestis hæc procul exterminari. Pleriq; rei difficultates causantur, socordia ignauiaq; suā cū accusare potius ac dolere deberent. Quid verò ignauia dico? De industria pernicies tātā cōceditur, imo verò appetitur propter priuatas nescio quas cōmoditates. Alij Indotū opēras largæ ebrietatē cōcessa, sibi cōciliāt. Alij non solū bibere sinunt, verū ipsi quoq; temulentia propinant. Cōplures officinam siceræ apud se habent, publicæq; coquunt, atq; diuendūt, & apud se cōpotādi cōmoditatem offerunt.

Neque

Neq; tā turpis, infamisq; quæstus pudet, neq; si-
 ceram qualem cūq; sed furiosam illā forā legē cō-
 tēpta vendunt, gladiū vltro porrigentes insano.
 Atq; hæc nostri Hispani factitant, lucrumq; eiuf-
 modi ex animarum interitu etiam elegantiores
 religiosioresq; captant. Quæ spes vltra restat in-
 fœlicium horum salutis, quando ab ijs venena
 porriguntur, à quibuserat antidotum expectan-
 dum? Veinam terribilem irati Dei gemitum non
 audiamus, quem propheta quidam scribe, *Amos. 2.*
Pro- pinabatis, inquit, Nazaræis vinū, & prophetis mā
 dabatis dicentes, Ne prophetetis. Ecce ego stri-
 debo subter vos, sicut stridet plaustrum onustū
 fœno. Omnino Christus Deus noster suorum sce-
 lere, & parricidio premi videtur, sic enim peccan-
 tes in fratres, in Christum peccamus. Paulus neq;
 manducare carnes, neq; vinum bibere libenter
 suscipit, modo fratrum salutis consulat: nos vino *1. Cor. 8.*
Rom. 14.
 etiā cōposito fratrum animas enecare pergimus, vt
 lucrū vnde cūq; radamus. Hæc tota populi Chri-
 stiani ignominia, siue eo, quo diximus, modo, &
 industria, siue alijs artibus. quæ ab alijs piè & fru-
 ctuose excogitata sunt, omnino releganda est per
 publicæ potestatis ministros, & diligentissimè dā-
 da est opera, vt publicæ saltem, atq; sacrilegæ bar-
 barorum temulentie, terrore, minis, pœnæ acerbi-
 tate modis omnibus propulsentur. Sic enim sibi
 persuadere debent, nihil neque religionis, neq;
 disciplinæ in Indorum animos influere posse, nisi
 omnium malorum fons ebrietas obstruatur.

AD has igitur disciplinae Indicæ seueriores leges exequendas, quoniam & necessariae omnino sunt, & nisi serid in præuaricatores animaduertatur, superuacaneus erit labor omnis, neque sacerdotum est ita seuerè plectere, ut suo loco dicemus, videtur multis, mihiq; ipsi perutile esse præfectos, iudicesue peculiaries dare. Cum enim à curia frequentiaq; nostrorum Magistratum longius absint, pleraq; oppida, nisi suos ipsi Prætores habeant, quostimeant, quos obseruet, facile aut delicta latebunt, aut impunita relinquentur, crescetq; impunitate ipsa quiduis perpetrandi temeritas. Nam neque sacerdotalis officij est ista vlscisci, cum præsertim erit aliquid atrocius vindicandum, neque Patronorum curæ tutò committi possunt, à quorū potentia, & iniurijs, ut defendantur, indigent sæpe publica auctoritate. Itaq; quod non ita pridem factitari ceptum est, ut certis Indorum prouincijs sui Prætores designentur, mihi non displicet, modò eo sint pietatis Christianæ studio præditi, ea animi moderatione, ut merito religionem omni officio adiuturi videantur. Quorum tamen tanta est paucitas, ut vix eluceat, utrum melius sit nullos Indis esse rectores, an tales esse, quales permultos cernimus, de quibus dictū videri queat, Quia cognoui multa scelera vestra, & fortia peccata vestra; hostes iusti, accipientes munus, & pauperes depri-

deprimentes in porta. Verum hominis ista sit culpa, non officij. Est enim per quam necessarium, primum ad legum custodiam, morumque correctionem, vbi vel bestiali flagitio præ temulentia peccatum est, vel frater à fratre violatus iniuria, vel ipse summus Deus sacrilega superstitione offensus. Deinde vt imbecillos à potentioribus uideantur, Satrapas, Curacasq; cohibeant, Patronos insolentius se se gerere ne sinant, iniusta, & dura seruitia non ferant. Mox vt disciplinæ ciuili humanoq; conuictui assuefaciant, vt perditorum Hispanorum Indos deprædantium faciem auerant. Postremò, vt quæ erunt publicæ utilitatis officia ab ijs curanda, ne prætermittantur. Atque eo munere fungentem remunerari par est, idque ipsorum Indorum censu persolui non est iniquum. At illud perspiciendum, an, quæ Patroni tributa pendantur, ad ista quoque sufficiant. Ob eam enim causam solui diximus, quòd Rex tueri subditos, & iustitia regere debet. Viderint ergo qui nouis ad ista prætoriana officia pensionibus Indos grauandos putant, an satis in tuto Patronorum res sint, qui cùm tanta emungant, parum ipsi, aut nihil ciuilis administrationis clientibus præstant. Hunc de præfecturis Indicis locum antequam præteruehar, admonendi sunt præfecti, ipsi, ne tam se iudices, quam parentes exhibeant, neque prorsus solita in ceteros seueritate utantur. Pueris se potius ludi magistrōs, quam forenses iudices cogitent. Neq; iuris illa stricta norma ubique seruanda, sed strepitu omni remoto, ex

378 DE PROCURANDA INDORVM
æquo & bono plerumq; iudicandū, id quod etiā
salutariter edicunt Regiæ leges, quæ scripta, &
rescripta ferè adimunt, & pretium, si quo horum
opus sit, accipere vetant. Causas more patris fa-
milias componere, & pro arbitratu agere, sæpe
tutius, atq; commodius, nisi atrox aliquod faci-
nus accidat, quod rarum est, cum pleraq; nuga-
rum, & puerilium cōcertationum similia sint.
Qua in re illud viris grauib; vehementer dis-
plicere animaduerti, quod ab Indis testimonium
iureiurando exigitur, cum cōstet eos facillimè pe-
ierare, vt pote qui, neq; ipsius iuramenti vim sen-
tiant, neq; veritatis studio tangantur, sed testimo-
nium eo modo dicant, quo credunt iudici gra-
tissimum fore, aut à primo quoq; suæ factionis
homine edocti sunt. Hos igitur iurare compelle-
re, & ipsis exitiosum est propter infinita, & quo-
tidiana periuria, & causæ ipsi valde incommodū
cum firmitudo veritatis nulla speretur. Multort
ergo sententia est in Concilio Prouinciali edic-
oportere, ne ab Indis iurisiurandi religio flagite-
tur, idq; lege lata caueri debere. Etenim si puer
& infames à testimonio dicendo, à iuramento in-
terponendo iure arcentur propter iudicij infir-
mitatem, falsitatisque suspicionem, cur obsecro
Indi non longius amandandi sunt, quorum per-
specta est plusquam puerilis inconstantia, & ver-
omnino contemptus? Quod cum experti satis es-
sent Apostolici Inquisitores statuerunt, vt nobis
aliquando dixerunt, Indi cuiusuis testimonium
non esse pro integro accipiendum, imo ne iura-
mento

*In Cōc. Tu-
ron. ca. 34.
Summo pe-
re. idcautū
est.*

mento quidem vt testem vrgendum, sed indicij loco habendum, si quid detulerint, perinde atq; a puero quopiam, aut homine seminsano res diceretur, quod ad inuestigandum quidem moueat, sed ad credendum minimè persuadeat. Prouidenter sanè & magna æquitate decretum, vt omnia sacri illius tribunalis. Quod si pleraq; contrauerfias nisi iuramento interposito iuxta Paulum Apostolum non posse finiri contenderis, equidem causas ipsorum inter se ordinarias dixi supra *Heb. 6.* velut à ludì magistro potius quam à forensi pretore transigendas. Extraordinarium verò, & atrocius cum quippiam emerferit, lege decernitur, quo ordine agendum sit. Neque enim omnem pedem idem coturnus decet, neque verò leges Romanæ, & sacræ in omni causa æquè testimonia omnium vel repudiant, vel admittunt.

Mores Indorum Christo non repugnantes permittendos esse, & de concordia Prætoris cum sacerdote.

CAP. XXIIII.

Christianismoribus, disciplinaq; nostra sunt quidem barbari paulatim imbuendi, omnes verò sacrilegæ superstitionis, aut barbaricæ feritatis ritus sensim amputandi: attamen si qua in re illorum mores à religione, & iusticia non discrepant, non existimo facile immutandos, sed patrias

patrias, ac gentilitias consuetudines ab æquo nō abhorrentes retinendas esse, & secundum eas ius dicendum; quemadmodum Indici senatus Regia decreta continent. Qua in re valde peccatur à multis vel propter ignorantiam municipalium obseruationum, vel ob nimium, & præmaturum

*In Politica
ad Traia-
num.*

communicandi nostra feruorem. Hic non morabor Plutarchi philosophi illustre præceptum de gubernanda Rep. apponere. Vertere se ad mores ciuium cognoscendos oportet, atq; eorum penitus exploranda, atq; tractanda ingenia. Etenim statim mores, & ingenia conari mutare populi, nouisq; ea legibus moderari extéplo velle, non modo non facile, verum ne tutum quidem omnino est, vt res quæ multo tempore, & ingentibus viribus indiget. Simile ducit ex vino perpulchrè, quod initio, bibentis arbitrio regitur, mox sensim calefaciēs hominem commutat, & vertit ad se. Quamobrem multa dissimulanda sunt, nō nulla etiam laudanda: quæ tenacius hærent, & perniciosius lædunt, ea dexteritate quadam in bona similia commutanda. Cuius rei autorem luculentum Gregorium magnum profero, qui rogatus ab Augustino Anglorum Archiepiscopo in simili causa, ita scribit Mellito, Dicite Augustino Episcopo, quod diu mecum de causa Anglorum cogitans tractaui, videlicet quia fana idolorum destrui in eadem gente minimè debeāt, sed ipsa, quæ in eis sunt idola, destruantur; vt dū gens ipsa eadem fana sua non videt destrui, de corde errorē deponat, & Deū verum cognoscēs,

Lib. 10. Regis. ep. 71.

& ado-

& adorans ad loca, quæ consuevit familiarius
recurrat. Et quibus boues solent multos in sacrificio
dæmonum occidere, debet his etiam de hac
re aliqua solēnitas immutari, vt die dedicationis,
vel natalitijs Martyrū tabernacula sibi circa eas-
dem Ecclesiās, quæ ex fanis cōmutatæ sunt, de ra-
mis arborū faciant, & religiosi conuiujs solen-
nitatē celebrēt. Nec Diabolo iā animalia immo-
uent, sed ad laudē Dei in esu suo animalia occidāt,
& donatori omnium de satietate sua gratias agāt:
vt dum eis aliqua exterius gaudia reſeruantur ad
interiora gaudia consentire facilius valeant. Nam
duris mētibus simul omnia abſcindere impossi-
bile eſſe non dubiū eſt: quia is, qui locū summū
aſcendere nititur, gradibus vel paſſibus, non autē
saltibus eleuatur. Cuius etiam documentū exēplū
profert in Iſraēlitico populo Egyptiorum sacri-
ficijs aſſuefacto, quē Dominus ab idolorū cultu
reuocans, sacrificia vni Deo de pecudibus offerri
imperauit. Quæ eo ſunt ſuſius repetita, quo per-
picua magis res fiat non ſolum præcepto Grego-
rij, verum etiam exemplo de bobus cōuiuio ma-
ſtandis, quos idolis ſuis ſacrificare conſueuiſſent.
Quo planē modo conuiuia, & computationes
aliquando publicæ permitti barbaris poſſunt, ita
duntaxat vt in foro, quemadmodū Ingarū leges
habebāt, edant & bibāt, vbi ebrietatis illa effuſio
non ita timenda eſt, cū teſtes habeat: ac vindices
oculos noſtrorū omniū. Deniq; quæ concedēda,
quæ toleranda, quæ cōtrā cōmutanda, aut nullo
etiā modo ferenda ſint, dictabit abundē charitas
Chri-

Christi cū prudentiæ moderatione cōiuncta. Superest tantū, vt ciuile omnē potestatē admoneamus, vt in administranda Rep. Indorū cū Ecclesiastica germanē cōiūgatur, sitq; Prætor sacerdoti, quod Samuēli Dauid, quod Hieremiæ Iosias, quod Esaia Ezechias, quod Syluestro Constantinus, quod Theodosius Ambrosio. Facile quid videtur, si gladius vterq; cōsenferit, ac vagina eādē induerit. Cōtra, nihil ita perturbat, labefactat, evertitq; religionē, morūq; doctrinā, ac mutua inter sacrum, profanūq; cōtentio. Scriptū est

- Ecl. 3. 4.* Vnus ædificans, & alter destruēs, quid proficit ei?
1. Cor. 14. nisi labor? Et rursus, Nō est dissensionis Deus, sed
1. Cor. 11. pacis, Et alibi, Si quis videtur contentiosus esse
Matt. 18. nostralē cōsuetudinē nō habemus, neq; Ecclesia
1. Cor. 16. Dei. Et vā certē est illi, qui vnum scandalizauerit
Ephes. 4. ex his pusillis, qui credunt in Christū. Omnia ergo
Phil. 2. in charitate fiāt, omnia secundū ordinē, omnī in vinculo pacis. Nihil per contētionē, neq; per inanē gloriā. Nō quæ sua sunt, singuli considerātes, sed ea, quæ aliorū. Et si sunt igitur officia distincta, & neq; sacerdotem decet arma tractare, neq; iudicē sacrificia offerre, tamē idē animus mēseadē, idē perducēdi omnes ad Christū studiū. Itaq; sibi mutuo adumento vt sint, omnibus modis curandū est: atque alter quidē in ijs, quæ ad Deū, alter in ijs, quæ ad homines magis occupatur, vterque Dei oues pascāt, & salutem suorū quarant, non quærentes quod sibi vtile est, sed quod multis, vt salui fiant.

LIBRI TERTII FINIS.

DE

DE PROCVRANDA INDORVM SALVTE,

LIBER QVARTVS.

Excellentia Sacerdotalis officij.

CAP. I.



Vamquam omnis sermo diuinus sacerdotalis officij commendatione plenus est, tamen nusquam vel copiosius, vel breuius Euangelici doctoris magnitudinem edocemur, quam vbi ipsum sapientiae fontem Dominum Iesum Christum audimus novos suos discipulos alloquentem, atque in his numerosam horum posteritatem instituentem. Vos, inquit, sal terrae, vos estis lux mundi, ita omnem ad virtutem capeSSendam, ac regnum caeleste obtinendum vim admirabili breuitate complexus. Quæ enim duò, bono expetendo, ac persequendo necessaria sunt, & quorum utrumuis si absit, difficultate vincamur, nempe vt bonum ipsum non lateat, tum verò vt deleat, quemadmodum Augustinus optime vidit, quorum utrumque Dei ipsius est proprium, qui & lux est vera illuminans omnem hominem, & omnem suauitatis fontem in se vno continet, ea in suos ministros deriuat, magnificeque communicat: vt tum splen-

Matt. 5.

*De Nuptijs
& concupis.
Ioan. 1.*

splendore doctrinæ illustrandas hominum mentes à se intelligant, tum vite, morumq; condimento auersa, ac veluti stomachantia mortalium studia non solum virtutis fastidio leuent, verum etiam propensius excitent. Itaq; quod veteri prouerbio tritum est, sole, & sale nihil esse vtilius hominibus, id in Euangelico sacerdotio veritatis suauitate percepta, atq; gustata, situm esse nemo non sentit. Quam sui muneris excellentiam tanti facilius Apostolus Paulus, vt datam sibi gratiam ad illuminandas gentes, & prædicandas inuestigabili diuitias Christi, toto orbe sole clariorem ostendat, tenebras noctemq; omnem procul depellens se formam, atq; exemplar publico spectaculo proponat, ita alios sui imitatores esse cupiens, vt ipse sit Dei. Salis nimirum copiose functus officio laboribus, sudoribusque consumptus, vt diuinum saporem alijs impertiat. Nisi enim liquecat, & à se deficiat quodammodo, cætera condire sal nequit. An vero quisquam aliud quam salere cogitet, cum audit illa dicentem? Puto quod Deus nos Apostolos nouissimos ostendit tanquam morti destinatos, quia spectaculum facti sumus mundo, & Angelis, & hominibus. Non stulti propter Christum, vos autem prudentes in Christo, nos infirmi, vos autem fortes, vos nobiles, nos autem ignobiles, vsq; in hanc horam, & esurimus, & sitimus, & nudi sumus, & colaphizædimur, & instabiles sumus, & laboramus operantes manibus nostris, maledicimur, & benedicimur, persecutionem patimur, & sustinemus

Ephes. 3.

1. Cor. 11.

Phil. 3.

1. Cor. 4.

bla

blasphemamur, & obsecramus, tanquam purga-
 menta huius mundi facti sumus, omnium perip-
 semā vsque adhuc. An non hīc liquescit, & to-
 tus à se deficit Paulus, vt Iesu Christi gustu audi-
 tores sectatoresque suos imbuat? Quid illud? Etū *Phil. 2.*
 immolor supra sacrificium fidei vestræ, gaudeo
 & congratulor omnibus vobis, idipsum autem
 & vos congratulamini mihi. An & illud non est
 mente propemodum excidentis, Cupiebam ego *Rom. 9.*
 ipse anathema esse pro fratribus meis? fratres in
 locum suum apud Christum subrogari præ cha-
 ritatis magnitudine exoptās, vt nobilissimi Græ-
 corum volunt. Ac certè quādiu hæ lucernæ in *Greg. Na-*
 candelabro Ecclesiæ illuxere, copiosa in domum *zīa. in Apo*
 Domini confluentium turba introitum patefa- *logetico.*
 ctum, expeditumque habuit, quādiu hæ ciui- *Chrysf. in*
 tates munitæ à Domino in monte positæ stete- *li. de com-*
 runt, bellantium aduersus Christum machinæ, *pun. cordis.*
 tormenta, visque omnis euanuit, ac iuxta pro- *& Hom. 1.*
 phetam, nullo modo præualuit, sed refugium po- *de Laudii-*
 tius præsidiumque hominibus imbecillis contra *bus Pauli*
 omnes hostiles iniurias conspicuum vndique ac *& 2. & 6.*
 tutissimum reddiderunt, quādiu denique, & in *Hiere. 1.*
 mordendis, amputandisque putoribus, & in con-
 diendis probati animi moribus salis naturam ex-
 hibuerunt, & sanati mortales, à morteque ipsa
 vindicati, & Christum tanta gratia sapiebant, vt
 pro eo extrēma perpeti gloriæ ducerent summę.
 Tum sanè illa Dominus de suo sacerdote liben-
 ter commemorabat, Pactum meum, inquiēs, fuit *Mal. 2.*
 cum eo vitæ & pacis, & dedi ei timorē, & timuit

me, & à facie nominis mei pauebat, lex veritatis fuit in ore eius, & iniquitas non est inuenta in labijs eius. In pace & in æquitate ambulauit mecum, & multos auertit ab iniquitate, labia enim sacerdotis, inquit, custodiunt scientiam, & legem requirunt de ore eius, quia Angelus Domini exercituum est. Talis dum fuit sacerdos Domini, tanta sanè, ac talia præstitit, lux enim mundi, sal terræ. At si sal euanuerit, quid sequitur? in quo salietur? Ad nihil valet ultra, nisi vt mittatur foras, & conculcetur ab hominibus. Si in alios is esse destinat, qui iubetur, cæteros quidem utilitate sua priuat, cæterum ita se ipse perdit, vt irrecuperabilis sit habenda quodammodo eius salus, & desperanda curatio. Neque in sterquilinum tantum projicitur, sed hominum quoq; hinc pedibus proculcatur. Quam apte propheticus ille sermo statim Euangelica ista subtexuit, Vos autem, ait, recessistis de via, scandalizastis plurimos in lege, irritum fecistis pactum Leui, dicit Dominus exercituum. Propter quod & ego dedi vos contemptibiles, & humiles omnibus populis, sicut non seruastis vias meas, & accepistis faciem in lege. In finitum esset cætera persequi, quæ contra hos factuos Principes Tanaos, contra Pastores stultos, *Esai. 19.* vel potius idola pastorum, contra se ipsos potius *Zach. 11.* pascentes, contra vāsanos Prophetas, contra sacer- *Ezech. 34.* dotes contemptores, atque arrogantes, contra *Soph. 3.* stercus solennitatum, contra popularis *Mal. 2.* plausus captatores, contra inexplēbiles pec- *Eccl. 3.* cuniæ gurgites, cæterasque pestes Propheticus *Hier. 5.* sermo

sermo declamat. Vix aliàs sancti Patres plenioribus velis feruntur in pelagus, quam cùm de sacerdotali contumelia oratio est. Gregorius certè vterque, & Romanus, & Nazianzenus, tam disertè, & copiose, vt nihil supra. Huius Apologeticum, Pastoralem illius nemo est, qui sine summa trepidatione legere queat, modo sensus aliquid habeat. Augustini iam presbyteri plenos dolore gemitus ad Valerium Episcopum suum quis sine pudore vsurpati à se nominis sacerdos audiat? Cunctationem reculationemque sacerdotij apud Ioannem Chrysostomum quis si virum inspiciat, non miretur? sin orationis vim totis quatuor libris attendat, non assentiatur? Quid Hieronymi nimia pene modestia, atque humilitas Epiphaniij litèris contestata, qui diu à tremendo altaris mysterio celebrando abstinuit, idque cum in monasterio versaretur, in quo multitudo fratrum nullum alium presbyterum haberet excepto Vincentio, qui eadem verecundia ne ipse quidem sacra faciebat? Verum nisi fallor hos omnes sicut antiquitatis autoritate, ita orationis sublimitate, & grandiloquentia quadam superare videtur Dionysius magni Præceptoris magnus ipse discipulus. Is in epistola quadam ad Demophilum indignos munere suo sacerdotes his verbis obiurgat, Si igitur quæ illuminat, sacerdotum est sancta distinctio, proculdubio ille à sacerdotali ordine, & virtute omnino pro-

Mich. 3.

Epist. 148.

In lib. de sacerdotio.

In epist. ad Ioannē Hierosolym.

traducta ab ipso Hieronymo.

Epist. 8. ad Demophilū Monachū.

388 DE PROCVRANDA INDORVM
lapsus est, qui illuminans non est, multo quæ sanè
magis, qui neque illuminatus est. Atque vt mihi
quidẽm videtur, audax nimium huiusmodi est, si
sacerdotalia munia sibi assumit : neque metuit
neque veretur ea, quæ sunt diuinã præter meri-
tum persequi, putatque ea latere Deum, quorũ
sibi ipse conscius sit, & se Deum fallere existimat
quem falso nomine appellat patrem, audet quæ
sceleritas blasphemias suas (neque enim preces di-
xerim) sacris aris inferre, easque super signa illa
diuina ad Christi similitudinem dicere. Non est
iste sacerdos, non est, sed infestus, atrox, dolosus,
illusor sui, & lupo in Dominicum gregem oui-
na pelle armatus. His plura aut maiora de Euan-
gelici ministerij, & culmine, & præcipitio qui
expectat, cuique ad resipiscendum non ista suf-
ficiunt, infatuatum se iuxta Domini sententiam,
& nullo vnquam sale saliri posse demonstrat.

Mat. 5.

Inter Indos maxime sacerdotes præstare oportere.

C A P. II.

AT vulgaris est, inquiunt, isthæc sacerdotalis
officij commemoratio, vetus ista querela
est, quam declamas. Est ita sanè, non dissentior.
Verum nusquam æquè necessaria commonefa-
ctio, à nemine magis excellentia illa flagitanda,
quam ab eo, qui animas verbo Dei lucrifacien-
das Christo suscepit, & animas infidelium, idque
apud Indos, hoc est, vbi adiumenta habiturus sit
pauca, impedimenta quàm plurima. Vbi quo
præ-

præclarius opus aggreditur, tanto in maiore periculo versatur, ne dum quærit alios, ipse pereat, imo verò ne & se, & alios perdat, quod utinam nō tam verè, & crebro vsurparet sermo diuinus, Laqueus ruinæ populi prophetæ. Utinā vā illud *Ose. 9.*
ex ore veritatis non audiremus, Væ vobis qui tulistis clauem scientiæ, ipsi non intratis, & introeuntes non finitis intrare. Etenim vbinam gentium illa verius Zacharias proferre possit ignoro, De pecoribus occisionis, quæ qui possederāt, occidebant, & non dolebant. Et vendebant ea dicentes, Benedictus Dominus, diuites facti sumus, & pastores eorum non parcebant eis. Quis verò non sanctas istorum voces audit, cum Deo gratias agunt, quod de sacerdotio, & doctrina Indorum ditati ad patriam argento onusti remeant? Et dicentes, Benedictus Deus, diuites facti sumus, non tamen parcut gregi, vt ait sermo diuinus. Sed voment aliquando, quæ male glutierunt, & gement, qui nunc triumphant. Vox *Zach. 11.*
vlulatus pastorum (ita enim sequitur) quia vasta est magnificentia eorum, vox rugitus leonum. Et ego non parcam, ait Dominus, super habitantes terram. Tota ergo desolatio terræ inde profectò venit, Propter nefaria admissa Ophni & Phinees, ipsi quidem intereunt, populus autem sanctus turpiter terga vertit, & quod est dolendum, arca Dei ab hostibus capitur, & ludibrio habetur. Quærit Dominus virum, qui stet oppositus pro domo Israel, nescio an inueniat. Pastores, *1. Reg. 4.*
inquit, stulte egerunt, & Dominum non quæsierunt, *Ezech. 22.*
Hier. 10.

fierunt, propterea non intellexerūt, & omnis eo-
 rū grex dispersus est. Nulla ergo alia causa qua-
 rendae est, cur Domini greges in his saltibus dis-
 persi errent, quā verorum pastorum magna pe-
 nuria in tanta mercenariorum minimē lupos ar-
 centium copia. Neq; frustra Paulus cū de prae-
 dicando Euangelio praecepta dat, Timotheum
 dilectum monet, sollicitē cura te ipsum probabi-
 lem exhibere Deo, operarium inconfusibilem, re-
 ctē tractantem verbum veritatis. Sunt enim ope-
 rarij mali, subdoli, qui non tam Christo seruiunt,
 quam suo ventri. Hi multi & multiplices nomi-
 ne pastores, re vera versipelles lupi demoliti sunt
 vineam Domini Sabbaoth, cauponantes verbū
 Dei secundum Apostolum, qui magnitudinem
 Evangelici praedicatoris admirāns, & pondus
 Apostolici officij expendens vehementer exclam-
 at, Et ad hāc quis tā idoneus? Verē enim Apo-
 stolicos homines postulat Apostolicum munus,
 Crucem Iesu Christi & verbis, & factis annun-
 tiādi, & in illius obsequium orbem vniuersum
 redigendi. At nos aliter censere solemus, Et ad
 hāc quis non idoneus? Ad Indos docendos quis
 non sufficit, etiam si literis vacuus, etiam si mori-
 bus non ornatus? Quo minus mirandum est, si
 vbi sementis faciendae cura contemnitur, nullus
 ibi, aut rarus fructus appareat. Mihi sanē iam du-
 dum certa, & fixa sententia est, Indicā Melsis in-
 opiam operatorum vitio, non telluris sterilita-
 te contingere.

Contra eos, qui Indorum tarditatem accusant.

CAP. III.

NEque eos audiendos puto, qui quam in se deberent agnoscere, ac dolere culpam, in Indos reijciunt, illorum ingenia nusquam non vituperantes, nosq; dum contra asserimus, rudes rerum, imperitos, tyrones, infantes clamant, qui inepta quadam pietatis specie facile decipiamur: se veteranos, expertos, scientes, facto periculo, certa, & explorata proferre. Qui mihi Sibæ il-
 lius, quem Regum historia narrat, calliditatem imitari videntur, qui claudum Miphiboset herum suum, dum pro se non potest occurrere, & serui commenta diluere, accusans, proditionem suam in illius criminationem vertit, atq; hoc astu eum de omni fundo depellere pergit. Sed Domi-
 nus erigit elisos, & soluit compeditos, & illuminat cecos, pupillum & aduenam ipse suscipiet. Accusant igitur Indorum tarditatem ad capienda Fidei mysteria, obtusos esse, hebetes, truncos, qui nihil præter sua farra, cibosq; crassos cogitare queant, ad cœlestia, & spiritualia cognoscenda stupidi, brutique sint. Frustra in ijs edocendis tempus teri, denique post annos iam quadraginta ab Evangelij ingressu in tam immensa turba vix quemquam reperiri, qui symboli duo capita intelligat, quid Christus sit, quid vita æterna, quid Eucharistia, vel crasse agnoscat.

2. Reg. 16.

psal. 148.

Pecudes potius habendos, quam homines. Verū qui ista iactant, respondeant mihi velim, qua diligentia, qua industria, qua constantia istos ipsi erudierint, aut ab alijs eruditos norint. Recitatur bis terue in hebdomada symbolum, idque Hispanico idiomate, ceteræque orationes eodem modo; iubentur deinde Hispanica isthęc ediscere, ac memoriter recitare, quorum ne syllabam quidem intelligunt, & pronuntiāt ridiculè. Vulgaris, ac tritus doctrinæ tradendæ iste est modus. Huc vsque Euangelici Catechistæ cura se porrigit. Vbi elegantius exquisitiuſq; res agitur, procedit eatenus, vt sermone Indico composita quedam in catechismi formulam pueri recitent, quæ ipse sacerdos ne attingit quidem, plerumq; quia haud intelligit, quippe cum præter paucas voculas ad seruitia imperanda, cibosue petendos, linguæ Indicę prorsus sit infans. Quod si peritus sit, quod rarum est, mysteria fidei, & regulas neque explanat, neque verò satis nouit, inepta quædam & friuola concionatur, vt mentam belli tempore dicas, si qua fortè attingit, ita alienè, ita parum auditorum sensibus accommodatæ, vt nihilo magis intelligantur. Quis verò vnquam Catechista rationem auditorum exegit? Quis interrogando ex ignotis nota fecit? Quando Indus audiuit à sacerdote suo, Heustu fac memineris à me dictorum, pensum hoc in triduum tibi tribuitur, vt Christum, quem nos Christiani adoramus, quæque illic imagine expressum vides, & Deum esse scias regnantem in cœlo, ex omni æternitate, &

homi-

hominem factum in terris propter donandum nobis regnum cœlorum. Si rectè responderis, laude, & præmio afficeris, sin perperâ, publicè lues? Quid simile vnquam factitatum? Deniq; perinde Indis doctrina traditur, atq; cum à mendicis stipis colligendæ causa preces, aut versus aliqui cantillantur, qui illud tantum spectant, vt dicendo ipsi ad finem vsque perueniant carminis, vtrum verò auditores, vel attendant, vel delectentur, pecunia iam accepta, non admodum curant. Tota ergo catechizandi ratio vmbra-tilis est, & ludicræ similis. Ego verò si homines ingenio acerrimo, & discendi percupidi tales præceptores nacti essent, nihil aliud quam vt duplo ignorantiores euaderent, doceri isto modo arbitrarer. Olim in symbolo addiscendo, & intelligendo mysterijsq; Fidei agnoscendis viri ingenio præstantes, & literatura celebres diu in catechumenorum ordine tenebantur, cùm Ecclesiastica disciplina vigeret, neq; ante ad Fidei Sacramentum admittebantur, quam multas ab Episcopo de symbolo cōciones audissent, diu & multū cū catechista contulissent, post quas omnes curas, & meditationes, magnum erat, si recta sentirent, cōsentanea responderent, quòd religionis nostræ mysteria altissima, vt re vera sunt, ac difficillima intellectu haberentur: & nos valde supini, atque oscitantes grauitèr Indos vituperamus, tardos, ac stupidos criminamur, quòd ea non teneant, quæ neque tradidimus ipsi, neque ab alijs illi accipere potuerunt, sublimia præsertim, et ab eorum sensu

Polus
Piol.

in

& consuetudine longè remota? Alioquin si tanta istorū est hebetudo, tā obtusum ingeniū, quid causæ est, quod Fidē à nobis cū non didicerint, didicerunt tamen alia tā multa, tā difficilia, ipsis omnino antea inaudita, idq; tā probè, vt cum nostris certare queant? An non musicos modos, & numeros tū voce, tum tibijs, & plectro passim per quā concinnè reddentes Indos audimus? quidā etiā cōponentes peritos cantus Magistros videmus? An non Ecclesiastica officia peragere ritè solent? Scribendi, pingendi, & quiduis fingendi alios aliàs artifices quis ignorat? Quid quod lites ipsi, & intendere, & depellere mirè iam norūt, cū heris vt suis sæpe cōtendere, interdum etiam superare videamus? Quæso vnde artes istas hauserunt? à quibus didicerunt? An ad ista omnia ingeniosi & prōpti, ad sola salutis suæ necessaria documenta inepti, & tardi? An potius si quā in istis humanis magna etiā ex parte non necessarijs curam vigilantiamq; præstiterunt nostri, parem in doctrina Fidei tradenda præstitissent, non ita tardos discipulos offendissent, non ita ignaros reliquissent? Equidem sic opinor, neque ab ea opinione auelli vnquam potero, quin pessimo præceptoris, omnes esse auditores hebetes credam. Certè huius Regni Piru multo maximam partē diligenter lustravi, & vt de cæteris Indorum nationibus nihil modo pronuntiem, hos ingenij expertes nullo modo perspexi, quin magna ex parte subtiles, acutos, quiduis simulandi, ac dissimulandi non imperitos artifices.

Contra

*Contra eos, qui peruersitatem morum Indorum Fidei
non receptæ causam asserunt.*

CAP. IIII.

IDita habere cum plerique fateantur, tamen ab Indorum accusatione non recedunt: sed alia ex parte eos adoriuntur, ut ignorantiam non suo, sed istorum vitio tribuendam probent. Aiunt acutos quidem esse neque ingenij expertes: verum natura prauos, ad malum procliuēs, boni omnis hostes, sapientes, ut faciant malum, bonum autem facere nescire: tanta peruersitate salutaria sibi fastidire, ut non solum ad intelligendum, & discendum nihil laborent, sed etiā statim respuant, atque auersentur, ita nihil illis hærere memoriæ, nihil intelligentia percipi, propterea quod voluntate ad Christiana omnia alienissima sunt. Argumento esse manifesto, quod Christianorum consortia diligenter euitent, ad Ecclesias non nisi inuiti coeant, patres spirituales suos, si paulo accuratius eorum mores emendare pergant, conspiratione facta per falsas criminationes ab se depellant, nihil pium, & salutare nisi per vim agant, præsentem tantum Sacerdote Christianos se simulent: clanculum ubi datur facultas, auitas superstitiones studiosissime obeant. Denique ipsos cultiores, & elegantiores inter nostros nutritos, quos Ladinos appellare solemus, quos oportebat magis Christianis moribus pollere, decuplo ceteris esse

Sap. 12.

esse peiores, cuiusvis sceleris egregios fabricatores. Pueros, qui ad speciem pij, probique sint inter nostros, vbi primum se ad suos receperint, ne gustum quidem probitatis vliius præferre, sed cæteris grauiora audendi duces esse, & Magistros, vt in istos omnes vetus condemnatio permanere videatur, Quoniam nequam est natio eorum, & naturalis malitia ipsorum, & non potest mutari cogitatio eorum in perpetuum. Atq; hæc sanè differunt nō ij solum, qui negligentia, ac somno suo præferre excusationem vndecumq; velle videntur, verum etiam homines pij, religiosi, non indiligentes, & qui pro longo rerum vñu eximie ista callere existimantur. At nisi ego vehementer fallor, horum quoque oratio magna ex parte aberrat à vero. Non enim ideo Euangelium ab Indis receptum non est, quia illorum mores prauisunt, sed ideo potius moribus prauis sunt, quia Euangelium non receperunt. Prudenter, & verè quidam nostrum scripsit Pater non videri sibi ad Indorum horum animos penetrasse Euangelium, sed ad speciem tantum receptum: neq; enim fieri posse, si in intimis sensibus radices egisset, quin copiosos, manifestosque fructus cernere mus. Quid enim potentius verbo Dei? quid ad immutandos homines efficacius. An est vlla tanta peruersitas morum, quam non emendet spiritus Christi? An est vlla tam effusa barbaries, tam horribilis feritas, quam non domet, ac mansuefaciat lex gratiæ, si penitus animo admittatur? Certè Dominus vocare venit peccatores non iustos
ad

Matt. 9.

ad pœnitentiam. Opinor Paulum ijs prædicasse,
quibus dicebat, Et hæc quidem fuistis, sed abluti
estis, sed sanctificati estis, sed iustificati estis in no-
mine Domini nostri Iesu Christi, & in spiritu
Dei nostri, obsecro, quamam intelligit, cum dicit,
Hæc quidem fuistis? Non solum egistis, verum
etiam consuetudine in illa veluti versi eratis.
Quæ illa? Relege superiora. Nolite errare, neque
fornicarij, neque idolis seruientes, neque adulte-
ri, neque molles, neque maculorum concubito-
res, neque fures, neque auari, neque ebrïosi, neq;
maledici, neque rapaces regnum Dei posside-
bunt. Et hæc, inquit, fuistis. Non video quæ his
horribilia nostris barbaris objici possint. Et ta-
men ex illis fecibus, ex tanta sentina mundauit
Dominus sibi populum acceptabilem, sectato-
rem bonorum operum. In ouili Dominico Leo-
nem, & pardum, & vrsam simul cum oue, vitulo,
& agno futuros, & omni feritate deposita eodem
pabulo pascendos diuinus Propheta describit.
Quin etiam venenosas omnes bestias lusu po-
tius, quam horrori futuras, cum primum paruuli
manum senserint. Et delectabitur infans ab vbe-
re super foramine aspidis, & in cauerna reguli,
qui ablactatus fuerit, manum suam mittet. Non
nocebunt, & non occident in vniuerso monte
sancto meo, quia repleta est terra scientia Domi-
ni, sicut aquæ maris operientes. Huic igitur salu-
ari aquæ diuini sermonis, huic lauacro purissi-
mo, & fecundissimo nulla est tam pestilens pla-
ga, quæ non cedat, modo vim illius admittat. Et
qui

1. Cor. 6.

Tit. 2.

Esai. 11.

*Ibidem.**1. Cor. 1.*

qui stat in signum populorum, ipsum gentes deprecabuntur. Et mox post pauca, Et leuabit signum in nationes, & profugos Israël cōgregabit. tanta ferarum, & venenatorum commemoratio ne quid aliud significat Spiritus sanctus, quam nullius nationis, aut gentis quamuis noxiōs, quāuis malignos mores Euangelicæ gratiæ obistere posse, sed cedere, cum primum illius Paruuli de radice lesse signum acceperint, vimque persenserint? Hoc tam illustre & Apostolicum, & Propheticum testimonium credo nemo contemnet. Sed cur in illius temporis gentibus ista locupletissimè impleta legamus, in nostri sæculi gentibus potius desideremus, quid putas causæ esse? Profectò si merita inspicias hominum, non erant illi meliores; si naturam, vtrique homines, vtrique eadem massa infecta propagati. At illi ingenio & quodam vigore naturæ longè superiores. Prorsus ita est. Verum quid hoc? An contemnemus Paulum contrà admonentem, Videte vocationē vestram fratres, quoniam non multi potentes, non multi nobiles, non multi sapientes secundū carnem, sed quæ stulta sunt mundi elegit Deus, vt confundat sapientes, & infirma mundi elegit Deus, vt confundat fortia, & ignobilia mundi, & contemptibilia elegit Deus, & ea, quæ non sunt, vt ea, quæ sunt destrueret? Quam copiosè quam fortiter istos naturæ observatores, & venditores refellit diuinus Apostolus, adeoque naturæ nostræ imbecillitatem, & abiectiōem non repugnare gratiæ ostendit, vt etiam commo-

dio-

diorem affirmare videatur, propterea quod humilitatem plurimum iuuat, quæ ad gratiam consequendam, & prædicandam maximè sit. Hos ergo cū natura vsq; adeo humiles, vsq; adeo māsuetos, & patientes cernamus, qui possumus inde Euāgelij introitū excusare, vnde maximè inuitatur? Sed neq; isti vsq; adeo inepti sunt, neque ita stupidi, neq; verò ab æquo, & honesto tam auersi, quin, si suo quodā more ducantur, non facile consentiant, tametsi cū antiquis illis ingenij cultu & doctrinæ exercitatione nullo modo sint comparandi. Cur ergo illorum tanta meſsis, horum tam tenuis, & inops? Expende omnia subtiliter, & ad altiore remouea intelligentiam, inuenies potissimam causam in eo esse, quod diuinis, & occultis quidem, sed iustis consilijs, antiquis gentibus prædicatores fuerint prædicatione sua digni, cū nostris tam sint plerique indigni, vt longè plus euertant, ac dissipent, quam ædificent, atque plantent. Itaq; præcipua causa ad ministros parum idoneos redit. Quæ namq; est prædicatio nostra? quæ fiducia? Signa certè non edimus, vitæ sanctitate non eminemus, beneficentia non inuitamus, verbi ac spiritus efficacia nō persuademus, lachrymis, ac precib⁹ à Deo non impetramus, imo ne magnopere quidē curamus. Quæ ergo nostra querela est? quæ tantæ Indorum accusatio? Pudere nos potius deberet vitæ nostræ, horrore esse tantus Dei contemptus, odio esse tam supina fratrum nostrorum pereuntium obliuio. Et cum ad Apostolicum

hocce

400 DE PROCVRANDA INDORVM
hocce munus gentibus Christum Euangelizan-
di deberemus esse lectissimi, sapientia, & sancti-
tate mirabiles, venimus sordidissimi quiq; & om-
nibus rebus extremi, vbi illud est, Parati omni-
poscenti vos ratione reddere de ea, quæ in vobis
est, spe? vbi & illud. Discite à me, quia mitis sum
& humilis corde? & Filius hominis nō venit ani-
mas perdere, sed saluare? Atque illud fixum, ra-
tumq; maneat sine vlla dubitatione, quod Indi
non induerint Christum maxima ex parte mini-
strorum tum negligentia, tum improbitati esse
tribuendum.

1. Pet. 3.
Matt. 11.
Luc. 9.

Messiem esse copiosam, modo operari idonei non desint.
CAP. V.

QUamobrem rectè prudenterq; scripsit Po-
lus rerum Indicarum & indagator curio-
sus, & æstimator prudens, tribus ex causis videri
sibi, tam multo tempore, tam modicum promo-
uisse Euangelium apud Indos. Primum quòd
exempla praua nostrorum hominum fidem præ-
dicationi Euangelicæ derogarint. Deinde quòd
in cognoscendis, extirpandisque erroribus, super-
stitionisq; opinionibus nullam prædicatores
operam collocarint. Postremo, quòd vtilitatibus,
politicaq; administrationi Indorum vix serò cō-
suli cœperit, quibus ex omnibus subtiliter illè
colligit, falsò Indorum nationem, aut tarditatis,
aut pertinaciæ accusari, cum neque rectè viuen-
do, neq; apte docendo à nostris sint cōuenienter
legi

legi Euangelicæ instituti. Neque dubitandum
 esse, si illa, vt par est, adhibeantur, quin futurus
 sit fructus longe copiosior opinione multorum.
 Nouimus ipsi qui pro vulgari existimatione de
 ingenio, saluteque Indorum desperatè sentirent;
 & ab ijs edocendis vehementer abhorrerent, qui
 mox obedientia perurgente animum appellen-
 tes ad rem, fideliterq; ministerio suo functi, ante
 non longum tempus tanta de insperato fructu
 spe ac voluptate perfunderètur, vt nihil sibi acer-
 bius cogitarent, quam vt ab Indorum doctrina
 auellerentur, qui nobis palam, serioque confir-
 mant, se se facto periculo abunde didicisse non
 mediocres fructus sperari debere, modo sacerdo-
 tes diligentia, & tolerantia operi suscepto non
 desint. Neque verò ita nihil est actum hætenus,
 neque labor omnis ante actus adeo cassus & irri-
 tus, quin si & tempora tumultibus plena cogi-
 tentur, & curæ ministrorum, vt parcissimè dicā,
 sua magis, quam Christi quærentiū, non amplius
 effectum sit, quam esset meritò expectandum.
 Neque tam sunt Indi omnes infideles, neque vs-
 que adeo à Christo alieni, & auersi, vt plerique
 iactant. Nouit Dominus qui sunt eius. Profectò
 Ianaconæ nostri, id est, Indi nobis familiares, si
 quemadmodum fidei nostræ assue sunt, ita etiam
 mores Christianos spectarent, non dubitandum
 esset, quin sicut fide & notitia religionis Chri-
 stianæ cæteros Indos Atunlunas longe excellūt,
 sic etiam morum integritate superarent. Sed quæ
 vident, discunt. Rectè credentes vident, credunt
 & ipsi

& ipsi rectè, improbè agentes vident: discunt, & ipsi improbè agera. Ego certè opinor non solù ætate nostra, sed superioribus quoque patres nostros in gentes horridiores, & magis à vero auersas incidisse, fructificasse tamen copiose, quod diligentia, ardore, patientiaq; sua difficultates omnes euicerint. Legat qui volet antiquos Anglorum mores: duriores nostris Indis inueniet: at Augustinus, Laurentius, Iustus, Mellitus cæteri, que à Sancto Gregorio missi quanta effecerunt, quam gloriosa in Insulæ illius conuersione? Turingos, & Saxones, aliasq; nonnullas Germaniæ nationes vsq; adeo barbaras extitisse olim, vt nihil magis, sanctorù Pontificù Gregorij secundi, & tertij, itemq; Zachariæ responsa Apostolica satis indicant. Ab vno tamè Bonifacio à sede Apostolica prædicationis causa missò quanta multitudo sublene Christi iugù ceruices dedit? Ad cētū millia hominum non longo tempore idem Pontifex scribit sacro baptisinate ablutos. Quid nostri Hispanienses Astures? quid Cantabri olim? An non per viros Dei māsuefacti, & feritate exuta, humanitati quoddammodo redditi sunt? Quis de Malachia, quem libro primo commemorauimus, quid de cæteris dicam, qui non solum Græcis, & sapientibus, sed barbaris quoque & insipientibus Euangelium salutis æternæ impertiti sunt. Quod si magis recentia, & nostris proxima considerantur, non obscuræ famæ est quicquid in Prouincia Veræ Pacis Dominicanæ familiæ patres egerunt, cum Indos filiorum loco haberent

Beda in hysto. Anglo.

In tertio tomo Cōciliorū prope initium.

Greg. tertius in epistola vltima ad Bonifaciū.

D. Bernar. in vi. illius.

ab ipsis verè parentes agnoscerentur, illeque in primis Frater Ioannes, nisi fallor, nomine, vir Sanctus, & Prophetiæ spiritu clarus. Eodem modo, & Minoritæ, & Heremitæ, cæterique, vel monachi, vel clerici zelo Fidei, & salutis animarum succensi, non exiguam apud nos laudem, apud Christum etiam cumulatam præmium laboris sui consecuti sunt. Nostros verò quid attinet dicere in India Orientali, quorum sudores pro Christo fœlicissimi extiterunt? qui ad fines usque terræ bonum Christi odorem diffundentes, vel ipsa commemoratione rerum gestarum animos Dei amantes exhilarant, atque imitandi studio vehementer inflammant. Quorum Dux Sanctus Magister Xauier Apostolici temporis splendorem, & claritate signorum, & rerum magnitudine, & laborum tollerantia renouasse videri potest. Quid huius sectatores Magister Gaspar in India citeriori, Cosmas Torres in Iapponia, Ioannes Nobrega in nobis continenti Brasilea, reliquique patres spiritu feruentes, parati pro fratribus animas ponere, & se ipsos impendere, ac superimpendere Euangelio Christi? quod & fecere non pauci. Omnino si tales Indorum populis diuino dono Ministri contingerent, messem essent inuenturi latissimam. Verum Paulus, Apostolus illo iam tempore, quo primitiæ Spiritus sancti effusæ sunt, dolet, ac deplorat omnes querere, quæ sua sunt, non quæ Iesu

Lib. 3. de vita Ignatij. cap.

Litteræ Patrum societatis ex India Orientali.

Rom. 12.

1. Ioan. 3.

2. Cor. 12.

Phil. 2.

Christi, & se vix vnum Timotheum vnanimem, & syncerum coadiutorem habere, quid nos dicemus, qui in facies mundi incidimus, quando & charitas multorum refrixit, & veniens Filius hominis vix fidem in terra inuenturus est? Attamen obsequendum est diuino præcepto, & assiduis, ardentibusque precibus rogandus est Dominus messis, vt mittat operarios in messem suam, qui non verbo, & lingua tantum diligant, sed opere, & veritate se ipsos idoneos noui testamenti ministros præbeant. Atque id quidem, vt Pater misericordiarum, & Deus totius consolationis Indorum Ecclesiæ largiatur, plena fiducia sperandum est, quia sine illo nihil possumus facere, qui quos vult, ponit, vt eant, & fructum plurimum permanentemque afferant. Sed quod nostra interest, quales esse oporteat tãti operis ministros, in quo rei bene gerendæ spes omnes sitas esse monstrauimus, ipso Deo nostro adiuuante, accuratè deinceps persequemur.

De peritia Indicæ linguæ necessaria.

C A P. VI.

TRIA in omni Christi ministro, qui Indorum salutem sit curaturus, quærenda sunt, vita integra, doctrina idonea, copia sermonis: quorum si desit aliquid, & alijs profuturus non est, & periculum animæ suæ non leue ipse sustineat. De his modo sigillatim pro re præsentī dicendum est. Atq; vt ab extremo ordiar, loquēdi

facul-

facultatem ei, qui docēdi partes suscipiat, adesse oportere nemo dubitat. Quamobrem Apostolos suos non ante ad docendas gentes Christus misit, quam gentium linguis spiritus donio loquerentur. Fides enim, sine qua saluusse nemo potest, ex auditu est, auditus autem per verbum Dei. Hic ergo sita est salus gentiū in verbo Dei. *Rom. 10.* quod tanē ad homines peruenire non potest, nisi vocibus hominum deferatur, quas qui non percipit, verbi Dei vim sentiet nunquam. Quā vna in re vel maximē sudare oportebit seruum Christi, si hominum amat salutem. Quanquam enim duri, ac permolesti labores sunt alienę linguę discendę, barbaricę præsertim, tamen & gloriōsa victoria est, & dulcissimi fructus, & Dei charitatis illustre testimonium. Occurrere animo debet sanctus Ioseph, qui inter alias ærumnas suas non leuē illam expertus est, vt linguam, quam non *Psal. 80.* nouerat, audiret. Idem procedente tempore in ea regione, cuius peregrinam linguam didicit, salutis princeps, & autor singularis, qui adeo familiarem sibi effecerat Ægyptium sermonem, vt paterni quasi esset oblitus, cum fratribus Hebræicē *Gen. 42.* per interpretem colloqueretur. Igitur si quis salutis Indicę studio inflammatus est, sibi is seriō persuadeat, nihil præclarum sperare oportere, nisi sermonis colēdi prima, indefessaque cura sit. Si enim is, qui supplet idiotę locum ad tuam benedictionem, quam non intelligit, non potest dicere, Amen, quamuis enim tu bene gratias agas, *1. Cor. 14.* sed ille nihil edificatur, quoniam modo concio-

nanti tibi quamuis mirabiliter quamuis diuinè de Christo, populus ignotæ linguæ, & profundi sermonis respondebit in corde suo Amen, hoc est, animi præbebit assensum? Quomodo quamuis tu recte loquaris, ædificabitur ad Fidem & dilectionem frater, cum voces tantum sparguntur in vêtum, ac more Babylonicæ confusions qui sermonibus dissident, nequaquam sensu animisque cōspirant? Mihi attente sæpe diuq; de salute Indorum procuranda cogitanti nihil commodius, nihil certius venire solet in mentem, quàm vt homines probati, atque integri, sermonis Indici curam susciperent, familiarissimam consuetudinem haberent, copiamq; ad dicendum sibi pararent cum arte tū exercitatione diuturna. Valde enim mihi persuadeo ita futurum breui, vt Euangelium Christi ad animos istorum penetraret, & vires suas expromeret, quod in hodiernum diem plurima ex parte tantum auribus Indicis insonuisse, non etiam intima cordis penetralia pulsasse videtur. Neque enim alia via orbis terrarum reliquus ad gratiam Christi peruenit, quam verbi Dei forti instantique prædicatione sicut in Actis Apostolorum sæpe legimus, & Ecclesiasticæ omnes historiæ tradunt. Neque verò alius aditus, aut alia via nationi Indorum ad Christum aperienda est, quam assidue efficacis ipsisque accommodatæ prædicationis verbi Dei. Qui secus opinatur, etiam atque etiam errat. Nam præter documenta diuina plurima eademq; grauissima, attestatur nobis copiosissime

rei experientia. Videmus Indos, si quem nacti fuerint linguæ suæ peritum concionantem, attentissime audire, magnopere delectari facundia, impetu ipso dicentis rapi, atq; ore hiantes oculis immotis harere suspensos. Quod ego in sociorum concionibus cum notarem, adeo capiebar noua Indorum attentione, & voluptate, ut præ gaudio penè gestirem, spe concepta salutis istorum pergradi, si modo aliquot nobis, vel Pauli, vel Apollines eloquentes adessent. Neq; illi sanè dissimulabāt, quomodo afficerentur, cum ad alios alij conuersi dicerent, Nunquam se Christi legem talem cogitasse, aut audisse, alij ab illo sibi patre cor ipsum scindi, dū verba de Deo faceret, affirmarēt. Quod si qui populi aliquid vel intelligentiæ, vel probitatis præferunt præ cæteris, inueniuntur sine vlla exceptione ij esse maximè, qui sacerdotes, aut habuerunt, aut habent veteranos sermonis sui peritos. Perditissimi verò omnium, qui novos & imperitos ministros ab Hispania recentes sortiti sunt, quorum infantiam egregiè ridet, elinguesque contemnunt.

De Parochis Indici sermonis ignavis.

CAP. VII.

Q Vi tales igitur ad docendos Indos accedūt, non solum parum alijs prosunt muti ipsi & elingues, sed sibi etiam officiunt non mediocriter damnationis periculum subeuntes, quòd id oneri sibi imponunt, quod portare non possunt,

*Hier. 48.**Ioan. 10.**Ezech. 13.**Ezech. 34.**Ioan. 10.*

possunt, quorum vel avaritia, vel arrogantia tanta sit, ut ultra quam possint, contenti facere, qui mercenarii cum sint non pastores, ostendunt abunde nihil ad se pertinere de omnibus, propter pugillum ordeï, & fragmen panis animas vivificantes, quæ non viuunt. Sunt huius generis homines perquam multi, qui iniuncto muneri doctrinæ Indorum copiose se satisfacere existimant, Orationem dominicam, & Symbolum, ac salutationem Anglicanæ, tum præcepta Decalogi Hispanico idiomate identidem Indis recitantes, eorum infantes baptizantes, mortuos sepelientes, matrimonio iuvenes collocantes, & rem sacram festis diebus facientes. Hæc summa doctrinæ est, ita se parochi officio fungi satis superque opinantur, neque interim conscientia, quam utinam cauteriatam non habeant, mordetur, quod dispersæ sint oves Domini, eo quod non sit pastor, factæque sint in deuorationem omnium bestiarum agri, errentque in cunctis montibus, in omni colle excelso, neque sit, qui requirat quod perijt, nec qui reducat abiectum. Nam quomodo verbo fidei reducent, qui linguam non habent? quibus vocibus lupos arcebunt, ovesque nominatim vocabunt, qui nullo modo, quid loquantur, intelliguntur? Oves, inquit, vocem eius audiunt. At vocem audire non possunt, quam pastor proferre non nouit. Atque accipiat licet qui uis, ut uolet, quod dicam: rigidum & morosum appellet, nihil moror: ego eum sacerdotem, qui linguæ Indorum ignarus est non nisi cum animæ

animæ suæ iactura Parochi officium suscipere
posse iam pridem, & opinor, & assero, quod etiâ
manifesta ratione demonstro. Duo sunt de neces-
sitate salutis, Fides, & Pœnitentia. Fidem docere
ac prædicare non potest sermonis experts: Pœni-
tentia Sacramentum administrare non potest,
qui neque quæ confitetur Indus, intelligit, neq;
quæ præcipit ipse, intelligitur, Eum verò, qui ne-
que instruere in Fide, neq; in Pœnitentia iuvare
potest sibi commissas oves, pastoris nomen sine
grandi crimine usurpare nemo rectè sibi persua-
serit, Aiunt se per interpretem suos instruere, ac
docere, quid credant, quid agant, quid fugiant.
Atqui interprete utuntur plerumque, vel infido,
vel imperito, qui vix intelligat ipse, quæ audit, vix
etiam exponere norit, quæ intelligit, ut pote In-
dus ipse quoque, vel ab Indis prognatus, qui ne-
que res, neque sermones nostros satis plerumque
callet. Ut omittam, quam ægrè, quamque frigide
per alienam linguam sensus transmissus veniat,
atq; in ipsa viâ anfractibus debilitatus sæpe cor-
ruat, vigore omni, qui est veluti animus sermo-
nis, extincto. Sed demus Indos doceri interprete
utcumq;. Nam integre perfecteque doceri non
posse certum est. Quid de Pœnitentia facient?
An adhibebunt interpretem confessioni homi-
nis? Omnis medicina maximè necessaria ca-
teant necesse est miseri Indi, & cum fragiles sint
ac sæpe labantur, præcipuaq; illorum spes in su-
premo spiritu posita sit, cum confessionem serio
expetunt, salutis æternæ iacturam facient propter

sacerdotis imperitiam. Occurrent hîc quoq; se nō
 vsque adeo omni Indici sermonis intelligentia
 destitui, quin vnum, & alterum verbum intelli-
 gant, vno vero audito crimine in mortis extre-
 mo periculo, vbi amplius fieri nequit, absolutio-
 nis sacramentum impendi debere morituris.
 Cui sane rationi de absolutione eius tempo-
 ris ego nullo modo dissentior, cum sit nostro-
 rum Theologorum, ac veterum quoque Pa-
 trum certa sententia. Attamen qui factum eo in
 discrimine excusant, nullo modo similem licen-
 tiam, vbi nihil tale vrget, sacerdoti concedunt.
 Cum ergo omnes post baptismum lapsi ex diui-
 no præcepto etiam citra mortis articulum ad
 confessionem teneantur, Ecclesiastico verò quo-
 tannis, quomodo potest Parochus audire con-
 fessiones suorum, cum quibus locutionis com-
 mercium nullum habet? Quod si dicant id, quod
 mihi ex hisce quidam aliquando respondit, simi-
 lia inquirenti ex eo, se confessiones suorum au-
 dire, cum nonnulla percipiant, atque id sibi satis
 esse, vt absoluant. Ego sanè contra affirmo, cum
 confessionis integritas ex iure diuino sit, eum
 non esse idoneum Pœnitentiæ ministrum
 quem propter imperitiam dimidium, & eo
 amplius necessariò latet, perinde enim est, ac
 si tantumdem non audiret, quam esse inte-
 gram, & idoneam confessionem præter morti
 periculum nemo vt cumque doctus existimat.
 Denique vbi Parochus non ea facultate polle-
 vt substantiam saltem, quæque iudiciam illi
 requi-

S. Leo epif.
91. ad Theo-
lorum. De
Pœn. d. 1. c.
multiplex.
26. q. 6.
Hic qui tē-
pore. Trid.
sess. 6. cap.
14. cā. 29.
sess. 14. cap.
2. can. 6.
De Pœnitē-
tis. c. Om-
nis. Conci.
Trid. sess.
14. cap. 5.
sess. 14. c.
5. & cā. 7.

requirunt, possit integre assequi, neque saluti Pœnitentis pro ratione personæ, & criminum necessaria documenta adhibere, nullo modo est ad audiendas confessiones reputandus idoneus. Qui verò Pœnitentia sacramentum communiter administrare non potest, hunc ego Parochi officio tuta conscientia fungi nego. Damnas igitur, dicit quispiam, omnes & Parochos, & Episcopos, & Patronos Indorum, qui illis nullo alio consulant modo, quam horum sacerdotum præsidio, qui noui, rudesque Indici idiomatis ex Hispania aliunde uè aduentant? Ego verò non omnes vitupero, & damno. Fieri potest, ac fit non rarò, ut ministrorum ea penuria sit, ut si sacerdos ijs omnibus dotibus exornatus expectandus sit, longo tempore Indici sine ullo Christianæ religionis officio futuri sint. Cum ergo alij peritiores, melioresque non suppetunt, licet sanè, imò vero expedit hos vocare, quicumque sunt, illisque iniungere, ut sacrificio, Baptismo, Matrimonio iuuent suos, Pœnitentia etiam animam iam agentes ut dixi, vitia publica amputent, exemplo ac beneficentia efficere adnitantur, quod minùs sermone possunt. Sanè tunc temporis neque Præsul præcipiendo, neq; Parochus parendo reuse est, sed laude dignus vterq;. Ut si scuta aurea in domo Regia affigi non possunt, area saltem suspensa cerantur. Porro interdum accidit, ut eiusmodi sacerdotes elingues quidem, sed manu alioqui prompti, plus in Indorum conuersione effecerint, quàm alij

alij vsque ad loquacitatem diserti. Quod si non
 ea paucitas sit ministrorum, Episcopus tamen
 tuus te eam prouinciam subire iubeat, debes ser-
 monis imperitiam omnem tuam opponere, teq;
 ineptum excusare, sin adhuc pergat iussa vrgere,
 tutò Prælato obedis, tutò oues, qua potes, faculta-
 te pascis. Debes tamé copix interim sermonis pa-
 randæ non indiligentem operam dare. Viderit ve-
 rò Episcopus, quam Pastori magno, qui eduxit
 oues in sanguine testamenti æterni, rationem red-
 diturus sit, qui nisi maximè idoneos suis præfi-
 ciat, sanguinis sine dubio apud æternum iudicem
 reus erit. At hi, qui iubente nemine, nemine vo-
 cante, ipsi se intrudunt, ipsi Indorum Parochias
 anhelant, lucro prorsus intenti, nihil aliud, quam
 quæstum existimantes pietatem, cum sint alioqui
 ineptissimi, muti, elingues, qua ratione, & lege
 excusentur, quod speculatores se constituerint,
 qui clamare non norunt, alij iudicent. Ego certè
 tantam temeritatem, tantum Dei animarumque
 contemptum excusare nec volo, nec possum, cum
 liceat videre paruulos deficere vulneratos in pla-
 teis ciuitatis, atque exhalare animas suas in sinu
 matrum suarum, cum planè quos matrum affe-
 ctum, & curam præse ferre oportebat, struthio-
 nes potius voraces, atque crudeles experiantur,
 atque ita fiat vt lactentium in Christo lingua pa-
 lato adhæreat, quod doctrinæ vbera vel clausa,
 vel arida inueniant, & grandiusculi panem petât,
 cum sit tamen nemo, qui frangat.

Quod quidam non rectè infcitia sermonis Indici consulant. CAP. VIII.

ATque hæc de necessaria notitia sermonis ei-
 qui animæ suæ interitum auertere cupit, di-
 cta sunt: quæ tamen eam, quam optamus, & que-
 rimus, idonei Dei ministri mensuram minimè im-
 plent. Nisi ergo linguæ vulgaris egregiè periti
 viri, doctrinæ atque instructioni tot populorum
 operam dent, mea quidem sententia parum ad-
 modum promouebit, opus Domini. Vnus eius-
 modi, cui Dominus linguam eruditam dederit,
 vt sciat lassum sustentare verbo, & infirmum in
 fide assumere, centum istis triuialibus catechistis
 anteponendus est, cum solus vnica cōcione plus
 efficiat, quàm illi multi toto sæculo. Atq; vtinam
 tales dono verbi affluentes, si nõ quotquot opus
 esset, at pro numero saltem prouinciarum habe-
 remus, qui fiducia pleni loquerentur ad plebem
 de Domino Iesu, non dubito, quin Apostolica
 exempla redirent. Sed quoniam & linguarum do-
 na cessarunt, & studio, atque diligentia rarus est,
 qui eos in sermone progressus faciat, meritò à
 multis quid huic malo remedij adhiberi queat,
 disputari solet. Sunt qui Indos ad nostrum idio-
 ma discendum seueris legibus cogendos censeāt,
 in alieno nimium liberales, de suo parci. Hi Pla-
 tonicæ Reip. similes leges verbis, quod facile est,
 nudis effingunt, quæ si conferantur ad rem, mera
 fabula. Si enim pauci Hispani in aliena patria,
 sermonem tamen suum non possunt dediscere, &
 pere-

Esai. 50.

Rom. 14.

peregrino imbui, ingenio alioqui præstantes, & intelligēdi necessitate obstricti, quid cerebri est innumerabiles gentes patriū sermonē in ipsa patria obliuisci, externo solū vti, quē rarō ac valde illibenter audiūt? Intra parietes porrō domesticos familiaria cū tractant, materna lingua loquētes quis deprehēdet? quis deferet? quomodo Hispanicē loqui adiget? Alij magistratiōi cōsentanea solent optare, vt si non peregrinā linguā discere & frequentare cogantur barbari, tamen eā qua generalis dicitur, vt ignorare non sinantur, quod non vsq; adeo factū difficile existimant, cū potuerit Ingarū consultissima lege perfici, vt omnes amplissimi huius regni prouincię Cuzquensem illā, siue Quichuam scirent, adeo vt per tria mille milliaria, & eo amplius hodie quoq; in vsu sit. Potuerūt ergo, inquiūt, barbari reges propter conseruandā imperij sui concordiā, & cōmunio- nem, quā voluerunt tot & tātis populis linguam dare, nō poterunt verō Christiani principes propter religionis vsq; adeo necessariā causam, efficere, vt eadē illa lingua ita percrebrescāt, vt omnibus vsui sit? Et si enim primores Indorum illā ferē callent, vulgus tamen mulierum, puerorum, eōrumq; quos ipsi Atunrunas vocitant, genus hominū agreste, vix quicquā satis illius norūt. Quæ ex re, & prædicando verbo Dei, & cōfessionibus audiendis impedimēta fiunt sanē grauiā, cū idiomatū tam multiplex sylvā sit, vt in his locis, quæ ipse emēsus sum, existimem plusquā trigintā linguas numerari, easq; valde & inter se abhorrētes

& ad discendum difficiles. Cui tam magno incommodo si quo pacto possit occurrere nostrorum moderatorum vigilantia, optime de Indicana salute meritos posteritas omnis laude celebraret. Sed dum hæc vel fieri nequeunt, vel certè non sunt, missa Indorum informatione, nostrum ipsi non desinamus informare sermonem, quoniam charitatis lege, illos à nobis potius quæri, quam ab illis nos decet. Sunt igitur (in quorum numero aliquando fuisse confiteor) qui saluti Indorum educandos, præficiendosque ex Indigenis Hispanorum filiis magistros arbitrentur. Hanc esse compendiariam viam, propterea quod hi sermonis abundè gnari sunt, cui ab incunabulis assuefacti sunt, quo ad quidvis explicandum familiari uti queant: sensu verò & religione Christiani integri & solidi, cum ab Hispanis progenitoribus fidem Ecclesiasticamque consuetudinè hereditario fere iure retineant, idque pro summa gloria ducant. Ac planè quicumque ex his probatè diuque spectatæ virtutis reperti fuerint, doctrinæ quoque non expertes, in ministros sermonis assumi percommodum est, neque dubitandum quin horum studio & oratione, qui non solùm sermones, verum res etiam ipsorum & norunt, & amant, si fidelem ac diligentem operam nauent, Indi multum adiuuandi, promouendi que sint. Quæ si honestas morum satis eluceat, & diuturnis documentis pateat, quidvis aliud Indorum saluti posthabendum est. Neque valde scrupulose natales eorum repudiandi sunt, atque odio & iniuria (quod à multis non rectè fit) prose-

*Act. 16.**3. Reg. 7.**Act. 10.**Gen. 24.**Gen. 27.**Tit. 1.*

prosequendi, qui patre Hispano, matre Inda pro-
gnati sunt. Fieri enim potest, vt inter istos quoq;
mixto genere, Timotheus quispiam sit patre gen-
tili, matre Iudæa ortus, & tamen cum testimo-
nium bonum habeat à fratribus, assumatur à Pau-
lo, vtilisque Euangelico operi reperiatur, qui cæ-
teros quoque meritis & laude præcellat. Quid
vetat alterum quoque Hiram similibus natali-
bus ortum à Salomone Rege euocari, & præcla-
rissimis, difficilimisq; templi operibus præfici,
quod plenus sapientia, & consilio sit? Neq; enim
personarum acceptor est Deus. At quamuis hæc
ita habeant, tamen certissima magistra experien-
tia copiosè monstrat non posse nos, nec debere
solicitudinem omnem nostram studiumq; depo-
nere Indigenarum præsidio fretos, neque verò
oportere rem tantam apto sermoni hominum
committere, quorum mores non æquè apti sunt.
Ferè enim Indorū ingenia, & mores redolent,
quorū & lacte, & cōsuetudine educati sunt. Ma-
gna prorsus est primæ consuetudinis vis, magna
primi caloris impressio. Neq; frustratam religio-
sè Abraham famulum adiurauit de non danda fi-
lio suo Isaac vxore Chananæa: neque muliebri-
ter, ac non potius sapienter Sancta Rebecca He-
thææ fœminæ coniungi Iacob suum adeo exhor-
ruit, vt vitam mallet amittere. Sunt proprii cu-
iusq; regionis mores, quemadmodum & natiui
fructus non iidem vbique, sed varij. Cretenses
semper mendaces, malæ bestię, ventres pigri. Te-
stimonium Poëtæ veteri fert Apostolus, quod

vera

vera scripserit. Itaque solerter ingenia inspicienda sunt hominum, moreſque diu probādi, vt patriæ minus temperatæ, & constantis, vel potius lasciuæ, & levis opinionem quis eluat. Periculo certè compertum est, ex istis plerofq; plus obesse corruptis moribus, quam verbo sano proficere. Quamobrem ita istorum loquēdi opportunitas contemnenda non est, vt tamen ingenio & moribus nisi plenissimè probatis, non tutò res tanta, tamque periculosa credatur.

*Quod oporteat ad Indos venientes predicatorēs
Indicum idioma diligenter discere.*

CAP. IX.

Itaque laborandum nobis est, & quod vnum restat ex omnibus, studio & tolerantia, sermonis facultas paranda. Id quamuis difficile, & negotiosum sit, non tamen fieri nequit. Videmus homines in Hispania natos, atq; educatos, quosdam etiam de nostris Theologos non obscuri nominis, qui obedientia duce ad has regiones venerunt, charitate illustrium conatum autore impellente, tanta se discendo idiomati Indico curâ dedidisse, vt non minus facunde & copiose Ingarum sermone concionentur, quam materno possent. Deus enim quorum incitat mentes, vt ait Leo Papa, adiuuat etiam actiones. Non nemo etiam haud quaquam vna lingua contentus pluri cognitionem adhibuit, quem nullo præceptore vsum intra tres, quatuorve menses in

D d lingua

Epist. 32.

418 DE PROCVRANDA INDORVM
 lingua Aymarayca, quæ post Cuzquersem se-
 cundum locum tenet, tam fœliciter concionan-
 tem audiuius, vt ipsi Indi Collani magnos-
 pere admirarentur. Hunc ego tam gloriosum
 laborem, & contentionem omni Theologici
 studij laudi antepono. Ac re vera si quis serio
 adiecerit animum, non ita magno ac diutur-
 no sudore omnem eam difficultatem quanta-
 cunque sit, superaturus est. Neque enim He-
 braici Chaldaiciq̃ue sermonis difficultatem In-
 dicus æquat sexcentis partibus. Græci vero ac
 Latini prolixitatem, & multiplicem scituque
 arduam copiam, multo minus, quin longe sim-
 plicior, inflexiones paucissimas habet, breui-
 busque admodum documentis comprehendi po-
 test. In quo si interpolationes postpositionesq̃ue,
 quibus maximè à Græco, & Latino, at-
 que Hispanico abhorret, & cum Hebraicis af-
 fixis plurimum conuenit, semel deuotaueris,
 nihil ferè ardui reliquum fiat. Pronuntiatio-
 nem verò barbaricam habet quidem plurima
 ex parte, sed cum Hispanica omnium quod
 ego sciam Idiomatum, maximè congruentem,
 vt non immeritò Frater Dominus Episcopus
 scripserit, videri sibi Hispanorum nationi has
 gentes diuinitus præparatas. Iam verò in il-
 la sua veluti inculta barbarie adeo pulchros
 adeo elegantes idiotismos habet, formula-
 que dicendi mirabili breuitate multa comple-
 xas, vt delectet vehementer: quorum vnus
 vocis vim si Latinus, Hispanusue exprimere ve-
 lit,

*In prologo
 Gramma-
 tica Indica*

lit, pluribus ipse vix possit. Sed spiritualium & philosophicarum rerum sicuti notitia plurimū carebant, vtpote barbari, ita verborum Indicorum penuria maxima est. At vsus Hispanicas voces Indicas fecit. Vt enim equum, bo-
uem, vinum, triticum, oleum, multaque id genus quia non nouerant, ab Hispanis non solum res sed vocabula quoque acceperunt, pro quibus nos quoque alia Europæ vel animantium, vel frugum genera ignota mutuati sumus: ita equidem censuerim non magnopere laborandum, si Fides, si Crux, si Angelus, si virginitas, si coniugium, si pleraque alia non satis Indice ac propriè reddi possit. Licebit enim ex Hispanico mutuari, & propria facere, vsuque ipso linguam locupletare, quod & omnes fecere nationes, Hispanica maxime, vt aliena copia ipsa ditesceret, quod prudentissimus quisquis Simiyachac, id est, Indici sermonis Magister frequentare iam solet. Pronuntiandi vero difficultas vbi veluti infartis assutisque multis syllabis pleræque dictiones in longum crescunt, non potest non esse molesta paternæ præsertim suauitati assuetis, multoque illa altera grauior, intelligendi Indos stridentes saepe ore potius, quam loquentes, sed deuoranda est tandem vsuque ipso atque exercitatione vincenda. Cætera quippe facilia valde: Est autè ad certa præcepta neq; multa, neque difficilia redacta ars omnis Indicæ linguæ: qua in re primis scriptoribus, etsi multa falso multa improprie & absurde

præceperint, tamen gratiæ habendæ sunt maximæ, multum enim adiuuat ars, methodusque tradendi prima rudimenta. Sunt etiam iam satis multa scripta copiose & ornate, quorum lectio-
ne proficere studiosus auditor queat, & emer-
gent quotidie plura & cultiora. In his & legen-
dis, & ediscendis memoriter, itemque frequenti
scriptione imitandis multum crescet sermonis co-
gnitio. Quamobrem lectiones publicæ institute
linguæ Indicæ perutiles sunt, ac nullo modo cō-
temnendæ. Verum hæc omnia instar vmbra-
tilis pugnae, & palæstra potius, quam acies. Ad rē ergo
veniendum est, & frequenti colloctione cum
Indis seriō iam agendum, vbi audiendo ac lo-
quendo familiaris sermo fiat. Inde ad concio-
nes progrediendum, & pudore metuque depo-
sito, sæpe & audacter errandum, vt aliquan-
do non erretur. Initio quidem memoriter &
res & verba dicenda, mox etiam sequentur ver-
ba res ipsas. Ista quidem, dicet opinor aliquis
præcipere in promptu est, exequi verò per-
quam remotum, ita sane habet. Attamen &
labor omnia vincit, & laborem facit iucundum
propensio animi. Mihi nulla in hac causa terri-
bilior difficultas occurrit, quam auersæ volun-
tates hominum. Adeo enim ista non amant,
adeo non curant, vt etiam contemnant, ac lo-
co ignominia habeant cum Indis versari & lo-
qui Indicè. Christi vero amatores atq; animarū
studiosos eo amplius incitare atq; accendere de-
bent, quòd mundo ista fastidio sunt, Paulo

Apostolo nos prouocâte, Mihi mūdus crucifixus *Gal. 6.*
 est, & ego mundo. Dauide quoque exclamante, *2. Reg. 6.*
 Viuit Dominus, quia ludam, & vilior fiam. Om-
 nino nihil pretiosius hac Crucis Christi inuen-
 tione, & exaltatione & triumpho. Nouit ille qui
 accipit. Quamobrē si sacerdotes, ministriq; Euā-
 gelij multum apud Indos proficere cupiūt, illud
 modis omnibus curent, vt recentes ab Hispania
 antequam feruor ille, & sitis animarum intepes-
 cat, nulla alia re occupentur, ac distineantur, quā
 accuratissimo studio discendæ Indicæ linguæ, &
 post quam didicerint exercendæ. Hoc nisi fiet,
 vix aliquid fiet, quod experimento compertum
 habemus. Sapienter ergo & religiose Dominica-
 næ familiæ patres in Guatimala prouincia, vt mi-
 hi fide dignus vir solebat narrare, inuiolabili sta-
 tuto venientibus ab Hispania totum primum an-
 num nihil aliud quam studium sermonis iniun-
 gunt. Anno integro exacto ad fructificandum
 mittunt, quod vtinam omnes sequeremur exem-
 plum, fieret paucis annis sine dubio plusquam ef-
 fectum est plurimis. Neq; enim societatis nostræ
 Beatus Fundator Ignatius Indicæ linguæ lectio-
 nes publicas frustra præcepit, vbi vtilēs videren-
 tur, neque vsquam necessarium magis, quod Re-
 gulæ habent, vt Regionis, in qua degūt, sermone
 loquantur omnes, sunt enim per quam necessa-
 ria omnia ista præsidia, vt facultas paretur verbi
 diuini gentibus annuntiandi. At si quis vel per
 occupationes vrgentes, vel per minus fœlicem
 ingenij sortem tanta consequi nequeat, non

Par. 4. Cōf.
cap. 12. &
Declar. lit.
B.

continuo debet sibi ab hoc Dei opere vacandum existimare, silentioque vitam agere. Potest multis modis facultatis suæ exiguitatem adiuuare. Primū si doctus ipse cum sit & probatæ virtutis, socio vtatur sermonis perito, quem ipse sententiam seorsum doceat, & quid, quoue modo dicendum sit, instruat, eumque vt Moyses Aaron interpretem habeat, vt per illum potius ipse loquatur. Non quidem, vt alter alterius verbis verba reddendo loquatur interpretis more (quod frigidum est tametsi ne id quidem contemnendum,) sed summam potius edoctus ante concionem oratoris partesimpleat, quod nos perutile sumus experti, si socius contingat idoneus ac fidelis. Præterea non esset vtilitatis exigua, si aliquot ipse conciones & breuem aliquam catechismi expositionem memoriter disceret, atq; ea identidem repeteret apud Indos. Neq; enim verendum est, ne illos repetitione offendat, neq; tam isti indigent magnis, & exquisitis rationibus, quam quibusdam facilioribus, accommodatis, iisque sapius repetitis. Nā & gloriosissimus Dei Præco Franciscus eo modo instituisse fratres suos simpliciores prædicatione perhibetur: & Magister Franciscus noster apud Malauaricos ea industria multum in conuersione gentium profecit. Ac mihi cum missionem quandam obirem, venit in mentem id nobis non difficile, Indis verò valde commodum fuisse futurum, quod in missionibus loca subinde commutentur, doctrina verò eadem vbique repetenda sit, vt

paruulis

paruulis lac Euangelij præbeatur. Ad hæc
 possent vitorum grauium, & eloquentium scri-
 ptæ orationes de rebus Christianæ religionis pu-
 blicè legi, & cum aliqua emphasi pronuntiari,
 quibus Indorum populi non solum instrue-
 rentur, verum etiã excitarentur. Quæ sanè con-
 suetudo olim in Ecclesia diu retenta est, & à san-
 ctis Patribus magnopere commendata. Sunt ve-
 ro nostrorum scripta Indicè valde opportuna,
 quæ si relegantur, non dubito, quin auidè exci-
 pienda sint. Et spero equidem, modo ardor non
 desit spiritus Christum, & Christi paruulos
 complectentis, his aliisque rationibus, quas idem
 spiritus commode suggeret, magnos Fidei salu-
 tisque Indicæ prouentus aliquando affuturos.

De scientia sacerdoti necessaria,

CAP. X.

SEQUITVR scientia, quæ tam propria
 sacerdotis est, vt pectori insculptam Doctri-
 nam gestare lex iusserit, significans Dei seruum
 doctorem esse oportere cæterorum, quorum
 suscipit curam, ne, si sciẽtiam à se repulerit, repel-
 latur ipse vicissim à Domino, ne sacerdotio fun-
 gatur, atque ita pariter, & propheta, & populus
 corruat. In plebeio homine habet ignorantia
 suam fortassis excusationem, at in sacerdote vt
 Leo Papa scribit, vix ferè da est excusatio, quæ præ-
 tendat inscitiam, imo verò, vt in alia epistola

Exo. 18.

Osè. 4.

Epist. 4. ad

Episcopos

Sicili.

Epist. 22. scribit, in ijs, qui præsunt, inscitia nec excusatio-
Dis. 38. si ne digna est nec venia. Quatenus autem peritum
in laicis, esse oporteat sacerdotem, satis Patrum Canones
 indicant. Si prædicandi quidem verbi Dei fun-
Leo ep. 82, gitur officio, cum sit hoc proprium Pastorum,
 atque Doctorum eum esse oportebit, quem Pau-
Tit. 1, lus describit, Amplectentem sanè eum, qui secun-
 dum doctrinam est fidelem sermonem, ut potens
 sit exhortari in doctrina sana, & eos, qui contra-
 dicunt, arguere, qui hæc præstare non potest, te-
Iac. 3, merè Doctoris in Ecclesia usurpat locum, maius
 sibi iuxta Iacobum Apostolum iudiciū sumens.
 Quod cum tantæ magnitudinis tanti etiam peri-
 culi sit, nemo satis præstare potest, nisi missus à
Rom. 10, Domino, Quomodo enim, inquit, prædicabunt
Ioan. 7, nisi mittantur? Et, qui loquitur à semetipso, glo-
Hier. 29, riam propriam quærit. Et, ipsi loquebantur in no-
 mine meo, cum ego non mandarem eis, & cæte-
 ra id genus multa, quæ terrori sunt, ut nisi aut ex
 officio incumbat, aut maiorum autoritate impo-
 natur, aut ipsa charitate apertè perurgente & ex-
 timulante, vitari non queat, nemo sui memor,
2. Cor. 5, onus magnis quoq; viris formidabile subire au-
 deat. Sed ut dixi, charitas Christi vrget æstimantes
 hoc, quia Christus pro omnibus mortuus est,
 ut qui viuunt, iam non sibi viuant, sed ei, qui pro
 ipsis mortuus est. In Indorum autem prædicatione,
 & laboris est plurimum, & vanitatis perparū,
 ubi laudes, applaususq; populares non expectan-
 tur, ubi neq; gustus nimium delicatus exquisitis
 illecebris excitandus est, verum eius panis, qui
 nobis

nobis abundat, & præcopia penè vilescit, qualis-
cumque erogatio admirabiles esurientibus epu-
las præbet. Itaque quò alias magis periculosum,
& anceps Magistri munus, eò inter barbaras gen-
tes & fructuosius, & tutius, cum non hominum
favorem aucupetur, sed Dei pro paruulis suis gra-
tam mercedem speret. Parochi verò Indorum, si
quis munus obeat, catechismo Concilij Triden-
tini, quid sciendum sit, satis dicitur. Vt primum,
symbolum, mysteriaque Fidei præcipua norit ex-
ponere pro captu audientium, mox præcepta di-
uina quæ aut seruentur, aut violentur, tum quæ
ad sacramentorum intelligentiam, vsumque per-
tineant. Ac modo probata ille vitæ laude flore-
ret, atq; locutionis Indicæ facultate non careret,
cum viros haberet, quos tutò in grauioribus cau-
sis consuleret, non magnopere ego scholarum ap-
paratum, reconditamq; illam doctrinam in eius-
modi Indorum Parocho desiderarem, quippe
cuius munus magis prudentia quadam, atque in-
genij, morumque Indicorum peritia constet, quàm
subtiliori literatura. Vt enim Magistri nouitiorum
in religiosis domibus eliguntur, virtute pruden-
tiaque præstantes, ipsoq; vfu rerum spiritualium,
propterea quod ea ars artium cum sit, non tam
paginiseuoluēdis, quam internis spiritus motio-
nibus discernēdis paratur (tametsi cū fundamē-
tum istud iacitur vitæ purioris ac sensus exerci-
tati ad discretionem boni, & mali. sanctorum Pa-
trum lectio, vt Gregorij, Basilij, Bernardi, ac cæ-
terorum, Diuinaq; scripturæ præsertim meditatio

plurimū adiuuet:) ita planē in moderatione Indorum, qui nouitij quidam sunt religionis Christianæ, & quidem quibus omnia diuina, & Ecclesiastica valde noua, valde inuitata occurrant, exoptanda esset eximia quædam vitæ sanctitas in ministro Dei cum pari prudentiæ ac dexteritatis laude coniuncta: scientiæ verò is modus eaque mēfura, quæ communiter opportuna est, vt sciat quæ forma catechismi seruanda, quis ordo sacramentorum tenendus, quantum sibi liceat in absolutione, quæ sint reservata crimina, quæ priuilegia Neophitorum à summis Pontificibus data, ceteraque talia, quorum notitiā ex Concilio Provinciali Limensi petere potest. Ritus verò Indorum, auitas consuetudines, & superstitiones, modumque cum his agendi, & versandi non nisi longo vsu rerum discere potest, hinc cum pendeat utilis administratio sacerdotij Indorum, valde dolendum est, vsq; adeo rarum esse Parochum, qui triennium integrum exigat in sibi commissā Paræcia: sed statim eum tædeat suorum, aut libido ambitioq; aliorum huc illuc circumferat, vbique cursantes, nusquam consistentes, atq; ita fructus exiguos afferentes. Deberent illud meminisse, & Episcopi, & Parochi, Diligenter attende vultum pecoris tui, tuosque greges considera, non enim habebis iugiter potestatem, & corona tribuetur tibi, multoque magis illud boni pastoris de bono pastore documentum, Proprias oues vocat nominatim, & cum eas eniserit, ante eas vadit. In concilio quidem Limensi magno pondere verborum

Proh. 27.

Ioan. 10.

borum decretum est, Ne Parochi Indorum ante sexennium doctrinam, siue Paræciam mutare permitterentur, nisi ineuitabiles causæ acciderent. Nunc temporis prout libitum est, quia ampliores prouentus alibi sperat, aut cum Patrono intercessit iurgij quippiam, aut vrbica frequentia magis iuuat, sine vlla cunctatione grex commissus deferitur, ignoto traditur: qui dum subinde pastores mutat, neminem agnoscens, à nemine agnitus nec numeratus facilè dispergitur, & luporum insidijs occiditur. Ipsi Episcopi, quorum intererat suorum Parochorum leuitatem inconstantiamq; compescere, vel lenire, & mitigare fastidia, multo magis ad ista conuiuent, commutantes ipsi quauis de causa Præpositos. Hæc tanta clades est animarum, vt satis deplorari non possit. Nihil ergo sacerdos Christi præclari perficiet in salute Indorum sine familiari, & hominum & rerum notitia: nunquam hanc consequetur, nisi pedem fixerit. Talem igitur scientiâ in Parocho Indorum plurimi facimus, illam vero elaboratam Theologiæ cognitionem nullo modo contemnimus.

Constit. 4.

Opertere in nouo orbe aliquos esse præstantes Theologos.

CAP. XI.

Quin potius tamen in plerisque mediocribus quædam doctrina sit satis, tamen eos, ad quos recurrunt cæteri à quibusq; velut à fonte hau-

hauriunt, tam esse oportet absoluta Theologiae facultate instructos in nouo orbe, vt nusquam gentium amplius. Id ita esse, qui rem accuratius animaduernerit, certis indicijs deprehendet. Primum enim, vbi Fides Christi recens fundata est, tamque immensis spatijs longè lateque propagata, ibi sanè & ad veteres pellendos errores, & ad nouam tuendam religionem Theologiae doctrina magnopere necessaria est, cuius partes Augustinus esse docuit, vt Fidem saluberrimam gignat, nutriat, atque defendat. Olim cum audissent Apostoli, quia recepiſſet Samaria verbum Dei, miserunt ad eos, non quosuis, sed Petrum & Ioan- nem Apostolorum facile primos. Quam ob causam putamus? nisi quod religionis Christianae exordia, praecipua quadam sapientia indigent, industria, diligentia, quemadmodum in nouis ple- rumque stirpibus videmus accidere. Deinde in nouo hoc Orbe noua esse negotia oportet, nouos mores, leges, contractus, rationes denique vitae vniuersas longe alias: militiae, mercaturae, nauticae, totius Indicae administrationis difficultates occurrunt quotidie nouae & magnae, quibus nisi sacrae doctrinae lux adsit eaq; copiosa, in magnis ignorantiae tenebris, ac certo periculo salutis suae homines versentur necesse est. Quod si nulla secundum Deum lege, ac ratione contineantur & frænentur, auaritia, atque libidini cuncta permissa breui sine vlllo modo misceri, ac turbari certum est, id quod perspicuè sermo diuinus per Esaiam minatur, Auferam, inquit, consiliariū, & sapientē de

12. de Tri.

Act. 8.

Esai. 3.

de architectis, & prudentē eloquij mystici (quid sequatur attende) & irruet populus vir ad virum, tumultuabitur puer contra senem, & ignobilis contra nobilem, & reliqua, quæ prosequitur. Salomon quoq; breuiter, sed abunde, Cum defecerit Prophetia, hoc est, Dei verbum, dissipabitur populus. Atque vtinam superiorum calamitatū quas Resp. hæc diu perpeffa est, non ea causa, vel præcipua extitisset, quod vbi fuit potentia & armorum plurimum, ibi doctrina, & Christiani consilij perparum fuit. Vix dici potest, quam ad continendos homines in officio diuinæ doctrinae præsidia necessaria sint. Postremo remotissima, & ab Hispania, Europæque totius finibus longissimè disita regio est, quam tenemus: causæ vt dixi, occurrunt variæ, videntur plerumq; vehementer: habent momenta magna & animarū & corporum. Quis ergo conscientia remedium consiliumque ab Hispania vsque expectari equo animo ferat, quod vel serum, vel inutile fortassis futurum sit, interdum etiam pene dixerim noxium? Difficile est absentium causas certò diiudicare, & vt Leo Magnus scitè ait, inter longinquas regiones in nimias dilationes tendunt veritatis examina. Tum etiam quæ relatione tantum notitia constar, cum pro ingenio & studio hominum vario varia ea esse & incerta solent, periculose de summis Christianæ salutis negotijs adhibet censuram suam. Euenit crebrò, vt quemadmodum medici etiam peritissimi absente ægro to consulti, dum neq; morborum causas, neque hominis

PROH. 29.

Epi. 32.

430 DE PROCVRANDA INDORVM
 hominis constitutionem satis perspectam habet,
 grauitè fallantur, & fallant: ita etiam nostri Theo-
 logi Hispanienses, vtcumque illi celebres, & il-
 lustres alioqui sint, tamen de rebus Indicis non
 mediocriter errent. Qui verò cominus ista consi-
 derant, oculis lustrant, ac veluti manu tenent,
 etiam si minus periti illi sint, tamen longè certius,
 & scèlicius philosophentur. Paulus certè Apo-
 stolus quanquam multa Corinthijs præscribit
 absens, plurima tamen tunc se dispositurum pro-
 mittit, cum fuerit apud eos. Multum ompino
 confert oculata experientia, & magnas sapientiæ
 occasiones præstat. Quamobrem nisi qui cæte-
 ros foueant, atq; illustrent splendore doctrinæ,
 absoluti aliqui, & præstantes Theologi sint, du-
 bium non est, quin magnam religionis totius cau-
 sa in partibus Indicis iacturam factura sit.

1. Cor. 11.

*Vita probitas in ministro Euangelij quod & à Deo
 & ab hominibus requiratur.*

C A P. XII.

*Ad Irenæum
 lib. 2. ep. 6.*

VItæ verò sanctitatē in sacerdote (quod erat
 ex tribus primum) etiam nomen ipsum ad-
 monet eximiam esse debere, quod nō solū sacras
 literas vbique sonare, sed etiam prophanas com-
 mendare scribit B. Ambrosius, qui Pythagori-
 cum illud ad sacerdotes propriè accommodat.
 Communem, atq; v̄sitatam populo viam non ef-
 se terendam, quod ab Hebræis, quorum & genus
 duxisse vult, accepisse asserit. Nihil enim in sa-
 cerdo-

sacerdotibus plebeium requiri, nihil popolare,
 nihil commune cum studio, atq; usu & moribus
 inconditæ multitudinis. Sobriam à turbis graui-
 tatem, seriam vitam, singulare pondus dignitas si-
 bi vendicat sacerdotalis. Quomodo enim potest
 obseruari à populo, qui nihil habet secretum à
 populo, dispar à multitudine? Hæc ille. De qua re
 tam multa sunt in diuinis literis tradita, tam mul-
 ta à sanctis Patribus explicata, vt si recitare per-
 gam, Homilias declamare videar. Illud seriò di-
 cam, quod etiam, atq; etiam animaduerti, in ijs
 qui notis gentibus præficiuntur, vt non solum
 mores, sed fidem ipsam ædificent, tam excellenti
 opus esse sanctitate, vt Apostolica verè debeat
 optari. Ipsos Apostolos Dominus noster quan-
 ta primum attentione misit, vt se præcurrerent,
 ac veluti velitasent? Orationem profundam per-
 uigilante produxit, cum Patre rem tantam com-
 municans, vocatos præterea ad se quibus verbis,
 quam grauib; officij admonet? qua disciplina
 mittit? quibus præceptis imbuit? quanta integra-
 tis, quanta mortificationis, quanta patientiæ cõ-
 mendatio? Quid obsecro hoc tali apparatu tātus
 Magister agebat aliud, quā vt informaret Eccle-
 siæ doctores, & pastores, ne cui manus citò impo-
 ponerent, ne Euāgelicæ prædicationis munus nisi
 selectissimis & probatissimis cõmittendū putarēt?
 Idem mox à mortuis resurgens non patitur, suos
 illos quāuis iam feruentes & accensos amore ip-
 sius, quamuis scripturarum sensu donatos ad
 Euangelizandum prodire, sed domi se potius
 conti-

Luc. 6.

Luc. 24.

432 DE PROCVRANDA INDORVM
continere iubet, & magna meditatione expecta-
re, donec induantur virtute ex alto. *Quin* etiam
Acto. 13. Paulus iam ad tertium cœlum raptus, & mira
operatus, non prius cum Barnaba destinatur ad
gentes, quam sanctis fratribus ieiunantibus, &
ministrantibus Spiritus sanctus eos sibi ad opus
hoc segregari iubet. Diuturnam profectò vitæ
immaculatæ probationem Apostolicum hocce
munus efflagitat. Paulus ipse grauissime de eli-
gendis fidelium præpositis admonet Titum, *Ve*
Tit. 1. constituas per ciuitates presbyteros, sicut & ego
disposui tibi, si quis sine crimine est. Oportet
enim episcopum sine crimine esse, sicut Dei dis-
pensatorem non superbum, non iracundum, non
vinolentum, non percussorem, non turpis lucri
cupidum, sed hospitalem, benignum, sobrium,
1. Tim. 3. iustum, sanctum, continentem. Ministros quoq;
præcipit alibi probari prius, & sic ministrare, nul-
lum crimen habentes. *Queris*, cur tanta exigen-
tur in Euāgelij ministro. Dicam equidem breui-
ter, quod nequē Deo, neque hominibus, neque
verò sibi ipsi satisfacere vllō modo queat, nisi
talis tantusque sit. Etenim Dei gratiam etsi cer-
tum est nullis proprijs meritis præueniri, tamen
æquē quoque indubium est, iustorum sanctitate
& precibus, præpositorum præsertim, effici sole-
re, vt subditus populus Dei largam in se benedi-
ctionem, & gratiam experiatur. Idq; multò ma-
ximè in initijs fidei, vbi nulla possunt eorū, qui
vocantur, merita inuitare, & multa possunt cri-
mina obstat. Scio equidem Dei gratiæ prorsus
fuisse,

fuisse, vt tot millia Iudæorum Petri exhortatio- *Act. 2. & 4*
 ne pœnitentiam agerent, & in Christum crede- *Act. 16.*
 rent, vt tot millia gentium Pauli prædicatione *& 17.*
 idolorum vanitate reiecta Deum viuum, & ve- *Rom. 9.*
 rum colerent. Et hoc neque currentis esse neque
 volentis, sed Dei miserentis. At eandem Dei mi-
 sericordiam hoc præparare, vt precibus meritif-
 que suorum tanta donaret, qui negat aut dubi-
 tat, ipsi diuinæ gratiæ iniurius est. Vult enim quo
 dammodo pati virum, & hoc summæ est beneficē-
 tiæ, vt ad benefaciendum se pulsari sollicitarique
 velit. Ob id populo duro virum mitissimum, si- *Exod. 32.*
 bi que amicissimum præficit, à quo se se etiam
 teneri clāmitat, ne in impios furorem effundat.
 Ob id pro Abimelech, & populo Ægyptiorum *Genes. 20.*
 Abraham, pro Rebecca Isaac, pro amicorū igno- *Gen. 25.*
 rantijs sanctum Iob, pro Israelis populo, tum Sa- *Iob. 42.*
 muelem, tum Dauid, tum Ezechiam & pro ipso *1. Reg. 12.*
 Ezechia, Isaiam, pro Samatitanorum plebe Pe- *4. Reg. 19.*
 trum, & Ioannem, pro Epaphrodito ægrotante *Esa. 37.*
 Paulum, itemque pro connauigantibus, tum pro *Act. 8.*
 alijs alios patres, amicosque suos Deus orare vult, *Phil. 2.*
 & preces, sacrificiaque offerre, vt perspicuè do- *Act. 27.*
 ceat se se, vt minorum misereatur, in quibus non
 suppetunt ea merita, maiorum studio prouocari
 velle. Habet enim hoc diuinæ prouidentię ordo
 mirabilis. Hinc Dionysius, si quis per seipsum, *D. Eccles.*
 inquit, ad Deum accedat, sanctosque despiciat, *Hie. c. 7. p.*
 hic diuina nunquam familiaritate potietur. At-
 que, hoc est, quod per Prophetam expostulat, *Ezech. 22.*
 Quæsiui virum, qui se medium interponeret, &

Ee

non

*Esai. 64.**2. part.**Ps. c. 11.**1. Cor. 4.**Acto. 13.*

non inueni. Hoc quoque alius propheta deplo-
 rat, Non est, qui consurgat, & teneat te. Quin po-
 tius improborum præpositorum peccatis eo vs-
 que provocatur ira diuina, vt non solum benefi-
 cia conferre cesset, verum etiam vindictam ac-
 celeret. Quare seuerè quidem sed verè Grego-
 rius deterret indignos præpositos, cum ait, Qua
 mente apud Deum intercessionis locum pro po-
 pulo arripit, qui familiarem se eius gratiæ esse
 per vitæ merita nescit? aut ab eo quomodo alijs
 veniam postulat, qui utrū sit sibi placatus, igno-
 rat? Quæ in re est etiam formidandum, ne qui
 placare iram posse creditur, hanc ipse ex proprio
 reatu mereatur. Cuncti enim liquido nouimus,
 quia cum is, qui displicet, ad intercedendum
 mittitur, irati animus ad deteriora prouocatur.
 Quæ cum ita sint, verendum profecto, ne In-
 dorum in fidē exigui progressus, in multis etiam
 initia non facta nostris malis meritis coram Deo
 æqua lance respondeant. Quo enim hi magis à
 Deo alieni, & à cœlesti luce seiuncti, eo sacerdo-
 tis, & patris merita illustriora esse oportet, vt
 quod deest illis, apud optimum patrem Deum
 ipse sufficiat. Dixi præterea hominibus sine vi-
 tæ integritate prodesse vix posse, quia re vera
 regnum Dei non est in sermone, sed in virtute,
 plusque commouet vita pura, quam oratio
 culta. Contra, mores corrupti doctrinam sanam
 facile euertunt, & inanem reddunt. Sergius qui-
 dem Paulus proconsul vir prudens tunc credidit
 admirans super doctrina Domini, cum verbis
 vidit

vidit facta succedere. Nos verò prodigia; quibus
Euangelicas voces confirmemus, nulla produci-
mus, neque verò est opus: vita vna restat ad ple-
nam confirmationem, vt ait Chrysostomus, quæ
si desit, cætera ruant, necesse est. Indorum verò
ingeniū esse dixisse me memini, vt incredibili at-
tentione de factis maiorum pendeant, illa obser-
uent vigilantissimè, inde hos iudicant, & aut cō-
temnunt, aut suspiciunt, & pro Deo habent. Cu-
ius verò vita despicitur, necesse est, vt etiam præ-
dicatio contemnatur. Non ergo alijs proderit
sine vitæ puritate, & splendore sacerdos, sibi au-
tem nocebit plurimum, quod est diligenter in-
tuendum.

Hom. 33. in

1. Cor.

*Quod h, qui inter barbaros versantur, humanis ad vir-
tutem auxilijs sint destituti. CAP. XIII.*

SVnt inter gentes Indorum versantibus hu-
mana ad virtutem adiumenta perpauca, im-
pedimenta permulta. Quo minus oportet eos sa-
lutis suæ negligentes esse, sed & integritatis radi-
ces altas egisse, & ingruentium contra vento-
rum tempestati fortiter repugnare, renouantes
de die in diem interiorem hominem, Apostoli
Pauli semper memores, qui talis, tantusq; cū esset,
castigabat tamen & in seruitutem redigebat cor-
pus suum, ne cum alijs prædicasset, ipse reprobis
efficeretur. Quā curam nisi quisq; sui diligētem
gerat, cū in Indorum cōmorantur oppidis paro-
chi, neminem sunt habituri adiutorem. Magnum

1. Cor. 9.

virtuti præsidium societatis bonorum. Socius
 exēplo excitat, sermone recreat, consilio instruit,
 orationibus adiuvat, auctoritate cōtinet, quæ om-
Eccles. 4. nia solitudini desunt. Sapienter admonet Salomon, Melius est duos esse simul quàm vnum. Ha-
 bent enim emolumentum societatis suæ. Si vnus
 ceciderit, ab altero fulcietur. Væ soli, quia cū ce-
 ciderit, non habet subleuantem se. Horreri peri-
 culoque immenso est tāta in parochijs Indorum
 solitudo. Atque vt mihi quidem videtur, quantū
 fieri posset, dāda esset opera, ne minus quam duo
 degerent, cum præsertim multa oppida redu-
 ctione iā facta frequentia sint, quibus vnus mi-
 nimè sufficiat. Etenim Christus Dominus disci-
 pulos ad prædicandum binos misit, cum possent
 tamen singuli plures populos obire. Sed præce-
 ptor noster tum consolationi, tum cautioni suorū
Mat. 10. ipsa societate consulendum putauit, cum etiā a di-
 ficationi securitatiq; exteriorum. Quam formā
Act. 8. tenuere postea Apostoli, cum Petrum & Ioānem
Act. 13. mitterent, cum Barnabam & Paulum, cū Iudā
Act. 15. & Sylam, & rursus Barnabam & Marcū, Paulum
 & Sylam, atq; ita penè perpetuo. Apud nostros
 vero Euangelij ministros mira solitudo. Ex qua
 primū desidia paulatim oritur: deinde licētia,
 cum sine teste peccetur, reprehensio nulla timea-
 tur, postremo iā lapsi sera, & difficilis resipiscētia,
 cū medico careat. Hinc in malo cōsuetudo, boni
 præterea omnis obliuio, deniq; vitæ melioris de-
Zach. 11. iperatio. O quot ita misere corrūere, vt merito
 ululare debeat abies: cum viderit altissimas ac no-
 bilissimas

bilissimas Cedros Libani cecidisse. Non loquor antiqua, non repeto Herones, Tertullianos, Origenes, Nicolaos, Salomones, ceteraq; documenta veterum. Recentia & quotidiana intueor. Et quid obsecro prodest homini, si mūdum vniuersum lucretur, animæ verò suæ detrimentum patiatur? Imo verò qui sibi nequam est, cui bonus erit vnquam? Omnia ergo adiumenta & præsidia humana, quæ ex aliorū vita, moribus, doctrina, autoritate proficiscuntur, desunt propemodū parocho Indotum. Quonā igitur modo nisi multum in virtute profecerit, suæque ipse disciplinæ custos integerrimus ac vigilantissimus sit, suscepto muneris sine ingenti suo dampno satisfacere queat?

Mat. 16.

Eccli. 147.

Quæ libidinis & auaritiæ incentiua occurrant.

CAP. XIII.

ATqui solitudo etq; omnibus istis auxilijs caret, tamē olim expetebatur à multis propterea quòd etiam occasionibus laqueisq; vacaret, vbi libidinis, & cupiditatis materia omnis abesset. At barbarorum commoratio ita est omni humanitate destituta ad bonū, vt tamen in malū nihil illa magis pertrahat & irritet. Impuditiæ omnis vorago ingēs, vbi hominū timor nullus, fornicarum mira laciua & procacitas, pudor penitus omnis ignotus: occasio frequentissima, nō tā quæ sita ad libidinem, quàm libidinē ipsa querens. Timor quidem Dei potentissimus est ad resistēdum peccato: At vbi pudore pariter ac metu

E c 3 humano

humano destituitur, tum verò vrgetur ipsa facilitate peccandi, facillimè, quæ nostra est miseria, abijcitur. Vbi enim & tentat procliuitas, & suadet impunitas, quid non obtineat illecebra? Quis verò castus & pudicus, nisi fugiendo materiã libidinis? Nam ea semel admota, quid sequatur Salomon, & præcepto monet, (Quis ambulabit in igne, & plantę eius non cõburentur?) & exemplo docet, qui & dilectus à Deo insigniter, & sapiëntia tanta ditatus, & senex iam succubuit victus, omnemq; illã celebritatem suam eius maculę labe fœdauit. Scripsit quidam beatus Pater, pudorem diuinitus datum esse mulieri, ne, si deesset, nõ fieret salua omnis caro. Apud barbaras fœminas pudor tam deest, vt nihil hac parte à pecude distet: imo verò cum pecudes pudore non superent, libidine superant. Quis igitur ex tanto incendio sospes exhibit, nisi quę gratia diuina protexerit, & quotidiana carnis mortificatio vallauerit? Est alia quoq; tentatio grãdis, cui sine magna animi constantia resisti non potest, dominatum exercendi in Indos, quorum naturalis atque vñtata subiectio, & nulla ad resistendũ audacia, animos facile tollit rectori, vt quicquid collibeat, sine cunctatione ad rem conferendum putet. Sunt enim qui dominantur fidei suorum, qui cum austeritate imperant, & fas omne ac nefas pro suo arbitratu statuunt, verè ab Apostolo descripti operarij, qui denorant, qui accipiunt, qui extolluntur, qui in faciem cædunt, qui Deo non seruiunt, sed suo ventri. Qui ita tenere primatum

amant,

Prou. 6.

3. Reg. 11.

Ioannes

Clymacus.

2. Cor. 11.

Rom. 16.

amant, vt non recipiant quosuis alios, quamuis vitæ probatæ, & doctrinæ sanæ, & in opere Dei exercitatos. Inde fastus quidam insolens: Quod si quis frater verbum exhortationis habeat ad plebem, ingratè prorsus accipere, inuidiam concitare, nihil iuris alijs facere. Neque ignoro esse complures, qui coadiutores in Dei opere nō solum accipiant, sed vehementer etiam efflagitent. Inde quoque cupiditatis habentæ laxissimæ cum campus latè patens occurrat, vbi quicquid quæstus exerceri velit, nemo sit contradicturus, opera prompta Indorum ad quiduis. Si scelera maiorum dissimulare pergat, argenti quiduis corradet, si mulctare pecunia, si seruitia imperare obsequia omnium parata. Deniq; absoluti cuiusdam imperij & auaritiæ tam est effusa materia, vt nisi quis temperatissimo animo sit, virtute iam confirmata, in transuersum breui agi possit.

Contra abusus Indicorum Parochorum.

C A P. XV.

PRæclare verò ageretur cum rebus Indorum, si sacerdotum ea saltem modestia esset, vt vitiorum occasionibus humanè oppugnatètur, ac non quæterent etiam ipsi de industria vitæ solutioris licentiam accersentes vltro sua damna, ponentes sponsonem cum morte, & tot & tam magna mala pacem existimantes. Neq; enim laqueos diaboli effugiunt, scēminas cōsortio suo & vitæ yfibus adhibētes. Quod si à vestimēto tinea, Eccli. 42.

Ee 4

&c

& à muliere iniquitas viri procedit, quæ potest esse castitatis tanta custodia, quæ hostem perpetuo insidiantem, domo, lare, & indiuidua cõsuetudine accipiat? Aiunt sibi nec cibos coquere nec cætera seruitia parare debere, ad hos vsus fœminas necessario adhibendas esse. Quasi verò, & viri ista præstare non possint, Indi præsertim ad omnia obsequia promptissimi. Aut si fœminarum omnino munditias cupiunt, nõ possint anus, quæ neque ignem neque fumum, vt dicitur, pariant, reperire. Nescio an alia in re maiore cura laboratum sit ab antiquis patribus, vix plures aut seueriores canones legas, quàm vbi id agitur, ne cū fœminis habitent clerici. In Concilio magno

Dist. 32.c. Niceno quam grauitè de subintroductis mulieribus clerico vitandis cautum sit, nemo non nõc. *Aquis* uit. Omnes prouinciales synodi plenæ sunt. *Pagan. c. 39.* trum decreta vehementer clamant, vnusque Hieronymus satis esse potest vsque ad inuidiam hoc *Lucius* *in ep. ad* loco decertans. Hospitiolum tuum, inquit, scribens ad Nepotianum clericum, aut raro, aut nūquam mulierum pedes terant, quia non potest *Gallie &* cum Deo habitare, qui fœminarum accessibus *Hisp. Conc.* copulatur. Fœmina conscientiam secum pariter *Thron. c. 7,* habitantis exurit, nunquam de mulierum formis *In 3. li. de* disputes, fœminæ nomen tuum nesciant, & cætera. Nulla profecto excusatio hinc admitti potest, vbi si minus conscientia, famæ saltem suæ *cret. tit. de* consulere debet parochus. Negotiatione vero sacerdotes *cohabit. a-* *tionē cleri* *corum &* *mulierum,* Hieron. ad Nepotian. ad Rustic. ad Paulinum. & ad Oceanum. Gratia sub vno textu coniungit d. 32.c. Hospitiolum.

cerdotes exercere, atque vsuras in super quære-
re, omnium conciliorum, atq; Pontificum, Leo-
nis præsertim vocibus interdictum est, & Pauli
ipsum, vel potius Domini, quod scirent omnium
malorum radicem esse cupiditatem, & sæcularia
negotia militiam Dei plurimum impedire. Hic
ego quid commemorem exquisitas mammonæ
artes, emptiones, distractionesque rerum, pacta
& conuenta secretò inita, argentum ad negotiā-
dum iustioribus datum, vt cum sœnore redeat,
quod plerumq; meritò nullū reddit, & sorte quo-
que exclusi, & actione qui se se eorum fidei de-
dunt, qui imposturam facere clerico indulgen-
tiam putant; iam verò auri cum argento permu-
tationes ipsiusq; argenti probati, & puri cum im-
puro, industriam tempora obseruantem, & fidei-
um oblationes vendentem, cum Patronis mu-
tatione sub certa lege, & mille alias auaritiæ fraudes
recensere longissimum est. Itaque illæ potissi-
mum Paraciæ Indorum appetuntur, & magno
sæpe ambitu, & pretio obtinentur, quæ licet pro-
uentus habeant fortasse minores, negotiandi ta-
men commoditates vberiores præbent. A sacer-
dote vsque ad Prophetam omnes auaritiæ stu-
dent, ait sermo diuinus. En Indici sacerdotij Cha-
ribdis, & Syrtes, ad hos scopulos miserranda, &
quotidiana naufragia. Quid verò de aleatoribus?
Et hos grauissimè damnant Canones, sed frustra,
quantum video, ad nos. Ponitur mensa fortunæ,
dies noctesq; alea iacitur, collusores, vt ad cada-
uer vultures, vndique accurrunt, si morantur,

Ee 5

etiam

14. q. 4.

*Quoniam
multi.*

Leo epi. 1.

c. 3. & 4.

*Cont. Eli-
bert. c. 19.*

& 20. dist.

88. per to-

tam, & lib.

3. decreta.

tit. vltimo.

*Hierem. 6.**In. 6. Syn.**gener. c. 50**dist. 35. c.**Episcopus.**Esai. 65.*

442 DE PROCVRANDA INDORVM
 etiam accersuntur. Populare est in sacerdotis do-
 mo ludendum. Integri anni stipendia vno sæpe
 iactu raduntur. Fastidia pleriq; solitudinis & otij
 obtundunt, qui agroti confessionem, aut rudis
 catechumeni instructionem, si quartam horæ par-
 tē excedat, molestā, & prolixam accusant. In som-
 nes nocte, multo iam die sacra peragunt, idq; cur-
 sim, vt mirum sit eos pictas chartulas pro sacris
 paginis non referre. Non inuehor equidem, neq;
 maledicendi animo ista depromo. Sed cogor vi-
 cem nostram dolere, qui fabula, & ludibrium fa-
 cti sumus vicinis nostris. Alij verò venationes, aut
 aucupia exercere honestissimum ducunt, plusq;
 pe in venaticis canibus insumentes, quam paupe-
 ribus erogantes præsepia ad obequitandum ple-
 na, accipitres magno studio alere, greges Indorū
 post se trahere, montium iuga frequentius terere
 quàm Ecclesię limina. Aduersus has ineptias mul-
 ta quoque sancita in Concilijs Patrum, Gallica-
 nis præsertim. Sed collapsa est iam pridem disci-
 plina Ecclesiastica omnis, idem, & sacerdotes, &
 præfules, & monachi actitamus. Reprehendi iam
 illa non possunt, quæ communia sunt omnibus.
 Itaque is cui pastoralis Indorum cura committi-
 tur, non solum contra Diaboli machinas, & na-
 turæ incertina pugnare debet, sed iam etiam
 confirmatæ hominum consuetudini & tempore
 & turba præpotenti se se obijcere, & ad excipien-
 da inuidorum, ac maleuolorum tela forte pectus
 opponere, qui si quid à profano suo instituto ab-
 horrentem viderint, proditorem, hypocritam
 hostem

*In Synodo
 Frætica, &
 Sueffionēsi,
 & Turo. c.
 8. & Foro-
 sulies. c. 6.
 De clerico
 venatore. c.
 Episcopū ex
 Cœ. Aure-
 lianensi.*

hostem clamant. Hæc ergo, quæ breuiter attigi,
& in alijs curare, cum eorum forte confessiones
audierit, & in se cauere bonus Christi minister
debet, quod vt pro dignitate præstet, quanta opus
sit gratia Dei, quanta vitæ obseruantia, ipse per-
pendat. Adijciam deniq; ad calcem sancti Isidori
sententiam de sacerdotij sanctitate, vt hunc to-
tum locum amplius de Parochi vitæ integritate
concludam. Sed quid plura subijciamus? inquit.
Si enim is, qui in presbyterio, vel episcopatu po-
situs mortale aliquod peccatum admiserit, retra-
hitur: quanto magis ante ordinationem, si pecca-
tor inuentus est, cauendum est, ne ordinetur.
Quapropter quia lex peccatores à sacerdotio re-
mouet, consideret se vnusquisque, & sciens, quia
potentes potenter tormenta patientur, retrahat
se ab hoc nõ tam honore, quam onere. Qui enim
erudiendis, atque instruendis de virtute populis
prærit, necesse est, vt in omnibus sanctus sit, & in
nullo reprehensibilis habeatur.

*Etymo. lib.
7. c. 6.*

De Orationis præsidio Euangelizanti necessario.

CAP. XVI.

Qualem oporteat esse ministrum salutis Indo-
rum, dictum est hæcenus, dicendum de-
inceps, quibus præsidij hanc, quam expetit, In-
dorum salutem consequetur. Mihi ad tantam re
efficiendam quinq; omnino necessaria videri so-
lent; vt vir Euangelicus oratione Deum sibi con-
ciliet, Exemplo homines moueat, beneficentia
alli-

alliciat, Catechismo instruat, sacramentis sanctificet, quæ sanè sigillatim Parochos, pastoresque Indorum, quoties res incidit mihi horum conscientias tractanti, rogare soleo, quantum memini, & commendare diligenter. De quibus etiam vberius modo differendum puto. Igitur vniuersæ sacerdotalis curæ, negotijque gerendi caput orationem esse non dubito, modò ea feruens, assiduaque sit. Et si enim omni negotio spirituali inchoando, & prosequendo orationis præsidia prima præcipuaque sunt autore Dionysio, vel potius Christo, qui semper orare monet, neque unquam deficere, tamen ubi de cōuersione animarum agitur multo maximè, quodd gratiæ res tota sit, quæ impetrari precibus potest, meritis præueniri non potest. Quod si non de quauis cōuersione res est, sed de prima, de maxima, de difficillima, quando vocatur infidelis ad Fidem, quando non affectum solum, sed ipsum quoque sensum iubetur exuere, & sese penitus abnegare, vt in obsequium Christi captiuo intellectu eat, tam est profecto orationis singulare præsidium, vt qui cætera omnia adhibeat, hanc si omittat, nihil acturus sit, in hasta & clypeo veniens, non in Domino fiduciam habens. Neque enim in gladio suo possederunt terram, & brachium eorum non saluauit eos, sed dextera tua Domine, & illuminatio vultus tui, quia complacuiisti in eis. Plus longè, sine vlla dubitatione, Paulus orationibus egit, quàm concionibus, plus lachrymis, & gemitibus, quàm exhortationibus. Itidemque

Petrus

*De diuin,
Nomi. c. 3.
Luc. 18.*

Psal. 43.

Petrus, & Ioannes, ceterique militiæ Christianæ
 duces. Orationi Stephani Saulum donatum vult
 Martyr Cyprianus, sicut Monicæ matris lachry-
 mis regenerationem suam magis acceptam fert
 Augustinus, quam Ambrosij concionibus. Quā-
 rebrem ante omnem diuini verbi tractationem
 orandum ardentem monet idem beatus Pater,
 adeoque dicendum ex animo, In manu tua Do-
 mine sumus, & nos, & sermones nostri. Idcirco
 pro infidelibus tam diligenter sancta mater orat
 Ecclesia, vt iisdem Cyprianus, Augustinusq; no-
 tarunt, quod eos tenebris suis profundissime im-
 mersos lucem diuinā aspicere minimē liceat, nisi
 soli iustitiæ sedentibus in regione vmbre mortis
 elementer illuxerit. Ego P. Franciscum Xabier,
 tot millia hominum Christo peperisse facundia
 non puto, qui etiam in materno suo sermone nō
 admodum eloquens perhibetur à nostris, ne dū
 in aliena lingua barbarica verba vix frangens po-
 tius quam proferens, sed feruentissimis certè præ-
 ceptis, ardentibus lachrymis, gemitibus, suspirijsq;
 ex imo ductis, in quibus totus erat noctes inte-
 gras peruigil, quibus multo fortius, & continen-
 tius Deum pulsabat, quàm homines vlla dicendi
 vi. Atque in hoc ipso Regno nouimus, qui sim-
 plici quidem sermone & imperito, sed spiritu Dei
 feruens plus in cōuersione Indorū effecerit, quàm
 multi præclari locutores. Immensum esset anti-
 quæ ætatis exēpla narrare. Vn° Paulus Apostolus
 pro omnibus esse potest, cuius in orando incredi-
 bile studium pro verbi victoria nullus hominum
 fide

*Ser. de bo-
no Patien.*

*Lib. Conf.
Libro. 4. de
Doct. Chri.
c. 15. & 30
Sap. 7.*

*Rom. 1.**1. Cor. 1.**Ephes. 3.**Phil. 1.**Coloss. 1.**1. Theſſ. 1.**2. Tim. 1.**Phil. 1.**Rom. 10.**Rom. 10.*

fide dignum putaret, niſi Spiritu ſancto teſte eſſe mentiri non poſſe cognoſceret. Euolue ex ordine illius omnes epiſtolas: inuenies, ad Romanos Deum ſibi teſtem aduocantem, quod ſine intermiſſione ſemper in orationibus ſuis memoriam eorum faceret: pro Corinthijs ſemper gratias agere Deo: pro Epheljſis genua flectentem, vt Chriſtus habitaret per fidem in cordibus horum: pro Philippienſibus omnibus ſemper in cunctis orationibus cum gaudio deprecantem: Coloſſenſibus non ceſſantem poſtulare, & orare, vt agnitione Dei impleantur: Theſalonicenſium memoriam facientem in orationibus ſine intermiſſione: Timothei diſcipuli memorem, & hunc deſiderantem nocte & die: Philamoniſ quoque, & domeſticae eius Eccleſiae in orationibus ſemper memorem, quod de Tito quanquam tacet, tamen debemus accipere, qui maior digniorque apud Paulum erat. Nam Hebraeorum, quibus de hac re nihil videtur ſignificare epiſtola exordio paululum commutato, & propter argumēti magnitudinem, & ſublimitatem ſtylo pene oratorio magis quam epiſtolari uſus, ad Romanos ſcribens, an memoria excidiſſet ſibi, ſatis indicat, cū trititiam ſibi magnam doloremq; cōtinuum reſert, adeo vt ſeparari à Chriſto quodammodo pro illis cuperet, pro quibus dicit quamuis obſtinatis & duris obſecrationem tamen à ſe fieri ſalutis cauſa. Galatas, vt ne hos quidem prætermittamus, quanquam acriore oratione vtendū ratus pro neceſſaria obiurgatione, ſuauiſſimam illam oratio-

nū premendā existimarit, tamē quantum oratio-
 nibus adiuuaret, quibus lachrymis prosequere-
 tur non solum inde discimus, quod sollicitudinem
 suam alibi omnium Ecclesiarum perhibet, verū
 etiam quod materno quodam affectu flebiliter
 conuenit hos, Filioli mei, quos iterum parturi, do-
 nec formetur Christus in vobis, Omnino stupo-
 re dignum fidemq; omnem propemodum supe-
 rans, tot Ecclesiarum, tot domorum, tot hominū
 memoriam perpetem in vno Paulo hærere, quos
 semper, quos sine intermissione, quos in cunctis
 orationibus etiam iurisiurandi religione inter-
 posita sibi scribit esse præsentes. Ego Pauli cha-
 ritatem à Christo derivatā, qui omnes, cum ora-
 ret, nominatim recordaretur electos, eo modo in-
 telligo, quo immensum pelagus in sinum aliquē
 magnum insluit, atq; hac orandi diligentia, quod
 tanta peregerit, desino penē mirari, qui memine-
 rim orationi nihil esse difficile. Itaque vt ducen-
 tarum septuaginta sex animarum vita mortalis
 conata est Paulo precanti, ita innumerabilium
 vita animi æterna. Quid Petrus, cuius tātus ardor
 extitit, vt etiā post obitū suū frequēter suos apud
 e habiturum polliceatur? Ac certē verū esse mi-
 hi persuadeo, quod D. Chrysostomus scripsit pa-
 trores Ecclesiæ solere prius atq; studiosius suorū
 oratione meminisse, quā sui. De Polycarpo Ioā
 nis discipulo Eusebius narrat, cū à licetoribus que-
 reret, martyriūq; suū adesse cerneret, impetra-
 to orandi spatio duas horas in cōmemorandis Chri-
 sti fidelibus nominatim sibi cōmissis exegisse, sui
 fortasse

2. Cor. 11.

Gal. 4.

Act. 27.

2. Pet. 1.

Eccl. hist.

lib. 4. c. 15.

*Epist. 97.**Act. 6.**Marc. 9.*

fortasse mentione vix habita. Tanta erat in suos
charitas priscorum illorum Patrum, tantus ardor
orandi. Et est prorsus verum, quod ad Augusti-
num beatus Innocentius scripsit, plus nos profici-
cere alternis, & communibus orationibus, quam
singularibus, & priuatis. Postremo qui in voca-
tione gentium laborat, meminerit se Apostolorum
fungi officio, qui alia alijs omnia demandā-
tes, duo tantum sibi sumptum, vt orationi & mi-
nisterio verbi instantes essent. His duabus fun-
ctionibus oratione ad Deum & oratione ad ho-
mines Apostolica cura definita est, quas si quis
seiuugat, ac distrahat, tam fieri nequit, vt opta-
tam fratrum salutem acquirat, quam si longum
pelagus enauigare contendens, vel nulla vela sus-
pendat, vel plenis velis nauim statione nō soluat.
Qui velit igitur in Indicanavinea fructuose ope-
rari, orandi studium nunquam sibi intermitten-
dum persuadeat, se ipsum verò iuge sacrificium
offerens, lachrymis, fletibus, ieiunijs, vigilijsque
crebris, atque omni corpusculi maceratione Deū
sibi propitium reddat, vt Euangelium crescat, at-
que fructificet in vniuerso mūdo. Opinor sanè in
illo genere dæmoniorum multa versari inter Iu-
dos, quæ noti nisi ieiunijs, & orationibus eijciā-
tur. Inter omnia verò venerabilis illa agni imma-
culati victima principem locum tenet, quam Pa-
tri quotidie imolet toto mentis affectu, plena-
que fiducia, fidentissime postulās, vt eos, ad quos
legatione fungitur, filij sui cohæredes & concor-
porales esse dignetur, pro quibus ille sanguis
effusus

effusus est. Fieri non potest, vt tali oblatione tam bene munitæ preces ab eo, qui diues est in misericordia & propter nimiam charitatem suam, cum & ipsi essemus mortui, conuiuificauit nos Christo, repulsam ferant.

Ephes. 2.

De vitæ exemplo. CAP. XVII.

EX frequenti cum Deo consuetudine, vitæ quoque diuinæ gustus quidam efficitur, & quamuis sobrij alijs esse pergant, qui alioqui mente excedunt Deo, & illius cellarijs sæpe interfunt, non possunt tamen non ebrietatis illius, atq; dulcedinis abundantiam eructare, Deumq; redolere. Vt quicquid Moyses caput obuelet, ne fulgoris magnitudine plebis oculos perstringat, tamen ex consortio Dei ita eum immutatum redire necesse est, vt ne ipse quidem se agnoscat, ignoretq; faciem sibi alteram, postquam diuino colloquio potitus est. Itaque orationis præsidio non solum alijs Dei gratia impetratur, pro quibus orat, sed ipse quoque nouo igne succenditur, vt vitam cœlestem, Deoque dignam instituat. Vitæ verò conspicuam puritatem in Fidei præceptore apud Indos summopere necessariam esse vt docendo proficiat, & aliàs sæpe iam diximus, & est sapius adhuc repetendum, cum nulla alia maior, & certior spes sit salutis Indorum incorrupto boni pastoris exemplo, contra nulla validior peccatis stulti pastoris pessimo exemplo, quem pulchre sermo propheticus idolum potius pastoris

2. Cor. 5.

Cant. 5.

Psal. 144.

Exod. 34.

Zach. 11.

F f appel-

appellat. Agat ergo sedulo minister Christi, ut Christum vita ipsa testetur, ut cognoscant omnes illius discipulum, cuius doctrinā gloriatur. Discat à Christo mansuetudinem, discat humilitatem, discat perfectam illam, & maximam charitatem, ut vitam etiam pro quibus promptè expendat. Meminerit operibus bonis ita lucere coram hominibus, ut videntes glorificent Patrem qui in cœlis est. Hoc esse omnium ad persuadendum potentissimum miraculū certò sciat, quod cum ex tot tantisq; illius primæ Ecclesiæ relictum sit, indefesso studio conservare debemus.

1. Pet. 5.

Petrus quidem à Domino pastor Ecclesiæ universæ constitutus pastores admonet, obsecratq; ut se formam gregi ex animo exhibeant, quod in maiorum exempla intueri subditi soleant, atq; inde informare naturaliter mores. Quare fidenter

1. Cor. 11.

Phil. 3.

Paulus prouocabat suos ad se intuendum, Imitatores mei estote, sicut & ego Christi, & alibi, Observe eos, qui ita ambulant, sicut habetis formā nostram. At quibus in rebus formam se præbere vitæ ministri Christi maximè debent? Petrus sane fastum, & importunam dominandi arrogan-

1. Pet. 5.

tiam, tum cupiditatis omnis suspicionem vehementer exagitat, Neq; dominantes, inquit, in cle-
ro, neque turpis lucri gratia. Paulus verò talem se

1. Thess. 2.

ipse commemorat apud Thessalonicenses, Neq; aliquando fuimus in sermone adulationis sicut scitis, neq; in occasione avaritiæ, Deus testis est, neq; quærentes ab hominibus gloriam, neq; à vobis, neq; ab alijs, cum possemus vobis oneri esse

vt Christi Apostoli, sed facti sumus paruuli in medio vestrum, tanquam si nutrix foueat filios suos, ita desiderantes vos cupide volebamus vobis tradere non solum Euangelium, sed etiam animas nostras, quoniam charissimi nobis facti estis. Quid non isto animo Paulus efficeret? cuius vel ferreum pectus hac tanta dulcedine non molli-
 ret? Quem sæculi etiam sapientem, etiam rerum mortalium amatorem non vinceret, flecteretque tanta illa integritate, tam mirabili rerum omniū contemptu? Verum præter hunc, & sui & rerum omnium cōtemptum, & inflammatam in fratres charitatem, castitatis exemplum peculiariter Timotheo præscribit, Exemplum, inquit, esto fide-
 liū in verbo, in conuersatione, in charitate, in fi-
 de, in castitate. Titum quoque eodem modo ad-
 monet, In omnibus te ipsum præbe exemplum
 bonorum operum, in doctrina, in integritate, in
 grauitate. Non solum castitatem omnibus notam
 esse iubet, sed integritatem quoque, & grauita-
 tem, vt nihil leuitatis in eo notari queat, nō ocu-
 lus liberior, non vultus fractior, non verbum pe-
 culantius, nihil lasciuum, nihil impudici cordis
 tudium redolēs extet, sed aspectus ipse, incessus,
 colloquia omnia plena iucundæ cuiusdam graui-
 tatis. Illud senis Hieronymi obseruet, Quicquid
 de te probabiliter fingi potest, ne fingatur, ante
 leuita. Denique in his duobus, continentia in-
 quam, & pecuniæ contēptu etiam opinionē ho-
 minum captet. Multa quidē alia Apostolis crimi-
 na obiecta ab aduersarijs fidei Chrysostomus
 Ff 2 dicit,

1. Tim. 2.

Tit. 2.

In epist. ad
Nepotianū.

*In. 1. ad**Tim. ho. 10.*

dicat, cæterum cupiditatis, aut impudiciæ etiam ab inimicis, & mēdacibus nunquā fuisse incusatos, quod in his omnes vellēt nollēt testimonium veritati dare cogerētur. Id quod in Christo Rege nostro aduertere est, cum tamen inuidiosissime, & iniquissimè oppugnaretur, ac proscinderetur ab impijs. Mihi ad hos Indos proficiscenti sapienter quidam noster suggessit frater in Orientali India diutissimè ipse versatus, non solum veritatē in hac parte, sed etiam opinionem studiosè esse quarendam, vt te (sic enim me ille alloquebatur) hypocritam agere interdum minimè pœniteat. Vt enim virginalis fama, sic sacerdotale decus sinistra suspicione facile violatur. Ita ergo se se cōparet minister Euangelij, vt omni momento spectaculum se esse Deo, & Angelis, & hominibus cogitet.

1. Cor. 4.

De Beneficentia. CAP. XVIII.

*De Cat.**rud. c. 14.**2. lib. Past.**6. 7.*

Beneficiā tertio loco numerabamus. Quāuis autem ipsa verbi Dei impartitio beneficentiæ sit præclarissimæ, neq; tam stulti simus, vt panem quo venter esurientis impletur in elemosinæ genere præferamus Dei verbo, quo mens discantis instruitur, vt Augustinus admonuit: tamen eam modo beneficentiam propriè nomino, qua fratrum salutem fortunisq; consulimus. Hanc in omni Rectore aduersus subditos magnopere necessariam eleganter Gregorius ostendit. Egentis, inquit, mentem doctrinæ sermo non penetrat,

trat,

trat, si hunc apud eius animum manus misericordiae non commendat. Tunc autem verbi semen facile germinat quando hoc in audientis pectore pietas prædicantis rigat. Nam quasi iure vt diximus, à percipienda prædicatione gregis animus frangitur, si cura exterioris subsidij à pastore negligatur. De hac externorū bonorum communicatione, & providentia Petri Apostoli vocem illam accipiendam dicit, Pascite, qui in vobis est gregem providentes non coactè, sed spontaneè secundum Deum. Huc quoque illud adiungit, si quis suorum maximè domesticorum curam non habet, fidem negavit, & est infideli deterior. Et certè hunc fuisse ab Apostolis traditum morem longa ætate retentum, vt Ecclesiæ pastores de Ecclesiæ bonis, de quæ suis ipsorum egentibus omnibus opportuna suppeditarent notius est, quam vt Cōciliorum decreta innumerabilia, & Ecclesiastica gesta referre opus sit. Hanc ob causam Diaconos inter alia creatos ab Apostolis constat, vt mensis pauperum ministrarent, adeoq; Agape illa culta est tunc, quæ postea paulatim elanguit, & quasi vestigijs tantum conservata est, vt nullus inter eos egens esse sineretur. Hac providentia Ecclesiastica, paternaq; misericordia in pauperes plenæ sunt literæ sanctorum Ambrosij præsertim, atq; Chrysostomi, quæ eo processisse videmus, vt nonnulli pontifices sua omnia distraxerent, quidā sudoribus suis pauperes alerēt. Paulinus Nolanus Episcopus, vt magni scriptores fideq; digni referunt, seipsum quoq; vendēdū tradidit,

1. Pet. 5.

1. Tim. 5.

Act. 6.

Gregor. 3.

Dial. ca. 1.

Aug. de Ci.

didit, seruitutisq; suæ pretio inusitata misericordia alterius calamitatis succurrit. Longum est, & minimè necessarium antiquorum patrum vel facta narrare, vel decreta relegere, qui eosdem voluerūt, & verbi Dei ad pascendas animas esse ministros, & bonorū ad seruāda corpora distributores. Quare etiam Aeconomos Christi vocandos censuerunt. Re autem vera si nihil in hac parte nos adiuuaret antiquitas, tamen ipsæ res moresq; Indorū satis hoc tempore studiosos Dei ministros admonerent excitarentq; vt si fructum spirituale verbi cupiant, beneficētiā nullo modo sibi perire patiantur. Nā si lucra animarū sitimus, nulla magis cōpendiaria via beneficētia. Beneficentia animos facile expugnat, atque deuincit, quicquid vult copiose perorat, atq; persuadet. Nam vt in superioribus libris dixisse me opinor, ideo Christi Apostolorumq; signa, tam ad Fidem astruendam fuerē potentia, quod omnia penē vtilitati hominum impenderentur. Inde facile, ac libēter conciliati animi hominū salutis consilia ab optimè de se meritis hauriebāt. Mortuos, inquit, suscitare, leprosos mundare, infirmos curare, dæmones eiicere, & ad cumulum omnium, gratis accipitis, gratis date. Hoc extremum si lynceritate Euangelio digna in Dei præconibus gentes cernerent, quamuis barbaræ, quamuis feræ, breui profecto mansuescerent, omniq; illa feritate deposita lenissimò Christi iugo victa colla submitterent. Et canes & pisces, & ipsi immanes leones beneficia sentiūt, & ea gratitudinis suæ argumēta

histo-

historicis conscribenda dederunt, quæ homines
 nisi flectant, saxeos mōstrent. Falsa prorsus, & im-
 proba sententia multorū est, Indos nihil benefi-
 cia sentire, humanitate non tangi, gratitudinis ne
 vestigium quidem ostendere, quo in eos clemen-
 tior beneficentiorq; sis, eo deteriores reddi. Sed
 quamvis nonnulla ex parte de barbarorum ser-
 uili ingenio, & minimè ingenuo, ita existimare
 proclive est, tamen quod ad cohibenda humani-
 tatis, & beneficentiæ in eos officia attinet, non sa-
 tis vigilanter ista dicuntur. Nāq; apud eos, quibus
 se non satis Indi cōmittunt, quorū fidem suspectā
 habent, tenet sanè vulgaris ista opinio locum. Li-
 benter enim beneficium accipiūt, breui obliui-
 scuntur acceptū, raro, aut nunquā gratiā referūt.
 Causa est naturę ipsorū imbecillitas, & timiditas.
 Ut enim canis alienus nec mensæ tuæ assuefactus
 obiectam offam, aut frustum rapit, atque ita
 abit, si plura non videt: at mensæ herili assuetus
 adest aliter, herumque iam sibi notum sequitur:
 ita profecto barbari natura alieni à consortio,
 & humanitate non se credunt tibi etiam bene-
 facienti, timentq; adhuc potius quàm amant. At
 si longo vſu didicerint te sibi beneuolum verè,
 profecto & grati sunt, & se ipsos etiam dedunt.
 Dicant sanè Hispani, qui Ianaconas experti
 sunt, an sit genus hominum obsequentius, he-
 roque suo deuotius. Dicant Patroni Indorum,
 an si sacerdotem sibi beneficium, & commo-
 dum experti sunt, non excedentem deplorent, ac
 requirāt, apud patronos præsulesq; etiā cōtestētur

1. Indos do-
 mesticos, si-
 ue familia-
 res.

eo Patre nullum sibi esse chariorem. Dicant facer-
dotes ipsi, qui in eos fuere liberaliores, an non sen-
tiant ad quæuis obsequia promptos, an non Dei
verbum videant eos libentius suscipere, & animū
ad nostra germanè accommodare. Nos certè ipsi
exiguū quiddam beneficij impertiti, tamen ex-
cedentes, & lachrymas illorum videbamus, & cla-
mores exaudiebamus, & quosdam longo itinere
nos consecretantes vel inuiti retinebamus. Quod
si illam nostrorum hominum vrbaneitatem, ver-
borumque elegantiam, atque animi grati signi-
ficationem officiosam, quia in Indis minus in-
ueniunt, apud ingratos frustra beneficia collo-
cari iactant, falsò sanè in barbarica consuetu-
dine mores cultiores quærunt, quos ne apud
rusticos quidem suos Hispani reperiunt. Quod
si constantem æstimationem benemeritorum
librantem omnia iustissima lance desiderant, ni-
mium istud est in ijs præsertim, qui nos longè
sibi duriores, quam humaniores experti sunt.
Sed est tamen sensus beneficiorum apud Indos,
qui ne feris quidem deest, saltem vt commodita-
tes suas cogitantes eos libenter audiant, quos
de se benemeritos vident. Benemerendo igitur
multum ad conciliandas aures animosque
Euangelio proficitur. Quod si nihil aliud, cer-
tè Christiani nominis honor nos maximè moue-
re deberet, vt intelligant Indorū gentes non om-
nes Christianos esse auaros, quæstuarios, alieno-
rum expilatores, quod in plerisq; viderūt: sed esse
etiā humanos, beneficos, liberales, qui se nō sua
quæ-

quærant. Illos à Christo esse alienissimos, hos Christi, & verba, & exempla sectari, verè enim glorificant Deum, Christumq; magni faciunt, cū tales eius ministros vident. Nam illa, quæ de regno cœlorum commemorantur à nobis de quæ præsentium rerum contemptu, vel non capiunt, vel non facilè sibi persuadent, cum sermo factis euertitur. Ingens Helisæi laus quodd externum *4. Reg. 5.* Naamanum lepra mundans argentum aurumq; respuerit: graue Giezi facinus, qui propheta Dominiq; sui puritatem, & splendorem, argento eius nomine falso postulato offuscauerit. Itaque perpetua lepra mulctatus etiam posteros nequitia sue testes reliquit. Id nunc fit à plerisque, qui Christi se seruos profitentur, & quæ eorum Dñs pecuniâ repudiavit beneficio liberalissime collocato, hanc isti repetunt illius nomine, sed lepra impleti infidelitatis suæ pœnas iustissimas dant. Infidelitatem qui in alijs curant, infideles ipsi, eorumq; tota posteritas. Ergo operemur bonum ad omnes, maxime autem ad domesticos *Gal. 6.* dei, neque pigeat Euangelicum ministrum ægro *Eccli. 7.* tum visitare, xenio aliquo recreare, famelicum cibario saltem pane pascere, nudum operire, pauperem, cui non est adiutor, à diuitum calumnijs, & potentia eripere, pro afflictis principem magistratumue conuenire, cœlibes matrimonio honeste quæsito collocare, re familiare consilio augere, morientibus sedulè & benignè astare, sepulchrâ curare, eos, qui quærentur ad mortem, eripere, lites & dissidia componere: omni denique

458 DE PROCVRANDA INDORVM
officij genere cumulatè prosequi, siquidem cer-
tissimè sciat Christo Christianæque religioni ho-
norem maximum, ad spiritualem fratrum salutè
viam apertam, sibi præmium copiosum parari, si
verum illud est, quod veritas dixit, Quod mini-
mis istis fecistis, mihi fecistis.

Mat. 25.

De correptione & disciplina.

CAP. XIX.

1. Thes. 5.

CVM verò Christianæ dilectionis sit non
modo cōsolari pusillanimes, sed etiam cor-
ripere inquietos, hanc quoq; beneficentię partè,
quę perperam admissis corrigendis insistit, mini-
mè sibi prætermittendam parochus existimare de-
bet. Ac sicubi disciplinæ seuerioris cura adhiben-
da est, ea profectò opus est maximè in natione
Indorum, quòd & natura seruili, & moribus ple-
rūq; puerilibus sint, qui se se ita cōparant, vt nisi
timoris stimulis excitètur, facilè de via deflectāt,
aut pigri consistāt. Rectè prorsus Salomō scripsit,
Virga & disciplina tribuunt sapientiam, & alibi,
stultitia colligata est in corde pueri, sed virga di-
sciplinæ fugabit eam, & rursus, Non emendabi-
tur verbis seruus durus. Seruus non potest verbis
erudiri. Paulus quoque Apostolus non solum
mansuetudinis spiritum, sed virgam quoque præ-
fert interdum. Sed quomodo & quatenus casti-
gatione vtendum sit sacerdoti Dei, id certè quæ-
ritur. Plerique persuasi nisi per vim & metum
nihil se apud Indos proficere, vsque ad plagas delat-

Prou. 29.

Prou. 22.

Prou. 29.

1. Cor. 4.

defauiunt, neque verentur Deo sacratas manus,
 in colaphos suorum vertere. Reim prorsus inho-
 nestam, & sacerdotali autoritate maximè indi-
 gnam eum, qui patris nomen vsurpet, qui Chri-
 sti teneat locum, tam vilem carnificinam exerce-
 re. Apostolus quidem inter cætera, quæ in eo
 qui Ecclesiasticæ familiæ præficiendus sit, requi-
 rit, hoc etiam meminit, Ne sit percussor, siue vt
 legit Ambrosius, verberator. Ac ne quis inter-
 pretetur in subditos talia exercere licere peccan-
 tes correptionis gratia, id quoque Canon Apo-
 stolorum, cuius à Tarassio Patriarcha in septima
 synodo mentio fit, disertè prohibet. Cuius ver-
 ba, vt à Gratiano in decretis referuntur, sunt
 hæc, Episcopum aut Presbyterum, aut Diaconum
 percutientem fideles delinquentes, aut in-
 fideles iniquè agentes, & per huiusmodi volen-
 tem timeri, dei jci ab officio suo præcipimus, quia
 nunquam nos docuit hoc Dominus, sed econ-
 trario ipse cum percuteretur, non reperiuitur
 bat, cum pateretur non comminabatur. Quod
 si vniuersæ Apostoli ministros Dei ab eiusmodi
 violentijs abstinere voluerunt, profecto no-
 strorum sacerdotum percutiendi ac sæuendi
 licentiam grauissimè accepturi fuissent, cum &
 se infestos & prædicationem suam odiosam red-
 dant, quod ad magnam pertinet Euangelij iactu-
 ram. Ferè enim Dominos magis, quam, Patres, &
 ultionem potius quærentes suam, quam ipso-
 rum emendationem Indi arbitrantur. Adde
 quod à cæteris Hispanis vexati, nisi sacerdotum
 beni-

Tit. 1.

7. synod.

dist. 3.

Dist. 45. c.

Episcopū.

*Dist. 45.
De clerico
Percus. ca.
Si quis. ex
Conc. Aga
thens.
Cap. 116.*

benignitate reuocentur, Christianum nomē exhorrescunt. Ipsi quoque parochi præter insigne dedecus, quo ordinem suum afficiunt, vt in Concilio Bracharensi legimus, aliorum apparitores effecti, etiam iracundiæ flammæ excitant, vt & animo perturbati, & vultu ipso indecori passim tumultuentur. Quibus ex causis omnibus prouidentur in Concilio Limensi ab omni cæde, verberibus, detensione comæ cæterisque in Indos designari solitis abstinere parochi iussi sunt, multatâ, si secus faciant, suorum præsulum arbitrio. Hic iam vociferantur plurimi sibi omnem docendi, & emendandi suos facultatem eripi, Indos nisi sacerdotem timeant, pro nihilo illius monita habere, facile iussa contemnere, si impunè se abituros intelligant, nihil boni sponte facturos, quo liberalius cum ijs agitur, eo deteriores reddi. Pueros esse moribus, & ingenio, puerorum more tractandos, qui nisi præceptoris flagellum præ oculis habeant, neque discere, neque parere sciant. Vbi primum Indus intelligat nihil sibi à paracho suo timendum, neque ad missam venire diebus festis, neque ad doctrinam conuenire, neque confessiones curare, Christianæ omnia religionis officia flocci facere, ebrietatem inuerecundè sectari, insanire in fœminas, superstitionē cultumque antiquum repetere, ariolos suos cōsulere, simulacra adorare, omnem disciplinam, fidem denique ipsam funditus perire. Hæc se & olim expertos, & quotidie experiri certissime. Itaque sacerdotum manus qui à supplicio Indo-

rum

tum cohibent, nihil aliud quam Indorum manus in nefas omne dissoluere. Quorum profectò nō potest contemni oratio, aut omnino conficta reputari. Quamuis enim illi pulsando cædendoq; excedant, tamen hi cum digna sæpe vindicta admittunt, tum nisi vindicetur, facile verba contemnunt. Indigent ergo seueriore interdum disciplina, indigent prorsus. Horum verò crimina aut negligentiam spirituali gladio (quod est Ecclesiæ proprium) vlcersi minime expedit. Nam interdicta Ecclesiastica, excommunicationes ac censuras si pro vindicta iubeantur excipere, facile paruipendent, quia harum vim neque vident neque agnoscunt, & ad superstitionis suæ tenebras facile sunt redituri Ecclesiæ luce interdicti. Vt ergo belluas castigare solemus plagas infligendo, quæ multum sensus ac doloris habeant, periculi minimum, essetque reprehensione dignissimus, si quis phrenetico aut insano correctionis gratia gladium iugulo admoueret, aut mucronem pectori opponeret, ac non potius verberibus turò sæuiret in furas aut scapulas, quòd illic mentis inops necem citius, quam correctionem admitteret, hic contra salutis causa dolor ipse fieret: ita sanè in nouos Ecclesiæ paruulos minimè oportet censuris agere, quarum discrimen sine emendatione adirent, magisque corporeæ ac sensibiles pœnæ infligendæ sunt, quibus & læduntur nihil, & multum omnino adiuuantur. Eam ob causam sanctissimi Romani Pontifices cum Hispanos interdicti aut excommunicationis

462 DE PROCURANDA INDORVM
cationis causa teneret obstrictos, peculiari priuilegio neophitos hos minimè comprehendi voluerūt. Consequens ergo est, vt corporalibus pœnis in officio barbari continendi sint. Eas verò a sacerdote irrogari exclusum est supra. Quid igitur? Non parua occurrunt angustia, cum hinc sacerdotalis dignitas, & paterna beneuolentia necessariò conseruanda, inde disciplinae necessitas, ingeniumque seruire concertent. Primum igitur, quod superiore libro differebam, prætor ac iudice sæculari opus esse ad disciplinam Indorum, hic profectò quam verum sit, dilucide patet. Horum enim propriè interest ista vindicare & plectere. Hos igitur administratos esse sacerdotum æquisimum est, & quicquid durius designandum erit in noxios, sæculari potius manu intentari. Deinde quoniam & prætores omnibus populis adesse non possunt, & occurrūt quotidie peccata leuiora, quæ correptione quidem indigent, sed non illa asperiori & iudiciaria, vt cum ad rem sacram non venit, aut catechismo absuit: tum etiam sunt quædam, quæ à sæcularibus vindicari nullo modo debēt, quòd illorum forum recusent, vt cum Quadragesimalem confessionem Indus neglexit, cum impedimenta matrimonij non dixit sciens, cum religionis Christianæ ritum contempsit, cum aruspices & veneficos consuluit, & multa talia, tunc sanè Ecclesiastico iudicio in tales animaduerti oportebit. Ac mea quidem sententia taxatas ià ac definitas pœnas decreto publico esse oportet.

teret talibus criminibus, quæ sciret Indus se se certo subiturum, cum illud aut illud admitteret. Fieret hoc modo ut plus timoris pœna iam proposita incuteret, tum minus odij contraheret parochus executioni mandans, quod esset lege decretum. Non enim tam ipse tunc vindicare quam lex videretur, atque ita & terrori esset supplicij irrogatio & minus infestus, qui imperaret. Quam ob causam in synodo Prouinciali pœnas esse taxatas certis criminibus credo, tametsi parum eæ curantur, sed suum potius parochus quilibet iudicium sequitur, aut etiam iracundiæ legem. Postremò siue publico canone sint pœnæ decretæ, siue priuata sententia decernantur, illud modis omnibus obseruandum est, ut nihil parochus manu propria vindicet. Id enim & odiosum est, & indignum, & valde periculosum. Iubeat vero ipse quid facto opus sit: Apparitor autem aut fiscalis aut Licitor aut Guatamacamalus iussa facessat.

Quid obseruandum in correptione Indorum.

C A P. X X.

QVA in re tria præcipienda sunt. Vnum ut causas vindictæ exponat, & intelligant ipsi, qui corripiuntur, mitius secum agi quam pro merito. Et ne tam iracundiam, quam disciplinam interpretentur, non irascatur & fœuiat in suis, sed in Dei offensis. Turpe enim est

est valde , vt, si mox atque Indum mulæ suæ
fœnum ferre cessantem viderit, aut nō promptè
imperatos cibos afferentem, nimis sæuat : eun-
dem mox & adulterum, & idololatram sciens vix
cōtingat . Hinc odia exardescunt in parochos,
hinc omnis disciplina contemnitur. Magnopere
ergo curandum est, vt castigatio disciplinæ causa
adhibita, non vltionis, aut iracundiæ impetum
præferat. Secunda præceptio est, vt confessio-
nis Sacramento, & existimationi diligentissime
consulatur. Ea enim sunt ignorantia isti, vt faci-
le sibi persuadere possint, cū ad confessiones
faciendas accedunt, Patrem, quæ ex illis audiue-
rit, acriter postea vindicaturum, ac propalaturū.
Itaque hoc timore correpti simul cōscientiæ suæ
vulnera non admodum curantes, facile fictas ac
mendosas confessiones facient, rarè veritatem
integrè aperient sacerdoti. Qui etsi multum cul-
pandi in tanto sacrilegio forent, tamen quod ne-
gare non possumus, ex duritia & imprudentia
parochorum occasionem non exiguam tam ma-
gni sui exitij haberent. Hoc ergo quod est om-
nium grauissimum, in sacerdotali seueritate in-
commodum modis omnibus cauendum est. Ac
præstat omnino disciplinæ neruum tantisper de-
bilitari, & infringi, quā tā salutaris, tamque ne-
cessarij sacramenti existimationem prodi. Sed po-
test utriq; rei consulere prudens charitas, si con-
fessionis forum longè diuersum esse & verbis, &
re sæpe persuaferit, si nihil in confessione audi-
tum, etiam alioqui cognitum plectat, vt magis

asylum

asylum quam prodicionem confessionem esse cognoscant, si blande illic, & paterne se gerat, si instante confessionum tempore à seueritate abstinereat, si se grauissimas pœnas daturum doceat ob tenuissimam auditæ culpæ reuelationem. Postremo perspicendum est, vt supplicij modus is sit, qui semper paternam & Ecclesiasticam clementiam redoleat. Argenti modica quædam multa, cœiectio diurna in compedem, plagæ aliquot interdum inflicta, sæuissimum omnium crinium detonsio, quæ extremæ ignominia apud Indos loco est. Neq; mirandum aut ab Ecclesiastico instituto alienum existimandum, si id genus pœnæ adhibeantur, cū sacris & antiquis canonibus non raro verberum mentio fiat. Nihil enim quod ad continendos in officio homines valere potest, Ecclesiastica cura à se alienum putat. Sed quicquid in hac tam magna quæstione præcipitur, imbecille est, & ieiunum, nisi vnctio spiritus accedat, quæ doceat de omnibus. Magnus enim est doctor Charitas, vt sanctus Chrysostomus ait. Hæc cum sincere & germane salutem suorum affectat, docet plenius & certius, & quando indulgendum, & quando vindicandum, & quomodo, & quatenus. Huic vni rectè ea omnis cura committitur, vt lucrifacere fratrem cum minimo ipsius dispendio studeat.

*Dist. 45. c.
Cū beatus.*

*Homil. 33.
in 1. Cor.*

Gg Dr

DEinceps de catechizandi cura dicendum est, quò cætera, quæ dicta sunt, omnia penè referuntur. Est autem ea pars, vt necessaria maxime, ita molesta & laboriosa summo opere, si qua opus est diligentia tractetur. Multa enim sunt quæ fastidium faciant, multa quæ quamuis promptum, & alacrem catechistæ animum retardent atque debilitent. Et re quidem vera detracta illa quæstus specie, quæ plerosque ad id oneris sustinendum mouet, ac multò longius relegata dissolutè flagitioseque viuendi licentia, quæ non paucos allicit, si modeste temperanterque viuendum est, vt Euangelij ministrum decet, magnum est & perdifficile inter Indos velle versari, & in ijs instituendis perdurare, propterea quòd genus vitæ tum iniucundum, tum humile, tum verò molestissimum plenum apparet. Sed huic morbo ante omnia occurrendum est, & remedia querenda secundum Deum, quibus ea pestis depellatur ex animo. Solet autem tedium, & tristitia partim ex opere ipso catechizandi nasci, partim ex Indorum ingenio, & natura. Opus quidem ipsum rudes imbuendi molestum est, quòd eadem sæpius ac propemodum semper inculcanda sunt, tritaque illa valde, & elementa sermonum Dei, neque his omisissis ad perfectiora ferri conceditur, sed lac semper paruulis in Christo oportet dare. Huius autem ægritudinis leuandæ remedia

ex

ex nullo alio melius petere possumus quam ex B. Augustino in eo opere, quod de hoc ipso argumento, id est, de catechizandis rudibus scripsit, ubi inter alia sic ait. Iam verò si v̄sitata & par-
Cap. 12. de
Cat. Rud.
 uulis congruentia sēpe repetere fastidimus, congruamus eis per fraternū, paternū, maternūq; amorem, & copulatis cordi eorum etiam nobis, noua videbuntur. Tantum enim valet animi cōpatientis affectus, vt cum illi afficiuntur nobis loquentibus, & nos illis discantibus, habitemus in inuicem, atque ita, & illi quæ audiunt, quasi loquantur in nobis, & nos in illis discamus quodammodo quod docemus. Nonne accidere hoc solet cum loca quædam ampla & pulchra vel urbium, vel agrorum, quæ iam nos sæpe videndo sine aliqua voluptate præteriebamus, ostēdimus eis, qui antea nunquā viderant, vt nostra delectatio in eorum delectationis nouitate renouetur, & tanto magis quanto sunt, amiciores? Quanto ergo magis delectari nos oportet, cum ipsum Dominum iam discere homines accedunt, propter quem discēda sunt, quęcunq; discenda sunt, & in eorum nouitate innouari? Huc accedit ad comparādā lætitiā quod cogitamus & consideramus, de qua erroris morte in vitam fidei transeat homo. Idem in eodem opere, Cogitemus quid nobis prærogatum sit ab illo, qui demonstrauit nobis exemplum, vt sequamur vestigia eius, qui cū in forma Dei esset, semetipsum exinaniuit formam accipiens & cætera vsque ad mortem Crucis. Quam ob causam? *Phil. 2.*

Nisi quia factus est infirmus infirmis, vt infirmos lucrificaret? Audi eius imitatore[m] alibi etiam dicentem, siue enim m[en]te excessimus, Deo siue temperantes sumus, vobis. Charitas enim Christi compellit nos iudicantes hoc, quia vnus pro omnibus mortuus est. Quomodo enim paratus esset impendi pro animabus eorum, si eum pigeret inclinari ad aures eorum? Hinc ergo factus est paruulus in medio nostrum tanquam nutrix fouens filios suos. Num enim delectat, nisi amor inuitet, decurtata & mutilata verba immurmurare? Et tamen optant homines habere infantes, quibus id exhibeant. Et suauis est matri minuta mansa inspuere paruulo filio, quam ipsam mandere ac deuorare grandiora. Non etiam recedat de pectore, cogitatio gallinæ illius, quæ languidulis plumis teneros foetus operit, & susurrantes pullos confracta voce aduocat, cuius blâdas alas refugientes superbi præda fiunt alitibus. Si enim intellectus delectat in penetralibus syncerissimis, hoc etiam intelligere delectet, quomodo charitas quanto officiosius descendit ad infima, tanto robustius recurrit in intima per bonam conscientiam, nihil quarendo ab eis, ad quos descendit, præter eorum sempiternam salutem. Hæc sapientissimus, & Dei amantissimus Pater, quæ si tr[an]quillo animi vultu non obiter inspiciantur, vel sola sufficiunt omnem maerorem, fastidiumq[ue] depellere, & ad nutriendos paruulos Christi magna suauitate inuitare. Neque aliena ab his aureum illud Chryso-

stomi

stomi flumen: Non est, inquit, charitas fastidiosa (sic enim legit ille in Paulo, quod nos. Non est ambitiosa) Maiores natu videmus sapientia præcellentes viros cum liberis suis sæpe balbutire: & id cum faciunt, nec reprehendit eos quisquã, neque ipsos rei illius pudet, sed digna laude adeo videtur, vt quanquam improbi sunt, qui instituantur, perdurent tamen ipsi hortando, turpia castigando, horum illos nihil pudet. Non est enim fastidiosa charitas, sed alis aureis omnium quos complectitur, vitia tegit. Ita Chrysostomus charitatis ingenium exprimit. Quare neque infantilia dedignatur, neque assidua repetitione tædio afficitur. Eadem enim repetere mihi quidem non pigrum, inquit, vobis autem necessarium. Nonne videmus artifices eadem ipsa cum faciant, & modo eodem repetât, nihil tamen fastidire, sed lucro potius intentos vehementer delectari? Nam & cytharædus, & cantor, & grammaticus, & ludimagister rudimēta eadem inculcare non molestè ferunt, quod ea docendo quæstum ampliorem faciunt. Et prorsus in doctrina Christi, quæ à lacessente iâ aut defesso dicuntur, quæq; ipsemet languida putat, ea sæpe vehementius Deo ita agente, auditorū animos permouët. Quoties nobis accidit, cū confessiones peccatorum audimus, & fessi iam alios atque alios excipimus, tam nobis frigide loqui videri, & fastidiose, vt ipsi nobis displiceamus, & tamen illa ipsa languens, vt nobis videtur, & toties singulis repetita exhortatio, præter spem nostram, lacrymas ac

*Homil. 33.**in 1. Cor.**1. Cor. 13.**Phil. 3.*

singultus intimos excitat, declaratq; re ipsa pœ-
 nitēs noua illa sibi & mirabilia videri? Mihi qui-
 dem sæpe ita euenit, & tamen sæpe contra, cum
 mihi ardēter agere viderer, & ad flectendū quoq;
 lapidem efficaciter loquī, intuens vultū audito-
 ris, deprehendi oscitantē, vt satis mihi persuade-
 rē, neq; qui rigat esse aliquid neq; qui plātat, sed
 eum qui administrat semen seminanti, & dat fru-
 ctum, cū vult. Ipsum ergo repetendi, & inculcādi
 eadem tædium magnę mercedis est, & fructū ha-
 bet copiosum. Quod si abiectum & indignū no-
 bis puerilia ista tractandi munus recusamus, præ-
 terquā quod & charitatis vacui, & superbix ple-
 ni, nobis suspecti esse debemus, & stulti prorsus
 qui certa lucra non amemus, incerta magis & pe-
 riculis plena sectemur, hoc igitur vt omittā, quę-
 so honor & dignitas, apud quē tandem estimato-
 rem collocanda est? Deumne, an homines iudices
 intuebimur? Siquidem hominū iudicium respi-
 ciamus, nihil abiectius Pauli officio, quippe cum
 pro magno diceret, Non erubescō Euangelium,
 & Noli erubescere testimoniū Iesu Christi, neq;
 me vinctum eius Taliserat apud homines existi-
 matio prædicationis Euangelij. At apud Deum?
 Nihil Apostolatu maius in terris. Principes cōsti-
 tues eos super omnē terrā. Paruulos igitur Chri-
 sti Euangelij lacte nutrire, vile: Indos, gētem de-
 spectam & sordidam erudire, viro graui indignū.
 Ita sanē mundus existimat. At apud Deum nihil
 sublimius, nihil gloriosius, & reuera in Ecclesia
 Dei nihil Apostolicū magis. Hoc enim propriū
 Apo-

Rom. 1.

2. Tim. 2.

Apostolorum est. Neq; enim Paulus tantum suū
 esse putabat sapientiā loqui, sed parcē id quidē &
 rarō nec nisi inter perfectos. Ceteris verō quid?
 Nihil, inquit, me arbitratus sum scire inter vos nisi Iesum Christum, & hunc crucifixum. Ne er-
 go vile habeatur officium, quod non Angelis
 modo cōmisit, sed & Christus ipse suscepit. Quā-
 toq; quis maior est, tātō eum magis decet ad ista
 descendere exemplo Christi, vt Augustinus opti-
 mē admonuit. Quod sapienter cū secum reputa-
 ret parens noster Ignatius societatis Iesu insti-
 tutor firmissima ac perpetua cōstitutione sanxit,
 vt quicunq; professionem facerent, qui gradus
 est in nostra societate sublimior, ceteris votis suis
 conceptis & hoc expresse adijceret. Et promitto
 peculiarem curam circa puerorum eruditionem.
 Vt norint nostri omnes rudimenta Christianæ
 doctrinæ nō solum viros, quibus discere opus sit;
 sed etiam pueros docere tam esse suum, vt nisi fi-
 de Deo violata, huic muneri deesse non possint.
 Itaque nobis non iam de laude, & palma cogi-
 tandum est, cum ad rudes catechizandos accedi-
 mus, sed de fide potius liberanda. Euangelizandi
 enim paruulis necessitas nobis incumbit, & vā
 nobis est, si non euangelizemus.

1. Cor. 2.

Part. 5.
Const.*De fructu ex catechizandis Indis sperando.*

CAP. XXII.

Nihil tamen æquē laborem catechizandi au-
 get & tedium, ac ea cogitatio, quod operæ
 pretium non succedat. Hoc etiam Augustinus

Gg 4 aduer-

*De catech.
rud. c. 10.*

aduertit. Facit, inquit, loquenti tædium auditor immobilis, non quia humanæ laudis nos auidos esse decet, sed quia Dei sunt, quæ ministramus, & quanto magis diligimus eos, quibus loquimur, tanto magis cupimus, vt eis placeât, quæ ad eorum porriguntur salutem: quod si nō succedit, contristamur, & frangimur, quasi frustra operam conteramus. Huic molestissimæ cogitationi ita occurrit. Consoletur nos, inquit, Dominicum illud exemplum, qui offensis hominibus ex verbo suo, & tanquam durum refugientibus, etiam his, qui remanserant, ait, Nunquid & vos vultis abire? Satis enim fixū atq; immobile debet corde retineri. Hierusalem captiuam ab huius sæculi Babylonia decursis tēporibus liberari, nullumq; ex ea esse perituum, quia qui perierat, nō ex illa erat. Firmum enim fundamentum Dei stat habens signaculum hoc, Nouit Dominus, qui sunt eius, & recedat ab iniquitate omnis, qui inuocat nomen Domini. Ista cogitantes & inuocantes Dominum in cor nostrum minus timebimus incertos exitus sermonis nostri propter incertos motus auditorum, delectabitque nos ipsa etiam perpessio molestiarum pro misericordie opere, si non in eo nostram gloriam requiramus. Tunc enim est vere opus bonum, cū à charitate iaculatur agentis intentio, & tanquam ad locum suum rediens, rursus in charitate requiescit. Hæc Augustinus. Itaque persuadere in primis sibi Dei seruus debet laborem suum, siquidem Deo placet, nunquam esse inutilem posse: fructum verò

verò in electis esse certum, propter quos omnia libenter sustinere debet vt Paulus: in cæteris si nō
 2. Tim. 2.
 consequatur quod cupit, non esse mirandum, cum & Apostolis id crebrò contigerit, & Angelis, qui vident faciem patris in cœlis, qui cum impijs etiā ad tutelam dati sunt, nihil prætermittunt, quod ad illorum salutem pertinet iuxta præscriptum Dei, cum tamē tam multos perire videant. Quin ipse quoque Angelorum Dominus idem toleravit in se, qui non solum diuina sua concione de pane vitę non flexit animos hominum, sed etiam, quæ eorum prauitas est, magis alienauit à se. Cōstantem verò Dei prædicatorem docens, & non hominum gloriam quærentem, conuersus ad reliquos dixit, Nunquid & vos vultis abire? Vt intelligamus ardorem quidem proximos lucrandi maximum esse debere, sed tamen cum per te non steterit, quominus vota succedant, summè quietū atq; tranquillum. Non enim, vt dixi, perire potest charitatis opus. Hæc igitur humiliter primum cogitanda sunt. Deinde quoniam debet qui arat, arare in spe fructus percipiendi, certò sibi persuadeat catechista fructus futuros maximos, atq; mirabiles laboris sui. Nam si opinionum vel segnitie, vel ambitione ortarum caligo pellatur, serenisque oculis res Indicæ iudicentur, non est dubitandum, quin labore, & molestia longè maior appareat quæstus animarum. Hoc non solum viri religiosiores, & experiuntur, & prædicant, verum etiam prudētissimus quisq; sæcularium, qui diuturniorem vsum horum habere potuerunt.

Ioan. 6.

1. Cor. 9.

Et surgit quidem paulatim, sed quotidie maior
 copiosiorq; messis, ac pro ingenio, & natura isto-
 rū etiam gratia ipsa lenta & suspensa quodam-
 modo videtur, re tamen vera nō cessat. Tolle aua-
 ritiam, adhibe vitę integrę exemplum, pro captu
 Indorū opiniones eorū vanas refelle, viā verita-
 tis demonstra, atq; his diligenter insiste minister
 Euangelij, ita ego te fruar Domine Iesu Christe,
 vt copiosam messem, & latā futuram intelligo.
 Sed nos cito operando cessamus, & properatas, ac
 plenas fruges statim volumus. Non est autem ta-
 le Regnum Dei, prorsus non est tale, sed quale
 Christus exposuit, Sic est, inquit, Regnum Dei,
 quemadmodum si homo iaciat sementē in terra,
 & dormiat, & exurgat nocte & die, & semen ger-
 minet, & increscat, dum nescit ille. Vltro enim ter-
 ra fructificat primū herbam, deinde spicā, deinde
 plenum frumentum in spica. Aduertamus obse-
 cro nostrum esse sementem iacere in terram, idq;
 iuxta Ecclesiasten mane, & vespere esse facien-
 dum, quia nescimus quid magis oriatur hoc an il-
 lud, & si vtrūq; simul, melius erit. Itaq; etsi dor-
 miendum est aliquando, & vacandum Deo, sed
 tamen nullo modo ab opere cessandū, sed surgē-
 dum nocte, & die. Et licet semen sepultū lateat,
 neq; nos laboris nostri succēssum videamus, su-
 stinendum tamen est, quia nobis etiam nescienti-
 bus semen germinat, & increscit. At neq; prope-
 randū est nimīū, neq; statim plenę maturęq; fru-
 ges expectandę. Sed primum herbam quandam
 cuiusdam externę speciei, & significatę Christia-

nitatis

nitatis gratè accipiamus, mox calamum visuri ro-
bustioris fidei, postremo plenos gratiæ, & chari-
tatis fructus demetemus. Hoc non in vno quouis
homine tantum saluator noster voluit intelligi,
sed multò magis in ipsa hominum multitudine,
quam Euangelici seminis iactus attingit. Sensim
enim vocatio Dei vires suas exerit, & euulsis tri-
bulis, & carduis errorum præparatur terra future
sementi Fidei, sensimq; cœlitus affluente diuini
faucis imbre, nouum germen in Christo oritur,
crescit, maturescit in frugē. Ergo cœlestis oraculi
perspicua promissione confirmatus Euangelicus
operarius certissimè intelligat laborē suum non
esse inanem, sed magna emolumenta salutis ho-
minum allaturum, quia qui promisit, fidelis est, &
negare se ipsum nō potest, tametsi successum in-
terdū ipse non videat quā vellet citò, interdum
ne tarde quidem fortassis, quia fieri potest, quod
Euāgeliū habet, vt alius sit, qui seminat, alius qui *Ioan. 4.*
metit. Sed qui metit, mercedē accipit, & congre-
gat fructum in vitam æternā. Nō tamen sibi soli
metit, mercedēq; accipit, sed potius vt & qui se-
minat, simul gaudeat, & qui metit. Siquidē om-
nes in Christo vnum sunt. Addo etiā in præsentī
fructum laboris sentiri, & cum magna suauitate
decerpi ab ijs, qui curam suam iactant in Domi-
no, & commissō ofūcio non desunt, si qua decet
patientia, & longanimitate, quos Deus expectat, *Luc. 8.*
ipsi quoque expectare non dedignentur.

Neque enim fructus affertur nisi
in patientia.

Quid

Quid restet de Catechismo dicendum.

CAP. XXIII.

2. Cor. 9.

HOC animo instructus qui ad erogandum
 diuini tritici mēsuram accedit alacer, siqui-
 dem hilarem datorem diligit Deus, quid traditu-
 rus sit, tum qua methodo, & ratione cogitare de-
 bet, vt in altero fidelis, in altero prudens sit. Quæ
 ergo nouas gentes, rudes Fidei populos doceri
 oporteat, & quibus ea rationibus, vt animo hæ-
 rent, effici queat, quoniam præcipuus est
 scopus catechizantis, noua dis-
 putatione explicandum
 est.

NIS LIBRI QVARTI.



DE PROCVRANDA INDORVM

SALVTE,

LIBER QVINTVS.

Finis Christiana doctrina Christi cognitio & dilectio.

CAP. I.

Finis legis Christus ad salutem omni credenti, & finis præcepti charitas de corde puro, & conscientia bona, & fide non ficta. Hic vniuersa doctrinæ Christianæ summa est, quæ nihil aliud commendat quam Christi fidem per dilectionem operantem. Præclare D. Augustinus illa duo his verbis colligit, Omnis scriptura diuina quæ ante scripta est ad prænuntiandum aduentum Domini, & quicquid postea mandatum est literis, & diuina autoritate firmatum, Christum narrat, & dilectionem monet. Hæc verò duo vnum esse quodammodo Ioannes apertè docet, Hoc est, inquit, mandatum eius vt credamus in nomine filij eius Iesu Christi, & diligamus alterutrum, sicut dedit mandatum nobis. Etenim in hoc apparuit charitas Dei in nobis, quoniam Deus filium suum vnigenitum misit in mundum, vt viuamus per eum. Verè ergo & finem Christum, & finem charitatem scriptura dicit: verè in illo verbo legem

Rom. 8.

1. Tim. 1.

Gal. 5.

Aug. De catechi. rud.

C. 4.

1. Ioan. 3.

1. Ioan. 4.

*Matt. 22.**Rom. 13.**2. Cor. 3.**1. Ioa. 3.**Heb. 11.**Heb. 12.**Act. 4. 13.**1. Cor. 3.**Ioan. 10.**Apoc. 1.**1. Cor. 1.*

legem pendere, Diliges, & plenitudinem esse dilectionem: & verè nihilominus, in Christo euacuare legem, & impleri omnia, siquidem nullus est alius diuinæ institutionis scopus, quam Christus cognitus & dilectus. Etenim vita æterna est cognitio Christi vera & perfecta. Nam qui dicit se nosse eum, & mandata eius non custodit, mendax est. Quoniam igitur duæ sunt rationalis naturæ partes: cognitio, & appetitio, duæ humanæ vitæ rationes, contemplatio & actio, duo quoque sunt doctrinæ Christianæ lumina, cognitio Christi, & dilectio, necesse est duas etiam esse doctoris Euangelici functiones, docere, & exhortari, atque doctrinæ omnis, & cognitionis finis est Christus, omnis exhortationis, & actionis finis est charitas. Porro cognitio Christi, quam Fidem dicimus, symbolo traditur, charitatis omnis actio Decalogo continetur. Ergo prædicatoris Christiani est, & Fidem docere, & mores instruere. A Fide verò inchoandum est, sine qua impossibile est placere Deo, cuius autor, & consummator est Christus. Quamobrem illa prima, ac præcipua cura esse debet ministri Euangelici, ut gentibus Christum annuntiet, cum sit nullum aliud nomen sub cælo datum hominibus ad salutem consequendam. Neque verò potest quisquam aliud fundamentum ponere, neque est aliud ostium, neque via alia ad vitam æternam. Christus lac paruulis, cibus grandibus. Christus Alpha, & Omega, principium sapientiæ totius & finis. Desinat Christi minister, quærere quid aliud doceat

doceat quam Christum, qui factus est nobis sapientia, & iustificatio, & redemptio. Absint procul hæreticorum calumniæ. Christum nobis esse omnia cum dicimus, & nihil præter hunc sapere oportere, non tam sumus stulti, ut iccirco manendum in peccatis sentiamus, quod Paulus execratur, alioqui quomodo Christus vita erit, si nondum peccato mortui sumus? Itaq; & dixi, & dicam Christianæ prædicationis finem esse Fidem Christi non tamen otiosam & mortuam, & quam Paulus nihili facit, sed viuam illam, & efficacem, & fructuosam, quæ per dilectionem operatur. Quamobrem quid Fides Christiana habeat, deinde quos mores exigat, disserendum est.

Rom. 6.

Iacob. 2.

1. Cor. 13.

Gal. 5.

Christi annuntiandi curam præcipuam esse debere.

CAP. II.

MIHI verò monstri simile semper est visum, inter tot millia Indorum Christiano nomine donatorum tam esse rarum, qui Christum agnoscat, ut quod Ephesij olim Paulo de Spiritu sancto responderunt, possint hi de Christo melius usurpare, Neque an sit Christus, audiuius. Cum verò sint hæc prima elementa sermonum Dei, cumque nihil aliud insonet omnis scriptura diuina, quid causæ putemus esse, quod vix in hoc loco consistunt aliquando catechistæ, ut Christum ostendant, atq; imprimant menti Neophytorum? Nam si paulo

Act. 19.

480 DE PROCVRANDA INDORVM
 paulo curiosius interrogēs, vix pleniorē de
 Christo notitiā in plerisque reperias quam de
 Petro, aut Paulo, aut Dauide, aut alio quouis ho-
 mine, interdum ita noua accidit his Christi com-
 memoratio, ac si de Ænea, aut Romulo mentio
 fieret. Quod tantum Euangelij dedecus tantam
 Christiani nominis contumeliā nescio quo
 fulmine satis vindicari posse existimem, vt ho-
 mo Christianus, & annos iam viginti, aut trigin-
 ta terens Ecclesiā, rogatus de Christo, neque
 quis sit, neque verò an sit, prorsus intelligat. Ac-
 docent multi nescio quæ friuola, quidam præpo-
 stera omnino, pleriq; Christum quidem annun-
 tiant, sed ita cursim, & obscurè, vt nihil hîc magis
 Indus consistat animo, quam in ceteris omnibus.
 Hæc ergo prima & maxima Euangelici catechi-
 stæ præceptio sit, vt Neophitus Christum teneat,
 & memoria, ac intelligentia menteq; tota, quan-
 tum capax est, capiat. Et quamuis res notissima
 sit, quam loquor, nullisq; testibus egeat, tamen
 dignum est primos Euangelij prædicatores con-
 templari, quid docuerint, & quo omnis eorum
 spectarit oratio: A Christo instructi, & redempti
 nihil aliud quàm Christum Magistrum, & Re-
 demptorem perpetuò loquebantur. Siue enim
 Apostolorum Principem Petrum cum plebe, cū
 principibus Iudæorum, cum gentibus differen-
 tem, siue Stephanum, siue Philippum, siue Pau-
 lum, & Barnabam ad gentes, siue solum Paulum
 ad gentes sæpe verba facientem sæpe ad popu-
 lum Hebræorum, siue cæteros omnes parentes,
 &

Act. 2. 30

4. 10.

Act. 7. 8.

Act. 13.

16. 17.

Act. 23. 26

& præceptores nostros spectes, ne vnā quidem concionem inuenies, in qua Iesu Christi Dei nostri annuntiatio non vel totum argumentum orationis sit, vel certè præcipuus scopus, quod cætera tandem referantur. De Epistolis superuacaneum est dicere, cum quæuis illarum pagina Christum loquatur. Cur hoc? Nos prædicamus Christum crucifixam Iudæis quidem scandalum, gentibus autem stulticiam, ipsis autem vocatis Iudæis, atq; Græcis Christum Dei virtutem, & Dei sapientiam. Hæc est, inquit, virtus Dei ad saluandum, & Dei sapientia ad docendum, siquidem, & gratia, & veritas per Iesum Christum facta est. Nichil ergo aliud oportet scire; neque aliunde vires, & salutem sperare. Merito Paulus gloriatur sibi id diuinitus datum, vt mysterium Christi excelenter ostenderet. Mihi, inquit ille, omnium sanctorum minimo data est gratia hæc in gentibus Euangelizare, inuestigabiles diuitias Christi, & illuminare omnes quæ sit dispensatio sacramenti absconditi à sæculis in Deo. Itaque glorianter addit, prout legentes potestis intelligere prudentiam meam in mysterio Christi. Neque verò Euangelici tantummodo & Apostolici studij fuit Christum mundo indicare, verum etiam Prophetica, & Legalis ætatis, quando velut paruuli tenebamur sub pedagogo conclusi in eam fidem, quæ reuelanda erat, Nam & tunc, & longè ante, cum primum homini Deus innotuit, omnia & gesta, & scripta Christi prænuntiabant, Christum significabant, quemadmodū

1. Cor. 1.

Ioan. 1.

Ephes. 3.

Gal. 3.

H h

Apo-

- Az. 10.* Apostolus Petrus ostendit, Huic omnes Prophetæ testimonium perhibent. Et Paulus Apostolus velamen veteris testamenti in Christo euacuari. Et ipse Dominus prædicaturos discipulos instituens, Omnia quæ scripta sunt in lege, & Prophetis, & Psalmis de me. Quamobrem cum omni homini in Christi cognitione salus posita sit, cuius eminentem scientiam tanti facit Apostolus, vt præ illa cætera ster-
2. Cor. 3. cus putet, hæc prima hæc potissima, ac propemodum singularis Christiani magistri cura sit, & infatigabilis ardor Christum annuntiandi, Christum docendi, vt Christum omnes
LUC. 24. agnoscant à minimo vsque ad maximum, illamque propriam sui muneris existimet vocem, cognosce Dominum.
Phil. 3.
Hier. 31.

*Contra opinionem eorum, qui sine Christi notitia
 posse aliquem saluum esse volunt.*

CAP. III.

QUÆ cum ita habeant, vix satis mirari possum, quid præceptoribus quibusdam scholasticis, viris certè grauibz nostri sæculi in mentem venerit, vt nunc quoque temporis post tandiu reuelatum Christum sine Christi notitia salutem cuiquam æternam contingere posse confirment. Quorum opinio tam mihi semper visa est, ac modo quoque videtur absurda, vt nullo modo dubitem antiquos patres Augustinum præsertim in homine Christiano

stiano nedum Theologo molestè id accepturos
fuisse, ac nescio sanè an etiam à seueriore censu-
ra temperare potuissent, à qua tamen propter au-
torum & eruditionem, & pietatem abstinendum
nobis est, quorum vestigia potius solemus sequi.
Sed illud & liberè & vere dicendum est non di-
gnam Theologo esse sententiam, quæ nihil in sa-
cris literis, nihil in sanctis Patribus firmitudinis
habeat, tantum humana quadam suspicione in-
troducta propter eorum infinitam multitudi-
nem, qui in hoc nouo orbe tam longa ætate
Euangelij luce caruere, quibus aditus in cælum
omnis præcludi videtur, si ad salutem fuerit Chri-
sti notitia necessaria, quam rebus humanis ita
labentibus consequi nullo modo potuerunt,
cum haberent nullos Fidei præcones. Quid igitur?
inquiunt. An his omnibus impossibilem esse
salutis viam sentiendum est, in quorum potestate
non fuit Oceano traiecto ab Europa prædica-
tores accersere? ipsos verò sponte venientes sero
tandem post mille quadringentos annos vide-
runt? Quin potius cœlestem ianuam illis aperi-
mus, & notitia sibi concessa saluos esse posse cen-
semus? Rigidum est enim & à Dei qui omnes
homines vult saluos fieri, charitate alienum, vt
ea exigit, quæ neque ipse dat, & homines
per se præstare non possunt. Hæc illorum ra-
tiocinatio est, qua eo quoque impulsus sunt
quidam, vt sine Fide per naturalem tantum
cognitionem salutem consequi istos posse confi-
dant, quorum sententia, tametsi catholici ipsi sint

1. Tim. 2.

tam est apertè hæretica, vt nihil magis repugnet Fidei, quam sine Fide saluum esse hominum quemquam. Porro alij inde pedem referentes, ne ex tam lubrico, & periculoso loco in præceps se se darent, tutius illi quidem, sed quam consentaneè ipsi viderint, asseruerunt sine Fide quidem neminem esse saluum, sed tamen Fide nihil aliud de necessitate salutis opus esse cognoscere, quam quod naturali ductu intelligi potest. Quasi verò Fides ab Apostolis necessaria definiatur ad illa percipienda, quæ à creatura mundi per ea, quæ facta sunt visibilia, cognosci possunt, ac non potius ad ea quæ in cor hominis non ascenderunt, nobis verò reuelauit Deus per spiritum suum. Nam ad naturalia, necessariò cognoscenda natura ipsa non vsque adeò deficit. Fides verò est sperandarum substantia rerum, argumentum non apparentium. Quæ ergo non apparent, idest, supra captum, & rationem hominum sunt, de quibus scribitur, Plurima supra sensum hominum ostensa sunt tibi, ea per se ad Fidem pertinent, cætera verò per accidens. Igìtur vt rem proprius attingam, post nouum hunc eundemque vastissimum orbem inuentum nostri Theologi talia cœpere & docere, & scribere, cum per mille quadringentos annos, neque in sacris, neque in scholasticis Doctores vestigium eius sententiæ extet, quod equidem sciam, quin omnes consentienter affirmant sine explicita Fide Christi neminem esse saluum. Hanc autem

Rom. 1.

1. Cor. 2.

Heb. 11.

Eccl. 3.

autem suam sententiam ex quadam Sancti Thomæ opinione confirmandi occasionem libenter arripuerunt, de primum veniente ad vsum rationis, quem ad Deum conuerti, & posse, & debere vult, atque è vestigio si faciat, gratiam iustificationis accipere. Ex quo colligunt nihil eiusmodi puero opus esse alia cognitione quam boni honesti, quod pro illa ætate potest agnoscere. Horum, pro Indorum salute patrocinium eo libentius amplecterer, quo me huius causæ studiosiorem profiteor, nisi valde renocaret, quod ad Patrem nemo venit nisi per Christum, quod nulla alia est via, qua eatur, nullum aliud ostium, quo intretur ad vitam. Ac requidem vera, si potest sine Christi notitia salus esse aut iustitia, ergo gratis Christus prædicatur. Frustra Apostoli mittuntur in orbem, frustra præcipitur, Qui crediderit, & baptizatus fuerit, saluus erit. Non frustra, inquiunt, Christus annuntiatur. Nam & plures & facilius, & vberius salutem consequuntur. Ego vero existimabam Christi annuntiationem, hoc est Euangelium, non vt plures, & melius salui fierent, necessariam esse, sed vt omnino possent homines salutem consequi. Ita sanè existimabam, imo verò non existimo, sed tam certò, & apertè mihi persuadeo Pauli hanc esse sententiam, vt neminem putem repugnaturum, qui sincere, & attente illius verba expendat in eo loco epistolæ ad Romanos, vbi expressè hoc versat. Finis legis, inquit, Christus ad salutem omni credeti. Quam

*In. 3. d. 25.**10a. 6.**10a. 14.**10a. 10.**Marc. 16,*

Rom. 10.

sententiam postquam confirmavit, & æquè docuit Iudæis, & gentibus Christi fidem necessariam esse, omittens Hebræos, de quibus satis multa dixerat superiore capitulo, transit ad gentes, & illa propositione prolata, *Quicumque inuocauerit nomen Domini, saluus erit*, affert quæstionem & vrget vehementer, *Quomodo ergo inuocabunt, in quem non crediderunt? aut quomodo credent ei, quem non audierunt? quomodo autem audient sine prædicante? quomodo verò prædicabunt, nisi mittantur?* Et mox, *Ergo Fides ex auditu, auditus autem per verbum Christi.* Sed dico, *Nunquid non audierunt?* & quidem in omnem terram exiit sonus eorum, & in fines orbis terræ verba eorum. Hæc Apostolica responsio est, & difficillimæ quæstionis absolutio. *Quomodo inuocabunt, inquit, in quem non crediderunt? consentiunt hîc nobiscum Fide opus esse ad salutem. At quomodo credent ei, quem non audierunt? Profectò si istorum opinio vera est, facillime responderetur Paulo, & verissimè, neque prædicante, neque mittente opus esse, neque vero audiente, siquidem potest homo concipere Fidem sine aliqua reuelatione aut prædicatione; potest sibi sufficere ad salutem sine notitia Euangelij, potest inuocare Deum, quem per ea, quæ facta sunt, conspicit. Nonne ita nobis respondent, cum Christi notitiam dicimus necessariam ad salutem? Falsò ergo Paulus docet neminem sufficienter inuocare, & credere ad salutem,*
qui

qui non audierit Euangelicam prædicationem, si vera ista sunt. Quod si Paulus falli non potest, profectò ista vera non sunt. Si pergas Paulum interrogare, Quid de ijs, qui nunquam audierunt Euangelium? respondet tibi, In omnem terram exiuit sonus eorum, & in fines orbis terræ verba eorum, nimirum prædicationem eorum saluti, qui salui futuri sunt ex gentibus, toto orbe terrarum non defuturam, qui verò ex ijs perierint, suorum scelerum, non ignortati Euangelij pœnas duros. Dicis durum hoc esse, & asperum, at memineris ab Apostolo eos reprehendi, qui iustitiam suam volentes statuere, iustitiæ Dei non sunt subiecti. Non enim hîc agitur, durum ne hoc, & seuerum sit, an benignum, & liberale, sed vtrum verum necne. Alioqui eadem pietatis specie cogentur etiam paruulis eorum, qui Euangelium audire non potuerunt, sine baptismo salutem dare per quâcumque Fidei protestationem parentum, vt olim fiebat in lege naturæ? Cur enim paruuli sine Euangelico sacramento salui esse non possunt, & tamen grandiores sine Euangelica lege possunt? Quod si fatentur Euangelica lege iam promulgata nusquam gentium ad iustificandos paruulos antiqua sacramenta satis esse, & pro ijs omnibus vnum dumtaxat valere baptismum (neque enim hoc sine aperto errore negari potest) quid quæso rationis habet, maioribus notitiam legis naturæ ad salutem posse sufficere? Etenim quicquid contra nitantur,

Rom. 10.

fateantur pariter necesse est, modo sine Euangelica lege homines posse saluari, quod qui non putat absurdum, cum eo ego amplius minime disputem. Paulum profectò apertius loquentem nemo desideret: cuius omnes sancti expositores sensum esse, quem dixi, probant, maximè Beatus Thomas, cuius commentationem afferre non motor, cuius se hi scriptores in primis autoritate tuentur. Post enarratum ergo locum Apostoli, ita dubitat, Nunquid illi, ad quos non peruenit prædicatio Evangelij, ut potè si fuerunt nutriti in sylvis excusationem non habent de peccato infidelitatis? Ad hoc dicendum est, quòd secundum sententiam Domini, quæ habetur Ioannis. 16. Illi qui loquentem Dominum, vel per se, vel per discipulos suos non audierunt, excusationem habent de peccato infidelitatis, non tamen beneficium consequentur, ut scilicet, iustificentur ab alijs peccatis, quæ vel nascendo contraxerunt, vel malè viuendo addiderunt, & pro his damnabuntur. Si qui tamen eorum fecissent, quod est in se, Dominus secundum suam misericordiam prouidisset mittendo eis prædicatorem Fidei, sicut Petrum Cornelio, & Paulum Macedonibus. Hactenus Thomas. Augustini autem de hac re tam est aperta sententia, ut nullo modo subterfugi queat. Adeò enim Christi noticiam ad salutem necessariam vult, ut ijs etiam, qui ex gentibus ante tempus

Euan-

Thom lect.
3. in c. 10.
ad Rom.

A7. 10.
8. 16.

Euangelium seruati sunt, minimè id contigisse
 dicat absque reuelatione vnius mediatoris Dei
 & hominum Iesu Christi. Nam vt cætera missa
 faciam, ita scribit in libris de ciuitate Dei, Diui- *Aug. li. 18.*
 nitus autem pronisum fuisse nõ dubito, vt ex hoc *de Cini.*
 vno sciremus (loquebatur autem de sancto Iob) *ca. 47.*
 etiam per alias gentes esse potuisse, qui secundũ
 Deum vixerunt, eique placuerunt, pertinentes
 ad spirituale Hierusalem. Quod nemini con-
 cessum fuisse credendum est, nisi cui diuinitus
 reuelatus est vnus mediator Dei, & hominum
 homo Christus Iesus. In secundo quoque libro
 de gratia Christi id ipsum multis confirmat. Ne-
 que tamen displicet mihi illa quorundam tem- *Aug. lib. 2.*
 peratio, vt implicita quidem fides Iesu Christi, *de gratia*
 explicita vero vnius mediatoris satis fuerit ad sa- *Christi. ca.*
 lutem consequendam ante Euangelicũ tempus. *24. 25. &*
 Tunc enim, vt ait Paulus, tanquam paruuli cu- *26.*
 stodiebamur inclusi in eam fidem quæ reuelada *Gal. 3.*
 erat. At post reuelatam fidem, patere alicui vitæ
 ianuam nisi per reuelatam, & expressam Christi
 cognitionem nullo modo assentior, omnibus &
 antiquis, & nouis scriptoribus hac parte stanti-
 bus præter paucos quosdam scholasticos, qui ne-
 que ratione aliqua firma, neque veterum auto-
 ritate, sed sua potius suspitione ducuntur. Neq;
 verò extremam salutem tantum, sed iusticiam
 etiam primam sine Euangelij cognitione post
 promulgatum orbi Euangelium cuiquam con-
 tingere existimo, in quo alij minus moleste, sed
 tamen falso contradicunt. Neque Augustini

Aug. lib. de alium fuisse sensum quicquid hi cōtenderint de-
Pred. san- monstrabunt. Non enim Cornelij (quoniam hoc
ctar. 6.7. loco vrgent) eadem causa est, & infidelium huius
 temporis. Etenim quemadmodum Iudæis fides
 vnius mediatoris tunc temporis sufficiebat ad iu-
 stificationem, antequam Iesus Christus euange-
 lizaretur, ita quoque Cornelio Iudæorum, & li-
 bris, & consuetudine instructo sufficere potuit,
 vsque dum à Petro disceret Christum. Nunc ve-
 rò postquam toto orbe terrarum Iudaica, & lex,
 & sacramenta prorsus abolita sunt, vt non mor-
 tua solum, sed etiā mortifera sint, omnino Euan-
 gelica mensura quærenda est fidei, sine qua ne-
 mo, quod satis est, credit, cum lex fidei sola iu-
 stificet, id est, nullum aliud salutis initium sit
 præter fidem Iesu Christi. Quod si quis pergat
 quærere. Ex quo nam tempore explicita fides
 Christi cœperit esse necessaria ad iustitiā, equi-
 dem respondebo ex illo ipso, cum primum pro-
 mulgatum est orbi Euangelium. At Indis non
 erat hætenus promulgatum, inquis, ita ego sanè
 arbitror, verum nihil ad rem. Neque enim de ea
 promulgatione sermo est, quæ cuius ignorationis
 locum nullum relinquit, sed de ea potius,
 quæ cum solennis sit, & pro legislatoris volun-
 tate conueniens, omnes contrarias leges abro-
 gat, contractusque dissoluit. Scimus igitur sa-
 cramenta omnia, & legis, & naturæ abolita esse,
 scimus Euangelicam legem quæ est fides Iesu
 Christi, omnes mortales aliquando cœpisse ob-
 ligare: quo verò primum tempore sufficienter
 pro-

promulgata fuerit, alijs aliter statuentibus, nos nescimus. Cornelij certè tempore nondum plenè propalatum fuisse Euangelium Gentibus, vel ipse Petrus testis est, cui ea de re erudiendo cœlesti visione opus fuerit. Nunc ergo cum æquè vel notum, vel ignotum sit Gentium populis siue esse aliquem mediatorem diuinitus prouisum, siue hunc esse solum Iesum Christum, non est, cur sine Euangelij notitia remissio peccatorum alicui tribuatur. Alij sentiunt Cornelium non verè iustificatum esse coram Deo ante Petri prædicationem, cum & animali immundo comparetur, & audita remissione peccatorum per Christum ceciderit Spiritus sanctus, neq; ab ea sententia valde abhorret Chrysostomus: verum quia difficile est, quæ scriptura religiosum, & timètem Deum, & acceptum Deo & operantem iustitiam dicit, non eundem vere iustificatum intelligere, commodius explicatur accersendi Petri necessitas, non vt absolutè gratiam consequeretur, sed vt Euangelicam gratiam ea plenitudine & firmitate qua per Iesu Christi fidem conferebatur. Modo verò post latè prædicatum Euangelium eiusdem necessitatis putamus credere, & in Christum credere, sine cuius mysterij fide iustificari neminem & olim beatus Thomas, & nuper sancta synodus Tridentina decreuit. Sed quid agemus de infinitis hominum millibus, qui neque audierunt Euangelium, neque verò audire potuerunt? An eorum neminem saluum esse posse censebimus?

Mini-

*Ita sentit
apertè D.
Greg. hom.
in Ezech. 9.*

*Beda in
acta, fidem
operam tri-
buit Cor-
nelio.*

*Tho. 1. 2. q.
113. ar. 4.
ad 2. & 3.
Conc. Tri.
sess. 6. c. 6.*

Minime vero. At sine miraculo fidem doceri nō
possunt. Primum miraculum dici non debet Dei
peculiaris prouidentia vel Angelum, vel homi-
nem destinantis, vt euangelizet ei, qui quod po-
test, præstitit. Nam vt rarum hoc est, & rarissimū
vt in natura iam obscurata, & grauissimè saucia
ad tam præclaros quisquam conatus assurgat, id-
que sine præueniente Dei auxilio facere nequit,
ita prouidentia singulari non destituendum ipsa
ratio confirmat, cui tam singulare contigerit stu-
dium boni. Quod si adhuc miraculum vocādum
perstant, quid de nomine digladiandū est? Certè
hi tanquam eiusmodi opera Deo grauia aut an-
gusta & inusitata forent, ita parcè & arctè cohi-
benda putant. An non ad ipsum illum Corne-
lium, & Angelum, & Petrum missos legunt? An
non ad Eunuchum Candacis Reginæ Philippū
Diaconum? An nō ad Macedones, & ad Lydiam
Paulum? Quod si noua quærimus, præsto est
Paulus ille Iapponensis, qui tanto tempore cri-
minum suorum medelam exoptans, & Franci-
scum Xauierum quarens tam longo maris cir-
cuitu, eoque non inuento abiens Malacā tem-
pestate reuocatus est ex ipso Sinensum aspectu,
vsque dum in illum rediens incideret, & Christi
Euangelio audito per fidem non solum ipse ser-
uatus sit, verum amplissimæ genti suæ Christum
annuntiandi Francisco fuerit, & hortator & dux.
Ad hunc sanè modum de cæteris, si qui tales ex-
titerint, sentiendum esse non tam ego quam
Thomas ipse respondet: à quo cum obiectio-

nem

nem suam dilui videant, nescio quomodo in
eam sententiam vocare possint, quam refellit.
Sed de puero veniente ad vsum rationis nego-
tium nobis ex Sancto Thoma facessunt. In
quo si nulla neque ab Angelo, neque ab homi-
ne doctrina expectanda est, certè neque Chri-
sti, neque Dei notitiam pro illa aetate firmam ha-
bere potest. Itaque iustificabitur is, qui Deum
adhuc non nouit, & falsum erit quod Apostolus
de fide necessaria, vt placeatur Deo, scripsit, Cre-
dere oportet accedentem ad Deum quia est, &
quia inquirentibus se remunerator est. Quod si
& hoc ipsum implicite credi satis esse dicunt, pro-
fectò nihil dixit Apostolus. Nam implicite non
illa solum credere oportet accedentem ad Deum,
verum & illa Adam extra paradysum formatum
esse, & octo animas in arca Noe seruatas, & To-
bia filium fuisse cognomine, & quicquid diui-
nae literae tradunt. Quod si certa aliqua fidei men-
sura designanda est, & firma saltem de Dei maie-
state & prouidentia conceptio, profectò à quo
hanc fonte puerulus haurire potest nulla doctri-
na imbutus, nulla experientia ductus, ab eodem
facile hauriet, & Christi mysterium, cum vtrum-
que vel diuinitus, vel humanitus edocendus sit.
Itaque vel opinio illa D. Thomae non vsq; adeo
renaciter est tuenda, quam etiam illius plerique
discipuli non satis sibi persuadent, vel si retinen-
da est, ad eum modum explicanda est, quem an-
tiquiores illius discipuli sequuntur, vt etià pueri
iustificatione reuelatio Christi antecedit. Neq;
enim

*Tho. 14. de
Verit. a. 10
ad 1. & in
c. 10. Rom.
lect. 3.*

Heb. 11.

enim propter incertas opiniones dogmata debemus certa deferere . Cum ergo fides infusa necessaria sit , non vt credat homo , sed vt aliquid credat , id est , non tam propter actum quam propter obiectum , quærenti quodnam sit illud , nihil aliud occurrit , quam quod Patres tradunt , vt credamus vera esse , quæ diuinitus reuelata & promissa sunt , atque illud in primis à Deo iustificari impium per gratiam eius per redemptionem , quæ est in Christo Iesu . Quamobrem mysterium Christi primum ac potissimum docere debemus , si illius sapientiam sequi volumus , qui dicebat , Nihil aliud arbitratus sum me scire inter vos nisi Iesum Christum & hunc crucifixum .

*Cōc. Trid.
sess.6. c.6.*

1. Cor. 2.

Contra errorem illius , qui Christianos rudiores sine Fide explicita Christi asseruit posse saluari.

C A P. II II I.

BE N E autem habet quod nemo scriptorum Christi notitiam necessariam negat ijs , quibus fides prædicata est , quin potius differtè admonent præceptum de Christi mysterio explicitè credendo , & diuinum esse , & omnibus hominibus necessariò propositum , tum vero eos , qui fidem audierunt sine illius mysterij cognitione saluos esse non posse . Aiunt verò infideles barbaros , quibus Euangelium non est nuntiatum propter ignorantiam excusari à peccato , quod nos quoque libenter damus : sed eosdem

dem, si fecerint quod in ipsis est, sine fide explicita Christi salutem consequi posse censent, quod nobis ne quicquam placet, sed interim tenemus illud, quod nemo catholicus potest abnuere, De mysterio Christi expresse sciēdo Christianis omnibus sine exceptione diuinum esse præceptum, neque verò quemquam eorum, quibus Euangelium prædicatur, ad salutem iustitiæ coram Deo peruenire posse nisi per fidem explicitam Christi. Qua de re non ita pridem in hoc nouo orbe vir quidam diu, & insigniter doctus, & valde religiosus habitus, iam vero magnus, vel factus, vel patefactus Hæreticus nouum dogma, vt ille quidem iactabat, piū & salutare, sed reuera valde impiū, & perniciosum inducere conatus est, idque multis prolixisque commentationibus egit, vt persuaderet, Nempe Indorum populis cæterisque hominibus rudioribus non esse necessarium ad salutem, vt mysterium Trinitatis, neque verò mysterium Christi explicitè crederent: sed satis esse, vt scirent vnum esse Deum, eumque bonis præmia, malis supplicia digna reddentem, in cæteris verò legem nostram, hoc est Christianā, diuinam esse & certò tenendam. Deniq; præter illa duo nihil aliud quam vt crederēt communiter & simpliciter, quæ tenet Ecclesia. Quamobrem hæc ipsa Indis prædicanda esse, cætera non ita magnopere curanda. Causam huius sui dogmatis ille reddebat, quòd Deus ad impossibile neminē obliget: esse verò tam obtuso & absurdo ingenio pleros-

496 DE PROCVRANDA INDORVM
 plerosque, vt neque mysterium Trinitatis, neque
 mysterium Christi percipere possint, quos si cogas
 isthac explicitè credere, nihil aliud agas, quàm
 vt cœli ingressū miseris occludas. Addebat porro
 cū diu de hac secum ipse deliberasset, atque
 ita sentiret, vt dixi, diuina se reuelatione penitus
 confirmatum vsque adeo, vt Paulum ipsum Apo-
 stolum per reuelationem dixisse affirmaret, Ru-
 dioribus non esse necessarium ad salutem crede-
 re Christum esse hominum saluatorem. Quis ve-
 rò pseudopaulus ille, & pessimus dæmon fuerit,
 Angelus lucis haberi volens, satis iam ac plus etiā
 quā vellemus, innotuit. Sed autore missō, ipsum
 dogma tractemus eoque accuratius, quod iugu-
 lum ipsum Euangelij ferire contendat. Omnis
 penè prædicationis Indica labor & cura tollatur
 necesse est, si vera illa sint. Paucis verò nō solum
 impiam, sed stultam quoque assertionem perspi-
 cue demonstrabo. Quid enim impium magis,
 quā & apertæ Domini sententiæ, & gentium salu-
 tuti per Christum obtinendæ contradicere? Itē,
 inquit, in mundū vniuersum, & prædicare Euan-
 gelium omni creaturæ, qui crediderit & bapti-
 zatus fuerit, saluus erit, qui vero non crediderit
 condemnabitur. Euangelium ergo suscipere &
 credere omnem creaturam oportet, si salua esse
 velit. Atqui Euangelium, & Christi notitia no-
 mine quidem sunt duo, re ipsa penitus idē. Quo-
 modo enim Euangelium nonit, qui Christum
 non nouit? Ex quo planè apparet, quam stultè
 illud dicatur, vt is, qui fidem Christianam habet,
 Christum

Marc. 16.

Christum tamen ignorare possit. Nam si quis Æneida aut Odysseam tenere se se diceret, neque tamen Æneam aut Vlysses unquam audisse, quis obsecro risum tenere posset? Præterea qui nouit se fieri aut esse Christianum, & non Iudæum aut paganum, qui Christum non nouit? Quomodo eam legem profiteri potest, qui quid lex habeat, ignorat? Omnis Christianus, quatenus Christianus est, Christum profitemur. Itaque docere quæquam Christianum esse debere, si saluus esse velit, neque tamen opus esse, ut Christum agnoscat, nihil aliud est quàm cum ratione insanire. Ad hæc quàm ineptè & fatuè iubetur Indus credere, quæ credit Ecclesia, qui tamen Christum ignorare permittitur? Omnino repugnat utrumque. Etenim Ecclesiam nisi congregationem fidelium Christum verè tenentium intelligat, non magis Ecclesiæ credit quam synagogæ Iudæorum, aut scholæ Atheniensium, sine Christo enim Ecclesia neque esse, neque intelligi potest. Siue ergo Ecclesiam voces, siue Christianorum legem, siue fidelium cœtum, nisi Christum Indus agnoscat, Ecclesiæ mysteriū scire non potest. Ut illud præterea, quantæ insanix sit mysterium Ecclesiæ mysterio Christi præponere in necessitate fidei explicitæ. Ioannes certè Apostolus ita colligit, Et hoc est mandatum eius, ut credamus in nomine filij eius Iesu Christi. Et hæc est, ait, victoria quæ vincit mundum, fides nostra. Quæ autem sit fides nostra, statim adiungit, Quis est qui vincit mundum? nisi qui credit, quoniam Iesus est filius

1. Ioan. 3.

1. Ioan. 5.

*Dominicus
Soto in 4.
d. 5. a. 2.*

Rom. 10.

Dei. Igitur eiusdem præcepti, eiusdē necessitatis est Christiano credere, & in Christum credere, eadem fides Christiana, & fides Christi. Docendi ergo sunt Indi, & gentes omnes mysterium Christi, & qui genus aliquod hominum inde excipit, grauius errat, ne hæreticum apertè dicam, quod tamen nonnulli graues auctores intrepidè affirmant. Sed homo absurdus est, inquit, rudis, hebes, senex est iam decrepitus, æthiops est trunco similis, Vruse est vix quicquam à pecude distans. Hofne atque horum similes Trinitatis mysteriū discere coges, quod est vsque adeo difficile magnis etiam & promptis ingenijs? Mysteriumne Christi, quod captum superat mentis humanæ ex tam stolido sensu exiges? Ego verbū mysterium Christi (nam de cæteris dicam postea) intelligere neminem cogo, quod est paucorum, credere verò omnes debere dico, quod nemo nō potest. Nemo enim tam est absurdus, qui nequeat utcunque cogitare Deum & hominem. Doceri ergo potest, Deus factus homo, hic est Christus Iesus, addat, cur id sit factum, vt nos prorsus à peccatis eriperemur, & vitam consequeremur, atque ita discet esse vnicum saluatorem nostrū. Mox ordinem quoque doceatur, quod cōceptus sit Spiritus sancti opera ex virgine, & natus, & crucifixus, & post mortem resurgens in vitā immortalem. Hæc profectō cogitatione percipere non est impossibile, quin potius si Paulo Apostolo credimus, prope est valde verbum in ore nostro, & in corde nostro, hoc est verbum Fi-

dei.

dei, quod prædicamus, quia si confitearis in ore tuo Dominum Iesum, & in corde tuo credideris quod Deus illum suscitavit à mortuis, saluus eris. Cum ergo quæritur, quid in mysterio Christi gentes docendæ sint, respondetur, Dei filium factum hominem propter nos crucifixum resurrexisse, quam summam esse Evangelij rectissime dixit Chrysostomus. Itaque tria quædam breuiter insinuantur, Primum Christum esse Deum & hominem, deinde mortuum esse propter peccata nostra, tertium, vitam immortalē, & beatam possidere, quam nobis communicare vult. Hæc qui nullo modo percipere possit, neminem esse arbitror, si congruenter doceatur. Nam & corporali imaginatione cogitari possunt, quod est hominibus facillimū, & utrumq; depingi, & verbis exprimi satis queunt. Memoriter verò tenere, & acutè intelligere, & aptè explicare scio non omnes posse, & Deum bonum nihil exigere ab homine, quod præstare non possit. Quod si quisquam tam obtulus & saxeus vel fingatur, vel reperiatur, qui nullo modo cogitare & percipere possit Christum esse hominum saluatorem, & Dominum, hunc ego vel sensus humani expertem existimabo, vel propter sua crimina diuino iudicio retardari, ne vel fidem doceatur congruenter, vel beneuolè capiat. Neque enim dubitamus esse non paucos, qui non habent aures audiendi, quibus licet foris insonet Evangelij tuba, intus tamen surdissimi sint. Vt iuxta verbum propheticum audien-

tes non audiant. Nam & consentire verbo fidei percepto diuinæ gratiæ est, & ipsum quoque quantum satis est, mente concipere, & cogitare non nullus est gratiæ, ita vel illud vel hoc sicui negatur, diuini iudicij est, cuius effectus cum sæpe cernamus, causas tamen planè ignoramus. Denique quicumq; diuinitus ad fidem Christianam idoneus iudicatur, sine qua salus & iustitia esse non potest, idem ad mysterij Christi agnitionem, quantum satis est, idoneus existimandus est, quam si vel neglexerit, vel affecutus non fuerit, ostium vitæ æternæ nondum inuenisse sine vlla dubitatione existimandus est.

Quod præcepto cetera mysteria, quæ continentur in symbolo, scire omnes Christiani constringantur.

CAP. V.

Tit. 2.

Mysterium verò Christi nemo potest perfectè, & vt par est, cognoscere, nisi mysteriū quoq; & Trinitatis, & Ecclesiæ doceatur. Nā Iesus Christus Dei filius de Spiritu sancto conceptus est, mortuus est autē, vt suo sanguine mūdaret sibi populum acceptabilem sectatorē bonorum operum, in quo esset remissio peccatorū, & salus æterna per fidem, & sacramenta Christi. Itaque tribus hisce mysterijs, Christi, Trinitatis, Ecclesiæ, Christianæ fidei summa definita est. Quamobrem ab Apostolis tribus veluti partibus symbolum distributum est. Et quæ quidem ad

natu-

naturam diuinitatis pertinet, in primo loco patri attributa sunt, quæ verò ad dispositionem redemptionis nostræ, secundo loco Dei filio Iesu Christo: porro quæ ad fidelium gratiam & sanctificationem, ea tertio loco Spiritui sancto ascripta sunt. Neque verò illorum est modo error refellendus, qui plebeio & rustico homini satis esse putant, vt se tenere profiteatur, quæ tenet Ecclesia, qui ab ipsa iam pridem Ecclesia damnati sunt. Quin potius audiamus Augustinum eorum sententiam data opera refellentem, qui sentiebant sufficere ad percipiendum baptismum confessionem Iesu Christi filij Dei. Ita enim scribit in lib. de Fide & operibus spado (inquiunt) ille, quæ Philippus baptizauit, nihil plus dixit, quam credo Dei filium esse Iesum Christum. Et in hac professione continuo baptizatus est. Num ergo placeat, vt hoc solum homines respondeant, & continuo baptizentur? nihil de Spiritu sancto, nihil de sancta Ecclesia, nihil de remissione peccatorum, nihil de resurrectione mortuorum? postremo de ipso Iesu Christo nihil, nisi quia filius Dei est? non de incarnatione eius ex virgine, de passione, de morte crucis, de sepultura, de tertij diei resurrectione, de ascensione, ac sede ad dexteram patris aliquid dicendum est catechizanti, & profitendum credenti? quæ necesse habemus etiam cum ad baptismum temporis vrget angustia, exprimere interrogando, vt baptizandus ad cuncta respondeat, etiam si ea memoriæ mandare non valuit. En quid exigit Augustinus idque ex recepta consuetudine totius

*Aug. lib. de
fide & ope,
cap. 9.
Acto. 8.*

Leo epi. 13.
ad Pulche-
riam Au-
gustam.
Con. Laod.
ca. 46.
2. Concil.
Brach. c. 1.

Tho. 2. 2. q.
2. art. 7. &
8. Mag. in
4. di. 1. &
scholastici
ibi & in 3.
dist. 25.

Ecclesiæ. Et nos dubitabimus teneri quemuis Christianorum symboli mysteria nosse, & explicare credere, quæ à morituris quoq; exigebantur ante baptismū? Certe Leo Papa nulla exceptione facta, Quod continetur, inquit, in symbolo, Dominus noster in Ecclesia neminem vtriusq; sexus voluit ignorare. Concilij Laodicensis decretum extat, symbolum disci oportere & reddi Episcopo, aut Presbytero ante baptismū. In Bracharensi catechumeni totum symbolum Apostolorū doceri iubetur. Sed notior res est, quam vt testimonijs, quæ sunt plurima, indigeat. Igitur omnes Christiani nemine excepto fidei capita, quæ continentur in symbolo, quantum illorū captus fert, explicatè tenere diuina autoritate coguntur, quæ de re scriptores quidam docti nō doctè profectò dubitant, quorū de hoc diuino præcepto refellendo aut cohibendo sententia, vix in opinionū numero referri potest, cum nostri & multitudine, & autoritate multis partibus superiores sint. Quoniam verò ea, quæ cōmuniter præcipiuntur, propter vrgētes aliquas causas excusari nōnunquam possunt, non est dubitandum, quin temporis angustia, aut sensus hebetudo, aut minus idonei doctoris facultas, sæpe imbecilliores excuset, si non vsquequaq; omnia illa fidei mysteria norint. Si enim baptismi percipiendi, itemq; Eucharistiæ sumendæ, & cōfessionis peccatorum Christiano faciendæ, cum iuris diuini præcepta sint, tamen potest nōnunquam homo excusari, vel ministro absente vel ipsa materia, vel sua ipsius impotētia

ad

ad loquendum, vel alijs etiam ex causis, neque tamē si voto & animo præstet quod potest, cum vero corde Deum quærat, excludetur à regno, nihil profectò est, cur quamuis diuinum de fidei præcipuis mysterijs ab Apostolis traditis cognoscendis, & expresse profitendis præceptum sit, tamen excusari & absolui non possint multi, quorum sensus tam est exiguus, vt non vsquequaque sufficiat, aut ætas grauis, aut præceptoris inopia, aut aliud extrinsecus obiectum impedimentum. Neque enim contemnet hos, qui fecit illos, quoniam pusillum & magnum ipse fecit, & æqualiter est illi cura de omnibus, neque deerit Dominus fidei & bonæ voluntati hominis, qui quod potest, bona fide præstat. Itaq; sunt illa quidem omnia symboli capita docenda, discendaque diligenter, & omni studio incumbendum, vt hæreant, idque nulla negligentia detrectari potest, nulla occupatione præpediri, nullius negotij magnitudine contemni, cum sit ipsa animæ salus fides Ecclesiæ: sed tamen vbi necessitas & impotentia obstant, non debemus putare defuturum Deum, si modo ea mensura non desit, quam necessariam diximus omnibus, neque valde difficilem, sine qua salus nemini patuit. Ea verò est, vt credat in vnum Deum per Iesum Christum vnicum saluatorem peccata hominibus remittentem, & sibi obedientibus æterna bona præbentem, sine qua fidei mensura neminem Christianorum fuisse, neminem fore saluum mihi sanè persuadeo.

Sap. 67

CAP. VI.

*Damasc. li.
4. de fide
c. 10.*

DE Trinitatis ergo arcano an omnes etiam valde imperiti & rudes necessario docendi sint, partim rectè dubitatur partim non rectè. Nam aliqua ex parte omnes illud debere cognoscere præter patrum auctoritatem ea vna ratio apertè declarat, quod nemo Christianus fiat percipiatque baptismum (quod fidei sacramentum antiqui vocant) nisi in nomine Trinitatis. Qui ergo Christianum se esse nouit, non potest iure ignorare mysterium, in quo vnico Christianus effectus sit. Adde quòd ex Apostolica & veteri traditione nemo baptizatur in Ecclesia Christi, nisi prius rogatus, an credat in Deum Patrem, & in Iesum Christum Dei Filium, & in Spiritum sanctam, responderit firmiter se se credere. Quantumuis ergo hebes sit, si iudicij aliquid habet, & ita rogatur, & ita respondet, prorsusque ita expresse credere iubetur. Namque implicite & inuoluntè non isthac solum, sed quæcunque diuinæ literæ produnt, credit, de quibustamen non omnibus interrogatur, quod ea expresse scire omnia, illi minimè opus sit. Præterea cum nemo tam imperitus Christianæ disciplinæ sit, quin & se & res ceteras signare salutariter doctus sit in nomine Patris, & Filij, & Spiritus sancti, quonammodo ei ignorare fas erit, quòd quotidie frequentat? Nihil ergo est, cur propter Æthyopum Indorum.

dorumue barbariem nouum dogma cudatur, de Trinitate non necessario docenda, quod plures *Tho 2. 2.*
 granioreſq; Theologi, & Eccleſia ipſa, niſi fallor, *q. 2. ſchola*
 in Athanaſij ſymbolo ſatis redarguit. Sed ſubtile *ſticiim. 3. d.*
 eſt, inquirunt, myſterium, & valde ſenſum huma- *25.*
 num excellens: iſtorum verò ſenſus tam eſt ob-
 tuſus, vt ne cogitare quidem Trinitatem queat.
 Primum qui ita diſſerunt, velim an ſe fortaiſis
 cogitare poſſe reſpondeant, An præter certos ac
 definitos loquendi modos ex Eccleſiæ, & Theo-
 logiæ regulis ſumptos, quicquam amplius in tam
 ſublimi arcano Theologi norunt? Nihil opinor.
 Nam de me certus ſum equidem. Quid enim ſen-
 tiendum, & quomodo enuntiandum ſit, ruſtico
 literatus præſtat: quid porro id ſit, & quomodo
 cogitandum, nihil propemodum inter vtrumque
 intereſt. Non ergo intelligentia, quæ valde pau-
 corum eſt, tanti myſterij, quam non tam lectione
 librorum, quam diuinitus luce perſuſa mens ca-
 pit, vt Auguſtinus optimè docuit, ſed ſimplicem
 ſynceramque Fidem poſtulat ſancta mater Eccle-
 ſia, à qua cur alienare quos ſuis homines debeat-
 mus omnino non video. Quemadmodum enim
 ſacrificia olim offerebantur Deo pia populi reli-
 gione, quorum tamen vim, & ſignificationem
 pauci admodum ſatis perciperent, & nihilomi-
 nus à ſuis Deus iſta exigebat, quod in ijs, quæ vi-
 debant, ea, quæ non videbant, proteſtabantur: ita
 planè in nouo teſtamento, vbi cruentæ abolitæ
 ſunt victiæ, & vituli acceptiſſimi ſunt labia cõ-
 ſentientium Domino, vult proſectò Deus fideles

*Aug. li. 14.
de Trin.*

*Phil. 2.**Hofius lib.
de Fide. c.
2.*

suos offerre, & cordis, & oris confessionem secundum spiritum Fidei, vt Patrem, & Filium, & Spiritum sanctum adorent, & colant, quamuis quid ore proferant, quid mente credant, vix plerique percipiant. Nam & ipsa Fides est argumentum non apparentium, quam etiam sacrificium quodam loco vocat Apostolus. Sed premunt adhuc nonnulli hæc ipsa amplius. Trinitatis mysterium in hoc esse aiunt, vt tres diuinæ personæ in vna eademq; essentia credantur. Atqui inuenies quam plurimos, qui neque quid sit distinctio personarum, neque quid essentiae vnitatis cogitare queant. Ego sanè tales esse nō in India & Aethiopia solum, sed in ipsa Hispaniæ, & Italiæ curia plurimos arbitror. Hos ergo excludemus ex notitia Trinitatis? Minimè verò. Quin potius doctissimi Cardinalis Hofij, & de Catholica Ecclesia optimè meriti sententiam valde probo. Distinctionem inquit, personarum & vnitatem substantiæ, si qui sunt rudiores, quam vt cōprehendere possint, non est adeò necessarium ad salutem omnibus explicatè credere, vt si quis minus hæc fuerit affecutus, de eius salute dubitandum sit. Rectè prorsus ac pie. Namq; vt rudiores mysteriū Trinitatis, quātum satis est, credant, satis omnino est illis, si verè credāt in vnum Deū Patrem, & Filiū & Spiritum sanctum. Neq; opus est ista morosè premere apud tales, quæ si subtilius exquirantur, de illorum exiguo sensu elabuntur. Teneant ergo vnum esse Deum omnipotentem, omnium rerum creatorem, teneant hunc esse Patrem, &

Filiū,

Filium, & Spiritum sanctum. Quod si præterea acultas suppetat, doceri possunt has tres esse distinctas personas, & æquales per omnia, sed Deum omnino vnum, propter vnā eandemque omnino substantiam. Quicquid enim de hoc mysterio sentiendum est, Ecclesia breuiter posuit, Vt in personis proprietates, in essentia vnitas, in maiestate adoretur æqualitas, ad quæ ferè Augustinus *Aug. epist.* 102, cōfert omnia à se disputata per quindecim libros, in ea epistola, quam scripsit Euodio, sed sicut religioſa diligentia ista plebi exponentium laudanda est, ita improbanda quorundam importuna morositas de distinctione personarum, de vnitate essentiae à rudissimis hominibus rationem extorquentium, quæ neque comprehendere satis possunt, & cum vtrumque comprehendunt, penitus explicare non possunt, nisi fortè verbis cōceptis memoriæ mandarint, quod vt in puerili etate non est inutile, ita non firmum est intimi sensus indicium. Opus ergo est, vt omnes doceantur credere in vnum Deum Patrem, & Filium, & Spiritum sanctum, quemadmodum religio Christiana veneratur, idq; & rudibus satis est, & pro eorum tenuitate non impossibile.

De mysterio Ecclesiae tenendo.

CAP. VII.

DE sancta verò Ecclesia articulus à vulgaribus catechistis fere omittitur, causam eam opinor, quod in mysterijs Fidei explicandis non

nontam symboli Apostolici seriem sequantur, quam vsitatam istam distributionem articulo- rum Fidei in septem ad diuinitatem pertinentes, & totidem ad humanitatem, quæ sanè distribu- tio vt non est contemnenda, ita nullo modo, aut præferenda aut comparanda symbolo, quod ab Apostolis esse compositum Cypriani, Clemen- tis totiusq; Ecclesiæ consensu accepimus (& qui- dem certis ab vnoquoque sententijs collatis in medium, si Leoni, & Augustino clarissimis do- ctoribus credimus) & est omnino non minoris autoritatis apud fideles, quam Euangelium Ioan- nis. At vulgaris ille articulorum ordo, qui in pue- rorum tabella apud nos circumsertitur, in commē- tario quodam S. Thomæ Aquinatis inuenitur, (autorem antiquiorem certi nominis me legisse non memini.) At in hoc ipso Ecclesiæ mysterio explicando valde deficit. Nihil illic de Ecclesia, nihil de communione sanctorum, nihil de remis- sione peccatorum per sacramenta, quæ tamen nosse summopere refert. Nam quod Thomas in articulum saluatoris reijcit Ecclesiam, commu- niopem sanctorum, & peccatorum remissionem, non est quidem falsum, sed ita obscurum, vt illo verbo nihil tale populus suspicari queat, nisi à Do- ctore commonefiat. Hanc igitur ob causam opi- nor hunc articulum vulgo non ita notum. Est ve- rò per quam necessarius, ab Augustino, cum de catechizandis rudibus agit ac sæpe alias, vsq; adeo commendatus, vt dicat sapius & planius in scri- pturis sacris de sancta Ecclesia, quam de ipso

Chri-

*Clemens
epist. 1.
Cypria. in
symb. expo.
Leo epi. 13.
Aug. serm.
181. de
Temp. &
serm. 115.
Tho. in Di-
rect. Inqui.
p. 1. in De-
cre. de sum-
ma. Trin.
Tho. 2. 2.
q. 1. ar. 8.*

*Aug. sæpe
contra Do-
natist. ac.*

Christo prophetatum. Adde, quod ab hoc vno, si non dissentiat Christianus, quamuis in cæteris forte labatur, Christianus esse non desinet: huic vni si se subtrahat, Fidelis esse non potest. Est enim Ecclesia Domus Dei viui columna, & fir-
 1. Tim. 3.
 namentum veritatis. Doceantur ergo Indi de Ec-
 clesia tria præcipuè. Primum, quid illa sit, congre-
 gatio certè hominum Christum, doctrinamque
 Christi profitentium, non Hispanorum, aut bar-
 barorum, aut nationis, & gentis cuiusdam nume-
 ro, & sorte definita, omnia terrarum spatia, om-
 nes temporum successiones complectens. Hoc
 nihil est aliud quam ipse populus Christianorū,
 singuli enim, vt præclare Augustinus dixit, filij
 sumus, & partes Ecclesiæ, omnes verò simul, ipsa
 met mater Ecclesia. Huius verò caput esse Roma-
 næ vrbis Pontificem Petri successorem, Christi vi-
 carium, plenissima ipsius in terris autoritate pol-
 lentem, cui cæteri omnes Christiani etiam Re-
 ges, & Principes pareant Hoc est Ecclesiam ca-
 tholicam credere, & vniuersalem. Secundum,
 hanc eandem Apostolicam, & sanctam esse. Ni-
 mirum huius Ecclesiæ doctrinam à Deo esse pro-
 ductam, neq; vnquam errasse, errareue posse: qui-
 umquæ verò ab ea recesserint, sine vlla dubita-
 tione grauissimè errare, præterea in hac vna esse
 salutem, vt nemo, qui ab ea alienus sit, saluus esse
 possit, quocumq; ille religionis nomine glorie-
 tur, itaq; soli populo Christianorum patere cœ-
 lorum aditum. In ea quoque licet plurimi repe-
 rantur, peruersis moribus, esse tamen altos puros
 &

Aug. quæf.

Euang. lib.

1. c. 18.

510 DE PROCVRANDA INDORVM
 & sanctos, illosque ipsos prauos ipsius Ecclesiæ
 præceptis non obtemperare, ac proinde graue
 improbitatis suæ pœnas daturos. Postremum si
 introitum in hanc Ecclesiam esse per Baptismi
 sacramentum, quo peccatorum omnium remissi-
 o donatur, ijs verò, qui in ea iam sunt ablu-
 saluari lauacro, alia esse sacramenta diuinitus
 data velut pharmaca, & dona cœlestia tum a
 remittenda peccata, si denuo committantur
 tum ad vberiore gratiam promerendam, præ-
 sertim Pœnitentiæ, & Eucharistiæ, in qua
 Christus pro nobis oblatus, factus, & hostia præ-
 nobis, Deo placando, & nostris animis reficien-
 dis cibus suauissimus. Hoc enim magnum es-
 pietatis sacramentum, id est, Ecclesia Christi
 quod manifestatum est in carne, cum sit Eccle-
 sia visibilis, iustificatum est in spiritu pro inter-
 norum donorum magnitudine, apparuit An-
 gelis per Ecclesiam multiformis gratia De-
 prædicatum est gentibus eas esse concorpora-
 les, & comparticipes Christi, creditum est in
 mundo Euangelio ubique crescente, & fructi-
 ficante, assumptum est in gloria, quando
 mortale hoc absorbeatur à vita. In tanto ergo di-
 uinæ sapientiæ mysterio, id est, Ecclesiæ sanctæ
 articulo nouis Fidei tyronibus commendan-
 do, & exponendo nullo modo decet Pa-
 rochorum diligentiam stu-
 diumque ces-
 sare.

1. Tim. 3.

Ephes. 3.
ibi.

Col. 1.

1. Cor. 15.

Qui

Quid in extremo mortis discrimine Indi docendi sint,
vt baptizentur. CAP. VIII.

QVod si cui repētintus morbus incidat, qui spe
vitæ exclusus Christianum se fieri velle sig
nificet, quod sepe vidimus, is verò & rudis sit, &
tēporū impediatur angustijs, ne Christianæ do
ctrinæ rudimēta satis accipere possit, meritò que
ritur, quidnā satis esse existimādū sit, vt salutare la
uacro perfundi possit. August. quidē etiā in tanta *De Fid. &*
temporis coarctatione, de omnibus symboli arti- *oper. c. 9.*
culis interrogari vult hominem, & sic baptizari,
quod sanē in eo catechumeno, qui aliquādiu res
nostras audiuit, nō est difficile, vt rogatus, & ore,
& corde respondeat. At si rudis sit omniū, & ad
imbuendū mora sit brevis, quid sit agendū adhuc
quæritur, ne aut homini salutis aditus præcluda
tur, aut baptismus detur indigno. De qua re in sy
nodo provinciali Limēsi decretū est, vt quā pos
sit breuissimē præcipua tantū doceatur. Quorū *Synod. Li-*
primū est, vt credat in vnū Deū Patrē, & Filiū, & *men. c. 33.*
spiritū sanctū: secūdū, hūc esse omniū creatorē, &
eundē gloriā bonis æternā præstantē in cœlis, &
malis supplicia sempiterna: tertium, à peccatis ne
minē liberari nisi per Iesum Christū Dei filiū ho
minē factū, passum, & mortuū propter nos, hunc
esse Dñm & redēptorē nostrū, & spē vnicā, qui re
gnat gloriosus in cœlis: quartū, Hui⁹ Iesu Christi
hominē fieri seruū per baptismū, in quo omnia
peccata remittuntur, & vita donatur eterna. Hęc
si vt potest & credat, & cōfiteatur, rogādus est, an
verē

verè præteritæ vitæ criminum pœniteat, præcipuè idololatriæ, & an in posterum velit rectè viuere secundum Dei, & Christiani populi leges atque præcepta. Sile & præterita dolere responderit, & futura adimplere cupere ex animo, non est differendus, sed Christo ex aqua & Spiritu sancto regenerandus. Illud autem sine ulla dubitatione confirmo, in talibus, si voluntas sit bona, & diuinitus præparata, qua verè velint esse Christiani, nunquam intellectui lumen deesse, quantum oportet necessaria salutis sue percipiât, Deo plerumque illustrante mirificè tenebras mentis humanæ. Nobis cum in Prouincijs superioribus versaremur, euenit, vt in Vrum incideremus extremè ægrotantem, corporis tanta deformitate, vt vix hominis simulacrum retineret, mentis verò utpote Vrus tanta hebetudine, vt truncus magis existimaretur. Hic petijt instanter, vt fieret Christianus, breui de Fidei præcipuis mysticis edoctus tanta alacritate cuncta percepit, vt esset admirationi. Itaque baptizatus à socio, cum magno animi gaudio Christum alloquebatur, Domine siquidem me Christianum esse voluisti, transfer in cælum, atque in his vocibus Deo gratiam efflauit animam, cumque esset abiectissima etiam inter suos conditionis, nescio quo impellente, præcipuo quodam honore tumulatus est, & nobis, & ipsis diuinæ bonitatis gratiam celebrantibus. Itaq; neq; Deus homini deest, neq; homo Deo, quamuis breui temporis interuallo, si quem Deus efficaciter ad salutem vocat.

De preceptis decalogi, & de idololatria barbarorum.

CAP. IX.

Altera doctrinæ Christianæ facultas in moribus formandis versatur, ut ambulemus iuxta Apostolum digne Deo, qui nos vocavit vocatione sua sancta, & de tenebris transtulit in admirabile lumen suum. Omnis autem vitæ Christianæ ratio ex charitate dependet, qua Deum amamus & proximum, illum colentes, hunc adiuuantes ut possumus. Huc ergo spectare debet omnis catechista nostri labor, ut Dei vnius verum cultû, hominis quoque in hominem officia opportuna persuadeat. In primis nihil est æquè laborandum, nihil tanti faciendum, quam ut ex futuro, aut iam facto Christiano omnis idololatriæ amor & sensus penitus euellatur. Nam & omnium ea pestis perniciosissima existit, cum sit, ut sapiens dixit, omnium malorum initium & finis, veræ religioni omnibus modis obstitens, & quod est in humana conditione miserabile, nullum virus ita intimis visceribus hæret, cum est semel ebibitum, nullius turpiter amantis in scortum suum tam insanus amor, quam est idololatriæ in idolum defixus animus. Quamobrem fornicationis meretricijque cuiusdam amoris nomine scriptura sacra idololatriam frequenter notat, cuius cæcum quemdam furorem, pertinacemque contentionem multarum rerum commemorat. *Hierem. 2.*
Ezech. 16.
Ose. 4.
Psal. 105.

tione demonstrat. Id quam verè sit in diuinis

K k

literis

514 DE PROCVRANDA INDORVM
literis commēdatum, nostri barbari satis in se de-
clarant. Nescio equidē quibus verbis significem
non tam imbutos, quam in idololatriam penitus
transformatos istorum animos, vt neq; in otio,
neq; in negotio, neq; in publica re, neq; in priua-
ta quicquam peragant nisi idolorum suorum prius
superstitione adhibita. Non latari in nuptijs, non
lugere funus, non epulum præbere aut accipere,
non deniq;, aut pedem efferre domo, aut operi
manum ad mouere sine sacrilegio gentili. Vtique
adeo Diabolus oppressos eorum sensus tenet ser-
uitute miserrima. Quanto verò artificio ista sua
omnia celent, atq; dissimulent, cum publicè age-
re haud liberum sibi esse perspiciunt, quantarur-
sus impudentia, cum licere sibi putant, insaniant,
mirari potius possum, quam satis dicere. Scrip-
sit sanè Ioannes Damascenus idololatriæ tria
esse genera. Primum Chaldaeis attribuit, qui cœ-
lestes globos, & signa, atque elementa colerent:
quos diuina scriptura cum reprehensione com-
memorat. Neque operibus attendentes, inquit,
agnouerunt, quis esset artifex, sed aut ignem, aut
spiritum, aut citatum aërem, aut gyrum stellarum
aut nimiam aquam, aut Solem, & Lunam recto-
res orbis terrarum Deos putauerunt. Ho-
rum errorem præclare confutat adiungēs, Quo-
rum si specie delectati Deos putauerunt, sciant
quanto his Dominator eorum speciosior est,
speciei enim generator hæc omnia constituit.
Aut si virtutem, & opera eorum mirati sunt,
intelligant ab illis, quoniam qui hæc fecit for-
tior

*Damasc. in
his. Barlaam
& Iosaphat.
Sap. 13.*

tior est illis, à magnitudine enim speciei, & creaturæ cognoscibiliter poterit creator horum videri. Secundum genus idololatriæ refert ad Græcos, quo homines mortui coluntur pro dijs, in quo genere Iuppiter est, & Iuno, & Saturnus, & Ceres, & cætera poetarum scena. Huius verò exordia, & infœlices progressus graphice scriptura describit. Acerbo luctu, inquit, dolens pater citò sibi rapti filij fecit imaginem. (Belum tamen patrem à Nino filio inter Deos relatum, à quo simulacra primum orta sint, graues auctores volunt, ex eoque omne penè idolum apud Hebræos Bel dici solitum.) Itaque adiungit, Et illum, qui tunc quasi homo mortuus fuerat, nunc tanquam Deum colere cœpit, & constituit inter seruos suos sacra, & sacrificia. Deinde interueniente tempore conualecente iniqua consuetudine hic error tanquam lex custoditus est, & tyrannorum imperio colebantur figmenta. Et post pauca, multitudo autem hominum abducta per speciem operis, eum, qui ante tempus tanquam homo honoratus fuerat, nunc Deum æstimauerunt. Et hæc fuit vitæ humanæ deceptio, quoniam, aut affectui aut Regibus deseruientes homines incommunicabile nomen lapidibus, & lignis imposuerunt. Tertium genus addit Damascenus, Egyptiæ idololatriæ, qua non solum sidera, aut homines habentur pro Dijs, sed animantia quoque sordida, & vilia & saxa ipsa, & ligna sensus expertia diuino honore afficiuntur.

Sap. 14.

Hier. in. c.
2. Osea.Aug. li. 22.
contra Fau-
stum c. 17.
Nazianz.
orat. 2. de
Theologia.

*Sap. 13.**Ibidem.**Rom. 8.**Plato in Ti
meo.*

Nam & bouem, & caprum, & canem ipsum, atque
mustellam, & truncos, & lapides inter Deos re-
tulerunt, Olyrim, & Typhonem, & Orum, & mil-
le alia commenta fabulantes. Hoc totum idolo-
latriæ genus grauissimè infectatur Sapiens, Nam
vbi mentionem illorum fecit, qui solem, & sive
ra coluerunt, sed adhuc, inquit, in his minor est
querela. Infelices verò sunt, & inter mortuos spes
illorum est, qui appellauerunt Deos opera ma-
nuum hominum aurum, & argentum, artis in-
uentionem, & similitudinem animalium, aut la-
pidem inutilem opus manus antiquæ. Hos ve-
rò ita refellit, Non erubescit loqui cum illo, qui
sine anima est, & pro sanitate infirmum depre-
catur, & pro vita rogat mortuum, in adiutorium
inutilem inuocat, & pro itinere petit ab eo, qui
ambulare non potest, & de acquirendo, & de
operando, & de omniterum euentu petit ab eo,
qui in omnibus inutilis est. Equidem cum hæc
ipsa lego, & vniuersum pene terrarum orbem an-
te oculos pono tam copiose insanientem, non
satis constituo, vtrum dolere magis an indignari
oporteat quod qui putantur sapientes stulti fa-
cti sunt, mutantes gloriam incorruptibilis Dei in
imaginem corruptibilis hominis, aut quadrupe-
dis, aut serpentis, aut cæterorum, quæ Aposto-
lus dicit. Neque vulgarem fuisse hunc errorem,
sed excellentissimos quosque non Poëtarum mo-
do & Rhetorum, sed Philosophorum eiusmodi
nugas, & factos, & oratione esse admiratos. An nõ
diuinus Plato de Dijs maioribus, & minoribus
multa

multa differit, vel delirat potius? Quid ter maximus ille Mercurius, qui tanta de Trinitatis, tanta de incarnati verbi mysterio scribit, idem tamen simulacrorum potentiam, & maiestatem prædicat, & quod ridiculè dictum videri poterat, nisi tam serio commendaret, miratur artem Deos faciendi mirabiliter hominibus esse collatā? Planè ut noster dixit Apostolus, obscuratū est insipiens cor eorum, & dicentes se esse sapientes stulti facti sunt. Redeo ad causam Indorum, si tot superstitionum genera à Græcis, & sapientibus inuenta retentaq; sunt longo tempore, immeritò sanè & indoctè prorsus quidam barbarorū nostrorū ritus indignantur, quos oporteret potius miserari, pro eo quod vani sunt sensus hominis, quibus nō subest scientia Dei. Illud magis cogitandū est hereditarium esse impietatis morbū, qui ab ipsis matrum visceribus ingenuus, ipso vberum lacte nutritus, paterno & domestico exemplo confirmatus, tum diuturna cōsuetudine & legū publica auctoritate munitus, nullo modo nisi copioso Christianæ gratiæ munere & magna doctoris Euāgelici, atq; indefessa cura sanari queat. Quid igitur accusamus barbarorum in idololatria deferenda tarditatem, & cunctationem, cum debeamus potius nostræ desidiæ irasci, qui pauca quædam, & friuola, contra Guacarum, & Homorum superstitionem susurrantes, victoriam statim canimus, re prorsus infecta. Hic hinc ergo oportet catechistā prudentem pedem figere, & ad idololatriæ intimas fibras euellendas ex Indorum animis omnem

*Trimegisti**in Asclepio.**De quo August. lib. 8.**de Ciuit.**c. 23.**Rom. 1.**Sap. 13.*

518 DE PROCVRANDA INDORVM
cogitationem, industriam, operamq; conferre.
Nam omnia à nobis eius genera commemorata
apud barbaros vigent maxime. Solem quidē no-
stri Peruenſes in honore primo habent, ſecundū
eum Tonitru, illum Punctum, hunc Illapā vo-
cantes. Quillam quoq; ideſt, lunam, Cuillor, id
eſt, ſidera, terram quoq; Pachamamam, & mare
Mamacocham Chaldaeorum more venerantur.
Porro Reges ſuos homines præcipui nominis di-
uinitate donatos colunt, quorum etiam corpora
admiranda arte integra, ac viuida adhuc vſq; cō-
ſeruant, ita primum Mangocapam, & Viracochā,
& Inga yupangum, & Guaynacapam, & cæte-
ros ſuos progenitores religioſiſſimè ſtatis feſtis,
& ſacrificijs proſequebantur, cum eis iſta licerēt,
vt cum omni Gracia ingenio certare poſſent in
conſeruanda maiorū ſuorum memoria. Iam vero
quod ad Ægyptiorū ſuperſtitionem attinet, tam
latè patet apud noſtros barbaros, vt proruſ enu-
merari nequeant ſacrilegiorum genera, atq; Gua-
carū, ſiue montes, ſiue cliui, ſiue ſaxa prominētia,
ſiue aquæ commodè ſcaturientes, ſiue fluuij cele-
riter fluentes, ſiue edita culmina rupiū, ſiue are-
næ immenſa cōgeries, ſiue forāminis obſcura vo-
rago, ſiue arboris proceritas, & annofitas, ſiue me-
talli index vena, ſiue lapilli cuiuſuis minus vſita-
ta, aut paulo elegantior ſpecies, quicquid deniq;
vt ſemel omnia dicāmus, cæteris ſui generis inſig-
niter præſtare deprehendūt, illic protinus numen
agnoscunt, & ſine vlla cunctatione barbari ado-
rant. Hac idololatriæ infeſtiſſima lue pleni ſunt
montes

montes, plenæ valles, oppida, domus, itinera, nulla que est Peruësis agri portio, quæ sit ab eo sacrilegio libera. Quot autem victimarum, quot libaminum, quanto ceremoniarum ordine istorum omnium cultum persequeretur Ingarum procures, infinitum est dicere, legat qui volet accuratam ea de re historiam à Polo viro prudenti & graui conscriptam. Inueniet intra vnius Cuzquensis vrbis terminos plustrecentis & sexaginta Guacas numeratas, quibus omnibus diuinus honor haberetur, quibusdam quidem fruges, quibusdam etiam pretiosa vellera & argentum aurumque offerebatur, nonnullis non sine multo innocentium infantium cruore litabatur. Ac re ipsa, certoque usu obseruatum est eas Indorum nationes plures ac grauiiores superstitionis diabolicæ species tenuisse, in quibus Regum ac Reip. maxime potentia & peritia excelluit. Contra qui tenuiorem fortunam, minusque Reip. accommodatam sortiti sunt, in his multo idololatria parcior est, usque adeo ut nonnullas Indorum gentes omni idolorum religione vacare quidam pro certo confirmant, easque à se se esse inuentas atque exploratas, testentur.

Contra idololatriam remedia.

CAP. X.

Huius verò curandi morbi illa plerisque nostrorum expedita ratio visa est, ut simulacra, & Guacæ, cæteraque superstitionis Indicæ monumeta inuenta quidem extorquerentur

K k 4 inuitis

inuitis, atq; ferro & igne abolerentur, vt inuenirentur verò, si fateri verbis Indi recusarent, verberibus certè, vt proderent, esse agendum. Neq; hoc militaris modò turbæ institutum, sed doctissimi, atq; optimi cuiusq; sacerdotis religiosum consilium fuit. Quod planè, si in nostros, id est, iam baptismo donatos tantum designatum esset, poterat certè ferri, tametsi ita ea in re peccetur quotidie, vt qui religionem Christianam cõmendatam & confirmatam volunt, nihil aliud maximè agât, quam vt eam odiosam reddant, propterea quòd quæ de manibus Indorum idola eripiuntur inuitis, ea in animis illorum amplius infiguntur, verù id in Christianis nō est alienum à ratione vt fiat. In ijs verò qui Fidem Iesu Christi, neq; professi sunt, neq; satis perceperūt, neq; verò edocti sunt, conari per vim ante idololatriam auferre, quàm sponte Euangelium suscipiant, mihi certè cū grauius ac prudētissimis viris nihil aliud videtur, quam aditum Fidei Christianæ præcludere, què maximè aperire contendunt. Sæpe enim est dictū & est etiā sæpe dicendum Fidem esse volentium, neq; quemquam Christianum fieri debere per vim. Quamobrem præclare Augustinus eiusmodi factum reprehendit, & grauius docet prius esse idola de cordibus paganorum auferenda, quam de altaribus, quod etiam in hoc Peruen- si Regno vir quidam grauis, & prudens multum, ac sæpe accusabat, cum facillimè fieri posse affirmaret, vt idololatria omnis funditus euerteretur, si sapienter, & placidè Indorum

Proce-

*Aug. serm.
6. de verbis
Domini. to
2uo. 10.*

Proceres deorum suorum vanitatem edocerentur, atque eos ut contemnerent, atque abolendos curarent cum ratione & autoritate, tum modestia & benevolentia, atque omni officio adducerentur. Hosce nullo negotio reliquo vulgo quicquid sentiant persuadere, quicquid velint, efficere. Nam quod mirari quispiam iure possit, tanta regum in subditos populos autoritas extitit, ut eos tantum Deos vrbes, prouinciaque susciperent, quos rex Inga tribuisset, neque liceret cuiquam aliud numen colere, quam quod ille statuisset. Itaque deos ipsi, & Guacastoto hoc orbe distribuerunt, & in hac quidem prouincia Illapæ numini, in illa Puncho, in alia Guanacauro alijs atque alijs modis litari imperatum, usque adeo imperita plebs de maiorum suorum autoritate pendebat. Adhibebat Polus huius suæ sententiæ illustre sanè documentum, quòd postquam ipse primoribus Ingarum Cuzqui de idolis tollendis legem persuasisset, horum ipsorum opera breui plusquam trecenta idola ex vicinis oppidis nemine cogente ad se se essent delata. Quo instituto, si cetera processissent, hodie in hoc regno vix idololatriæ vestigiū superesset, quam constat passim perinde atque ante annos centum vigere. Hoc igitur idololatriæ tollendæ primum præceptum sit, ut prius de animis auferatur præcipue regum, Præfectorum, Curacorum, quorum autoritati ceteri facillimè, & libetissimè cedunt. Ut autem id noster Catechista perficiat, & simulacrorum non solum contemnendam vanitatem, sed etiam

execrandam pestem persuadeat, nō erit illi opus apud hosce barbaros exquisitis admodum philosophicisque rationibus, neque Clementis Alexandrini strōmata, neque Theodoriti Cyrensis morborum Græcanicorum curationes plurimi faciet. Sed breues, faciles, & ante oculos omnium positas obiectiones proferet, easque repetendo, exaggerando, auditorum ipsorum experientiam interrogando, in animis Indorum insculpet. Argumenta huic rei idonea nusquam melius & plenius quam in diuinis literis, in sapientia præsertim Salomonis toto capite decimo tertio, & decimo quarto, & in Isaia propheta capit. 44. & 46. & in Hieremia capit. decimo. Pulcherrime autem, & ad vulgarem sensum accommodatissimè in propheta Baruch idolorum vanitas confutatur. Notum, inquit, sit vobis quia non sunt dij, ne ergo venerimini eos, sicut enim vas hominis contractum inutile efficitur, tales sunt dij eorum. Constitutis illis in domo, oculi eorum pleni sunt puluere à pedibus introeuntium. Lucernas autem accendunt illis, ex quibus nullam videre possunt, sunt autem sicut trabes in domo, nigrae fiunt facies eorum à fumo, qui in domo fit. Supra corpus eorum, & super caput eorum volant nocturae, & hirundines, & aues etiam similiter & catta. Vnde sciatis quia non sunt dij. Si ceciderint in terrā à semetipsis non consurgunt, sicut mortuis munera illorum apponuntur illis. Hostias eorum vendunt sacerdotes & abutuntur. Vnde ergo vocantur dij. In domibus eorum sacerdo-

Baruch.
cap. 6.

cerdotes sedent. Neq; si quid mali patiuntur ab aliquo, neque si quid boni poterunt retribuere. Neq; regē constituere possunt, neq; auferre, simili neq; dare diuitias possunt, neq; retribuere. Si quis illis votum vouerit, & nō reddiderit, neq; hoc requirent. Hominem à morte non liberant, neq; infirmum à potentiori eripiunt. Lapidibus de mōte similes sunt. Quomodo ergo æstimandū est eos esse deos. A fabris & aurificibus facta sunt, nihil aliud erunt nisi id, quod volūt esse sacerdotes. Nunquid ergo possunt ea, quæ ab ipsis fabricata sunt, esse dij? Quomodo ergo sentiri debeat quod sunt dij, qui nec de bello se eripiunt, neque de malis se liberant? Si inciderit ignis in domum deorum, sacerdotes quidem ipforum fugient, & liberabuntur, ipsi verò sicut trabes in medio cōburentur. Quomodo ergo æstimandum, aut recipiendum quod sunt dij? Non à furibus se liberabūt, quibus iniqui fortiores sunt, & reliqua. Tria ergo hinc argumenta ad idololatriam confutandam capere potest minister Christi. Primum ex natura & substantia Deorū. Siquidem ligna, aut lapides, aut metalla sunt, quibus artis humanæ accessit industria sacerdotum auara prædicatione munita, aut regum violento imperio. Deos autem facere homines nequeunt, cum sint ipsis meliores rebus à se fabricatis. Si idololatria circa cœlestia, aut naturalia corpora versetur, substantia illorum facta, & motibus varijs subiecta ostendi facile potest, quod à Dei natura alienum est. Quod si reges priscos adorant homines barba-

barbari, eorum corpora nihil sentire, & tabe iam cōsumpta doceri possunt, neque à cæteris quicquam differre. Alterum argumentum est ex impotentia & ignorantia. Simulacra quippe se ipsa defendere nequeunt ab ignis, aut latronis, aut ruinæ iniuria, neq; verò aut vident, aut sentiunt aut mouere se omnino possunt. Naturalia autem corpora nullo suo arbitrato mouentur, sed leges sibi ab autore præfixas semper tenent. Tertium est ab humanarum rerum prouidentia, quod præcipuum est. Vbi ipsa barbarorum experientia compungenda, & in medium producenda est. Vtrumne in morbo, aut bello, aut fame deorum suorum vtilitatem aliquam senserint? Vtrum religiose illos colentes, an pro nihilo facientes melius habuerint? Quot & quanta mala perpessi neque tamen à dijs adiuti, releuatiq; sint. Ad hæc autem omnia plenius confirmanda, quoniam sæpe aliqua signa sensus aut vocis in simulacris apparent, interdum etiam minæ, & præcepta exaudita, docendi sunt barbari, cum res ita tulerit, diaboli ea omnia esse commēta, tum verò quis diabolus sit, qui illius satellites dæmones, quid agant, quæ illorum in homines inimiciæ, & fraudes, & nequitia, vt timorem in hominum potius odium conuertant. Hoc enim commune apud omnes pene barbaros est, vt Deum quidem omnium rerum supremū, ac summe bonum fateantur, spiritum verò quorundam peruerforum non obscura opinio sit, qui à nostris barbaris Zupay vocari solent. Igitur & quis ille summus

summus idemque sempiternus rerum omnium
opifex, quem ipsi etiam ignorantes colunt, &
quem nos annuntiamus, per omnia doceri de-
bent, mox quantum ab illo illiusque fidelibus mini-
stris Angelis absint ges pessima cacodæmonum,
hominum generi infestissima, accuratè & dili-
genter oportet exponere, ut idola omnia sua Indi
vel contemnant, ut vana & inutilia, vel etiam
execrètur, & oderint, quæ dæmonum astu etiam
perniciosa didicerint. Neque satis esse debet stu-
diofo catechistæ, ut communiter idolorum va-
nitate refellat, addat etiam oportet peculiarem
deorum Guacarum, & superstitionum suæ plebi
familiarium confutationem, in quibus inuesti-
gandis & perdiscendis utilissimum quin potius
summo pete necessarium studium existit. Quare
plerique graviter peccant incuria & socordia, cum
morbos, quos non didicerint, rectè curare non
possint. Neque verò idolorum tantum formas
varias, sed infinitas etiam superstitionum species
inde manantes persequi debeat. Exempli causa,
cum Indus solem Orientem aspicit, & salutatur, cum
tranandum fluvium verbis conceptis conciliat,
cum garritus aut gemitus avium nocturnarum,
aut cæterorum animantium observat, cum sor-
tes de rebus agendis init, cum sementis aut fru-
gum liba quædam offert telluri, cum susceptos
liberos sideri consecrat, cum nuptias certis can-
tibus dedicat, cum compotationibus cantillan-
do identidem studet, cum mortuos lugubri car-
mine effert, & sepulcrum commeatu intruit, cum
agro.

526 DE PROCVRANDA INDORVM
 agrotus vates suos accersit & consulit, cum de-
 nique cætera facit superstitionis antiquæ, cuius
 tam est omnis istorum vita plena, vt nulla ab ea
 peste actio libera sit. Sed vt nusquã grauius Indi
 laborant, ita neq; facilius curari possunt, si non
 desit industria, & studium salutis ipsorum. Eius-
 modi enim omnes nugæ simul atq; detectæ sunt
 per se se facili negotio euanescent, ac veluti de-
 prehensæ erubescunt, si modo barbarorum præ-
 fectorum, maiorumque suorum auctoritas com-
 pescatur. In confessionibus verò audiēdis omni
 cura incumbendum est, vt hæc omnia minutè ac
 sigillatim, vbi opus est, sacerdos interroget pœni-
 tentem, & confessum doceat atque deterreat.
 Ferè quia negliguntur, occidunt: eadem adhibi-
 tæ curationi non difficilè cedunt.

De euertendis idolorum signis & templis.

C A P. XI.

Q Vamuis autem prima esse cura debeat sa-
 cerdotis, vt idola de auditorum cordibus
 auferantur, idque docendo & exhortando maxi-
 mè fiat, tamè vt de oculis quoq; atque vsu remo-
 ueantur, nullo modo negligendum est. Qua in re
 diuinæ historiæ illustria & documenta, & facta
 proponunt. Aras, inquit, eorum destruite lucos-
 que succidite. In quo genere mirificè Asa & Io-
 siam celebrat sacra historia, quin etiam ab Eze-
 chia rege Moysis serpentem illum æneum cõfra-
 ctum cum non parua laude commemorat. Illud
 ergo

Deuter. 7.

& 12.

3. Reg. 15.

4. Reg. 23.

2. Par. 14.

& 34.

4. Reg. 18.

ergo, & sacerdotes, & principes studiose curare debent, vt idololatriæ omnis etiam suspicio aboleatur. Quod duobus modis rectè & ordine fit, & secundum Christianæ legis disciplinam. Primum in ipsis iam Christianis, qui baptismo perfusi sunt in quibus gentilitiæ superstitionis monumētum aliquod ferri minimè debet, sed idololatriæ species omnis tum acriter insectāda si deprehēdatur admissa, tum præcauenda diligenter omnibus illius signis sublati. Hoc Augustinus, & à se factū commemorat, & fieri debere demonstrat. Hoc cuiusdā Concilij Canon disertè præcipit illis verbis, summo decertare debent studio Episcopi & eorum ministri, vt arbores dæmonibus consecrata, quas vulgus colit, & in tanta veneratione habet, vt nec ramū, nec furculum inde audeat amputare, radicitus excindantur atque comburantur. Lapidēs quoque, quos in ruinosis locis atque syluestribus dæmonum ludificationibus decepti venerantur, vbi & vota vouent, & deferūt, funditus effodiantur, atque in tali loco projiciantur, vbi nunquam à cultoribus suis venerari possint. Et omnibus adnuntietur, quantum scelus sit idololatria, & qui hæc veneratur, & colit, quasi Deum suum negat, & Christianitati abrenuntiat, & talem pœnitentiam debet suscipere, quasi idola adorasset, omnibusque interdicatur, vt nullus votum faciat, aut candelam, vel aliquid munus pro salute sua rogaturus alibi deferat, nisi ad Ecclesiam Domino Deo suo, & cætera. Quem canonem libenter recitauī, quod videam

*Serm. 6. de
verb. Domi
ni Aug.
Cōcil. Nan
netense ca.
20.*

videam in eius generis ritibus, & multum Indos iam baptizatos labi, & parum à sacerdotibus animaduerti. Non solū ergo simulacra ipsa, & insignes idololatriæ notę verum etiā vestigia quę uel superstitionis veteris eradenda sunt. Atque eam ad rem imperio, & autoritate, si opus sit, ut edum erit. Et hæc ad Christianos Ecclesię filios. Ad infideles verò quid? Prorsus distinguenda causa est. Si enim ita suos ritus, & cęrimonias agunt, ut fidelibus scandalo non sint, sed vnusquisque lege sua viuere facile sinatur, permittendi sunt cęritati suę vsq; dum ab altissimo illuminentur. Huc enim pertinet illud, Eos qui foris sunt, Deus iudicabit. Quod si Ecclesię principibus sub sunt, & Christianis hominibus scandalo sunt, profectò tolerandi non sunt. Quo in genere B. Augustinus laudat Constantini magni leges, quibus Paganorum templa clausit, & idola detraxit, itemque Ambrosius aduersus Symmachū vrbis præfectum, Fortunę aram à Curia Romana eiectam magnis viribus eloquentiæ defendit. Concilium quoque Eliberinum, ut domini feruorum idola comminuant, edicit. Atque hoc modo in subditis infidelibus, cum præsertim nouis fidelibus nocent paganici ritus, atque idololatria per potestatem auferri & potest, & debet, nisi maiora inde incommoda, & tumultus consequi sapiens administrator iudicarit. Sed illud summopere curandum est, ut pro noxijs ritibus salutare introducantur, & cęremonijs cęremoniæ oblitentur. Itaque & aquę benedictę vsum, & imaginū

& rosa.

1. Cor. 5.

Aug. epist.
48. ad Vincent.

Amb. li. 5.

epist. 31. ad

Valentinianum

August.

Conc. Elib.

cap. 41.

& rosariorum, & granorum, & cereorum, & palmarum, & cæterorū, quæ Ecclesia sancta probat ac frequentat, neophytis perquam opportunum esse sibi persuadeant sacerdotes, atque ea omnia in cōcionibus popularibus multis laudibus prosequantur, vt pro veteri superstitione nouis religiosisque signis imbutos assuefaciant. Ita fiet, vt melioribus atque elegantioribus occupati ob soletam sectæ suæ superstitionem de manibus ac de mente deponant.

De recta dilectione sui.

CAP. XII.

POST Dei veri cultum traditum, superest, vt proximi dilectio explicetur. Est verò vnicuique proximus diligendus, sicut ipse sibi. Se autē ipsum nemo, vt oportet, diligit, qui animi corporisque salutem atq; constantiam abijcit. Id ergo magnopere Indi præsertim barbari docēdi sunt, vt primum vitam valetudinemq; suam tueantur, neque vel desperatione, vel obstinatione prodigant, quod sæpe faciunt. Etsi enim naturale est, non homini solum, sed cuiuis animanti vitā amare, sui perniciem, quoad potest, auertere, tamen irrationali quodam impetu & lege apud plebsque barbaros necis sibi afferendæ cōsiliū iamdiu obtinuit, vt vel impendentia mala deuītarēt, vel fortiter rem gessisse viderentur, vel dijs suis aut regibus alioqui gratificarentur. Quanquam in hoc Perueni regno præ alijs minus id vīta-

L I tum

330 DE PROCURANDA INDORVM
 tum fuit, quod legibus, & moribus esset excul-
 tius. Neque miranda est ea barbaries in cæteris
 cum Græcæ, Romanæque historiæ Themistocles
 illos, & Mitridates, tum Mutios, & Catones, &
 Brutos, aliosque innumeros, vt viros fortes non
 parum ambitiose celebrent, atque ipsi etiam, qui
 Christiani haberi volebant, Circumcelliones in
 Africa creberrime ita interierint. Etenim vel
 laudis amor quidam insanus, vel cæcum vitandi
 mali consilium complures ingenio etiam atque
 doctrina præstâtes viros vsque ad sæuam sui ne-
 cem sæpe compulit. Quod cum exemplis maio-
 rum apud barbaros pro magno ducitur, naturali
 sensu propemodum extincto etiam iucundum
 mortis genus habetur. Pertinet etiam ad rectam
 sui dilectionem, vt mentis vsus per temulentiam
 ne interceptiatur, atque ex homine pecus fiat, vel
 potius maximè noxia, & ferox bellua. Sed de
 ebrietate vitanda, quod est præ cæteris vitiū ma-
 xime familiare barbaris, satis in tertio libro dictū
 est. Huc etiam pertinet, humanarum carniū
 esus, in quo non tam defuncto homini, qui nihil
 aut sensus aut doloris capit, quam ipsi humanæ
 naturæ iniuria fit. Id enim naturali legi ita re-
 pugnat, vt nulla, quantum ego sentio, famis
 inopiæue causa licere possit. Assentior enim do-
 ctissimo Theologo ita sentienti, quanquam alij
 aliter sapiant. Genus autem hoc vitij apud In-
 dos Carybes dictos, quales sunt Brasilienses, &
 Chunchi, & Chiriguanenses, & alij plerique
 in usu & pretio habitum sacrosanctæ literæ
 graui

*Victoria re-
 lect. de tem-
 perantia. n.
 5. & 6. sed
 Caiet. &
 Abulen. ali-
 ter sentiūt*

graulter auersantur, quæ veteres illos idolorum adoratores inter cætera multum accusant, tanquam humanorum viscerum comestores. *Sap. 12.* Philosophia quoque ferinum id esse docet apud Aristotelem, qui eiusmodi facinus inter extrema opprobria actionum humanarum numerandum putat. Quare ut seminis humani fundendi honesta causâ esse non potest leuatio corporis, nisi alioqui matrimonio legitimo, etiam si ex eiusmodi humore coacto interitus consequatur, ita profectò neque ex humano cadauere epulas quantacunque famis depellendæ necessitas iustas esse permittet. Ad communis quoque naturæ dilectionem spectat, ut defunctorum corpora non violentur, atque adeo ne sepulchra quidem effodiantur, in quod auaritiæ, & inhumanitatis genus leges imperatoriarum, & Pontificiarum acerbè animaduertunt, & in hoc regno Concilio Limensi seuerè admodum nostrorum hominum licentia coercetur. *Conc. Tol. 4. c. 45.* Verum in quo rectam sui dilectionem barbari offendunt maximè, minimeque id putant, illud est, quod ab Apostolo Paulo vno verbo luculenter est dictum, quòd contumelijs afficiunt corpora sua. Ita enim omnes impuditiæ & libidinis præposteræ sordes exposuit. Atq; est illud quoque ab eodem verissimè ostensum idolatriæ scelus omnia flagitia statim consequi, tanquam riuulos primum fontem, quod est à Sapiente sapienter etiam animaduersum. In hoc *Sap. 14.* genere sunt concubitus cum maribus, cū bestijs,

cum ipsis lignis, incestuosi amplexus cum fororibus, cum matribus, cum filiis apud quosdam barbaros non concessi solum, sed interdum lege sanciti. Nostros Ingas nō nisi sororem legitimo sibi coniugio copulare solitos constat, ex quibus duo ad fidem conuersi & baptizati in antiquo matrimonio permanere à præfule quodam permissi fuerunt, factumque Paulum quartum Pont. max. grauissimè tulisse, verbisq; seuerissimis obiurgasse fama est. Verè à Sapiente scriptum est, Initium fornicationis est exquisitio idolorum, & adinuentio illorum corruptio vitæ est. Et post nonnulla, Neque vitam, neque nuptias mundas iam custodiunt, sed alius alium per inuidiam occidit, aut adulterans contristat: & omnia commixta sunt, sanguis, homicidium, furtum & fictio, corruptio & infidelitas, & cætera, inter quæ natiuitatis immutatio, nuptiarum inconstantia, inordinatio mœchiæ, & impudicitia. Infandorum enim idolorum cultura omnis mali causa est, & initium, & finis. Hæc Sapiens, Quæ omnia carnis flagitia à catechista assiduè & grauiter insectanda sunt, & seuerius cum violatoribus legis naturalis agendum. Interea verò fornicationem, quam ferè gentes licere putant, multis modis legi Dei & naturæ ipsi contrariam docere debent, atque vt persuadeant, non solum sacræ autoritates proferendæ, verum etiam humana argumenta, quæ poterunt: illudque præcipuè ab opinione istorum remouendum, vt fœminas non ante matrimonio sibi iungendas arbitrentur, quam in solutis

Sap. 14^o

lutis periculum fecerint, qua ex causa concubinas prius penes se retinent, quam easdem ducant uxores. Quin etiam adeo virginitas vilis est feminis, ut opprobrio propemodum detur, si qua ad nuptias nondum corrupta perueniat, tanquam sui amatorem antea inuenire nequiuerit. Hæc atque id genus alia barbaricæ stultitiæ monstra diligenter ab hominum sensu, & vitæ usu quoad liceat releganda sunt, & docendi omnino barbari, ut se ipsos, sensum, corpusque suum diligere & conseruare congruenter naturæ discant.

De dilectione proximi.

CAP. XIII.

Proximum est, ut qui se rectè diligit, fratrem quoq; ut se ipsum diligit. Quod sanè sit duobus modis. Vno, ut ne cui omnino noceat, siue vitam corpusque lædendo, siue uxorem violando, siue fortunas contrectando, siue existimationem opinionemq; imminuendo, quibus proximus aut re aut verbo læditur. Et ut sit perfecta iustitia, à quibus perpetrandis abstinet, ab iisdem etiã per libidinem affectãdis se se cohibeat. Horum quippe omnium lex naturaliter hominum inserta atque impressa animis est. Ut quod tibi ab alio fieri nolis, id in alterum ipse ne facias. Altero quoq; modo diligimus proximum, cū non modo non ledimus, verum etiã opportunè adiuuamus atq; adsumus. Atq; hæc planè omnia Christianæ charitatis

officia versantur: & quædam quidē salua charitate prætermitti nō possunt, vt si debitus honor parentibus, si extremē aut grauiter indigenti res familiaris, si periclitanti necessaria vitæ subsidia subtrahantur. Quædā verō et si non omnino charitatem vitiant, grauiter tamen debilitant, vt si non doceas, quos commodē potes, si hospitio nō excipias, si non pascas, cum ipse abundes, & reliqua id genus. Quæ cum dicta vniuersæ sint, & omnium mortalium gentibus cōmunia habeantur, tamē illud est proprium Indorum moribus, quantum ego notare potui, accommodādum, vt mutuis inter se officijs honeste certent, idque & humanitatis & Christianæ disciplinæ maximum ac propemodū singulare decus sibi persuadeant. Etenim cum plerūque in rebus Europæos homines naturales Indorum mores longe antecellant, quod is facile concedet, qui horum modestiam, lenitatem, avaritiæ fastusque contemptum, laborum tolerantiam contemplatur, tamen hac vna valde horū ingenio offendor, quod parum omnino benignitatem atque humanitatem inter se se obseruent. Nam in nostros homines siue seruitute quadam oppressi, siue admiratione commoti, siue ne in se sæuientes experiatur, timore correpti, liberales certē sunt, & pro sua tenuitate copiosi. At inter ipsos vix est, qui stipem vilem, aut pugillum frumenti vltro alteri præbeat. In ægrotos parum misericordes, in senes & egentes illiberales, in labore, & arumna oppressos inhumani. Vix filij parentibus deferunt

ferunt honorem. Senectus ipsa vt alijs est venerabilis pro rerum vsu, & cōsilijs autoritate, ita his barbaris vulgo fastidio, & opprobrio habetur. Itaque plerique senes atque anus, quoniam sustentandæ vitæ rationem inueniunt nullam, viribus destituti, & ab alijs contempti, eam potissimum ineunt, vt sortibus, augurijs, diuinationibus, veneficijs stipem colligant, & suam apud ceteros opinionem tueantur. Obseruatum est à viris valde prudentibus nullos esse in natione Indorum istarum superstitionum artifices, & architectos, nisi homines abiectos, inopes, decrepitos, qui omnibus alijs rebus exclusi ad eas se artes vulgò conuertunt. Obseruatum etiam parentes filijs in nullo esse pretio si indigeant, ægrotis nihil ferè opis adferri: defunctis multa prodigi, quæ si viuis concederentur, diutius essent in vita retinendi. In nostris verò nihil perinde barbari suspiciunt, & admirantur, nihil æquè apud se commemorant, & laudibus tollunt, atque mutuam beneficentiam, & liberalitatem, cum præsertim eam ad se se redundare perspexerint. Verum est enim Saluatoris elogium: In hoc cognoscent homines, quòd discipuli mei estis, si dilectionem habueritis adinuicem, Hanc ergo Christianæ charitatis partem, quæ in beneficentia sita est, excolendam atque illustrandam, & verbis, & factis sibi præcipuè reputare debet minister Christi. Et certè discunt barbari humanitatem, discunt mores

IOAN. 14.

336 DE PROCURANDA INDORVM
suauiores, discunt effulam etiam in suos liberalitatem, si diligenter & crebro ea de re commonefiant, & exhortationibus sacerdotum paria exempla non desint.

De Catechismo vulgo Indorum necessario.

C A P. XIII.

Multa quidem sunt in Christianæ doctrinæ explicatione fufius & vberius Indis repetenda. Verum ea à me commemorata sunt, quæ peculiarem videntur habere difficultatem. Nos verò ex vastiffimi orbis innumeris gētibus, quantum est hoc, quod experti sumus? Itaque alij alia notare, & commendare potius curabūt, quæ nouis Euangelij stirpibus magis opportuna animaduernerint. Ego quod Perueſlibus maximè conferre exiſtimo, vt potui, expoſui haſtenus, & deinceps exponam. Hæc autem omnia vt commodius, & catechiſtæ doceant, & Indi percipiāt, opus in primis eſt duplici quodā catechiſmo: vno compendiariorum & breui, quem memoriter etiam ſi fieri poteſt, addiſcāt, vbi ſumma ſit eorum omnium, quæ ad fidem, & mores homini Chriſtiano neceſſaria ſunt; altero vberiore, vbi eadem amplius dilucidiusq; dicantur, & copioſius confirmentur. Vt ille prior diſcipulis potius, hic poſterior ipſis præceptoribus vſui ſit. Opus eſt etiā breui, & abſoluto aliquo confeſſionali, vt ſacerdotes rudiores conſcientias Indorum examinare, & purgare ſciant, vbi ea maximè peccatorum genera

nera explicentur, quæ istis familiaria sunt. Atq; ad eundem modum quæ in matrimonijs Indorū, cæterisque sacramentis conferendis interrogare opus sit. Hoc vtrumque opus si quis vtraque lingua, & Indica, & Hispanica simul scriberet, ac Theologorum illustrium atque egregiæ linguæ Indicę peritorum autoritate munitum diuulgandum curaret, salutis profectò vniuersæ Reip. Indicæ immortale beneficium conferret.

In instructione Indorum diu esse perseverandum.

CAP. XV.

IAM verò de residentia Parochorum, de quæ missionum auxilio, vt hanc de catechizandis Indis partem absoluamus, dicendum deinceps est. Neque magnopere modo incumbendum est, vt pastoris præsentiam omni quidē gregi in primis necessariam, etiam Indorum populis deesse nullo modo debere monstremus. Nam vt pastor attendat vultum pecoris sui, suosque greges consideret, vt requirat abiectum, & infirmum contractumque alliget, & forte custodiat, vt proprias oues nominatim vocet, & vadat ante eas, & lupos arceat, & se ipsum, si opus sit, pro ouibus Christi exemplo offerat discrimini, cæteraque similia, quorum nos diuinæ literæ admonent, hîc præcipuè desiderari res per se ipsa quouis etiam tacente loquitur. Quæ verò ex absentia pastorum damna fiant, non minus experimur nos, quam sacri Canones prædicant; atq; ille præsertim Con-

Prou. 27.

Ezech. 34.

Ioan. 10.

Cōc. Parif.

lib. 1. c. 29.

cilij Parisiensis, inter cætera, inquit, quæ religio-
 ni Christianæ aduersa sunt, hoc nihilominus con-
 trarium, & periculosum extat, quod quorundam
 prælatorum temerario ausu Ecclesiæ suis ad tem-
 pus viduantur sacerdotibus, & post pauca, Non
 attendentes quod eorum absentia, & loca Deo
 dicata sibi cultu debito priuentur, & homines si-
 ne confessione & infantes sine baptismatis rege-
 natione pleramque moriantur. Quamobrem
 in Parochos sedes subinde commutantes, & præ-
 fules eos alio euocantes his statim verbis decer-
 nunt. Quanti autem sit discriminis & personæ mit-
 tentis, & eius, qui mittitur, animarum pericula, quæ
 subinde in huius rei causa fiant, liquido produnt.
 Proinde omnibus prælatis cauendum est, ne illi-
 cita sibi Presbyterorum transmissione animarum
 suarum habeant damnationem. Presbyteri porro
 qui non sui Prælati imperio coacti, sed potius vo-
 luptatum suarum delectatione imo auaritiæ æstua-
 tione succensi id facere præsumunt, perpendant
 necesse est quam luctuosam, & quæ sequuntur.
 Quæ ad verbum repetenda duxi, vt tam pern-
 ciosa licentia commutandi subinde Parochias
 Indorum, & de ijs veluti negociandi, & licitandi
 aliqua ex parte reprimatur. Sed missa vt faciam
 hæc de residentia Parochorum communia do-
 cumenta sunt valde peculiare, & propriæ causæ
 quæ prorsus persuadent, nihil de salute neophy-
 torum sperandum esse, nisi firma, ac diuturna
 fuerit doctoris in catechizando diligentia. Vt
 enim tenera arbuta nisi assidue inuisantur,
 curentur,

currentur, foueanturque, facillime vitiantur, difficile iam vitiata emendantur: ita teneræ neophytorum mentes cum infirmas adhuc in Christi Fide radices egerint, vel errore corrumpuntur, vel flectuntur libidine, omnesque Diaboli atque hominum peruerforum impressiones excipiunt. Ita enim natura comparatum est in omni noua disciplina usque dum consuetudine confirmata sit, ut parua negligentia industria omnis, & labor cito euanescat. Huc accedit harum gentium minus perspicax ingenium, quod neque multa de rebus diuinis breui percipere, neque percepta satis retinere potest. Nā mihi quidem Indi sæpe videri solent ijs persimiles, qui vel ætate, vel morbo stomachum habent debilitatū, & græ coquentem cibos ingestos: quorum si aut crassitudine, aut copia obtruantur, illico acescit, & vitio cruditatis vires potius frangit, quam confirmat. Opus ergo est, quod medicorum ars habet infirmo stomacho parum, & sæpe alimentum instillare. Ita enim & vincit & ad edendum excitatur. Haud ergo promittat sibi quisquam exigui cuiusdam temporis labore magnos ex Indorum populis fructus, neque existimemus bis aut ter de tota Fidei causa edoctos non amplius indigere doctore. Quin potius & assidue differendum est & modicè, ut quæ audierint, percipiant atque conseruent. Sic enim Christus ipsos suos discipulos instruebat, præceptores orbis terrarum, multa habeo vobis dicere, quæ non potestis portare modo. Præter has autem

com-

Ioan. 16.

communes fere infirmitatis humanæ rationes, est illa maxima, & certissima natiuæ cuiusdam istorum leuitatis, qui cum primum sibi relinquuntur, mirè lubrici omnia accepta deponunt, & aut veteres sequuntur errores, aut in obuium quodque, prout fors tulerit, feruntur sicut paruuli fluctuantes, & circumferuntur omni vento doctrinæ. Quamobrem, ne in his frustra laboremus, & ne excidant in simplicitate Fidei corruptis serpentis astu sensibus, neue ab ijs, qui contradicunt veritati, consentiunt vero iniquitati transuersi agantur, infinitis modis necessarium est, vt in ijs docendis, arguendis, exhortandis, confirmandis, tuendis, & gremio deniq; ipso gestandis, nutricis diligentia ne momento quidem absit, hoc est spirituales magistri, & patres apud eos immobiles perseuerent. Ita fiet vt ex paruis initijs incrementa magna succedant, ac non contra, quod sæpe & videmus, & gemimus, lætissimæ spes & scælicia primordia inepta quadam socordia corrumpantur.

Ephes. 4.

2. Cor. 11.

2. Thes. 2.

An expediat Parochias Indorum regularibus committi.

C A P. XVI.

Parochias verò Indorum vtrum tenere regulares deceat, & vtri accommodatiores sint neophytorum administrationi Ecclesiasticæ suscipiendæ, huius, an presbyteri saculares, inuidiosè, ac molestè quidam solent contendere. Sed quamuis inter antiquos Canones legamus, Ne religiosi

in

in Ecclesijs Parochialibus ponantur, vituperari *In appēdi-*
tamen non debet, neque verò potest, quod Apo- *ce ad syno-*
stolicæ sedis auctoritate & Regio decreto fit. Cō- *dum Late-*
stat verò summos Pontifices hanc mendicantiū *ran. sub*
in Indis administrandis operam non solum pro- *alex. 3.*
bare, verum etiam multis magnisq; privilegijs, &
concessionibus insigniter prouocare. Neq; alie-
num ab instituto religioso censendū esse, si Chri-
sti amor, fratrumq; saluti cedat interdum accu-
rata illa communis vitæ, & regulæ disciplina,
Christi præsertim Vicario ita & publicas, & pri-
uatas leges interpretante. Nemo verò sit adeò
absurdus, & à studio Regularium auersus, quin
apertè fateatur religiosorum operæ & labori de-
beri potissimum huius Indicanæ Ecclesiæ pri-
mordia. Regios autem sumptus & diligentiam in
transmittendis nouo orbi religiosorum gregibus
vt nulla ab Hispania clasis his fœlicibus merci-
bus vacua soluat, quis tamen ineptus, qui alior-
sum interpreteretur, quā vt curam Indorum hi po-
tissimum suscipiant, regiamq; conscientia, quoad
licet, exonerent? Præterea ne illud quidem negari
potest à religiosi, religiosius accuratiusque neo-
phytos institui, ferèq; vitæ exemplo magis, quam
à sæcularibus adiuuari. Nam vt nihil aliud, ipsa
habitus professio cohibet, vt castius vitam insti-
tuant. Quæ cum ita sint, nō est cur ab officio ces-
sare monachos, & solum sæcularibus parochias
omnes Indorum quisquam concedere velit. At
inter has omnes tot & tantas commoditates duo
mihi videntur incōmoda. Vnum est illud ipsum
quod

quod regularibus, cum priuilegijs suis exempti
sint, non satis bene cum Episcopis conuenit in ad-
ministrandis parochijs Indorum. Hinc quanta
mala profecta sint, dici nō potest. Primum enim
si in officio sunt negligentes, Episcopi, quorum
hoc munus est proprium, suis occurrere non possunt
sunt parcho, aut castigato, aut commutato, si-
quidem neq; visitare, neq; plectere, neq; amo-
uere male meritos possunt. Præfecti vero Pro-
uinciales subiectos sibi Regulares corrigere qui-
dem possunt, sed cum oues alienæ sint, vix ad il-
los serō tandem querela peruenit. Et omnino ha-
bet nescio quid perturbationis Parochum Episcopo
suo non subesse, ac duplici veluti capite regi.
Hinc porro dissidia acerbæque contentiones
inter Episcopos, & Regulares cum Indorum cer-
tè magno malo. Hinc querela Episcoporum, quod
oues sibi commissas satis pascere nequeant. De-
niq; vestem ex lana linoq; contextam, & aream
eandem vario semine aspersam, videre est simplici-
tati Euangelicæ, & sumministratiōi spiritus,
quam Paulus tanti facit, sæpenumero non parum
incommodasse. Hoc igitur detrimentum ex In-
dorum ratione considero. Alterum verò meo iu-
dicio non isto inferius in ipsosmet regulares re-
currere sentio ego, imò verò sentiunt & gemunt
ipsi, quorum prudētissimus, atq; optimus quisq;
copiose deploret propter susceptas Parochias In-
dorum religiosorum ordines esse collapsos, atq;
inde & disciplinam extenuatam, quod certe dolē-
dum est. Siquidē hi auxiliares à Christo Domino
dati

Deut. 22.

Leuit. 19.

Ephes. 4.

dati sunt, vt fidem iuxta Sapientem, pro amico *Prou. 6.*

spondentes, ex officio habent, quod sequitur, festinare, discurrere, amicum suscitare, vt debito satisfaciat. Ac nescio quonam modo in hoc orbe commutata est ratio instituti regularium. Neq; enim, vt in Europa, cum prædicant verbum Dei, confessiones populi audiunt, cæteraq; faciūt, Parochis adiumento sunt, & professione sua retenta, greges Christi, quoad licet, curāt. Quin potius singularia hîc omnia diuisaq; sunt, vnusquisq; Parochiam suam tenet, & neq; suos ab alijs iuuari patitur, neq; ipse adducitur, vt alios iuuet. Itā finibus quisq; suis septus est, ac si de agro partiendo res esset, alienam ditionem nisi suam faciat, neq; adire ipse, neq; adiri suam æquo animo fert. Scripsit ad me ex noua Hispania quidam de nostris mirari se tam absurdam, & ab Indorum salute alienam consuetudinem inuestam esse India Occidentali. Quamobrem si sacerdotes sæculares, & merito & numero pares Indorū Parochijs inuenirentur, fortassis esset magis è re Indorum, vt religiosi nostro muneri non deessemus, sed Parochis ipsis, atq; Episcopis auxiliares manus præberemus, & cum summa eorum beneuolentia verbum Dei inter Indos disseminaremus, atq; eos audiendis confessionibus cæteroq; omni officio prosequeremur. Quod si hoc vniuersè fieri nequit, vt certè nequit, profecto qui ex religiosis hoc instituti genere militare possunt, omnino plurimum causæ Indorum conferre putandi sunt.

Salutem

SOcietatis autem Iesu eo potissimum instituta,
vt in missionibus obeundis per varios orbis
terrarum tractus Ecclesiæ Dei seruiat, hoc tam
est proprium munus, vt nihil magis. Atq; id qui-
dem quanquam vbiq; gentium præstare debet
pro sua virili, tamen nusquam æquè atq; inter
nationes Indorum, ad quas Deo conciliandas præ-
cipuo, vt ego sanè opinor, studio diuinitus insti-
tuta est. Ac dabunt mihi æqui omnes libenter ve-
niam, si quandiu sum Indorum seruus, honorifi-
cem ministerium meum. Itaq; si in hac parte vel
cesset difficultatibus victa, vel desidia torpeat so-
cietas, nō mihi dubium est, quin grauem præ-
teris & Dei, & hominum incurrat offensam. Et
enim quo alio pertinet familiare illud in profes-
sionibus solennibus votum, quod nos quartum
solemus vocare, de parendo Pontifici circa mis-
siones? Quorsum toties facta mentio in sacris
Bullis instituti professionis ad Indos? Quid
in beati Patris nostri Ignatij constitutionibus,
tantopere repetitum, & commendatum, quam
vt prompto alacrique animo præsto vnusquis-
que sit, siue ad fideles siue ad infideles ire iubea-
tur, etiam si remotissima orbis regio iustranda
sit? Videre sanè est ex ipsis primordijs suis huius
societatis autores Indicanas professiones potis-
simum spirantes, easque literis factisq; suis, & to-
to vitæ genere velut exculpentes. Pauci numero
& viz

& vix dum professione sua confirmata cū essent, tamen duos ex ipsis ad Orientalem Indiam destinandos putarunt. Quorū vnus Franciscus Xabier, quanta Deo magnificē adiuuante petegerit, & quale suis exemplum reliquerit, inter abruptissimas difficillimasq; Barbarorū rupes iter ostēdens Dei verbo planissimū, alij melius loqui poterunt, & tacētibus nobis res ipsa Dei benignitate non tacent. Hūc ceteri socij secuti, quantam Christi Iesu in se propensionē experti sint, quantam in promerenda salute hominū vim, nimis durus ingratusq; est in nobis, qui non & agnoscit, & cœlesti beneficio gratias immortales agit. Neq; ego sanē dubito, quin dulciori quadā ac familiari cura Dñs Iesus eos prosequatur, qui se totos studiaq; sua huic operi cōsecrāt, quod eo charius iucundiusq; Deo nostro est, quo & per se insuauius, & ab hominibus magis neglectū. De veteris operarijs loquor, nam mercenariorum, & sua quærentium plena sunt omnia. Et si verò ad hanc Occidentālē Indiam serius aliquantò, & parcius societas Iesu euocata est, tamen de benignissima Domini prouidentia certò mihi persuasum habeo, non inferius futurum operēpretium, neque vllò vnquam tempore societatis huc missæ operam cessaturam. Nam cum tot tantisq; rationibus rei Indorum procurandæ constricti teneamur, militiæ desertores pene etiam proditores habeamus necesse est, si non omnes neruos in hoc opus

Domini, vel prætermisis cæteris
contendamus.

M m

Cur

Cur multis videatur societas Parochias Indorum debere suscipere. CAP. XVIII.

QVoniam verò in hoc orbe nulla alia Euangelizandi ratio hactenus suscepta est præter eam, quam Parochi suis adhibere solent, videntur multis huius societatis homines nisi Parochias Indorum ipsi vſitato more suscipiant, nihil ad salutem neophytorum conferre posse, vniuersumq; eorum aduentum ex Europa esse prope modum superuacaneum putant. Itaq; censent huic omnino oneri ceruices subiiciendas, curamque Indorum propriè subeundam. Cumque in hac parte cunctationem nostram vident, indulgentiam nobis deliciasque obijciunt, quod detrectato labore & vita agrestiori, vrbanam frequentiam amemus. Quidam timori trepidationiq; nostræ subſtomachantur, amico illi quidem animo, sed voce libera obiurgantes, si Patres societatis Iesu parochias Indorum sibi vitandas dicant, de Indorum desperanda salute ferre sententiam. Quis enim, inquit, discrimini huic obijciat se se pro salute fratrum, si vos Patres detrectatis, & tergiuersamini, quorum alioqui animarum studium, & inflammata in Deum pietas perspecta est? Quorsum verò missionem tantam suscipitis, tantum terræ pelagique emensi ad ignotas terras trajicitis, si Indorum causam deseritis? Aut qua ratione professioni, nominiq; vestro consulitis, si quod alij omnes religiosi viri

ample-

amplexati sunt, vos perhorrescitis, non inferiore
alias animarum zelum præ vobis ferentes? Quod
si Hispanorum nostrorumq; hominum salutem
appetitis, nonne satius erat in media Hispania Eu-
ropaque consistere, ubi & numero, & gradu su-
periores sunt infinitis partibus istæ merces? Alij
quidem aurum argentumque apud Indos quæ-
runt, quod apud suos, si æquè occurreret, haud
quaquam patria deserta tam longam, tam mole-
stam, tam periculis omnibus plenam peregrina-
tionem susciperent. Vos verò Patres quid auri
quid argenti huc quæsituri aduentastis? si qui-
dem Hispanorum animas, certè apud vos aurū
istud abundabat copiose. Quod si Indos Chri-
sto Iesu lucrifacere in votis erat, & quæstum ma-
ximum, ut est planè, existimantibus pietatem,
Euangelij gloria, & propagatio cordi erat, quo
tandem consilio vix aggressi rem, terga verti-
tis? Illi ipsi profani, auarique homines, qui in
hunc orbem rei augendæ causa penetrarunt,
tamen nihil laboris, nihil periculi recusarunt,
modo copia exoptata potirentur: vos verò om-
nia prius tuta, omnia undiq; quadrata circumspi-
citis, ac velut in vmbra res gerenda sit, nihil peri-
culorum adeundum putatis. Atqui vestri socij
ij, qui in India Orientali in Malabarica, in Ma-
laca, in Ormucio, in Malucis, in Æthiopia, in
Iapponia, in Sina, cæterisque Orientis regioni-
bus tanta præstiterunt, & tanta cum gloria
rebus ab ijs gestis per ipsorum epistolas cog-
nitis in omnium ore versantur, non sine magnis

1. Tim. 6.

§48 DE PROCVRANDA INDORVM
sudoribus sine ingenti periculo eam sunt laudem
consecuti . Quod si vrbes tantum Hispanorum
incolendas vobis existimatis , si Mexicum , Li-
mam , Cuzcum , ac non in medijs Indorum po-
pulis sedem figitis , si Carangas , Collas , Sacacas ,
Yauyos , cæterasque prouincias barbarorum vi-
tatis , ymbratilistantum ac ludicra vestra omnis
de Indis procuratio sit necesse est . Quomodo
enim eam gentem Christo expugnare poteritis ,
apud quam sedem figitis nullam , nulla certa præ-
sidia constituitis , nullas moras ducitis : cum nul-
la alia re perinde opus sit ad salutem Indorum
procurandam , atque perseverantia & improbo
quodam labore . Sic enim habetote Patres , quan-
tum nos veteranos , & mores horum barbaro-
rum diuturno vsu edoctos causa admonet , nisi
perpetuū , ac constanter verbum vitæ , & curam
salutis harum gentium meditemini , vanos omnes
vestros conatus & telæ Penelopes similes pror-
sus futuros .

*Quæ rationes à suscipiendis Parochijs Indorum societa-
tatem deterreant. CAP. XIX.*

HÆc atque horum similia expostulare nobis-
cum solent , qui causæ Indorum studiosi , se-
gniores nos in suscipiendis Parochijs accusant ,
quorum me oratione ita sæpenumero perculsum
fateor , vt propemodum victus cederem , omnia-
que alia saluti neophytorum posthabenda exi-
stimarem , atque equidem pene contemnerem .
Sed

Sed contemni profecto non possunt, cum occurrant nobis tot viri religiosi & pij, qui non minus amico, & sincero animo trepidationem nostram in suscipiendis Parochijs vehementer probent, confirmentq; se longa experientia didicisse religioni suæ plurimum eiusmodi Parochias incommodasse, Itaq; permulti graues, & pij viri in suis Capitularibus conuentibus agitarunt de Indorū parochijs deferendis, ne & regularibus suis nocere pergerēt, & maximas ab Episcopis, à Patronis, à Præfectis Regijs molestias sustinerent. Quod & si effectū nō est, Rege regijsq; ministris cōtrahentibus, tum verò sententiā aliorum, vel charitate, vel quauis alia causa obtinente, tamen illud omnes, aut penè omnes experti nobis gratulantur, quod eos scopulos nos præteruecti simus. Neq; enim in nouo orbe antiquam Domini sententiā obliuisci debemus. Quid prodest homini si mundum vniuersum lucretur, animæ verò suæ detrimentum patiatur? aut quam dabit homo commutationem pro anima sua? Et illud Sapientis: Secundum virtutem tuam recupera proximum tuum, & attende in illis, ne fortè incidas. Præterea illud ante oculos ponere oportet, Qui sibi nequam est, cui bonus erit vnquam? & illud Pauli, Attende tibi quibus ita salutem fratrum iubemur quærere, vt ne negligamus nostram, imo verò nullam esse ab alijs sperandam, si in nobis prima defecerit. Atque vt omittam reliqua, quæ non leuia sunt, duo manifestè habent Parochiæ Indorum grauissima incommoda, Vnum

Matt. 16.

Eccl. 29.

Eccl. 14.

1. Tim. 4.

est continentia periculum, propter Parochorum miram solitudinem, ac libertatem quiduis perpetrandi, cum perpetua quadam esca libidinis ex foeminarum aspectu, colloquijs, rei familiaris vsu. Ad qua accedit, vt cumulum faciat mira ipsarum foeminarum facilitas, rarus pudor, resistendi vis propemodum nulla, saepe etiam sponte oblata copia. Hoc igitur vnum est: alterum vero non leuius iudicio meo, quod ex lucrispecie nascitur, & cupiditatis opinione siue vera illa siue falsa sit, omnia Parochi studia respergit, propemodumque corrumpit. Nam & victus suppeditari solet ab Indis, quod illi Camaricum dicunt, & à Patronis Dominisque Indorum salarium penditur. Hic cum Indis imperando, exigendo, commodissimum quodque eligendo, minus copiosum Camaricum recusando, quanta turbatio inter ipsorum fraudes, & Parochi cupiditatem. Itaque omnem ad Parochi questum vel fallendum si possunt, vel si non possunt, explendum, salutis suae curam, cogitationemque conuertunt. Cum Patronis rursus Indorum, cum praetoribus, quae tragediae quotidie quot iurgia, & lites, quibus Regia subsellia assidue crepant. Hinc similitates, hinc odia acerba, hinc calumniae graues. Coniurat cum Curaca Patronus aduersus Parochum, & quiduis vt obijciat, testes habet ad votum. Haec qui non vidit, ad exaggerationem fortassis cumulata putabit: qui interfuit, & rem totam oculis perlustrauit, rerum fide inferiora testabitur. Igitur vel continentiae nau-

naufragium, vel sæua certè tempestas subeunda est, tum verò avaritiæ gurgēs ipse si euitetur, species profecto avaritiæ, & existimationis iactura euadi nullo modo posse videtur.

Quæ in suscipiendis Parochijs moderatio adhibenda sit.

CAP. XX.

INTER has verò tantas difficultates, illa hætenus sententia mihi magis probata est, vsque dum melius, & certius aliquid eluceat, Parochias Indorum, neque esse societati nostræ temerè complectendas, neque vsquequaque tamen repudiandas. Sed siquidem duobus illis incommodis incontinentiæ, & avaritiæ satis occurri queat, tum verò Episcoporum pace, & amicitia retenta, cætera omnia officio aduersus Indos esse posthabenda. Sin verò vitari nulla ratione queant, pro certo esse intelligendum aliam esse adiuuandi has gentes quærendam viam, neque dubitandum hanc vulgarem diuinitus nostris esse præclusam. Nam præter communes Euangelizandi leges est illa societati nostræ, vel prima, vel maxima, vt ministerij sui impensi in proximos nullam omnino patiatur mercedem, mercedis sue speciem ad se redundare. Itaque quod alijs valde, & licet, & sanctum est, elemosynas pro missa dicenda, pro funere, pro concione,

& accipere & petere, nostris etiam vltro oblatas
 admittere nullo modo fas est, idque & constitu-
 tionum & literarum Apostolicarum præceptis
 dissent, & sæpe cautum est. Quare nihil est quod
 tantopere quidam mirentur, si Parochias Indo-
 rum Camarico, & salario instructas minus cum
 nostra professione congruere existimemus.
 Verum ea, quæ dixi, incommoda vitari satis
 posse videntur mihi in ijs præcipuè Parochijs,
 quæ vel in vrbibus Hispanorum sitæ sunt, vel ab
 ijs non admodum remotæ, qualis hæc Limensis
 est S. Iacobi, quam nostri tenent. Nam & subesse
 possent Rectori collegij, qui Indorum doctrinæ
 dant operam, atq; illorum religioni & modestiæ
 satis consuli potest, cum vita omnis illorum, supe-
 riorum oculis subiecta sit, qui vt, & sibi & officio
 satisfaciunt suo, facile curant, Vitæ ergo liberioris
 licentia superiorum cura prope inuigilantium
 in hominibus alioqui probatæ integritatis, satis
 sublata videri potest. Etenim & magnum In-
 dorum fructum ita experimur, & incōmoda om-
 nia facile anteuertimus. Sed quoniam sacerdotes
 doctrinæ, & administrationi Indorum necessarij
 sine sumptu & quidem copioso vbi frequentes
 illi sunt, ali non possunt, non est recusandus mo-
 deratus, & cōgruens victus, dummodo illud in-
 uiolabile sit, vt ab Indis ipsis nihil exigatur, neq;
 cum præfectis ipsorum sordidæ contentiones de
 quæstu aut mercede concitentur. Id vt fiat, cen-
 sent pleriq; magno adiumento fore eam consti-
 tutionem, quam noua lege iam videmus editam,

ut de publico ærario sacerdotibus annui prouentus tribuantur, quod si sincere, & candide obseruetur, non dubium est, quin honestis, & religiosis hominibus per commodum, & iucundum sit: ipsi vero ædificationi, & saluti neophytorum magnopere conducat. Hoc genus ergo Parochiarum collegijs Societatis vicinarum mihi ijs, quas dixi, conditionibus suscipi minimè displicet. Sed quoniam maius aliquid homines in societate requirunt, neque eo modo satis vel expectationi de se conceptæ, vel harum gentium extremæ necessitati nostri faciunt, ne illud quidem omittendum est, quod nos admonuerunt opportunè viri primarij, Esse quasdam prouincias Indorum frequentes, vbi collegia societatis erigi possent, atque inde sacerdotes prodire ad parochias procurandas, qui tamen superioris, & curæ, & oculis penè subessent, & religiose iuuari, & inuisi, & commutari cum esset opus, facile possent. Ita enim fieret, ut Indorum rationibus consuleretur ordinaria nostrorum præsentia, & ipsis religiosi instituti nihil deperiret. Atque hoc genus doctrinarum, ut vocant, plerique regulares maxime probant, quod est in Noua Hispania vñitatum, vbi monasteria, ut audio, in oppidis Indorum passim ædificata sunt. Et in hoc ipso regno Peru sunt non pauca huius exempli. Quanquam & diaboli inueteratæ inuidiæ, & hominum fragilitati nihil est vnquam satis tutum. Verum in re ardua atque vndique difficultatibus plena, quæ à periculo longius absunt, ea pro tutis consilia reputari debent.

Missionum vsus in Ecclesia antiquus & frequens.

CAP. XXI.

SI quid in parochijs tenendis minus Indorum
saluti præstamus, certè Missionū commodita-
te copiose repēdi potest. Missiones verò intelligo
eas excursionēs, & peregrinationes, quæ oppida-
tim verbi diuini causa suscipiuntur, quarū & vsus
& autoritas longè maior est, & latius patet, quam
homines opinantur. Etenim in prima illa floren-
tissima Ecclesia videre est hoc duplex genus Euā-
gelizantium. Alij certas plebes moderandas insti-
tuendasq; cura propria ac perpetua suscipiebant,
de quibus Paulus Apostolus loquitur. Huius rei
causa reliqui te Cretæ, vt constituas per ciuitates
presbyteros, quos etiam Hierosolymā adiens ex
Epheso euocauit Miletum. Attendite, inquit, vo-
bis, & vniuerso gregi, in quo vos posuit Spiritus
sanctus regere Ecclesiam suam, quam acquisiuit
sanguine suo. Hos quoq; Petr⁹ alloquitur: Senio
respascite, qui in vobis est, gregem Dei, nō turpis
lucri gratia, neq; dominantes in clero. Hos Ioan-
nes in sua Apocalypsi Angelos salutatur, Smyrnæ,
Ephesi, Philadelphiæ, & ceterarū vrbium. De quo-
rum perpetua residētia apud plebes sibi cōmissas
tam multa sancti Canones edicunt, vt sacra & an-
tiqua concilia relegendibus tædio penè sit eadem
causa toties ac tantopere repetita. Hunc ergo lo-
cum in Ecclesia Dei parochi tenent Indorū certè
nouis fœtibus pernecessarium & salutarem. At
fuit alterum genus in Ecclesia sancta Dei mini-
strorum,

Tit. 1.

Act. 20.

1. Pet. 5.

Apoc. 1. &
3.

strorum, qui non firmas sedes tenerent, sed prout
 temporis opportunitas, & fratrum necessitas po-
 stularet, varias Ecclesias obirent, in ijs pro re-
 moras traherent, proprios pastores iuuarent, in-
 firmos confirmarent, fortes perficerent, omni ra-
 tione Christi rem promouerent. Nam vt in ex-
 exercitu sapienter instructo præter militares copias
 certa sede dispositas, quibus nihil magis curæ sit,
 quam vt locum suum ne deserant, cum in eo vi-
 ctoria sit, vt caput potius ponant, quam semel fi-
 xum pedem referant, sunt etiam auxiliares copie
 leuisque armaturæ equites, quorum sit cōtra mu-
 nus huc illuc discurrere, vbi discrimen sit, prom-
 ptè adesse, labantem iam militem confirmare, ho-
 stem irrupentē excipere, omni negotio adesse,
 quorum fidei & diligentia plerunque victoria
 accepta referenda sit: ita profectò in hac militia
 Christiana velut castrorum terribili & ordina-
 tissima acie, duo sunt ordines, vnus eorū, qui cer-
 to loco decertant, alter eorum, qui per omnia dis-
 currunt, vt omnibus opem ferant. Quod militia
 genus tanti in Ecclesia factum est, vt duces no-
 stros summos, id est, Apostolos sibi sumpsisse vi-
 deamus. Quid enim aliud agebant Paulus & Bar-
 nabas cum inter se dicerent, Reuertentes visite-
 mus omnes Ecclesias, in quibus prædicauimus?
 Quid Petrus dum transiret vniuersos, & deueni-
 ret ad sanctos, qui habitabant Lyddæ? Hoc pror-
 sus Timotheus, quem mittebat Paulus, vt con-
 firmaret Thessalonicenses. Hoc Titus apud Co-
 rinthiosegit. Hoc Iudas & Silas Antiochiam ab
 Aposto-

Act. 15.

Acto. 9.

1. Thes. 3.

2. Cor. 7.

8. 12.

Act. 15.

Aposto-

*Ibidem.**Ioan. 21.*

Apostolis missi. Hoc Paulus ipse cum Sila perambulans Syriam, & Ciliciam confirmans Ecclesias & præcipiens custodire præcepta Apostolorum. Et quamuis hoc Episcoporum, qui hac parte Apostolos successerunt, munus sit, tamen neque Episcopi omnia præstare possunt, & ipsi suarum Dioceseon limitibus conclusi sunt, Quamobrem ad eum cui vniuersalis est Ecclesia commissa à Christo, Romanum inquam Pontificem in Petro omnes Christi pascendas suscipientem singulari quadam ratione pertinet, quia per se ipse non potest, ut à se destinet, qui ipsius autoritate hoc tantum munus obeant. Itaque cernimus in Ecclesia multorum Patrum religiosos ordines successisse, qui Apostolica autoritate freti totum terrarum orbem doctrinae luce illustrarint, vitæ pietate & ardore inflammaverint. Quo in genere societas hæc minima nihil sibi aut novum, aut nimium sumit, si vocationem suam agnoscit, ut in Christo omnibus seruiat, & cum nulli sæpe, aut loco, aut personæ addicta sit, omnes tamen officio prosequatur suo. Neque vlllo modo dubitandum est, quin vocationi si suæ ipsa non desit, eius, qui ad rem tantam vocare dignatus est, gratiam & largitatem vberimè expertura sit.

Missionum utilitates inter Indos.

C A P. XXII.

Missionum autem utilitates inter Indos multæ magnæque sunt. Prima quod omni cupiditatis

piditatis occasione procul remota, cum neque ministerij sui mercedem exigant, neque fructum alium expectent, quam salutem Indorum, neque in postulando Camarico molesti sint, deinde continentia, & integritatis lumen præ se ferant, admirabile dictu est, quam in sui doctrinæque suæ admirationem & studium Indos rapiant. Neque enim, quod sæpe dicere soleo, illustriora miracula ad Euangelij commendationem Indis adhiberi possunt, quam ut neque auaritiæ occasione neque libidinis sinistro rûmore, doctrina ministerij euangelici decoloretur. Secunda, quod cum seuerius obiurgare & male facta vindicare ad parochos propriè pertineat, missionum verò ratio ea sit, ut potius consolandi, intercedendi, ac bene de omnibus merendi partes sibi sumat, valde in nostros studia Indorum excitantur, & fit animorum magna coniunctio: ex qua & fidem dictis facile commodant, & se suaque omnia libentissime impertiunt atque communicant. Tertia hinc quoque manat, & est copiose usu comperta, quod ad confessiones nostris faciendas, etiam generales, etiam ingentium scelerum, ac diutissime contectorum, ultro ipsi non inuitati veniunt, qui tamen parochorum omnium vna sententia, raro verum in confessione sacramentali ipsis aperit, quippe qui parochos pertimescunt. Eo omni metu odioque sublato ad nostros, quos sibi experiuntur beneuolos, nihilque læsuros certò sciunt, certatim accurrunt, crimina omnia aperiunt, vitæ consilia libenter accipiunt, summa deuotione imperata

rata exequentur. Hæc vna commoditas missio-
num, quam in prouincijs superioribus cum ver-
saremur, abundè sumus experti, tãti est apud me,
vt si nullus alius missionum fructus expectare-
tur, sola sufficeret. Ac quemadmodum in sacro
Tridentino Concilio propter fragilem muliebrẽ
sexum sanctimonialium pudori & metui patres
ita consulendum putarunt, vt præter ordinarium
voluerint aliquoties extraordinarium illis confes-
sarium dari: ita equidem Indis etiam consulendũ
arbitror, quorum est fides infirmior, & duriores
in se parochos experiuntur. Itaque eo missionum
auxilio mirifice eorũ infirmitas recreatur. Quar-
tam demum vtilitatem ex ipsa diuini verbi tra-
ctatione numero: quæ triplex est in missionibus,
Vna, qua pueri & rudiores simpliciter, & memo-
riter catechismo imbuuntur, idq; statis diebus &
horis, partim canendo, partim recitãdo fructuo-
se admodum fit. Altera, qua docetur, & instruũ-
tur familiariter pro suo quisq; captu tam in my-
sterijs fidei percipiendis, quam in moribus hone-
stè instituendis. Postrema est ea, quæ ad exhor-
tationem spectat, qua pro concione excitantur
ad salutaria omnia, ac vi ipsa dicendi dicentisque
autoritate flectuntur. Hic mirificè & capiuntur,
& cedunt, si concionatorem linguæ bene peri-
tum, & apposite dicentem nacti sunt. Quod cum
rarum in parochijs sit, vnus eiusmodi Indice be-
ne doctus, missionum excursionẽ multis paro-
chijs prodesse potest. Atque ad has quatuor ex-
empli, Beneficentiæ, Sacramenta administrandi
pœni-

*Con. Trid.
ses. 25. cap.
10.*

pœnitentiam præsertim, & verbi denique diuini disseminandi redigi ceteræ possunt vtilitates, quæ ad Indos pertinent.

Quod Parochi Missiones vtiliter & libenter accipiant.

CAP. XXIII.

EST alia quoq; his non inferior vtilitas missionum, cum ad parochos ipsos beneficium deriuatur. Paulus quidem dicebat, Deo autem gratias, qui semper triumphat nos in Christo Iesu, & odorem notitiæ suæ manifestat per nos in omni loco, quia Christi bonus odor sumus, quod suo quoq; modo usurpare possunt, si qui sunt discursus Apostolici sectatores. Nostri certè experti sunt sæpenumero parochos ipsos vitæ consuetudine colloqui;sq; captos ad Christum aspirasse, neque parum ad virtutis officia commotos esse. Nihil enim vitæ exemplo potentius præsertim in morum quadam suauitate, tum ipsa familiaris collocutio studia similia parit. Cumque se se adiuvare à nostris sedulo nulla interim mercede expectata vident, atque onere ipso non parum leuari horum opera, beneficio allekti de se bene meritos amant. Iam verò cum ad conscientiam suam fructum hunc deriuant, ad suos longè diffundunt exemplo instructi, æmulatione excitati, fructu prouocati. Ad hæc omnia illud accedit, quod cum sæpe binæ ac ternæ aut eo plures parochiæ valde inter se etiam disjunctæ vnius parochi curæ commissæ sint, atque adeo neque baptizare, neque cōfessiones audire,

2. Cor. 2.

560 DE PROCVRANDA INDORVM
audire, neque in doctrina instruere omnes suos
commode potest, fit, vt maximam anni partem
oues pastore prorsus careant, qua ex re quot mil-
lia periclitentur imo verò manifestè intereant,
dici non potest. Possunt ergo qui Missionibus
vacant, bonam temporis partem in ea parochia
consumere, à qua parochus abest, & omni boni
pastoris officio perfungi, quæ res non solum est
ipsis Indis salutaris, Verum etiam Episcopis, pa-
rochis, patronisque gratissima, quibus omnibus
eiusmodi supplementa magnâ conscientiæ quie-
tem afferunt. Quamobrem à multis iam agitatū
est, vt collegia Societatis, aut residentiae in fre-
quentia maxima Indorum collocarentur, vnde
tanquam ex munita arce subsidiarij milites re-
gionem omnem opportunè excurrerent. Ad
hæc, vt filios nobilium Indorum à pueritia in-
struendos educandosque susciperent, in qua vna
re totius gentis salus vniuersa posita est. Neque
ego sane diffido futurum breui, vt his omnibus
modis atque rationibus societas nostra saluti In-
dorum procurandæ, quod tantopere cupit, feli-
citer operam nauet.

Quid cauere oporteat in Missionibus.

C A P. XXIIII.

AC missionum commoditates eæ ferè sunt,
quas exposui. Vt verò in omni præclaro ne-
gotio euenire solet, non carent suis quoque non
leuibus difficultatibus. Primum enim inuidia
pasto-

pastorum, & plebis contemptus eorū præ nostris diligentissime cauendus est ea vna ratione, vt omni, & verborum, & rerū significatione testentur se nullo modo esse parochos superiores, sed hunc verum legitimūq; pastore, se verò tantum illius adiutores, & ministros. Itaq; omnē honoris in illum significationē ne prætermittant, vt & ipse intelligat nihil ab ijs ambitiose agi, & populus factionem nullo modo meditetur, sed subditus sit per omnia parochos suo. Vix dici potest, quā opte inter Indos obseruetur is, qui cæteris imperat, & præest, vt statim oculos in ipsum Apo, vt illi vocant, animumq; conuertant. Quæ ex re nisi humilitatem nostri insinuent, & circūspectē parochorum autoritatē tueātur, atq; commendēt, certum est inuidia, & calumnia omnia statim bona studia corrumpi. Præterea & illud omnibus modis curandum, ne odiosi parochis simus, dum vel nimia integritatem ostentamus, vel reformatorum ac censorū partes importune assumimus. Meminisse potius illud oportet à Spiritu sancto dictū, Noli esse iustus multum, neq; plus sapias quam necesse *Eccles. 7.* est, ne obstupeas. Itemq; illud Apostoli, Omni- *1. Cor. 9.* bus omnia factus sum, vt omnes facerem saluos. Et illud Domini dicite, Pax huic domui, & ibi *Mat. 10.* manete comedentes, & bibentes, quæ apud illos sunt. Deniq; vnusquisq; proximo suo placeat in *Rom. 15.* bono ad ædificationem. Etenim Christus nō sibi placuit. His alijsque diuinę Scripturę sententijs docemur, ita religionis disciplinam conseruare, vt charitati fratrum multum demus. Multa tole-

randa sunt in homine præsertim sæculari, sæpe etiam profano: nonnulla interdum concedenda salua conscientia, & ita agendum, vt cõsuetudinis suauitate alliciatur potius, quam asperitate offerus resiliat statim. Itaque neque uisitatores, neque censores, aut Momos aliquos vel Sycophantas existimare nos debet, sed sibi amicissimos, & humanissime affectos. Nouimus ex prudenti dissimulatione non paucos egregie captos tandem Dei verbo manus dedisse: quos si nimia seueritate offenderis, mille concionibus reuocare non poteris. Verum ita humanitatis leges seruandæ sunt, vt neque religionis existimatio lædatur, neque conscientia coram Deo puritas offuscetur. Nam & virum religiosum & Apostolicum munus obeuntem nihil, aut leuitatem, aut fastum, aut lasciuiam redolens decet. Quoniam verò cū ad aperiendas conscientias suas in confessione parochi accurrunt, imploranda impense est diuina gratia, vt & officio non desistuo, & fratris animam grauissimè interdum sauciam à morte reuoces. Ego sane in confessionibus audiendis nihil æquè formidare soleo, quod sacerdotum quotidie cœlestia sacramenta tractantium vix medicina vlla morbi curari possunt, cum semel cœperint peruenire ad cor durum, atque illud Gregorij plerunque, cum eiusmodi duritiem contemplor, venit in mentem. Plerique eorum à

Greg. li. 2. Domino in impenitentis cordis caliginem pro-
exp. in 1. iiciuntur, & nulla hominis adhortatione resipi-
Reg. c. 3. scunt. Ergo in primis illud tenendum est, vt placendi

endi voluntas, & humanus affectus nullo modo dominetur, ne puluillos sub omni cubito, & Ezech. 13.
 ceruicalia sub omni capite statuamus, iuxta propheticam comminationem, quin potius veritas in omnibus dominetur, & præsit, propter quam si homines aliquando scandalizantur, non magnopere curandum est. Dei enim iudicium est, ait scriptura. Itaque si is, qui parochus nominatur, concubinarius sit, si aleator, si scenerator, si simoniacus, si litigator, si turpis lucri sectator, si officij sui negligens, si sermonis Indici imperitus, & contemptor, veritatis falce resecanda sunt vitia, ac nisi tibi ipsi in Domino satisfeceris peruidendum, ne alienis peccatis ipse communicates manus poenitentiae cito imponens. Caterum 1. Tim. 3.
 hæc ipsa etiam letalia, & vetusta vlcera oleo simul foueri possunt, atque ita vino perfundi, ut pariter, & mordeantur, & ferant. Attingit, inquit, à fine vsque ad finem fortiter, & disponit Sap. 8.
 omnia suauiter diuina Sapientia. Opus forte, modum suauem esse oportet. Multum interest, qua manu, qua dexteritate vulnus chirurgus infligat. Non imperiose non duriter, magis monedo, quam minando, magis iuando, quam iubendo, ut ait Augustinus, ista tolluntur. Vidimus sæpe sacerdotum conscientias deploratas, de quibus ego plane diffideram eo quod ad cor durum peruenisse mihi viderentur, & iuxta Hieremiam propter multitudinem iniquitatis dura facta esse peccata, ministerijs tamen nostris, vel potius diuinæ gratiæ ita cessisse, Hiero. 38.

ita respicuisse, ita ad cor rediisse, vt magnificas
 Dei bonitati gratias ageremus, & spem non vul-
 gare conciperemus, societatis nostræ homines,
 quorum sunt parochi penè omnes, valde studio-
 si, præclarissimos fructus in lucrificandis Do-
 mino eiusmodi hominibus allaturos. Hæc in pa-
 rochos obseruanda. Porro Indi, ipsi quoque cu-
 ram quandam mediocritatis efflagitant. Vt enim
 eos oderunt, qui nimij in exigendo sunt, ita etiam
 à se auersos putant, qui ab ipsis oblata repudiant.
 Accipienda ergo sunt humanè munuscula eo-
 rum, & benigne vel eadem, vel plura si liceat, pau-
 peribus communicanda. Quod si ipsorum opera
 interdum opus sit, dum ea moderatione, qua de-
 cet, vtaris, nihil offenduntur, imo verò si te alio-
 qui sibi beneuolum experiuntur, amplius dili-
 gunt. Illud quoque obseruatum autoritatē quan-
 dam retinendam esse aduersus eos, paternæ graui-
 tati coniunctam: neque tam summisionis, quam
 liberalis cuiusdam imperij speciē præferendam.
 Amant enim hoc modo, quæ istorum est natura,
 tractari. Sed neque necessario nostrorum appa-
 ratu offenduntur, neq; paupertatem magnopere
 admirantur, magisque præclariora nostros non
 posse asserere, quam non velle interpretantur.
 Quamobrem quæ ad vitæ necessitatē aut etiam
 commoditatem pertinent, prætermittenda non
 sunt, nam & locorum, & rerum magnæ difficul-
 tatis id exigunt in hac prouinciarum Indicarum
 tanta asperitate & inopia, & Indorum ingenia
 diuinitus ita comparata sunt, vt ædificationis

isto necessario usu nihil amittant. Illud enim nō
extremo loco cogitandum est, & penitus prouid-
endum, ne dum Apostolicæ abdicationi qui-
dam inhærent, vitæ commoditatibus destituan-
tur, atque ita vel labore victi, vel viribus desti-
tuti bene institutum cursum reuocent. Nam qui

aliquando suis dixerat, Nolite portare sacculum
neque peram, idem alio tempore iisdem dixit,
sed nunc qui habet sacculum tollat, similiter &

LUC. 10.

peram. Quo in loco Bedam venerabilem audire
licet, Nobis quoque, inquit, datur exemplū, iusta
nonnunquam causa instante quædam de nostri
propositi rigore posse sine culpa intermitteri, ver-
bi gratia cum per inhospitales porro regiones

LUC. 22.

iter agimus, plura viatici causa, quam domi ha-
beamus, licere portare. Indicas sane peregrina-
tiones notasse videri potest. Atque hæc ad dif-

Beda lib. 6

in Euang.

LUC. 6. 22.

ficulitates Indicarum missionum considerandas
hactenus dixisse sit satis. Illud postremo adijci-
endum puto, Indicas & commoditates, & difficul-
tates non ex aliarum nationum lege aut consue-
tudine, sed ex sua ipsarum esse metiendas, & Dei
zelo præeunte tum verò experientia duce, illud

1. Cor. 10.

in omnibus intuemum, vt non quæra-

mus quod nobis vtile est, sed

quod multis, vt salui

fiant.

FINIS LIBRI QVINTI.

Nn 3

DE PROCVRANDA INDORVM SALVTE,

LIBER SEXTVS.

Quatenus modo de Sacramentis agendum sit.

CAP. I.

DE diuinis Sacramentis administrandis, quod vnum ex ijs, quæ proposuimus, restat, si pro argumenti dignitate differendum esset, magnum opus existeret, & quod in alterius parte numerari, cum ipsum per se tantum sit, merito quodammodo indignaretur. At nos rem tantam nullo modo aggredimur, qui de Sacramentis contra impudentes Nouatorum calumnias, & ab ipsa Ecclesia in magno & œcumenico Concilio Tridentino copiose grauiterque definitum, & illustres nostræ ætatis scriptores nusquam aut vberius, aut fælicius quam in illis asserendis, explicandis, commendandisque elaborasse, non ignoremus. Igitur cum Hæreticis res nobis modo non est, sed ne catholicos quidem antiquos, & in religione constantes admonendos, cohortandosue existimamus, quorum illud insignem eruditionem, hoc dicendi facultatem non vulgarem requirit. Tan-

tura

tum breuiter, ac pene cursim ea de Sacramentis attingemus, quæ rudibus Indorum populis necessaria videbuntur, atque in ijs maximè insistemus, quæ per imperitiam, aut incuriam quorundam contra veterem & Ecclesiasticam disciplinam inter hosce neophytos obrepisse & percrebuisse notauimus.

Multa in his regionibus contra Ecclesia consuetudinem geri. CAP. II.

NAM ex quo tempore obedientia duce ad has regiones Indicas venimus, non pauca in Sacramentorum functione minus conuenienter Ecclesiasticis institutis, nonnulla perturbatè prorsus atque ineptè geri, & diu mirati sumus, & dolenter sæpe commemorauimus. Causa mihi cogitanti nulla certior occurrit, quam quòd Euangelium non tam prædicatorum, quàm militum manu in has nouas orbis nationes inuectum sit: quorum socordia cum imperitia coniuncta multa absurdè peperit, quæ accedente consuetudine confirmata tanquam legitima habentur. Ita priores posterioribus errandi viam munierunt, vt vix liceat doctis & pijs hominibus veterem totius Ecclesiæ consuetudinem restituere, habeanturque rerum Indicarum imperiti, qui religionem & sacramenta Ecclesiæ integrè, ac pro dignitate Indis tradere cupiant. Quid plura? Cum in Prouinciali Concilio Limensi ab

568 DE PROCURANDA INDORVM
omnibus Peruenſibus Episcopis, ceterisq; graui-
bus viris ad ea vitia emendanda multum opera
& studij collatum sit, atque edita extent egregia
decreta de reformatione permulta, nihil tamen
amplius perfectum est, quam si ab otiosis nautis
de republ. moderanda consultatum esset. Quis
verò non doleat Baptismo plerosque adultos
initio passim, & nostro tempore non raro
ante perfundi, quam Christianam catechesin
vel mediocriter teneant, neque an vita flagitio-
sa, & superstitiosa pœnitentia tangantur, neque
verò id ipsum, quod accipiunt, an velint acci-
pere, satis constet? Quid illud, quod confessio-
nes saepe ita fiunt, vt neque Indus intelligat sa-
cerdotem, neque intelligatur ipse, quid di-
cat, tam supinè parochis nonnunquam dor-
mientibus, vt neque peccatorum rationem exi-
gant, neque doloris sensum requirant, nihilque
magis curent, quam vt à se quam citissimè con-
fiteſcentes ablegent. Porro Eucharistiam qua le-
ge contra omne & diuinum, & Ecclesiasticum
ius non solum quotannis adulti Indi, verum
etiam morientes ritè confessi prohibentur ac-
cipere? quam si quispiam nostrum porrigere
velit, & viatico munire migrantem, nouitatis
accusatur, & sacrilegij propemodum reus agi-
tur. Quod si hoc venerationi Eucharistiæ præ-
teritur, cur saltem quæso extrema vnctio sub-
trahitur? Neque in syluis tantum aut remotis
oppidis, sed in ipsa nostra vrbe, in ipso sacro
Xenodochio morituri tanto bono priuantur.

Horum similia sunt plurima. Etenim matrimoniorum errata vel socordia, vel imperitia minorum admissa longum esset enumerare. Quales sint infidelium nuptiæ, quibus gradibus apud Indos contractæ valeant, quæ impedimenta Apostolicis literis his neophytis sublata sint, quæ etiâ dum integra restent, pauci scire laborant. Hanc igitur tam vastam syluam ingressi illos tantum errores refellere cupimus, qui & perniciosiores, & magis vulgares sunt.

De voluntate Baptismo necessaria.

CAP. III.

Igitur in Baptismo, barbaris præsertim, confestim, tria spectare debet fidelis, & prudens dispensator mysteriorum Dei, Voluntatem, Fidem, Pœnitentiam. Voluntas sanè omnino cognoscenda est eorum, qui ad Fidei sacramentum aspirant, nec nisi petant, & instent, Christianæ vitæ professione donandi sunt. Ecclesiæ consuetudo tenet, ut priusquam catechumenus baptizetur, ter interrogetur, & ter respondet, baptizari se velle, quod intelligerent sancti patres magnum esse Christianæ Religionis pondus, magnas Evangelicæ turris expensas, nec nisi re admodum deliberata, & perspecta hominum imbecillitati temerè rem tãtam debere committi. Quod profectò non nuda cæremonia observandum est, sed multo magis spiritu & veritate. Ut non solum infideles Indi diligenter explorentur, verum

cognita iam, & perspecta voluntate diu in cate-
chumenorum ordineteneantur, quò & instru-
ctiores veniant & pluris faciant mysterium salu-
tis suæ. Quam Ecclesiæ veterem disciplinam ita
in hoc nouo orbe neglectam intuemur, vt nus-
quam contra Euangelij dignitatem magis irre-
ligiose, & contra hominum salutem magis per-
niciose peccatum esse intelligamus. Dum enim
quoquomodo per fas, & nefas, per dolum, &
vim gentes barbaras Christianas efficere pro-
perant homines imperiti, aut improbi, nihil
aliud agunt, quam vt Euangelium ludibrio ex-
ponant, & Fidei temere susceptæ desertores
certissimo exitio afficiant. Non enim tales, vt
est in Decretis Patrum, inuiti saluandi sunt, sed
volentes, vt integra sit forma iustitiæ. Equi-
dem censerem Prouinciali Concilio nihil gra-
uius decernendum fuisse, ac fore deinceps, ni-
hil etiam seuerius vindicandum, quam vt In-
diadultante baptismum per annum, aut etiam
amplius, nisi discrimen mortis vrgeret, in Fi-
dei mysterijs perdiscendis, & voluntate bona
confirmanda distinerentur. Ita fieret vt serius
impetratam baptismi gratiam pro magno ha-
berent, & diligenter conseruarent, quemad-
modum in concedenda Eucharistia vsu venis-
se cernimus. Sed quid agimus de ijs, qui con-
tra salutare hoc Ecclesiæ institutum baptizati
sunt? Certè si nullam habuisse voluntatem per-
spiceretur, atq; omnino inuiti & repugnantes, &
contradicentes baptizati sunt, nullo modo
Chri-

Conc. Tol.

4. ca. 55. d.

*45. De Lu-
dais.*

Christianum characterem accepisse existimandi De baptis-
 sunt, quemadmodum est ab Innocētio tertio de- mo & eius
 finitum, neq; enim sine suscipientis voluntate sa- effec. c. Ma
 cramentum constare potest, quod accipere non iores. §. itē
 potest, qui non præbet vtcumq; consensum. Ve- qua.
 rum si voluntas nonnulla non defuit, tamen si vel
 vi, vel minis extorta, quia re vera characterē Chri-
 sti insignitus est, cogendus est Fidem semel sus-
 ceptam conservare, ne Christi sacramento mag-
 na fiat iniuria, si profanum per licentiam redda-
 tur, quod est etiam ab eodem Pontifice secūdum
 Toletani Concilij de cetera declaratum. Illud au-
 tem habet quæstionem non facilem, vtrum cum
 barbarus baptismum prorsus ignorat, & tamen
 non contradicens baptizatur, verē Christianum
 characterem accipiat necne. Nam rei ignoratæ
 voluntas esse non potest, cum nihil ametur nisi
 cognitum aliquo modo. Itaq; qui interrogatus,
 an velit in se fieri, quod sit in alijs, aut etiam nihil
 interrogatus baptismo perfunditur, nihil inter
 baptismum, & profanam aquam discernens, nihil
 ibi religionis agnoscens, is profectò quomodo
 velit, quod nunquam cogitavit, non facile potest
 dici. Cum verò sacri Canones nihil aliud tradant
 ob stare baptismō, quā voluntatem baptismō
 renitentem, & contradicentem, cumq; hoc loco
 hominem nihil dissentire, nihil reclamare pona-
 mus, iterare postea baptismum, si ille saluus esse
 velit, difficilis exempli apparet. Quam quæstio-
 nem ne quisquā otiosam putet, sciat apud nos esse
 frequentem in ijs præsertim Æthiopibus servis,
 qui

Ibidem.

quies Cabouerde asportantur. Hos enim si con-
 uenias, an Christiani iam sint, audies non raro, se-
 se cum essent impuberes simul cum alijs pluri-
 mis in naui, aut litore deprehensos baptizatos es-
 se, cum certè quid secum ageretur, ignorarent
 nisi quod multi simul à clerico, aut milite quo-
 piam aqua aspergebantur, & exinde Christianos
 se fieri audiebant, cum neque hoc etiam ipsum
 quid esset edocerentur, neque rem ipsam peni-
 tus intelligerent, & homines barbari iumentis
 similes, minimè quid illud esset scire curarent. Di-
 glariantur quidam, vtrum si neutra voluntas de-
 tur, baptismus sit ratus. Diuus quoque Augusti-
 nus non parum hæret in fine librorum de baptis-
 mo, vtrum baptismus per iocum & non serio col-
 latus habendus sit certus ac constans, Vbi ita scri-
 bit, Solet quæri, vtrum nihil intersit quo animo
 accipiat ille cui datur, cum simulatione, an sine
 simulatione, si cum simulatione vtrum fallens an
 iocans sicut in mimo, Et quibusdam interpositis
 quibus se Ecclesiæ iudicium expectare ea de re
 profiterur, adiungit, Nequaquam dubitarem ha-
 bere eos baptismum, qui vbicumq; & à quibus-
 cumque illud verbis Euangelicis consecratum
 sine sua simulatione & cū aliqua fide accepissent,
 quanquā eis ad salutē spirituale non prodesset, si
 charitate caruissent, qua Catholicæ infererentur
 Ecclesiæ. Et mox, vbi autē, neq; societas esset vlla
 ita credentiū, neq; ille, qui ibi acciperet, ita crede-
 ret, sed totū ludicre & mimicæ, & ioculariter age-
 retur, vtrum approbandus esset baptismus, qui
 sic

Caiet. 3. p.
 q. 68. ar. 7.
 Sot. in. 4. d.
 5. ar. 7.
 D. Aug. lib.
 7. de Bap-
 tismo cōtra
 Donatistas
 cap. 53.
 De conf. d.
 4. c. solet.

sic daretur, diuinum iudicium per alicuius reue-
 lationis oraculum, concordi oratione, & impen-
 sis supplici deuotione gemitibus implorandum
 esse censerem. In hac ergo dubitatione cum de
 voluntate Indi, aut Æthiopis temerè baptizati
 quæritur, illud mihi certum est, si satis meminit
 se sine simulatione, & cum aliqua fide, vt Augu-
 stinus dixit, suscepisse baptismum, hoc est, intel-
 lexisse illud esse ritum aliquem Christianorum,
 atq; ita in se fieri permisisse, quâuis cætera Chri-
 stiana religionis non sit edoctus, approbandum
 esse baptismum, minimeque repetendū. Re enim
 vera consensisse putandus est, qui cum videret in
 se fieri quod ad Christianam religionem pertine-
 re vteumque sciebat, non contraxit. Quod si
 nullo modo quid esset baptismus, agnouit, neq;
 illum à profana & quacumq; alia aspersione di-
 stinxit, penitus Christi, & Ecclesiæ fidem igno-
 rans, non magis voluisse intelligendus est, quam
 si dormiens, aut amens baptizaretur, cum nulla
 antea eius significatio extitisset. Quem sanè nul-
 lo modo baptizatum esse ego non dubito quem-
 admodum ne illum quidem, de quo Augustinus
 valde dubitat, qui per iocum prorsus, ac nō serio
 baptizaretur. Nam & dissentire, atq; abnuere pu-
 tandus est, qui contra vetus institutum suum ali-
 quid noui prorsus ignarus accipit: & satis est eū
 nullam baptisimi voluntatem habere, neque ex-
 pressam, neque interpretatiuam, quam in adultis
 ad substantiam sacramenti requiri sanior, & cer-
 tior Doctorū sententia habet. Ac satis id docuisse

De baptis-
mo. c. Ma-
ior. §. item
quæritur.

Ibidem.

Inno-

Innocentius III. videtur, cum de baptismo dormientis aut infanti improbando, si anteceditis voluntatis signa non extēt, sententiam tulit. At verò cū neq; barbarus ipse satis exploratā habet pręteritam voluntatem suam, neque notitiam illius temporis, neq; verò indicij manifestis percipi res potest, quod frequens est in hac superiorū temporum perturbatione, & barbarie, salutare consiliū

De baptismo. cap. De quibus.

Dur. in. 4. dist. 4. q. 6.

Pal. c. 4.

Contra sententiam Cai. 3.

p. q. 68. ar. 10. & Sor. in. 4. d. 5.

ar. 10.

D. Th. 2. 2. q. 10 ar. 12

Con. Lim.

Const. 27.

Sor. in. 4 d. 5. ar. 10. in

sine idē cōfirmat Cōc. Lim. Cōst. 27.

Cōc. Tol. 4. c. 61. 28. q. 1.

Iudai qui.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

ar. 10.

in. 4. d. 5.

Alexandri III. sequendum est, & conditione adhibita baptismus iterum conferendus. Porro voluntatem parentum in baptismo paruulorum suorum ad substantiam sacramenti necessariam esse, quamuis asserant quidā, rectē tamē asseri nō potest. Sed tamen parentibus inuitis, si infideles sint, eorū paruulos non esse baptizandos, quam non sine patrociniū nobilium autorum vtrinq; in scholis res agitur, tamen Thomę sententia & Ecclesię consuetudine & Concilij provincialis autoritate longē pręferenda est, dummodo in mortis periculo constitutum paruulum nulla expectata parentum voluntate baptizare licere & decere quoq; concedamus, quod autores quidam pij & docti pro illorū salute defendunt, & à nostris aliquando cū laude factum meminimus. Cū verò ex duobus parentibus alter filium paruulum Christianum fieri vult altero repugnante & contranitante, iuxta Concilij Toletani, & Limensis decreta, baptismo fauēdum est, & illius ius pręferendum, qui de filij salute melius cogitat. Atq; hæc de voluntate baptismum suscipientium obiter attigisse sit satis.

FIdem verò in Dominum Iesum Christum, & *Act. 20.*
Pœnitentiam in Deum, quam Paulus prædi- *6. 2.*
cabat in gentibus, Petrus ab Hebræis exigebat,
necessariam esse, vt baptismus non solum Christi
militem faciat, sed gratiæ etiam & salutis donati-
no afficiat, nemo est tam ineptus, qui dubitet. Ve-
rum quæ Fidei mensura exigenda sit in catechu-
meno, & quibus modis agendum, vt satis instrui-
tus, & firmus veniat ad lauacrum Christi, satis
est in libro superiore explicatum. Pœnitentiam
autem hoc est anteactæ vitæ veram detestatione,
atque in posterum firmum corrigendæ consiliū,
rarus est certè in Parochis, qui pro dignitate re-
quirat. Nam & pristinæ superstitioni vulgo hæ-
rent, & concubitus nefarios retinent, & ebriosi-
tatem suam non deponunt: plerique honoris cau-
sa baptismum ambiunt, ne ab Ecclesia arceantur,
nonnulli vt Hispanis Dominis ea in re gratificen-
tur, atq; eiusmodi fictionibus apud barbaros ple-
na sunt omnia, nostra certè maxima ignauia, qui
supini, atque oscitantes ea de re cogitamus, dig-
ni certe, qui tanti sacrilegij pœnas luamus. De
hac vitæ emendatione curanda & exploranda in
competentibus multa antiqui Canones, mul-
ta noua synodalia decreta præclare præci-
piunt: sed faciliè omnia contemnuntur ab ijs,
qui quæstum amant, salutem hominum, &
Christi dignitatem non amant. Itaque ex
anti-

§76 DE PROCVRANDA INDORVM
antiqua Ecclesiæ consuetudine per quam com-
modum mihi videretur, vt catechumeni aliquot
dies, si menses longum esset, ieiunijs & precibus
alijsq; pijs operibus pro facultate sua exercerentur
ante baptismum, tum verò vt testimonium
ferrent temperasse se à flagitioso concubitu, ab
omni superstitione gentilica, præcipueq; ab ebrie-
tate, Ecclesiam quoq; frequentasse, & omni offi-
cio vitæ superioris emendationem declarasse. Ita
fieret, vt paratiores venirent, & quam tandiu
probatam gratiam adipiscerentur, non ita facile re-
uerſi ad vomitum corrupturi essent. De quare
legi Gratianus potest in quarta distinctione de
consecratione, & cæteri, qui de catechesi, & præ-
paratione baptismi necessaria copiose scripsere.

De ijs, qui se baptizatos vel negant vel mentiuntur.

C A P. V.

DE ijs verò, qui baptismum vel datum sibi es-
se mentiuntur, vel acceptum iam à se negāt,
cum sit vtrumque paris sacrilegij & periculi, me-
rito synodalia decreta cautos esse Parochos iu-
bent. Sunt enim qui reuera baptizati non sunt,
cum tamen Christianis nominibus appellantur,
& Ecclesiastica mysteria conuentusque frequen-
tent. Hoc ex temporum superiorum perturba-
tione accidisse constat. Atque in horum aliquot
nos incidimus, qui cum diu Christiani haberen-
tur, & Ioannes, aut Francisci, aut Petri vocaren-
tur, tandem concionibus nostrorum permoti
simu-

simulatione deposita baptizari se postularunt,
 & re diligenter discussa, inuentum est eos non
 fuisse re vera Christianos, sed à parentibus In-
 dis subtrahētos per Hispanicos Dominos eiusmodi
 nominibus fuisse donatos. Nonnulli quoque
 Æthiopes cum sæpe confessiones annuas pete-
 gissent, rogati aliquando ea de re se nunquam
 esse baptizatos apertè confessi sunt. Erit igitur
 adhibenda non exigua diligentia præsertim er-
 ga aduenas & ignotæ regionis homines. Contra
 alij ea occasione se baptizatos sæpe dissimulant,
 baptismumque supplices petunt, quem re vera
 iam acceperunt, eo sanè consilio, vt vxores no-
 uas ducere liceat, cum veteres displicent. Eum
 fucum prudentiores Parochi deprehendere so-
 lent. Ne igitur, vel grandi sacrilegio iterato sa-
 cramento contaminentur, vel à necessario exclu-
 dantur, vigilare sacerdotes oportet. Et cum res
 liquido constare non potest, atque is qui ba-
 ptismum petit, alioqui testimonium habet in-
 tegræ suæ, probabiliq̃ue vtrinque ratione
 dubia prudenti viro causa sit, Beati Leonis de-
 cretum salutare seruandum est de ijs, qui in ca-
 ptiuitate positæ parentibus nati sunt, & bap-
 tizati sint, certum esse non potest, quorum
 potius salutem consulendum docet lauacro rege-
 nationis adhibito. Quia quod non
 ostenditur gestum, ratio non si-
 nit, vt videatur itera-
 tum.

*Leō ep 31.
 c. 1. De Cōf.
 d. 4. cum
 itaque.
 Idē in epi.
 90. ca. 16.
 De Conf. d.
 4. c. Si nul-
 la.*

HÆc pauca de baptismo Indorum: neq; verò
plura de sacri Chrismatis sacramento dicen-
da sunt. Ac bene habet sanè, quod Confirmatio-
nis sacramento neophyti nostri priuati non
sunt: tamen si partim penuria Episcoporum par-
tim fortassis negligentia, raro eam gratiam Indi
consequantur. Illud hoc loco, pro instituto no-
stro dicendum est, materiam huius sacramenti à
Doctoribus, & Florentino Concilio tradi, Chris-
ma ex oleo, & balsamo ab Episcopo consecra-
tum. Dubitant verò multi, an balsamum re vera
ad essentiam sacramenti pertineat: & plerisque
Caiet. 3. p. assentientibus, Sotus, & Caietanus graues au-
q. 72. ar. 2. tores negant, qui si de vero balsamo loquun-
Sotus in. 4. tur, omnino tenendi sunt, cum eorum senten-
d. 7. ar. 2. tiam satis Apostolica sedes confirmasse videat-
tur. Extat enim inductum à Pio Quinto Pon-
tifice maximo Episcopo Tucumanensi datum,
quod nos ipsi in autographo vidimus, vt in
hac Occidentali India, liceat in confectione
Chrismatis pro vero balsamo succum quendam
aliū adhibere, natiuum his regionibus, qui
balsami odorem, & suauitatem maximè refert.
Non igitur verum balsamum de essentia est sa-
cramenti, nisi malis materiam sacramento-
rum Ecclesiæ subdi, quod om-
nes viri docti repu-
diant.

De Eucharistia percipienda diuinum esse præceptum.

CAP. VII.

SEquitur vt de Eucharistiæ perceptione dicamus, à qua genus Indorū latissimè exclusum, adhuc homines docti, & pij frustra conqueruntur. Quem totum locum vt commodius explicemus, dicendum erit de ipso iure diuino, & Ecclesiastico percipiendi Eucharistiam: tum quid de consuetudine huc vsque seruata sentiendum sit, & de salute eorum, qui sine viatico cœlesti de vita decedunt: postremo quid deinceps fieri expediat, admittendine sint an excludendi à sacris mysterijs Indi. Ac primum non parua quæstio est inter Theologos, Vtrum re ipsa sumere Eucharistiam iuris diuini præceptum sit. Quidam enim non aliam, quam Ecclesiasticæ constitutionis vim agnoscunt, quorum potest videri non improbabilis sententia, quod videamus Ecclesiam quibusdam dare, quibusdam negare Eucharistiam, etiam cum supremus agitur spiritus: de qua re & antiqui Canones complures sunt, & quarundam hodie quoque prouinciarum mos est, vt ij, qui per publicos magistratus ad supplicia ducuntur, non communicentur. Atqui ius diuinum Ecclesia tollere, aut immutare non potest. Non ergo iuris diuini est, vt homines etiam in vitæ fine Eucharistiam accipiant. Adde quòd verba Christi, quibus maximè apud Ioannem necessaria ad vitam æternam carnis & sanguinis Christi perceptio perhibetur, æquè

*Bona. in. 4.
d. 12. art.
vlt. q. 1. Ale
xan. Hales
4 p. q. 51.
mēb. 4. Ca
ieta. 3. p. q.
8. ar. 11,
c. 12.*

de omnibus loquuntur, adultis, inquam, & par-
Aug. lib. 1. de Peccat. merit. ca. 20. uulis, vt Augustinus sapissime aduersus Pelagia-
nos contendit, præcipuè libro primo de peccato-
Inno. 1. ep. 26. in Rescripto ad Conc. Mil. rum meritis, & remissione, quod etiam Innocen-
tius primus in epistola ad Concilium Mileuita-
num apertissime docet. At verò paruulos sacra-
mento altaris imbui, quicquid Græci, & Boëmi
Cōc. Trid. sess. 21. c. 4. Hæretici contradicant, vsque adeo non est neces-
se, vt contraria potius consuetudo teneatur in
Ecclesia Dei, & olim si qui Patres paruulos com-
municandos putarunt, nulla id salutis necessita-
te fecisse, sine controuersia credendum est, vt Sy-
nodus Tridentina commonuit. Hæc igitur cogi-
tanti mihi, tum verò ad huius occidui orbis Ec-
clesias oculos cōuertenti, nihil iuri diuino repuga-
nare, si iam baptizati adulti Eucharistiam nun-
quam percipiant, pene persuasum esset, nisi me
D. Tho. 3. p. q. 80. ar. 11. inde reuocaret non modo D. Thomæ illiusque
sectatorum autoritas, quæ apud me valet pluri-
mum, sed etiam perspicua atque efficax, quantum
Domin. Soto in. 4. d. 12. q. 1. ar. 11. ego sentio, ratio. Si enim sacramenti cuiusq; ne-
cessitas ex ipsius significatione intelligenda est,
vt Ecclesiæ consensus docet, & baptismum idcir-
co ad vitam necessarium omnino fatemur, quod
Sot. De Eu- char. lect. 9. Pal. in. 4. d. 9. q. 1. spiritalis generatio sit, nemo autē viuere queat,
nisi nascatur: Pœnitentiæ quoque sacramentum
necessarium agnoscimus lapsis post baptismum,
quòd in eo per clauēs Ecclesiæ ianua aperitur
regni cœlestis, qua occlusa nemo introire pos-
sit in regnum: cum Eucharistia cibus sit ani-
mæ, idque ex ipsa materia, & institutione Do-
mini

mini apertissimè constet, qua obsecro ratione existimare possumus, nisi insanimus, tam pretiosum, tam salutarem cibum à Salvatore nostro institutum, & commendatum fidelibus, quibus tamen liberum sit vel nunquam illum ore contingere? An est minus necessarius vitæ tuendæ cibus, quam medicina letali languori curando? Nam qui ut hinc euadant, Christum manducari spiritualiter à fidelibus posse aiunt, etiamsi sacramentaliter non manducent, atque eo cibo vitam animæ ali, vera illi quidem afferunt, sed nihil de argumentationis robore imminuunt. Etenim spiritualis Christi manducatio etiam veteribus Patribus communis fuit, ut Apostolus sanè confirmat, Omnes, inquit, in mari & in nube baptizati sunt, & omnes eandem escam spiritua-

1. Cor. 10.

lem manducauerunt. Attamen populus Christianus in nouo testamento sicut ad vitæ generationem accepit baptismum, ita etiam ad vitæ iam acceptæ alimentum accepit Eucharistiam. Ipsum ergo Christum sacramentaliter sumere debet ad vitam spiritualem conservandam, sicut in ipso Christo per baptismum necessariò nascitur. Neque mihi placet, ut re ipsa atque actu accipere hunc panem ad vitam animæ sustentandam opus sit; satis esse non dubito, ut voto accipiat ab eo, qui non est idoneus actu accipere, dummodo re ipsa, atque actu aliquando suscipiat, quemadmodum de baptismo, & Confessione sacramentali Fides Catholica sentit. Etenim sicut de baptismo dictum

*Ioan. 3.**Ioan. 6.**Matt. 28.**1. Cor. 11.*

est à Domino, Nisi quis renatus fuerit ex aqua & Spiritu sancto non potest introire in Regnum cœlorum, ita etiam ab eodem de Eucharistia dictum est, Nisi manducaueritis carnem filij hominis, non habebitis vitam in vobis. Et sicut illic legimus, Ite docete omnes gentes, baptizantes eos in nomine Patris, & Filij, & Spiritus sancti: sic etiã hîc, Hoc facite in meam cômémorationem. Nã quodd illa Domini verba, de Fidei manducatione tantummodo intelligenda quidam volunt, grauius & periculose labuntur. De vtraq; enim manducatione & Fidei, & sacramenti Christum loquitur ipse contextus aperte docet, tum Ecclesiæ Catholicæ consensus constantissimè confirmat, quæ testimonijs illis ex sancto Capite Ioannis ad doctrinam Eucharistiæ confirmandam perpetuo in Cœcilijs & decretis vsa est. Verè ergo loquitur Christus de sacramentali manducatione, quæ tantum Fidelibus baptizatis in hac vita positis conuenire potest: beatis & antiquæ legis patribus conuenire non potest, qui tamen Christum spiritualiter manducauerunt. Quod si hæc tam illustri scripturæ verba nulla essent, si nulla etiam cibi significati ratio haberetur, illud tamen abundè esse deberet, quod Ecclesiæ præceptum de cômunicando ex Concilij Lateranensis tempore legimus, vsus verò & perpetuum & vniuersalem ex ipso Spiritus sancti aduentu cernimus, sentire verò fidelibus liberum fuisse tunc penitus à cômunionem abstinere, vel ad id humano non diuino instituto vocatos esse, magne profectò imperitiæ est.

est. Neq; enim Ecclesia de sacramētis percipien-
dis solet ferre leges, sed quibus tēporibus necessa-
riò sumantur, & qua ratione definire, id ad se per-
tinere propriè agnoscit: Est ergo est iuris diuini
præceptū, vt omnes adulti iam baptizati aliquan-
do communicent. Tempora autem percipiendæ
Eucharistiæ duo præcipuè sancta mater Ecclesia
definiuit: vnum cum quis mortis angustijs, aut
periculo premitur, tunc viatico necessario iuuā-
dum sacri Canones statuunt: alterum quotannis
in Dominico Paschate, de quo præceptum extat
Lateranensis Concilij, & Tridentinus Canon in
hæc verba, Si quis negauerit omnes, & singulos
Christi Fideles vtriusq; sexus, cum ad annos dif-
fretionis peruenerint, teneri singulis annis saltē
in Paschate ad communicandum iuxta præceptū
sanctæ Matris Ecclesiæ, anathema sit.

Cōcil. Nic.

cā. 13. 26.

q. 6. De his

ver. & in

Conc. Car-

tha. 4. c. 77

Cōc. Late.

c. 21.

Conc. Tri.

sess. 13. c. 9.

*Quòd quamuis diuinum præceptum sit de com-
municando, possit tamen Ecclesia pro iudicio
suo communionem negare.*

CAP. VIII.

Cum igitur & diuinum ius secundum sanio-
rem & certiore doctrinam, & Ecclesiasti-
cum præceptum secundum Fidem Catholicam,
habeat, vt omnes adulti iudicij compotes sa-
cramentum altaris accipiant, magna mihi
quæstio, & antehac, & modò maximè visa est,
quid de seruato huc vsq; more in hac noua Occi-
den.

584 DE PROCURANDA INDORVM
dentali Ecclesia sentiendum sit, vbi Indi adulti
iam baptizati, ijdemque legitimè peccata con-
fessi, neque semel singulis annis, neque verò
mòrtis vrgente discrimine communicantur,
adeoque id vsu receptum est, vt si contra fieri
contingat, non leue scandalum homines putent.
An debet consuetudo hæc inter eas numerari,
quas Augustinus sapienter pro varietate loco-
rum varias esse in Ecclesijs seruandas docet?
At ille in ijs tantum eam facultatem tribuit,
quæ non sunt contra Fidem Catholicam, &
Conciliorum Generalium decreta, quale de
communicandis adultis omnibus esse, dubita-
re non possumus. An verò harum regionum ho-
mines tandiu absurde contra Ecclesiasticam
disciplinam, & Euangelicam legem errasse
arbitrabimur? At multi Præsules, & docto-
res sapientia, & religione præstantes eiusmodi
morem, vel probarunt, vel certè dissi-
mularunt. An potius quod hæcenus factita-
tum est, ita non penitus improbare debemus,
vt corrigi tamen & in meliorem vsum trans-
ferri oporteat. Mihi sanè ita videtur: vt & mode-
stè de hac Ecclesia noua sentiamus, & tamen ve-
ritatem Euangelij, salutis præsertim Indorum tan-
topere necessariam asseramus. Quod vt facilius
intelligatur, oportet illud diligenter advertere,
quòd quamuis diuini & Euangelici iuris sit, vt
Christianus aliquando communicet, potest ni-
hilominus illum Ecclesia à communione sus-
pendere non solum ad definitum tempus, sed etiam
per

*Aug. ad La-
nuariu epi.*

118. &

112.

per totam vitam, & quod mirabile est, ipso mortis urgente periculo potest priuare viatico, neque tamen vlla ex parte ius diuinum violatur. Id ita esse complures antiquorum Conciliorum Canones apertissimè monstrant, quibus propter varias causas etiam verè pœnitentibus cū de vita exeunt, non esse concedendam Eucharistiam legimus. In vno Elyberino Concilio omnium pro pœmodum Prouincialium antiquissimo, plusquam septem aut octo canones ob varia commissa, neque in fine communionem accipiendā esse decernunt. Ac nequis vel Prouincialis Concilij auctoritatem, non magni faciat, vel peculiarem alicuius regionis & Ecclesiæ eam seueritatem putet, legat beati Innocentij Papæ epistolam ad sanctum Exuperium Episcopum Tolossanum, cuius verba recitare placet. Quæsitum est, inquit, quid de his obseruari oporteat, qui post baptismum omni tempore incontinentiæ & voluptatibus dediti, in extremo fine vitæ suæ, pœnitentiam simul, & reconciliationem communionis exposcunt. De his obseruatio prior, durior: posterior interueniēte misericordia inclinatio est. Nam consuetudo prior tenuit, vt concederetur eis pœnitentia, sed communio negaretur. Nam cum illis tēporibus crebræ persecutiones essent, ne communionis concessa facilitas homines de reconciliatione securos non reuocaret à lapsu, negata meritò communio est, concessa pœnitentia, ne totum penitus negaretur, & duriorē remissionem fecit temporis ratio. Sed postquam

*Conc. Elyberinum
in 1. tomos*

*Innocen. 1.
epi. 3. ca. 2.*

Dominus noster pacem Ecclesijs suis reddidit, iam depulso terrore, communionem dari ab euntibus placuit, & propter Domini misericordiam quasi viaticum profecturis. Quem morem pontifex ipse Innocentius deinceps retinendum decernit, magnæ Nicenæ synodi auctoritatem secutus, cuius decimus tertius canon habet. De ijs qui excedunt, antiqua & canonica lex nunc quoque seruabitur, vt si quis vita excedit, ultimo & maximè necessario viatico ne priuetur. Quamuis ergo hoc decretum Nicenum toto orbe terrarum perpetuo obtinuerit, tamen negare non possumus antiquiores patres etiam in extremo vitæ sine quibusdam pœnitentibus viaticum detraxisse: neque ea in re sanctissimos viros, atq; doctissimos diuino præcepto restituisse sentire sine impudentia possumus, cum præsertim Innocentius primus merito id factum apertè fateatur. At, tu ipse, dicet aliquis, diuinum & Evangelicum de Eucharistia sumenda præceptum statuis, statuo sanè, sed ita tamen vt Christus Dominus Ecclesiæ suæ commiserit, quando, & quomodo, & à quibus Eucharistia sumeretur. Itaq; potest illa legitima ex causa, & tēpus prorogare, & omnino suspendere aliquem à communione: sicut potuit eadem aliquādo infantes communicare probabili ex causa, & mox id prohibere ex causa: potuit plebem vtrāq; specie cōmunicare, & mox id ipsum lege vetare. Nam vbiq; quidem illa in dispensatione sacramentorum potestatem maximam habet diuinitus datā, sed nusquam ita

illu-

illustrem atq; perspicuam, atque in hoc omnium
 diuinissimo sacramento, quod profectò præclare
 docent Tridétini patres, illis verbis, præterea de-
 clarat hanc potestaté, perpetuo in Ecclesia fuisse, *Seff. 21. c. 2*
 vt in sacramentorum dispensatione salua illorum
 substantia ea statueret, vel mutaret, quæ suscipiē-
 tium vtilitati seu ipsorum sacramentorum vene-
 rationi pro rerum, tēporum, & locorum varia-
 te magis expedire iudicaret. Si quis ergo ex me
 presse, & scholastice quærat, quale nam sit de Eu-
 charistia percipienda diuinum præceptum, illud
 sine dubio respōsurus sum, vt omnes Christi cor-
 pus ab Ecclesia datum accipiant. Neque enim
 iubentur arripere ipsi, sed de manu ministrorum
 sumere: à quibus & petere debent, & cum illi
 tribuunt, non possunt perpetuò renuere, nisi
 diuino iure violato. Neque verò, in quo quæ-
 stionis est nodus, propterea ministri Ecclesiæ, &
 dispensatores sacramentorum Dei coguntur, aut
 omnibus, aut omni tempore porrigere Eucharis-
 tiam, sed suo iudicio Ecclesia vt diuinitus fini-
 tur, vt det vel subtrahat in tempore tritici cœle-
 stis mensuram, prout in Spiritu sancto expedire
 indicauerit. Nam ad hunc ferè modum schola-
 stici scriptores quidam diuinum de satisfactio-
 ne præceptum interpretantur, vt satisfacere
 quis debeat pro modo sibi ab eo qui habet Ec-
 clesiæ clauis imposito. Itaque potuit Ecclesiā
 hæc Indicana neophytis suis Eucharistiam sub-
 ducere, nullo violato neque diuino, neque Ec-
 clesiastico præcepto. Diuinum sanè, vt dixi, non
 cogit

Sot. in 4. d.

20. qu. 2.

art. 2.

*Conc. Lat.
ca. 21.*

*Concil. Li-
men. const.
58.*

cogit ministros Ecclesiæ iudicio suo non uti. Ecclesiasticum verò licet magis expressum definitumque sit, tamen cum sacerdoti audita poenitentis confessione facultas tribuatur in magna Lateranensi synodo, ut si ita expedire censuerit, differat à cōmunionē etiam in Paschate poenitentem, quod olim frequentissimum erat, facile interpretari possumus, non esse sublatam Episcopis, & maioribus Ecclesiæ potestatem differendi per vitam totam hominem, aut hominū aliquod genus, cum ita expedire magnis rationibus iudicauerint. Atq; hæc eo à me dicta pertinent, quod huius Ecclesiæ præsulibus, & doctoribus eam notam inuri minimè velim, ut contra diuinum, & Ecclesiasticum præceptum tamdiu, & egisse, & agere existimentur. De qua tota re Concilij Limensis sententiam subiiciam: Quamuis omnes Christiani adulti vtriusque sexus præcepto teneantur sanctissimum Eucharistiæ sacramentum accipere singulis annis saltem in Paschate, tamen huius prouinciæ Antistites, cum aduenterent gentem hanc Indorum, & recentem esse, & infantilem in fide, atque ita ipsorum salutem expedire iudicarent, statuerunt, ut vsque dum fidem perfectè tenerent, hoc diuino sacramento, qui est perfectorum cibus, non communicarentur, excepto si quisei percipiēdo satis idoneus videretur.

Quod

*Quod omnino expediat priori consuetudine emendata,
Indos fideles communicare.*

CAP. IX.

Verum hæc hætenus disputata sunt, vt lice-
re aliqua ratione neophytos à communio-
ne differre non improbemus: at hoc ita vniuerse
& perpetuo fieri, vt in his regionibus ferè sit, nul-
lo modo probare possumus. Itaque corrigenda
est prorsus consuetudo ista, & tam antistitum au-
toritate, quam virorum literatorum doctrina ab
hoc nouo orbe exterminanda. Quamobrem in
illo eodem Concilij Prouincialis decreto, post-
quam prior consuetudo aliqua ex parte excusa-
tur, in posterum tamen ita mutatur atque cor-
rigitur: Quoniam verò complures iam Indorū
fidei Christianæ doctrinam melius percipiunt,
atque hoc diuinum sacramentum non solum de-
uotè cupiunt suscipere, verum etiam petunt, & vt
fiat sibi copia, importunè efflagitāt, placuit huic
sanctæ Synodo monere, prout seridè monet, om-
nes Indorum parochos, vt quos audita iam con-
fessione perspexerint hunc cœlestem cibum à re-
liquo corporali discernere, atque eundem deuo-
tè cupere & poscere, quoniam sine causa nemi-
nem diuino alimento priuare possumus, quo tē-
pore cæteris Christianis solent, Indis etiam om-
nibus administrent. Quæ pia sanè, & satis con-
sulta constitutio nihilo magis, ex quo edita est
annos iam nouem obseruatur, quàm reliquo retro
tem-

*Eadem con-
stit. 58.*

tempore: vt hinc satis appareat, non venerationi
 sacramenti cœlestis aut neophytorum salutis ple-
 rosque sacerdotes consulere, sed otio & ignauia
 indulgere, cum religionem, & prudentiam in ne-
 ganda Eucharistia perquam ambitiose prætexât.
 Quam ergo magnopere expediat novos Christi
 milites communicare illo pane, qui cor hominis
 verè confirmat, etiam si rudes illi sint, & tyrones,
 ostendit in primis totius Ecclesiæ Catholicæ ab
 ipsis primis exordijs consuetudo, qua Spiritu san-
 cto duce omnes Christiani ex ipso fonte Baptis-
 mi ad sacrosancta mysteria percipienda perduce-
 bantur. Adeo in Ecclesia Dei certum fuit, qui-
 bus esset lauacrum regenerationis legitime da-
 tum, eis cœleste alimentum concedi debere. Te-
 stes multi produci possent, sed vnus nobis Dio-
 nysius Apostolici, & temporis, & Spiritus satis
 erit, is sacros ritus baptismi enarrans, ita scribit,
 sacerdotes illum vestem baptizati munditiæ cō-
 gruam induunt, sicque indutum rursus ad Pon-
 tificem ducunt, ille diuino ac deifico prorsus vn-
 guento virum signans sacratissimæ communio-
 nis participem facit. Et mox tractata intelligen-
 tia baptismi mystica, ita rem absoluit, In fine au-
 tem omnium Pontifex ita perfectum ad sacratiss-
 simam Eucharistiam vocat, atque consumman-
 tium illi sacramentorum communionem deifi-
 cam tradit. Hæc Dionysius. Quod vsque adeo in
 Ecclesia seruatum est, vt eos etiam quos minus
 consideratè baptismo ablutos esse constaret, ta-
 men à communione non prohiberent tanquam
 suo

*Dionys. de
 Eccl. Hier.
 ca. 2. p. 1.*

ca. 2. p. 3.

suo iure id exigentes. Constat hoc ex Concilio Toletano, vt alia omittamus, Qui autem iampridem ad Christianitatem venire coacti sunt (sicut factum est temporibus religiosissimi principis Sifibuti) quia iam constat eos sacramentis diuinis associatos, & baptismi gratiam suscepisse, & Chrismate vinctos esse, & corporis Domini, & sanguinis extitisse participes, & cetera. Hæc sanè Ecclesiæ consuetudo inuiolata fuit, quòd nimirum sancti Patres censerent sine Eucharistia neminem esse perfectum Christianum atque constantem. Adeoque id verum est sententia illorum, vt beatus Augustinus eos, qui non communicant non plenos Christianos, sed semichristianos, aut nòdum Christianos definire videatur: Ita enim scribit in Ioannem, Si dixerimus Catechumeno, Credis in Christum, respondet, Credo, & signat se cruce Christi, portat in fronte & non erubescit de cruce Domini sui. Ecce credit in nomine eius interrogemus eum, manducas carnem filij hominis, & bibis sanguinem filij hominis? nescit, quid dicimus, quia Iesus non se credidit ei. Et post pauca, Accessit ad illos Iesus, facit in illis salutem, quia ipse dixit, Nisi quis manducauerit carnem meam, & biberit sanguinem meum, non habebit in se vitam, & mox, Quo traiecit per baptismum Iesus, cuius figuram gerebat Moyse, qui per mare traiciebat? quo traiciebat? ad Manna, quid est Manna? Ego sum, inquit, panis viuus,

*Conc. Tol.**46.55.**Aug. tract.**11. in. Ioan.**Ioan. 8.*

592 DE PROCVRANDA INDORVM
vuius, qui de cœlo descendi. Manna accipiunt fi-
deles iam traieci per mare rubrum. Significabat
mare illud rubrum baptismum Christi, quod ergo
perducit credentes & baptizatos? Ad manna. Et
nesciunt Catechumeni, quid accipiant Christia-
ni, erubescant ergo, quia nesciūt, transeant mare
rubrum, manducant manna, vt quomodo credi-
derunt in nomine Iesu, sic se ipsis credat Iesus.
Hactenus Augustinus: In eorum ergo numero
reponendi sunt, qui non accipiunt cœleste man-
na, quibus Iesus se ipsum non credit, hoc est inter
semichristianos, & qui Catechumenorum ordi-
nem non excessere. Quantopere autem referat
ad fidem confirmandam, ad spem augendam, ad
charitatem dilatandam, ad omnem deniq; Chri-
stianæ vitæ rationem promouendam, cœlestis il-
lius panis frequentatio, nemo est prorsus qui di-
cendo satis consequi possit. Vnde obsecro tantus
fidei ardor initio nascentis Ecclesiæ, Erant, in-
quit, perseverantes in doctrina Apostolorum, &
orationibus, & fractione panis. Vnde ad calcan-
dum mundi fastum, vnde ad sustinenda martyria
inuieta virtus? vnde ad glorificandum Christum
inter gladios & ignem tanta illa alacritas animo-
rum? Ex illa, ait Chrysostomus, mensa tanquam
Leones ignem spirantes ipsi diabolo formidabi-
les discedamus. Quid Cyprianus? Idoneus esse
non potest, inquit, ad martyrium, qui ab Ecclesia
non armatur ad prælium: & mens deficit, quam
non recepta Eucharistia erigit, & accedit. Multū
planè, & supra quā dici potest baptismus homini
con-

Act. 2.

*Chry. hom.
61. ad pop.
Ant.
Cypr. lib. 1
epist. 2.*

confert, multum cetera sacramenta: sed sine hoc
 omnium sacramentorum summo, imperfecta ce-
 tera sunt, neq; vitam Christianam, quam inchoat
 aut promouent, perficere possunt. An non Dio-
 nysius idoneus autor est, cui fidem habeamus? At
 ille sic scribit, Dicimus ergo cetera sacramen- *Dionys. de*
 rum signa, quorum nobis societas indulgetur, hu- *Eccl. Hier.*
 ius diuinis profecto cōsummātibusq; muneribus *c. 3. p. 1.*
 perfici. Neq; enim fermè fas est sacerdotalis mu-
 neris mysterium aliquod peragi, nisi diuinum
 istud Eucharistiæ augustissimumque sacramen-
 tum compleat. Vsq; adeo sancti Patres nolunt
 Christianos sacramentis cæteris esse contentos.
 Quid ergo nos tam stolide, vel querimus, vel
 miramur Indorum gentem nondum firmas in fi-
 de, & religione Christiana egisse radices? Bacu- *Ezec. 4.*
 lum panis auferimus, vt propheta loquitur, &
 imbecillitatem miramur? Famelicis alimenta di-
 uina subtrahimus, & maciem gressusque tituban-
 tes accusamus? Propheta se percussus, vt fœnum *Psal. 101.*
 & aruisse cor suum dolet, quod oblitus sit com-
 dere panem suum: quid agent, qui nunquam illū
 etiam degustarunt? Nos tamen nihil tot in Chri-
 sto paruulorum seruitutem interitumque dole-
 mus. Cum deficiat paruulus, & lactens in pla- *Thren. 2.*
 teis oppidi, hoc est, cuius recens in Christo nati
 nobis spectantibus, & tacentibus in media Ec-
 clesia intereant præ fame, & quidem cum instent
 ipsi, atque auidè diuina sacramenta poscant, non
 est qui porrigat, omnes dedignatur, omnes auer-
 santur miseros, vt verè videamus impleri, quod

sermo diuinus statim adiungit, Matribus suis dixerunt, Vbi est triticum & vinum? cum deficerent quasi vulnerati in plateis ciuitatis, cum exhalarent animas suas in sinu matrum suarum

Psal. 103.

Exod. 16.

Exod. 16.

Exod. 16.

Exod. 16.

Exod. 16.

Marc. 7.

Marc. 7.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Psal. 4.

Quod si panis hic cœlestis propriè cor hominis confirmat, si sensum mentis illustrat, si aduersus pericula & hostiles impetus munit, si denique vnus vitam spiritualem conseruat & perficit, quid aliud quærimus, cur deficiente pane corruant isti vnusquisq; ad proximum suum, & contabescant in iniquitatibus suis? Re vera deficiunt in via Domini, quia contra Domini præceptum sinuntur abire ieiuni. Contra quicumque hoc cibo reficiuntur, à facie frumenti multiplicantur, & vires quotidie nouas sumunt. Docuit hoc vsus ipse copiose. Nam quotquot ex Indorum genere à nostris (qui contradicentibus cæteris id ausi aggressique sunt) communicantur hætenus ea puritate, eo animi robore, eo fidei sensu, ijs denique vitæ vniuersæ studijs, cæteris præstant, vt meritò sacerdotes ipsi mirentur, atque ingenuè confiteantur ampliores, & illustriores huius supercœlestis panis fructus in neophytis cerni, quam in cæteris, neque immerito. Nam & fide & deuotione nos vincunt: quod nos ipsi abunde sumus experti. Ferè commune prouerbiū Indis est eum, qui semel Eucharistiam acceperit, nullum amplius crimen debere committere: quod si quando humana fragilitate admissum sit, tanto animi dolore tanta in seipsum indignatione commotum

ad pœ-

ad pœnitentiam venire Indum conspeximus, & tam duras de suo scelere pœnas exigere, vt ardorem fidei admirati simus. Neq; enim tantam inuenimus in Israel Scimus aliquot per simulationem diuino obrepisse conuiuio non indutos veste nuptiali, sed abeant simulatores: nos de verè Abraham filijs loquimur, quos non dubitamus ab extremo hoc Occidente in mensa Domini cum *Mat. 2.* Abraham, & Isaac, & Jacob præclare recumbere. Certè Eucharistia ipsa pro sua benignitate, & magnificentia nouos mensæ suæ conuiuias largius locupletinsque videtur excipere. Quare cum perpetua totius populi Christiani consuetudine, cum maiorum nostrorum ac sanctorum Patrum autoritate, cum ratione ipsa perspicua, cum testatissima experientia doceamur nouis Indorum gentibus supersubstantialem panem communicare, quis deinceps tam erit cœlesti beneficio ingratus, tam negligēs salutis fratrum, tam ipsius Christi Iesu gloriæ inuidus, qui non inepto hoc more longissimè relegato, sacram Eucharistiam auidè præsertim petentibus fratribus arbitretur esse tribuendam?

Confutatio opinionis contraria.

C A P. X.

AT perfectorum, inquit, panis est ille cœlestis, cibus grandium, vt Augustinus *Aug. lib. 7. Confes.* audiuit, crescant, & manducabunt. Imò verò

*Psalm. 9.**1. 2. 3.**Luc. 14.**Mat. 22.*

manducēt, vt crescant: Neque enim ego Angelorum panem, & supersubstantialem virorum atque perfectorum cibum esse nego: verum idem cibus est paruulorum, idem infirmorum alimentum: An non diuina sapientia postquam ædificauit sibi domum, & excidit columnas septem, & immolauit victimas, & miscuit vinum, & proposuit denique mensam suam, ita alloquitur conuiuas suos. Si quis est paruulus veniat ad me, & insipientibus locuta est, Venite comedite panem meum, & bibite vinum, quod miscui vobis, relinquit infantiam, & viuite & ambulate per vias prudentiæ: Paruulos ergo alloquitur, paruulos inuitat ad celestis mensæ conuiuium. Nam cum diuites illi ac præpotentes varijs ex causis venire vocati recusassent, Rex qui lautas & splendidas epulas appararat, seruos suos, vt debiles & claudos, & pauperes accerserent, misit, usque dum conuiuijs domus regia impleretur: atque illud solum in conuiuijs exposculauit, quod quidam vestem nuptijs dignam non attulisset. An verò quos Dominus libenter vocat, & gratos habet, hos ministri iure fastidiant? Certe sancti Patres, qui panem hunc perfectorum, & virorum in Christo cibum esse volunt, ijdem debiliū, & paruulorum viribus augendis, & confirmandis, & medicinam, & alimentum esse aptissimum copiose testantur. Non ergo quoniam minus perfecti in fide, & charitate neophyti sunt, repellendi sunt, sed multo magis

gis inuitandi, & alliciendi, vt vsu ipso panis hu-
 ius, qui cor hominis confirmat, perfecti fiant.
 Alij stoliditatem & imperitiam barbarorum no-
 bis obijciunt, indignum esse dicentes, si ca-
 nibus & porcis margaritas proijciamus. Sed
 qui Christi lauacro purificati legitime sunt,
 canes certè, & sues illi non sunt. Quod si sen-
 sus horum exiguus est, ne tales quidem à se
 repellit benignissimus Dominus. Diuus sanè
 Thomas tantæ autoritatis vir ijs, qui debilem
 habent vsu rationis, non esse denegandum
 hoc sacramentum, apertè scribit. Vt enim
 sensu & ratione parum valeant, multum ta-
 men præstabunt amentibus, & phreneticis,
 quorum si anterior deuotio testata sit, instil-
 landam illis atque infundendam Eucharistiam
 sanctorum Patrum Canones iubent. Vsque
 adeo pluris fuit fructus, quem ex hoc sacramen-
 to homines percipiunt, quam species quædam
 religionis, quam multi hoc tempore præ se fe-
 runt. Ac re vera non est tam Indorum sensus
 exiguus ad percipiendam Eucharistiam, quam
 Parochorum magna desidia ad portigendam.
 Nam vt curam laboremque docendi, & præpa-
 randi plebem à se reiiciant, ruditatem & impe-
 ritiam istorum obtendunt. Non satis discernit
 Indus inter cibum sacrum & profanum, inquit.
 At quî potest ille discernere, si tu nunquam hoc
 docuisti? Non eam deuotionem affert, quam
 oportet. Quomodo verò afferet, si tu ad cœle-
 ste sacramentum nunquam inuitas? si neque
 digni-

Thom. 3. p.
q. 80. a. 9.

Conc. Car-
tag. 4. c. 76
26. q. 6. Is
qui in in-
firmitate.

dignitatem commendas, neque immensam utilitatem doces? Omnino experti sumus ipsi, quam vehementer excitentur Indi, cum hac illis commemorantur, quam omnia & polliceantur, & præstent, ut liceat eis de illo pane edere. Quanta verò invidia, quo dolore pulsantur cum intuentur Hispanos communicantes: quod si quem suorum hac mensa dignatum conspiciunt, omnium studia ardent, atque ad se se diffundi eam liberalitatem vehementer efflagitant. Itaque ad docendam fidei catechesin, & ad turpia quædam vitia profliganda ebrietatem præsertim, nullum remedium præsentius experti sumus, quam ut sacra communio præmium proponeretur ijs, qui & fidei dogmata optimè tenerent atque exponerent, & mores Christianos atque honestissimos præ se ferrent. Certant inter se, cum ista audiunt, & gratissimum habent, cum admittuntur, refectique semel cibo cœlesti puritatem mentis, & corporis multò studiosius quàm Hispani conseruant, ut redire liceat ad mensam illam, ardentem exoptat. Hoc parochi complures minus credunt. At nos non longè posita loquimur, faciant ipsi periculum, si zelum Dei habent, ac non negligentiam prætextum quærant. Sed qui grauius & probabilius videntur morem istum suum defendere, illud obijciunt, quod non tutò præbeatur Eucharistia neophytis, quippe qui veterem superstitionem non satis exuerint, fierique possit, ut indignum aliquid in Christi corpus designent, cum non constet latis animo an sint fideles. Istorum

flagi-

flagitia vſitata commemorant, ſordes præſertim
carnis, & temulentia. Talibus porrigere ſacra-
mentum nihil eſſe aliud quã in cloacam aut ſen-
tinam projicere. Quibus equidem respondebo
non abſq; probatione, & examine panem illum
præbendum eſſe neq; nouis, neq; veteribus Chri-
ſtianis. Quod ſi quis eſt fornicator, aut ebrioſus, *1. Cor. 5.*
aut idolis ſeruiens, cum eiſmodi etiam commu-
nem cibum capere Apoſtolus vetat, nedũ cœleſti
menſa communicare. Verum hoc neq; omnium
neophytorum eſt, neq; ſi illorũ tales ſunt aliquã-
do morbi aliter in illis curandi ſunt, quam in cæte-
ris fidelibus, quorum nouimus corruptos mores,
& vitam admodũ flagitiouſam legitima pœniten-
tia & confeſſione detergi, atque ita ſalubri ſatis-
factione purgatos, vt ait Leo Papa, ad communio-
nem admitti. Cur igitur nõ idem apud Indos in-
dulgentia erit, quibus eo magis cum labuntur ve-
nia danda eſt, quod ignorãtia potius, & imbecil-
litate quadam, quam animi peruerſitate laborãt.
Itaq; vel ad ipſa iſtorum vitia amputanda & tol-
lenda ſingularis remedij eſt, diuinã communionẽ
ijs, qui ab ebrietate & cæteris ſordibus diligenter
cauent, præmium pœnere. Neque enim vbi per-
ſpecta eſt ſuperſtitionis antiqua: aut ebrioſitatis,
aut fœdæ conſuetudinis macula, ad altare Indus
debet admitti, niſi contraria opera illam mani-
feſtẽ & diligenter eluerit. Nam etſi veniam
Abſaloni filio, Ioabo interpellante ſapientif-
ſimus David negare non potuit, ingreſſum ta-
men Hieruſalem à ſuo conſpectu per biennium

Leo 1. De
pœnit. d. 1.
c. multip.

2. Reg. 14.

abstinere iussit. Intelligant Indi quod communione priuantur non esse nationis, sed criminis & vniuersum Christianis concedatur, sed non Christiano dignis moribus subtrahatur, Neque ego nimiam modo frequentiam Eucharistiæ in Indis probo, fortassis enim facilitas contemptum pariet. Sed illud contendo, vt quotannis nisi ex certa causa communicentur, vt Ecclesia præcipit, tum præcipue, vt cum de vita exeunt, & ritè sacerdoti confessi sunt, viatico necessario ne priuentur, quemadmodum habet Nicenus Canon. Quinam autem indigni, ineptiue sint, quibus Angelorum panis præbeatur, sacerdotum ipsorum audita confessione cæterisque perspectis, iudicium esto. Sacrilegiorum verò, quæ quidam aut metuunt, aut insimulant, profecto periculum nullum est, aut perquam rarum. Neque enim Indi Iudæorum more auersi sunt à mysterio Christi, neque est timendum, ne contumelia afficiant sumptam Eucharistiam, quam reuera venerantur, neque eius generis exempla hactenus certa vidimus, quin potius quod ad externum cultum attinet multo quam veteres Christiani ad religionem propensiores sunt. Quod si pueris olim, & phreneticis Eucharistia dabatur, vt Ecclesiasticæ historiæ copiose testantur, neque id contra religionem censebant sancti Patres, cur illi sacramento fiat iniuria, si pauperes & egentes iuxta Psalmum edant, & saturentur, qui si iudicio aut doctrina minus interdum vigent, id satis

id satis animi pietate, & fidel necessitate compen-
sant. Paruuli sanè panem petunt, & ad sacramen-
tum desiderio, & Fide anhelant, sed qui frangat
docendo, & comminuendo eorum captui con-
uenienter, rarus omnino est. Præparare ergo de-
bemus Indorum mentem & Fidem, atq; ita pro-
batis, & præparatis panem cœlestem dare: sed
(quod pleriq; facimus) quia præparare piget, ad
accipiendum indignos accusare magis placet.

De necessitate Confessionis.

CAP. XI.

AD Pœnitentiæ sacramentum venio, quod à
patribus quartum numeratur, quamuis vul-
gò Eucharistiam præire soleat. Est autem Confes-
sio peccatorum post baptismum lapsis non mi-
nus necessaria, vt est à Spiritu sancto in Concilio *Sess. 14. c. 2.*
Tridentino definitum, quam nondum regenera-
tis ipse baptismus. Quod si vbiq; gentium singu-
laris hæc medicina imbecillitatis humanæ cog-
noscenda prædicandaque est, nouis certe Indo-
rum populis post fidem Christi, nihil est & cre-
brius & accuratius repetendum, quod vna hæc *Act. 20.*
salutis illorum spes supersit, Paulus prædicabat Fi-
dem in Iesum Christum, & pœnitentiam in Desi.
Christi ille quidem tantam volebat apud homi-
nes auctoritatem existere, vt non tam crebrò in
Deum credere eos admoneret, quod facile sen-
sus humanus admittit, quam in Iesum Christum,
vt eius diuinitas esset testata, eoq; fides perfectior

quo sensu humano superior. Contra, Pœnitentiã in Deum maluit dicere quàm in Christum, vt cum criminum quisq; suorum meminisset, Deum ipsum non hominem solum, sibi offensum, & iratum cogitans, vehementius doleret. Quoniam vero pœnitentiam etiam ante baptismum ita necessariam esse constat, vt tamen sine baptismo vel re vel voto suscepto nõ sufficiat, consequens est prorsus, vt qui primam regenerationis stolam maculauit, & pœnitentia indigeat, & per clauēs Ecclesiæ gratiæ restitui debeat, sine quibus salutis aditus nemini post baptismum lapsò patere potest. Barbaris autem, quorum est sensus natura imbecillior, Fides verò non admodum excitata, rarum est valde, vt perfectus ille dolor, quem contritionem dicimus, de criminibus cõmissis hæreat, quo magis diuinæ medicinæ auxilio excipiendi adiuvandiq; sunt, vt quod hominis operi deest, cœlestis sacramenti vis suppleat. Nam quòd Absolutionis beneficio dolor ille non vsquequaq; perfectus, qui à plerisq; attritio, à nonnullis imperfecta contritio vocatur, valeat ad salutem & primam iustificationis gratiam consequendam, tam mihi certum est, vt inter catholica dogmata propemodùm numerandum putem. Neq; obscure Tridentini Patres id docuisse videntur, cum eam attritione, quæ per se non iustificat, ad iustificationis gratiam in sacramento Pœnitentiæ impetrandam valere declarant. Mihi verò & ratio aperta persuadet, cum per clauēs Ecclesiæ detur vera absolutio culpæ, idq; per se & ex propria institutione,

*Conc. Tri.
sess. 14. c. 4.*

tutione, cum sit etiam morbi letalis medicina
 præsens, sit lepræ ostensæ purificatio operato-
 ria, sit denique mortuæ animæ à morte pecca-
 ti excitatio, quemadmodum sanctorum Patrum
 literæ produnt: tum maximè me confirmat quo-
 tidiana diuinæ operationis experientia, si tamen
 occultæ operationis experientia dici debet, fi-
 ducia quædam de multorum hominum salute
 certissima. Cernimus planè innumerabiles ani-
 mas minus perfecto dolore pro scelerum magni-
 tudine commotas ad hoc sacramentum accede-
 re, quibus postquã quod in nobis situm est, præ-
 stamus, & de Dei immensitate confisi sacramen-
 tum absolutionis impendimus, adeo cœlestium
 donorum, quantum homini conijcere datur, testi-
 monia non obscura succedunt, vt nihil aliud co-
 gitare possimus, quam quod verissima bonitas
 dicit, Quæ solueritis in terris, in cœlis soluta
 erunt. Quamobrem non est cur quisquam de
 Indorum salute desperet, neque eorum tenues
 conatus, & examinationes conscientiæ, & mi-
 nus accuratas peccatorum enumerationes, & do-
 loris non vsque adeo expressa signa, & cætera pro
 eorum captu non magna contemnat: sed quan-
 tum potest, ipse adiuuet fratrem, & infirmum, vt
 ait Paulus, in fide assumat, agat deniq; quod po-
 test, id verò omne, quod restat, diuinæ clementiæ
 committat securus, qui exiguo facilè concedit
 misericordiam, & laborantem ac lassum refi-
 cit, & hoc habet ipse refrigerium, si reficiamus
 ægroto, & sciamus animam lassam sustentare
 ser-

Matt. 18.

Ioan. 20.

Rom. 14.

Sap. 6.

Esai. 28.

Esai. 50.

604 DE PROCURANDA INDORVM
sermone, & de tenui offerentem Domino, quod
habet, non aspernemur. Equidem horum mise-
rorum confessions imperitas securius audio,
quam hominum præpotentum expolitas, & ma-
gna doloris significatione profusas. Cum ergo in
hoc sacramento vnica sit spes salutis Indorum,
præ omnibus & diligentius & crebrius meditan-
dum prædicandumque erit.

Confessionis peccatorum vsum Indis in sua superstitione fuisse. CAP. XII.

Illud autem merito mirari quispiam possit, Cõ-
fessionem peccatorum etiam occultorum, &
grauium celebri vñ apud hosce barbaros longè
ante Christi Euangelium auditum, frequentatã.
Erant sacerdotes non pauci huic ipsi muneri as-
signati, qui plebis audiendis confessionibus va-
carent, Atque ad singula deprompta peccata ex
manipulo quodam fœniculum frangens sacer-
dos, ab eo videlicet crimine liberum pronuntia-
bat. Vnde apud superiores Prouincias Ychusyres
eiusmodi sacerdotes vocabantur. Ac vt mihi qui-
dem narrabant Chucuiti Parochiarum præpositi,
non omnes omnium criminum absoluendorum
parem potestatem habebant: sed grauiora quã-
dam facinora apud primarios veluti Pontifices
deponere vsus erat. Hanc ergo consuetudinem
inter idololatrias barbaros religiose obseruatam
mirari, vt dixi, merito, possis. At illud non admi-
rationem sed stuporem mihi propemodũ affert,
valuisse

valuisse tantum Diaboli hominumque menda-
 cium apud homines, vt non solum occulta crimi-
 na proderent, sed sæuas etiam pœnas sibi pro ijs
 iniungi æquo animo paterentur. Iubebantur sæ-
 pe expiandi adulterij aut alterius sceleris causa,
 durissimo saxo ad scapulas tundi fortiter, inter-
 dum à iuuenibus diu virgis cædi, non rarò si sce-
 leris magnitudo acerbius aliquid postulare vide-
 retur, in excessam atq; omni solatij genere desti-
 tutam rupem secedere, & longum ibi æuum, fe-
 ratum more traducere. Complura iam eius gene-
 ris narrant, quæ fabulis similia videri possent, ni-
 si nobis superstites adhuc senes, quosdam decre-
 pitos eo munere olim apud suos functos viri fide
 digni ostendissent. Causam ego huius consue-
 dinis barbarorum illam potissimum prebo, quod
 Diabolus per omnia in Dei similitudinem etiam
 nunc insaniens, sicut se Deum adorari & salutari
 mortalius illas persuasit, ita Dei veri sacramen-
 ta religiosaq; instituta transferre ad se falsa qua-
 dam imitatione contendit. Nam quo alio spectat,
 quod in Cuzquensi vrbe Ingarum imperio cele-
 bri, Eucharistiæ nostræ vmbra[m] quandam & si-
 mulachrum adhibendum curant? cum ex massa
 sacrificij nescio cuius sanguine aspersa buccellas
 quasdam solennes singuli acciperent, atq; come-
 derent, quibus Principis Ingæ fidem, & societa-
 tem sibi cordi esse vsque ad fundendum pro ipso
 sanguinem testarentur. Atq; ad eum modum fe-
 sto quodam die peregrini præsertim atq; aduenæ
 communicabant. Prætereo Trinitatis imaginem

in Tangatanga apud Sacacas veteri more cultam
omitto alia complura, quæ curiose huc accersere
possem: quibus cum fidem olim barbari haberet,
minus difficiles ad credendum, cum nostra narra-
mus, se se præbent. Sed dissimulari profecto non
potest, quàm nobis erubescendum sit, quod à Sa-
tanæ ministris superemur, cum ad salutes & di-
uinitus institutas confessiones persuadendas pi-
griores simus quam illi ad sæuas illas suas carni-
ficinas. Gratulandum verò est in tanta mentis
humanæ cæcitate, esse aliquem scelerum sensum,
nonnullum conscientiæ aculeum, quo tranquil-
litatem suam occulto veneno exposito quærere
quodammodo cogitur. Et quia vera remedia mi-
nus occurrunt, falsis se saltem, ut potest, recreat,
atque sustentat. Tanta est culpæ intus latētis vis.
Quo magis fidere debet Christi seruus, & veram
peccatorum omnium medicinam pœnitentiam
per salutarem confessionem ostendere. Facile si-
bi persuadent Indi Confessionis Sacramentalis
vsum & vim, neq; reculant certè medicum (et si
pleriq; contra calumniatur) modo eum esse per-
spiciant, qui verè medicus sit, non infestus carni-
fex, aut avarus prædo animarum.

*De peritia Indica linguæ confessionibus audiendis ne-
cessaria.* C A P. XIII.

QVALEM vero esse oporteat medi-
cum, quo salutis animarum zelo feruere,
qua peritia aperiendis curandisque vulneribus
prædi-

præditum, satis ut arbitror, supradixi. Attamen sermonis Indici peritia quantopere desideretur, hoc maximè loco apparet. Cum neque pœnitentium crimina agnoscere neq; salutariter providere nisi linguæ ministerio possit. Cuius qui experts sit, turrim Babelicam non Evangelicam is ædificet, necesse est. Et quamuis inter viros Theologos satis conveniat, confessionem etiam per interpretem reddi, atque accipi posse, iisdem tamen æque consentiunt, nulla aut diuina, aut Ecclesiastica lege homines ad eum confessionis modum compelli, quippe cum lex Dei suavis & æquitatis plena nolit cum tanta sua molestia ad confitendum peccatorem cogere, cum præsertim pudore metuque humano, qui vbi tertius adest testis aut arbiter, maximè vrget, ne confessiones integræ sinceraq; fierent, merito verendum esset. Quamobrem consultè satis in Limensi synodo Patres ne Indorum confessiones per interpretem Parochi exciperent, graui proposita multa vetuerunt. Quod tamen decretum non eo pertinet, ut non liceat sponte sua volentes Indos per interpretem confiteri morbo præsertim periculoso oppressos audire, vbi sacerdotis Indicè docti copia deest, atque eo saltem modo horum saluti consulere, quod à quibusdam religiose factum nouimus, & ratio ipsa monet, vbi pœnitens ipse iacturam eam omnem præ salutis suæ desiderio contemnit, non oportere spirituales medicum labori, vel suo, vel illius parcere. Neque verò hoc Sancti Leonis

*S. Th. & re
liqui in. 4.
d. 27.*

*Conc. Lim.
Con. 49.*

Leo ep. 78. Leonis antiquo Canoni contrarium est, qui solum reprehendit, & vetat. Ne populi auribus confessio publicè recitetur, cum reatus conscientiarum sufficiat solis sacerdotibus indicari confessione secreta. Nam & nonnullas confessiones cum alij plures interessent ab antiquis Christianis factas esse historiae produnt, & hi ipsi barbari scelerum suorum notitiam falsis sacerdotibus reddere frequente corona non verebantur. Verum quia hoc & rarum est, ut poenitens libenter accipiat, & quæ necessitate fiunt, præter legem sunt, nullo modo potest salua conscientia Parochi munus usurpare, qui per se ipsum Confessiones populi sibi commissi hoc est sine interprete audire non possit. Quod si bona fide præfectura non tam à se quæsitam quam ab Antistite suo sibi impositam agat, & quamvis non omnia optime intelligat quæ poenitens loquitur, plurimam tamen & communiora & grauiora non ignoret, atque ipse vicissim opportuna consilia adhibere mediocriter possit, non erit deterrendus ab eo officio sacerdos, cum peritiores præsertim defunt, & zelo ipse spiritus sermonis inopiam abunde compensat. Tutissima res obedientia est, & sola, ut Damascenus ait, citra periculum.

*Damas. in
Histor.*

De prudentia Sacerdotum & tolerantia.

CAP. XIII.

Sermonis ergo Indici peritum oportet esse sacerdotem: verum non minus morum & inge-

nij

hij Indici peritum. Idololatriæ genera & flagitiorum & cæterorū, in quibus frequentiores sunt, vel experientia ipsa discet, vel aliorum commemoratione cognoscet. Sunt etiam nonnulla commodè literis commendata. Ex quibus omnibus ipse sibi Indicem conficiet, ad quem confessiones examinet, quatenus opus esse prudentia persuaserit. Neq; enim omnes eodem modo examinandi erūt. In eum vsum tum ab alijs, tum à nostris nuper Confessionalia quædam perscripta sunt, utraq; lingua his regionibus communi Quichua, & Aymara, quæ rudibus, & tyronibus magno adiumento esse possunt. Quamvis autem & peritia sermonis, & industria opus sit, tamen ad confessiones audiendas neophytorum sacerdos longè sibi ampliorem patientiam, & animi tranquillitatem comparare debet. Hæc enim præcipua supellex est, cuius maximè inopia sit, ut nihil propemodum in curandis conscientijs Indorum plerique proficiant, plurimi etiam deteriores redant. Atque in nostris sanè sacerdotibus illud miraculi loco inter sese Indivulgò & suspiciunt & celebrant, quòd Patres ij sint, qui confitentem audiant libenter, quantumcunq; ille in suis explicandis criminibus immoretur, & postquam quæ in mentem venerint, finem dicendi fecerit, tum præclaris quibusdam interrogationibus, quæcumq; memoriam effugerunt, meminisse cogant, atque ipsas viscerum fibras veluti aperiant. Cuius rei novæ scilicet, atq; inusitatæ adeo celebris fama plerosq; commovit, ut longissimis

610 DE PROCURANDA INDORVM
 itineribus ad nostros venientes viderimus, nihil
 aliud præferentes, quam vt contingeret pecca-
 ta apud hosce Dei ministros (ita enim illi loquun-
 tur) deponere, qui libenter audiant, quæ quisque
 confiteri cupiat, & sese accusantem peccatorem
 benigno sermone recreent, atq; erigant, & quod
 omnium maximum prodigium putant, audita cõ-
 fessione nihil sibi neque pretij, neque eleemosy-
 næ loco dari patiantur, quin potius si quare In-
 dus indigeat, opem ipsi libenter ferant. Qua opi-
 nione incredibile est quantum Indi profecerint,
 vt nullo modo dubitare possimus pœnitentiam
 his gentibus à Domino Deo datam, ministrorum
 culpa fuisse minus hactenus fructuosam, eandem
 futuram fructuosissimam, si vel mediocrè animi
 alacritatem in excipiendis infirmis medici spiri-
 tuales præferant. Sunt ergo Indi audiendi tole-
 ranter, sunt inuitandi benigne, erigendi sapien-
 ter, sunt deniq; in omnibus æquo animo ferendi.
 Charitas enim omnia sustinet, omnia suffert, & in
 spiritu lenitatis præoccupatum aliquo delicto
 instruere docet.

1. Cor. 13.
 Gal. 6..

*Quod Confessiones non syncera fiant, potius sacerdo-
 tum, quam Indorum fieri culpa.*

C A P. X V.

Quibus ex rebus facile intelligere possumus,
 quodd plurimi Indorum malignè sacramen-
 to pœnitentiæ abutantur, non synceras, neq; in-
 tegras peccatorum confessiones facientes, sed
fuca-

fucatas ad speciem, & mutilas, non tam ad ipsorū referendum esse malitiam, quam ad Parochorū se nos mores, & imperiosam quādā austeritatē, qua infirmum & scabiosum pecus fastidiunt, & calce abijeunt, qui errantes oves funda potius & baculo terrent, quam sibilo leni colligunt, immemores prorsus illius magni pastoris, qui dixit, Sibylabo eis, & congregabo illos, quia redemi eos. Profecto si fideles Hispani confessarium nacti essent talem, sœuientem, & magis finire properantem, quam audire omnia curantē, rarus esset omnino, qui integras confessions faceret. Metus ergo Parochorum, & quod ex metu oritur odium, cogit Indos nihil veri & synceri apud illos dicere. Cuius rei nullo alio testimonio opus est, quàm quod sacerdotem nacti benignum patienter audientem, & commiserantem potius, quam superbe indignantem certatim ad Confessions faciendas nullo urgente accurrunt illi ipsi Indi, qui Parochis suis vix vi post annum, vt confiteantur, adduci possunt. Incredibile est quot millia confessions generales fecerint apud eos religiosos, quos sibi vere patres arbitrantur, quam sponte, quam apertē, quo animi dolore, qua sui detestatione infandissima etiam scelera totius antea actæ vitæ detegant, quibus lachrymis, quo gemitu, & singultu corpus suum acerbè tundentes ac vellicantes, & sese totos intimo mœrore conficientes, quod iam tandem Parochi non pauci, & agnoscere, & admirari cœperunt. Quid oro est, Cur Indus

*Ezech. 34^o**Zach. 10^o*

cum ita ægrotat, vt mortem sibi impendere existimet, vltro accersit Parochum, & intimas conscientię plagas exponat? Profecto Fidem suam satis Indus, cum fingere nihil est opus, ostendit. Itaq; moriturus libenter crimina omnia etiam immania prodit, quod tamen sospes sæpe facere recusat. Hic quis non videat metum hominis metu mortis superari? quod si sanus, & saluus hominis asperitatem & minus sibi æquum animum minime offenderet, facilius ac libentius res ipsas vsunt, proditurus esset.

Contra errorem illius, qui scripsit Confessiones ab Indis esse tollendas. C A P. XVI.

QUo magis ridenda est (si modo risu ac non potius acri dolore tam absurda blasphemia excipi debet) Theologi illius sententia, qui optime consultum iri Indis & dixit, & scripsit, si confessionum obligatio tolleretur, Ne tot, inquit, & tam grauia sacrilegia perpetrare cogantur, o stultam hominis vocem, qui cum sibi sapienter Indorum saluti consulere videatur, nihil aliud agat, quam vt illos interire vnico sublato remedio cogat. Si peruersis remedio quouis abutentibus ista est ratio medendi, tolle matrimonia, ne adulteria fiant, aufer Ecclesias & sacra omnia, ne sacrilegi sint, denique nullum sit humane imbecillitatis remedium, ne malitia conuertat in virus. Quin potius apud recte ac sapienter æstimantem omnia, pluris est quod pauci electi per medicinam sanantur.

sanantur, quam quòd plurimi reprobi per illius
 abusum deteriores fiunt. Atque hæc quidem ita
 dicuntur, quasi consultationis humanæ esset de
 Pœnitentiæ Sacramento censere; cum vero, vt sa-
 cro sancta Concilia tradunt, totiusque consensus *Conc. Tri.*
 Ecclesiæ, diuini iuris illud sit, diuinæ autoritatis, *ses 14. can.*
 neque aliud post baptismum lapsis remedium *6.*
 superesse Christus Dominus sanxerit, quam insa-
 nē, imo verò quam hæretice prorsus dicitur, vt
 cōfessionis faciendæ obligatio abrogetur ijs, qui-
 bus nulla est alia salutis relicta spes? Quin nos ip-
 sos potius accusamus, atque emendamus, & ani-
 marum medici efficiamur, & patres nos non satel-
 lites esse meminimus? Hęc enim expedita, & cer-
 ta ratio est ad euitanda sacrilegia, quæ in confes-
 sionibus Indorum perpetrantur.

Quas satisfactiones Indis iniungere oporteat.

CAP. XVII.

Quas autem satisfactiones iniungere conue-
 niat, prudentia docebit. Cum intimo ipsi
 scelerum suorum dolore pulsantur, vtrò pergra-
 ues sibi imponi flagitant: & si sacerdos indulgen-
 tius forte se gesserit, ipsi eas arripiunt. Adeò fer-
 uor spiritus, vbi semel accensus est, magnos cona-
 tus excitat. At plerique imbecilliores sunt, neq;
 ea animi firmitudine, vt tam graues pœnas de se
 exigant. Quid ergò? abijciendine erunt? an ex-
 pectandum vsque dum spiritus ita incalescat, vt

Rq 3 pares

pares delictis pœnas exoluere velint? id quidem est, & Dei potius dono, quam hominis industria sperandum. Ergo quod Christus oui erranti prœstitit, vt vix dum ab errore conuersam, vt Dionysius dixit, in humeros sacros attolleret, id ipsum Christi imitatori faciendum est, si salutem hominum amat, vt non plus imponat oneris, quam ferre illum posse viderit, atque in se, quod fratri deest, suppleat & peragat, adimplensea, quæ desunt passionum Christi pro membro ipsius. Nam sicut alienorum peccatorum participes efficiuntur, qui leuissimas satisfactiones pro grauissimis delictis iniungunt, vt sancti Patres tradiderunt: ita Pharisæorum est, alligare onera grauiâ, & importabilia. Christi sanguinem non infideliter dispensare is credendus est, qui se se viribus pœnitentium accommodat, cum præsertim non tam animi prauitate quam infirmitate quadam maiora non audent, mitiora libenter subeunt. Salutares igitur satisfactiones Indis iniungere oportebit ex ijs præsertim, quæ aut consuetudine, aut commoditate freti non mendaciter se se peracturos polliceri videantur: ita prorsus vt excitentur potius quam terreantur, ne odio in sacramentum concepto, cum opus deinceps fuerit, redire ad medicum perhorrescant.

Dion. ep. 8.

*Conc. Tri.
ses. 14. c. 8.*

Matt. 23.

Infirmatur quis in vobis, inducat presbyteros *1cc. 5.*
 Ecclesiæ, & orent super eum vngentes eum in *Ex Concil.*
 nomine Domini, & oratio fidei saluabit infirmū, *Tri. ses. 14.*
 & alleuiabit eum Dominus, & si in peccatis fue- *c. 1. & c. 2.*
 rit, dimittentur ei. Hoc sacramentum Extremæ *de Extre.*
 vñctionis à Patribus sacramentum exeuntium *vñct.*
 vocatum est, & totius vitæ Christianæ consum-
 matium existimatum, quo Dominus clementis-
 simus finem vitæ tanquam firmissimo præsidio
 munivit. Nam etsi aduersarius noster occasiones
 per omnem vitam quærat & captet, vt deuorare
 animas nostras, quoquomodo possit, nullam ta-
 men tempus est, quo vehementius ille omnes ver-
 sutæ suæ neruos intendat, ad perdendos nos pe-
 nitus, & à fiducia etiam, si possit, diuinę misericor-
 diæ deturbandos, quàm cū impêdere nobis exi-
 tum vitæ perspicit. Vñctio ergo hæc sacra deli-
 cta, si qua sunt adhuc expianda, ac peccati re-
 liquias abstergit, & ægroti animam alleuiat &
 confirmat, magnam in eo diuinæ misericordiæ
 fiduciam excitando, qua infirmus subleuatus,
 & mali incommoda, ac labores leuius fert, &
 têtationibus Dæmonis calcæneo insidiantis faci-
 lius resistit, & sanitatem corporis interdum, vbi
 salutî animæ expedierit, consequitur. Hæc sunt
 quæ Fidelibus omnibus ex tam salutari sacra-
 mento pie suscepto bona conferri sancta Syno-
 dus Tridentina docet: à quorū cōsortio & fructu

cur obsecro excludantur nouæ stirpes Indorum,
 cum baptizati sint sicut & nos, & Fidem eandem
 profiteantur, & in mortis discrimine sibi ab Ec-
 clesia auxilium præberi vehementer cupiant?
 Magnæ hoc inhumanitatis in fratres genus est,
 cum præsertim si qui omnium mortalium, hi ma-
 ximè cum extremi temporis tenentur angustijs,
 præsidio Ecclesiastico indigeant. Etenim idolorū
 pontifices & venefici, quorum hodie quoq; ma-
 gna copia superest, qui summo opere Christianæ
 religioni obstant, cæterosq; decipiunt, ij omni
 opera & ratione ægrotis periclitantibus persua-
 dent, vt iuxta priscam suam superstitionem apud
 ipsosmet confiteantur, atque idolis sibi placandis
 & conciliandis sacrificia offerant: multaque alia
 impiè & sacrilegè præcipiunt miseris, qui vt sunt
 natura timidi, minusq; ad Diaboli fraudes cog-
 noscendas instructi, tum antiqua consuetudine
 alliciente, & mortis periculo territi facile eiuf-
 modi fallacibus promissis animum adhibent.
 Quamobrem aduersus hos filios Belial, veritatis
 inimicos, qui vias Domini rectas non cessant per-
 uertere, & alliciunt animas instabiles in æter-
 nam damnationem, opus est Christi tyronibus
 firmissimo aliquo præsidio: nullum verò exco-
 gitari potest diuino Extremæ vñctionis Sacra-
 mento præstantius. Quibus rebus adducta
 Synodus Brouincialis decernit, & præcipit, vt
 sacerdotes nullo modo Indos fideles iam
 rite confessos, aut si minus id licuit, contritio-
 nis signa præ se ferentes sine hoc tam salutari
 reme-

Ex Concil.

1^{am}. const.

75:

Aff. 13.

2. Pet. 2.

Const. 75.

remedio de vita exire patiantur. Et decretum quidem totius Ecclesiæ ad omnes fideles in generali Concilio legimus, peculiare verò ad Indos fideles in Prouinciali synodo repetitum, & magnopere commendatum cernimus: vtrumq; vero re ipsa vsque adeo neglectum vt pene sacrilegij loco sit, si quis de Indo infirmo vngendo cogitet. Neque ego sanè intelligo quousque tam stolidi nostrorum consuetudo ferenda sit.

De Sacerdotio. CAP. XIX.

DE Sacerdotio inter Indos pauca sanè præci-
pienda sunt. Nam quod ad ipsos attinet, sciunt ordinem esse ministrorum à Domino institutum, vt & Deo seruiant, & populo præsent, illi ad altaris sacrosancta mysteria, huic ad remittenda peccata, & verbum Dei proponendum, autoritate diuinitus data. Atque vtinam vt hi sacerdotium venerantur, & tanquam munus celeste suspiciunt, ita nos vitæ sanctitate tanto muneris pares essemus. Illud autè prudèter est à maioribus constitutum, vt nemo ex Indorum genere, sacerdotio aut gradu aliquo Ecclesiastico donetur, neque sacras vestes in ministerio induat: tantum vt liceat Indis fidelibus inseruire altaribus acolythorum more, in choro psallere, ædituorum officio fungi, superpelliceis inter hæc tantummodo indui. Nam inferiora hæc ad eos cohortandos, & in religione Christiana confirmandos plurimum valent. Mirifice his delectantur, &

Conc. Lim.
const. 74.

primores ipsi libentissimè filios suos Ecclesiasticis ministerijs, & literis imbuendos tradunt, idque pro gloria non parua ducunt. Quòd verò ad superiores gradus sacros præsertim Indos euehere minimè oporteat hac ætate Ecclesiæ antiquissima instituta satis docent. Paulus Apostolus vetat neophytum Ecclesiæ præfici, ne in superbiam elatus, instar diaboli corruat ex alto. Sacra Concilia vehementer de-
1. Tim. 3. testantur ordinationes eorum, qui in fide tyrones sunt. Nam cum ipsis tum populo damnum fit, tum verò ministerio ipsi non levis iniuria. Quocirca admirabile est, quam severe sacræ literæ reprehendant sacerdotes factos de face populi, idque cum agatur non de sacerdotibus veri & summi Dei, sed falsorum potius: quia tamen Deorum nomen etsi non nomen habebant, ijs attributos esse ministros plebeios, & viles, pro magno scelere ponunt, quemadmodum iurisiurandi religionem etiam dijs mendacibus non seruata eadem diuinæ literæ damnant. Sic enim scriptum in libro Regum legimus: Non est reuersus Hieroboam de via pessima, sed è contrario fecit de nouissimis populi sacerdotes excellorum, quicunque volebat, implebat manum suam, & fiebat sacerdos excellorum. In quarto quoque libro de Samaritanis loquens Scriptura, Fecerunt autem sibi de nouissimis sacerdotes excellorum, & ponebant eos in fanis sublimibus, & cum Dominum coherent. Dijs quoque serue-

Adrian. 2.

in epist. ad

Tarass. in

2. Nicenæ

syn.

Sap. 14.

3. Reg. 13.

4. Reg. 17.

bant

bant iuxta consuetudinem Gentium, de quibus translati erant Samariam. Quod planè documentum non ad hoc solum valet, vt Indi non initientur, cū sint & in fide noui, & genere obscuri, verum etiam qui ex harum sceminis & Hispanis viris cōcubitu præsertim flagitioso gignūtur, quoad fieri potest à sacris mysterijs contrectandis abstineant, ne sacerdotium vile habeatur, nisi cum vitæ diu probatæ grauitate, & morum splendore natalium obscuritatem superant. Tales esse nonnullos negare non possumus, qui & vitæ honestate, nostris pares sunt, & sermonis Indici commoditate superiores. Verum rari hoc exēpli est. Quamobrem antiqui Canones & Prouincialia decreta seruanda sunt, vt sacerdos omni ex parte populo spectabilis & honore dignus existat.

De ritibus Matrimoniorum apud Indos. CAP. XX.

IN matrimonio tractando latior campus occurrat, in quo parochæ multa necessariò cognoscenda erunt, non solum quòd sit Ecclesiæ sacramentum excipiendæ, & sanandæ multorum infirmitati necessarium, sed quòd infideles quoque sua coniugia habeant, quorum vsum & ritum, abusum quoque & errores cognoscere oporteat, ne quod non rarò contingit, aut vera matrimonia dirimantur, aut pro matrimonijs flagitia teneantur. In omnibus do- *Heb. 13.*
cendi sunt, vt custodiāt immaculatum torū & honorabiles nuptias. Vsum autē & vim connubiorū apud infideles, si omnia dicenda sunt, oratione
com-

620 DE PROCVRANDA INDORVM
complecti, molestissimi negotij est, cum in tanta
barbarorum illuue non possint non infiniti esse
& ritus, & leges matrimoniorum valde inter se
discrepantes. Sed tamen illa ego præcipuè attin-
gam pauca de multis, quæ huic Perueni regi-
ex Ingarum disciplina communiora sunt. Alij de
suis regionibus & barbaris, aut etiam de alijs la-
tius pro eruditione sua dicere poterunt. Igitur
vera coniugia apud barbaros nostros erant, ta-
met si quod sæpe miratus sum, nomen non esset
adeo, vt Hispanico, & nostri, & ipsi vtantur. Erat
tamen sua cuique vxor, & Socraticam rem publi-
cam barbari naturali ductu oderant, & damna-
bant. Sicut vxori fas non erat alteri nubere, ita
neque viro vxorem semel ductam repudiare.
Adulteria si qua deprehenderentur, acerbissimo
supplicio vindicabantur. Nam quanquam cœli-
bum apud istos maior licentia est, fornicationis-
que labes impune habetur, tamen cōiugatorum
adulteria seuerius quam apud nos vindicantur,
Stuprum quoque virginibus vel Soli, vel Pacha-
yachachi, vel Ingæ ipsi consecratis, quas Mama-
conas vulgò vocant, Vestalibus professione per-
similes, si quando constaret illatum, tam imma-
ne sacrilegium habebatur, vt viui vterque defo-
derentur in terram. Et vulgo sanè vnam vni tan-
tum habere licebat vxorem, cum qua vitam om-
nem degeret. Atque hæc quidem naturali legi
conuenienter barbari hi tenebant. Sed his paucis
plurima iam miscebantur absurda, & à naturali
lege valde abhorrentia. In primis summus ipse
prin-

princeps Ingarum, plurimis stipabatur vxoribus, quamuis vna esset præcipua, quam ipsi Coya vocant, regionem nos dicere possumus. At hæc ipsa Coya ipsidem erat parentibus genita, vt instar Iouis Iunonij, regis eadem esset, & soror, & coniux. Adeo sanctum erat, vt præcipua vxor, eadem esset sanguine coniunctissima. Cæteri vero proceres, & ipsi plures sibi coniugio copulabant, præcipuamque eandem si non sororem at consanguinitate maximè propinquam habebant. Erat enim id regium. Vulgus reliquum vnâ, vt dixi, nisi priuilegio Ingæ ob aliquid fortiter, aut strenuè gestum, plures liceret accipere, vxorem habebat. At illam non pro suo quisque arbitrato eligebat: sed aut principis, aut Ducum illius, aut populi ipsius voluntate capiebat sibi assignatam. Idque intra suam semper tribum & familiâ, quod Ayllo vulgo dicitur. Ex qua pristina consuetudine infidelium, duo apud fideles absurda manarunt: vnum vt Curacæ siue primores Indorum, pro arbitrato suo suis vxores dent, neque liberâ illis eligendi facultatem permittant: alterum vt vix de alia tribu aut gente vxorem audeant Indi accipere, eamque ob causam sæpe cõsanguineas aut etiam sorores, & nouercas violent pro vxoribus. Quæ sanè incommoda diligentium patiorum studio magna ex parte abolita sunt: & Concilij animaduersione plerique vigilare cœperunt. Fuit miserrima seruitus Peruensium sub Ingatum tyrannide, vt neque vxorem ducere, neque siceram bibere, neque cocam mandere, neque

*Conc. Lim.
Const. 64.*

neque carnibus vesci sine illius volūtate fas esset. Nunc verò qui in libertatem Euangelij vocati sunt, gratias agunt, & durissimo iugo excusso, leuem Christi sarcinam alacriter portant. Est etiam pessimus quidam error, & ex errore maximus abusus coniugiorum, (monstrum dicere possis) tam robustè in animis barbarorum inhærens, vt inter Christianos etiam rarus sit, quem non teneat. Virginitas, quæ apud omnes mortales in pretio & honore est, apud hos barbaros vilis, & indecora habetur. Exceptis enim ijs, quas vel Soli, vel Ingæ consecratas septa sacra custodiunt, ceteræ quandiu virgines sunt, contemptas se arbitrantur, atque ita cum primum vacat, obuium quemque corrumpe de virginitati suæ ultro accersunt. Mariti quoque cum violatas offendunt, adeo non moleste ferunt, vt virginibus, si quæ tales ad coniugia peruenerint, probro vertât, quod à nemine adamatæ sint, quale in Baruch

Baruch. 6. fœminarum opprobrium legimus. Itaque quo vbique gentium maximo ac diuino propemodum honore afficitur, inter has belluas hominum, virginitas dedecori, & ignominia est. Quo ex errore abusus quoque ille fœdissimus exortus est, vt nemo prorsus vxorem sibi ducendam putet, cuius per complures dies aut menses non ante periculum fecerit. Ita, quod dicere quoque pudet, nulla est idonea vxor, quæ non prius fuerit concubina. Hæc tanta matrimoniorum labes adeo obtinuit, vt à nostris patribus pro magno referatur, quòd Indi iam vxores virgi-

nes ducunt. Et re vera diuini verbi falce vitio-
sa hæc omnia amputanda quotidie sunt. Et ma-
trimoniorum iura dicenda, & virginitatis de-
cus ornandum atque illustrandum, quod iam
tum concionibus tum exemplo Christiani po-
puli admonitæ barbaræ quoque fœminæ colere
& seruare cœperunt. Illud postremo dicendum
est, priuilegia ac facultates à sede Apostolica cõ-
cessas in neophytorum gratiam peculiari stu-
dio debere cognosci, ne cum alias sæpe, tum in
matrimonijs iungendis Indorum labi contin-
gat. Neue per imperitiam præpositorum im-
becilles Indi ea cogantur seruare, quæ fortes &
antiqui Christiani vix seruant. Nam cum mul-
ta ijs similia quæ diximus, barbari in sua super-
stitione seruarent, ne religionis nostræ moribus
contrarijs prorsus deterrentur à fide Romani
Pontifices nonnihil de Ecclesiasticarum legum
rigore immiauendum existimarunt, imitati pro-
fecto Gregorium illum magnum, cuius erga re-
cens conuersos Anglos paterna indulgentia li-
teris ad Augustinum datis expressa tenetur.

Greg. li. 12

Regist. epi.

31.

*Quid agendum sit de coniugijs infidelium cum ad fi-
dem catholicam conuertuntur.*

CAP. XXI.

SED habet frequentem apud nos, & dignam
scitu quæstionem, cum infidelis coniugatus
fide nostra suscepta baptizatur, quid de illius ma-
trimonio sentiendum sit. Ac primum, eum qui
Chri-

Christianus effectus est, non posse vxorem de-
 nuo ducere infidelem, neque fidelem infideli nu-
 bere, sine vlla dubitatione ex Ecclesiæ vsu, & cõ-
 sensu certissimum est. Nam & scelus ingens com-
 mittitur, & matrimonium nullum est iuxta no-
 strorum doctorum concordem sententiam, ta-
 met si, quæ illi recitant, Ambrosij & Augustini
 cæteraquæ decreta, non id satis efficiant. Sed cõ-
 sensus, vt dixi, Ecclesiæ satis est. De eo verò qui
 ante baptismum vxorem habuit (sunt enim inter
 infideles vera coniugia, si secundum leges suas
 naturali legi non repugnantes peragantur, ta-
 met si sacramenti vim nullam habeant nisi in Ec-
 clesia Catholica rata fiant) quid acturus sit, in-
 telligendum est Pauli Apostoli præceptum. Pri-
 mum enim per baptismum non soluitur matri-
 monium cum infideli, quin potius, & potest, &
 debet cohabitare cum illo, si coniux infidelis vl-
 tro consentiat, & spes sit lucrandi illum Christo.
 Ita enim docet Apostolus, Si quis frater vxorem
 habet infidelem, & hæc consentit habitare cum
 illo, non dimittat illam, & si qua mulier habet vi-
 rum infidelem, & hic cõsentit habitare cum illa,
 non dimittat virum, & mox. Vnde enim scis mu-
 lier, si virum saluum facies? aut vnde scis vir, si
 mulierem saluam facies? Hoc modo Monica Pa-
 tricius Augustini patrem saluum fecit. Quam-
 obrem synodus Limensis iuxta eiusdem Augu-
 stini contra Pollentium sententiam, præcipit fi-
 delem coniugatum cum infideli legitima con-
 iuge cohabitare, neque alias nuptias inire per-
 mittere,

Ambr. 28.

q. 1. c. Cai.

Aug. eadē

qu. c. Sic

enim Con.

Chalc. c. 14

1. Cor. 7.

Aug. 9. lib.

Conf. Con.

Lim. const.

61. Augu.

contra Pol.

lētium, &

deser. Dñi

in monte.

mitti, quousque illa Christianam religionem penitus repudiare intelligatur. Secundum documentum sit. Si coniux infidelis fidelem deferat, aut ita cohabitare velit, ut illi vel fidem, vel charitatem rebus, aut verbis deferere suadeat, tunc temporis non cogitur fidelis cum infideli vitam ducere, quin potius licebit, si ita placuerit, fidelem aliam coniugem sibi copulare diremptio iam priori coniugio. Ita statuit Innocentius tertius, & ad hunc modum intelligendum dicit, & *Innocen. c. Quanto, de* Pauli Apostoli verbum, & Gregorij decretum. *Diuortijs.* Quod si infidelis discedit, discedat, ait Paulus: *Gre. 28. q. 2. c. si infidelis.* non enim seruituti subiectus est frater aut soror in eiusmodi: in pace autem vocauit nos Dominus. Tertium quoque sit. Cum dubium est, an coniux infidelis fidei impedimento futurus sit, & an potius illum peruersurus à vera religione sit, quam ab ipso lucrificandus, quid nam agendum est? Nam neque contumelia creatoris manifestè apparet, neque spes etiam satis elucet illum saluum faciendi. Huic dubitationi occurrendum existimarunt Patres hoc modo: ut coniux infidelis admoneatur, quantum satis est, ut religionem Christi suscipiat, quod si conuenienter admonitus, omnino renuerit, intelligatur obstinata esse voluntate, & fidelem confortio suo potius lædere quam ab illo adiuuari. Itaque separandum esse. Ad hunc modum Tolerantium Concilium decernit, Iudæi qui Christianas mulieres in coniugio habent, admoneantur ab Episcopo ciuitatis illius, ut si cum eis permanere

nere cupiant, Christiani efficiantur. Quod si admoniti noluerint, separentur. Huius Concilij
Conc. Lim. autoritatem secuti Patres in synodo Limensi,
const. 36. ita præcipiunt, si alter coniugum baptizari renuerit, Sacerdos adhibito notario, & testibus illum admoneat, ut intra sex menses Christianus fiat, & baptizetur, atque eandem admonitionem repetat sæpe intra illud temporis spatium saltem semel singulis mensibus. Quod si transacto iam semestri tempore, adhuc baptizari renuerit, exinde iam in sua secta obstinatus reputandus est. Quamobrem Antistitem suum Parochus certiore faciet, ut ipse statuat, quid facto opus sit. Separationem autem illam Concilij Toletani ego non solum quoad torum intelligo sed etiã quoad vinculum. Itaque licebit, ut graues quoque
Sotus in 4. d. 39. q. ar. autores confirmant, fidei iam tunc alias nuptias
2. & 4. conciliare sibi. Contumelia enim creatoris, &
Aug. 28 q. periculum fidei intelligitur, cum animus coniugis infidelis adeo est in sua superstitione obstinatus. Præterea illud ex eodem Innocentio
Inno. c. gan. demus de diuortijs. animaduertendum est, nuptias infidelium non teneri Canonicis legibus, quare illa solum matrimonia irrita erunt, quæ cum lege naturali pugnant, quemadmodum apertè repugnat pluralitas vxorum, atque etiam repudium primæ, ut
Mat. 19. Euangelium, & Prophetæ docent. Quamuis inceptus quidam Theologus, ut multa alia, etiam
Luc. 16. hoc hæretice & stultè asseruerit, Indis pluralitatem vxorum esse concedendam in Ecclesia. Repugnat etiam naturaliter matrimonio primus
Mal. 2. gradus

gradus originis, vt cum sorore, cum nouerca, ac multo magis cum matre, aut filia, nepte aut aua. Quamobrem in Concilio Prouinciali ex sententia Pauli quarti Pontificis omnia isthæc matrimonia infidelium, cum Christiani fiunt, irrita fieri decretum est. At verò quæ lege solum Ecclesiastica prohibita sunt, vt secundo aut tertio gradu contracta, ea rata fieri, cum vterque baptizatur, Canones sacri iubent. Cum verò plures habuit vxores, si verè vt vxores habuit adhibitis cæremonijs, & ritu patrio nuptijs adhiberi solito, illam tantummodo retinebit, quam primam esse meminerit, aut si ignorat, quænam fuerit prima, accipiet ex Indulto Pauli tertij, quam ex omnibus ipse delegerit. Quod si etiam prima illa abest, & baptizari differt, licebit ex alij, uã velit, sumere, ita cõcedente Pio quinto Pontifice Maximo, qui nullo modo Innocentio tertio contrarius est. Quandocunq; autem vxor infidelis ad fidem conuertitur, si nondum aliam Christianam accepit, tenetur illam fidelis accipere. Hæc pro regionum harum difficultatibus ex sanctorum Patrum decretis perstrinxisse sufficiat: plura & clariora autores tradent.

*Cont. Lim.
const. 38.*

*C. Gaudemus de di-
nortijs.*

*Const. 37.
Cont. Lim.*

*Eodem ca.
Gaudemus*

*De impedimentis Matrimonij explicandis
& iuuenibus collocandis.*

C A P. XXII.

IAM verò in matrimonijs celebrâ lis summo-
pere Parochi curare debent, vt impedimenta

R r 2

Eccle.

Ecclesiastica sæpe & proponantur, & explicétur, ne quod crebro fit, per ignorantiam illegitimas Indi nuptiis iungant. Quod si quando de industria & malitiose impedimentum dissimulatum, aut tectum esse deprehenderint, vt Prouincialia decreta habent, grauitè in reos animaduertant, præsertim Curacas cæterosque primores, quorum nequitia solent incestuosæ nuptiæ frequenter concitari: vt reliqui exemplo asperiore docti discant in solennibus monitionibus aut Banis explorata impediméta manifesta facere. Sunt autem monitiones in sacro Concilio Tridentino præceptæ, inter Indos potissimum obseruandæ, vt nuptiæ publicentur eorû qui coniugari volût, inter eos, quibus maximè noti sunt. Impediméta verò apud hos sigillatim exponenda sunt, quibus & ignotum est ius, & pro vetusta consuetudine frequens est prohibita cõiugia appetere. Itaque explicabit Parochus, quod faciût peritiores, quibus gradibus consanguinitatis, quibus etiam affinitatis, quibus spiritualis cognationis nefas sit cõiugia inire. Maximè verò insistet in declarando, impedimento ex fornicatione primo, aut secundo gradu admissa: Vulgare quippe est Indis earum sorores, aut neptes, aut materteras, aut cõsobrinas ducere, quas flagitiose polluerunt. Atq; equidem perquam optarè, vt in ijs gradibus, sicut duo reliqui à Tridentino Concilio sublati sunt, esset penes Episcopos Indicanos dispensandi facultas cû neophytis, præsertim cum essent iam matrimonia contracta, & aut vterq; coniux impedimentum nesciuit,

Seff. 24.

cap. 4.

nesciuit, quod fieri potest, aut saltem vnus eorū.
 Hos enim iubere prorsus, se continere aut Ro-
 mam vsq; petendę dispensationis causa proficisci-
 nimium profectō est. Atq; in secundo saltem gra-
 du ex fornicatione occulta posse Episcopos no-
 stros dispensare, quia sedes Apostolica commodē
 adiri nō potest, & periculum est in mora, autores
 non ignobiles sentiunt, quorum nos iudicium se-
 cuti Archiepiscopo Limensi, vt nonnunquam
 dispensaret, persuasimus. Illud quoq; experiētia
 docet Indos ā prima adolescentię etate collocare
 percomodum esse, ac multo magis adoleſcētulas
 Indas, quod re ipsa cōpertum sit, maritatas fēmi-
 nas omniū esse castissimas, quā si cōperint ante
 nuptias libidini frāna laxare, per reliquam ætatē
 p̄cipites ferantur necesse est. Ex it ergo nō me-
 diocris officij, vt Parochus honestas nuptias sua-
 deat atque conciliet, parentes de liberis collocan-
 dis admoneat, metū omnem Curacarum adimat:
 iuuenes ipsos conueniat, & Christiani coniugij
 sanctitatem doceat, fidei & catechesis Christianę
 rationem exposcat, peccata ritē cōfiteri moneat:
 statim vt mutuo consensu contraxerint matrimo-
 nium, in Ecclesia solennes benedictiones impen-
 dat, vt simul, quemadmodum est ā nostris Presu-
 libus ordinatum, & nuptiæ fiant, & ab Ecclesia
 benedicantur. Mox vt nuptialia omnia legitime
 peracta fuerint, omni illa superstitiosa temulētia
 & computatione amputata, in qua diabolo per
 suos Areitos, aut Taquies initiantur, honesta
 tantum religiosi cōuiuij letitia concessa paterne

*S. Angelus.
 Syluest. di-
 pens. q. 9.
 Nauarro c.
 22 n. 86.*

Const. 68.

Rr 3

grau.

Tob. 4.

Eccli. 12.

-ib. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

-e. p. 12. 13.

grauiterque inonere, quæ sint Christiani matrimonij leges, quæ disciplina domestica, quomodo Ecclesia frequentanda, mane & vespere quotidie orandum, filij educandi in fide, & timore Domini, vt quamuis pauperem vitam degant, multa bona habeant, si timuerint Deum, & illius mandata seruauerint. Hoc est enim omnis homo, reliqua omnia vanitas vanitatum. Hactenus de sacramentis Indis administrandis, pro instituto nostro pauca de multis: quæ certè pro explorata harum regionum conditione magis opportuna existimauimus.

Quibus ex rebus Indorum salus maxime pendeat peroratio. C. A. P. XXIII.

CVM de procuranda Indorum salute satis multa, vt potui, dixerim, tamen illa omnia non magni ponderis futura scio, nisi tria quedam veluti capita vniuersi huius instituti, pro rei dignitate seruentur. Primum, vt Christiani Principes & Praefecti, & Magistratus Christi iugum suauè, & onus leue Indis ad fidem se recipientibus, vt est, esse permittant, id est, vt tributorum, exactionum laborumque onera valde moderentur, sciantque Barbari se ipsos potius quam sua queri, & quod habent Caroli Caesaris regia edicta, rebus ipsis intelligant, Christiano dominatu se potius leuari, quam premi. Leges quoque non prorsus duras, & insuetas barbaris ferant: sed quoad per Christianam, & naturalem legem liceat, sinantur institutis suis viuere, atque in ijs ipsis, & dirigantur,

tur, & perficiantur. Etenim perdifficile est omnes
 leges, & cōsuetudines patrias, & gēilitias muta-
 re: & satis profecto est, vt illa abrogare cogantur,
 quæ sunt Euangelio & Ecclesiæ Christianæ con-
 traria, quæ in tam corruptis moribus in tantia
 ignorantia tenebris satis multa sunt. Cetera si
 protinus auferre contendas, ac non tempori ipsi
 optimo magistro vt emendet committas, reddes
 Christianulum, odiosum & grauem. Omitto
 quod prudentissimus quisq; & rerum Indicarum
 peritissimus eiusmodi nouas leges, & mutationes
 censet ipsi reip. temporali, & Indorum, & Hispa-
 norum admodū perniciosas, quod barbari neque
 nostra tenēt, neq; sua sinuntur agere: ex quo rerū
 omniū perturbatio cōsequatur necesse est. Sed vt
 hoc omittam, certē fides, & amor Christi cū dura
 tributorum, & operarum, & legū seruitute Chri-
 stianitatis prætextu non bene constat. Migravit
 Iudas, id est, fidei confessio, vt sancti patres inter-
 pretantur, propter afflictionem, & multitudinem
 seruitutis. Sefaci Agyptio regi traditi sunt diui-
 nitus Iudæi, vt sciant, ait Deus, distantia seruitutis
 meæ, & seruitutis regni terrarum. Nisi ergo Chri-
 stianis principibus & magistratib⁹ prima cura sit
 salutis Indorum, ac non prouentuum censuq; re-
 galis (nā honestē ista quoq; quæri possunt sed se-
 cūdo loco) parū admodū apud Indos religio Chri-
 stiana proficiet. Hoc igitur primum est. Deinde
 illud, vt præfules Ecclesiæ Indicæ ij præfician-
 tur, qui zelum Dei habeant, & filijs potius the-
 saurizent, ac nō solum sua libenter impendāt, sed

Thren. 1.

2. Par. 12.

1. Cor. 12.

1. Cor. 12.

*Hierem. 3.**1. Tim. 3.**Tit. 1.**Iud. 1.**Rom. 10.*

se ipsos etiam superimpédant pro animabus suorum, licet plus diligentes minus diligantur à suis. Denique quorum esset insigne verbis rebusque expressum, Non vestra sed vos. Quod si Deus, ut apud Prophetam loquitur, daret pastores iuxta cor suum Episcopos inquam & Parochos, quales describit Apostolus, plurimos ac latissimos greges ex hoc agro Indicano pascua cœlestia quotidie exciperent. Ut essent autem pastores eiusmodi, (nusquam enim tā opere oportet esse lectissimos) examinanda esset doctrina, explorandi mores sine auaritia, perspiciendus animarum zelus, & laborum pro Christo tolerantia. Verè enim in his nouis Ecclesiæ populis antiqui temporis & Apostolici pastores esse deberent. Postremo, religiosi qui ad has regiones pro regia liberalitate & fide, copiose transmittimus, non fortuito, aut pro libidine, aut etiā auaritia cuiusq; sed cœlesti vocatione ducti veniam, quantū referat, vix dici potest. Nihil perinde nocet huic Ecclesiæ atq; mercenariorū, & sua quærētium turba. Quid vero in causa Dei agant homines animales, spiritum vix habentes? Pauci numero, virtute præstantes opus Domini potius promouent. Quamdiu ergo religiosi, auxiliares his regionibus dati, non mittentur diuinitus, neq; prædicare, neq; audiri fructuosè satis pferūt, si Paulo Apostolo credimus. Qui verò in primis humiles, animarum amantes, Christum sibi imitandum existimantes, illius crucis & mortificationem in corpore suo circumferentes huc venerint, cœlestes thesauros delitiasq; omni opinio-

opinione maiores certissimè inuenturi sunt. Sed quando hoc fiet? Quando homines esse homines desinent, & humana sapere, humana quærere, humanis inhiare? Apud homines planè hoc impossibile est, apud Deum autem omnia possibilia. Nunquid quia hoc difficile est in oculis populi huius ideo difficile erit in oculis meis? dicit Dominus.

Matt. 19.

Indorum certè copiosissimam & paratissimam segetem cernimus, nequid aliud quam falcem Evangelicam expectatè, & si hactenus fortasse quibusdam minus Dominico horreo idoneam existimam, sed iam rebus ipsis, fide, constantia, ardore animi, alacritate admirabili se se cœlorum Regno aptissimam proclamantem, inuidorū & segnium calumnias facile propulsantem, operarios ipsos latissimè allicientè, & multitudine & vbertate oculos omnium ad se se atq; animos conuertentem. Quid ergo superest? nisi vt impensissimè oremus Dominū mēsis, vt mittat ipse diuinitus operarios in messem suā. Plus preces lachrymasq; nostrorum, vbicumq; illi sunt, apud Deum efficere, quam nostros omnes conatus & operas, certū est. Ferant igitur opem quicumq; Dei amantes, & salutis hominum studiosi apud benignum Redemptorem haberi volunt, & quibus possint modis sacrificijs, precibus lachrymis, tum consilio opera,

Zach. 10.

sudoribus, & sanguine ipso si opus sit, charissimam Christo Iesu, tot gentium salutem prosequan-

Matt. 9.

INDEX.

LIBRI PRIMII

CAPITA.

1. Quod non sit desperanda salus Indorum.
2. Cur videatur multis difficile & parum utile
predicatio apud Indos.
3. Quod difficultas predicationis non debeat terrere
Christi seruos, & quid ratione sunt animandi.
4. De eadem re.
5. Quod gentes Indorum quantumuis Barbare auxi-
lio tamen gratia ad salutem destituta non sint.
6. Quod Indos Deus iam vocet ad Euangelium.
7. Quomodo Indorum ingenia tractanda sunt, ut Chri-
sto lucrifiantur.
8. Barbarorum ineptitudinem non tam à natura, quam
ab educatione & consuetudine proficisci.
9. Quod linguæ difficultas non detertere debeat ab
Euangelij propagatione.
10. De habitatione inter Indos.
11. Quod Euangelij Ministri curare debeant, ne impe-
dimentum Euangelio ponant.
12. De castitate & abnegatione necessaria ad Euange-
lizandum.
13. Quantum officiat Fidei violentia.
14. Qualis in religione Christiana magna ex parte sit
natio Indorum.
15. Nihilominus veræ fidei ac salutis apud Indos spem
esse magnam, alienumq; esse à Dei spiritu contra

- sentire.
- 16 Quod etiam in presentia labore ministrorum fructus animarum sit longè maior.
- 17 Patientia & labore effici vt copiosi fructus ex hoc agro Dominico colligantur.
- 18 Quod non solum futuri fructus spes sit, sed presentis etiam satis magni certa documenta teneantur.

Libri secundi Capita.

- 1 Difficile esse rationem tradere predicandi barbaris Evangelium.
- 2 Propter infidelitatem etiam pertinacem non licere barbaros debellare.
- 3 Quod quibusdam visum sit propter crimina natura contraria licere nostris barbaros debellare.
- 4 Confutatio superioris sententia.
- 5 Responso ad obiectiones pro expugnatione barbarorum.
- 6 De bello propter defensionem innocentium qui à barbaris trucidantur.
- 7 Quod omnia iam dicta de bello aduersus Indos non solum diuina, sed etiam regia lege firmentur.
- 8 Veterem & apostolicam Euangelizandi rationem nō posse exacte seruari inter barbaros.
- 9 Cur miracula in conuersione gentium non sunt nūc vt olim à Christi predicatoribus.
- 10 Quod etiam exiguo meritò predicatorum, signorum parcitas aliqua ex parte attribuenda sit.
- 11 De predicatione inter eos qui fidem iam receperunt.
- 12 De expeditionibus necessarijs ad predicandum barbaris Evangelium.

- 13 Quo iure Christiani expeditiones facere possint in
re barbarorum.
- 14 Quid in terris barbarorum Christianis liceat.
- 15 Quando liceat barbaris infidelibus bellum inferre.
- 16 De officio predicatoris Evangelici erga socios itineris.
- 17 Qualem se prestare debeat Christi seruus in con-
uersione infidelium.
- 18 De tribus impedimentis quae conuersioni gentium
maxime obstant.
- 19 Epilogus dictorum.

Libri tertij Capita.

- 1 Non esse quaestiones omnes tractandas ac deinceps de
civili administratione differendum.
- 2 Barbaros fidem suscipientes ad curam ditionemque
Principum Christianorum pertinere.
- 3 Non oportere falsos titulos comminisci dominationis
Indorum.
- 4 Quales administratores res Indica postulent.
- 5 Quam ob causam difficile inueniantur idonei rebus
Indicis praefecti.
- 6 Non esse iniquum tributa Indos pendere administra-
toribus suis.
- 7 Improbantur tria genera tributa taxandi.
- 8 Vulgaris ratio tributa imperandi expenditur.
- 9 An propter reuocandos ab otio barbaros tributa gra-
uiora imperanda sint.
- 10 Quis modus in tributis taxandis tenendus.
- 11 Cause ob quas Hispanis Indi commendati sunt.
- 12 Quod de Trinam fieri & moribus sufficientem pa-
troni Indis susceptis praebere teneantur.

- 13 *Quid erga nondū baptizatos Indos patronis liceat.*
- 14 *De temporali prouidentia patronorum in suos.*
- 15 *Quam circumspecta onerosa leges fortunis Indorum indicende.*
- 16 *Quid in confessionibus patronorum audiendis sacerdoti prouidendum.*
- 17 *De seruitio personali Indorum.*
- 18 *De metallorum operatione.*
- 19 *Quibus modis salus Indorum per seculares ministros procurari possit.*
- 20 *De ebrietatis malo barbaris familiari.*
- 21 *Quae mala ex ebrietate oriuntur.*
- 22 *Quibus modis ab ebrietate Indi compeSCI queant.*
- 23 *De pratoribus Indorum.*
- 24 *Mores Indorū Christo nō repugnantes permittēdos esse & de concordia pratoris cum sacerdote.*

Libri quarti Capita.

- 1 *De excellentia sacerdotalis officij.*
- 2 *Inter Indos maximè sacerdotes præstare oportere.*
- 3 *Contra eos qui Indorum tarditatem accusant.*
- 4 *Contra eos qui peruersitatem morum Indorum fidei non receptæ causam asserunt.*
- 5 *Messem esse copiosam modo operarij idonei nō desint.*
- 6 *De peritiā Indicæ linguæ necessaria.*
- 7 *De Parochis Indici sermonis signaris.*
- 8 *Quod quidā nō recte in scitiā sermonis Indici cōsulūt.*
- 9 *Quod oporteat ad Indos venientes prædicatores Indicum idioma diligenter discere.*
- 10 *De scientia sacerdoti necessaria.*
- 11 *Oportere in nouo orbe aliquos esse præstātes Theologos*

- 12 Vita probitas in ministro Euangelij, quod & à Deo,
& ab hominibus requiratur.
- 13 Quod ij, qui inter barbaros versantur humanis ad
virtutem auxilijs sint destituti.
- 14 Quæ libidinis & auaritia incentiua occurrant.
- 15 Contra abusus Indicorum Parochorum.
- 16 De orationis prasidio Euangelizanti necessario.
- 17 De vitæ exemplo.
- 18 De beneficentia.
- 19 De correptione & disciplina.
- 20 Quid obseruandum in correptione Indorum.
- 21 De catechismo & catechista radio leuando.
- 22 De fructu ex catechizandis Indis sperando.
- 23 Quid restet de catechismo dicendum.

Libri quinti Capita.

- 1 Finis doctrinae, Christi cognitio & dilectio.
- 2 Christi annuntiandi curam præcipuam esse debere.
- 3 Contra opinionem eorum, qui sine Christi notitia
posse aliquem saluum esse volunt.
- 4 Contra errorem illius, qui Christianos rudiores sine
fide explicita Christi aseruit posse saluari.
- 5 Quod præcepto cætera mysteria, quæ cõtinetur in sym-
bolo, scire omnes Christiani constringantur.
- 6 De mysterio Trinitatis omnibus tradendo.
- 7 De mysterio Ecclesiæ tenendo.
- 8 Quid in extremo mortis discrimine Indi docendi sint
ut baptizentur.
- 9 De præceptis decalogi, & de idololatria barbarorum.
- 10 Contra idololatriam remedia.
- 11 De euertendis idolorum signis & templis.

- 12 De recta dilectione sui.
- 13 De dilectione proximi.
- 14 De catechismo vulgo Indorum necessario.
- 15 In instructione Indorum diu esse perseverandum.
- 16 An expediat parochias Indorū regularibus cōmitti.
- 17 Salutem Indorum societati Iesu pro viribus esse pro curandam.
- 18 Cur multis videatur societas parochias Indorum debere suscipere.
- 19 Quae rationes a suscipiendis parochijs Indorum societatem deterreant.
- 20 Quae in suscipiendis parochijs moderatio adhibenda sit.
- 21 Missionum vsus in Ecclesia antiquus & frequens.
- 22 Missionum vtilitates inter Indos.
- 23 Quod parochi missiones vtiliter & libeter accipiant.
- 24 Quid cauere oporteat in missionibus.

Libri sexti Capita.


- 1 Quatenus modo de sacramentis agendum.
- 2 Multa in his regionibus contra Ecclesia consuetudinem geri.
- 3 De voluntate baptismo necessaria.
- 4 De fide & poenitentia ad baptismi gratiam necessaria.
- 5 De ijs, qui se baptizatos vel negant, vel mentiuntur.
- 6 De sacramento cōfirmationis & illius materia.
- 7 De Eucharistia percipienda diuinū esse preceptum.
- 8 Quod quāuis diuinū preceptū sit de cōmunicādo, pos sit tamē Ecclesia pro iudicio suo cāmunionē negare.
- 9 Quod omnino expediat priore consuetudine emendata Indos fideles communicare.
- 10 Confutatio opinionis contraria.


- 11 De necessitate confessionis.
- 12 Confessionis vsum Indis in sua superstitione fuisse.
- 13 De peritia Indica lingua confessionibus audiendis necessaria.
- 14 De prudentia sacerdotum & tolerantia.
- 15 Quod confessiones non sincere sunt, potius sacerdotum quam Indorum fieri culpa.
- 16 Contra errorem illius qui scripsit confessiones ab Indis esse tollendas.
- 17 Quas satisfactiones Indis iniungere oporteat.
- 18 De extrema vnctione.
- 19 De sacerdotio.
- 20 De ritibus matrimoniorum apud Indos.
- 21 Quid agendum sit de coniugis infidelium cum ad fidem Catholicam conuertuntur.
- 22 De matrimonijs explicandis, & iuuenibus collocandis.
- 23 Quibus ex rebus Indorum salus maxime pendeat.

SALMANTICÆ.

Apud Guillelmum Foquel.

M. D. LXXXVIII.





B589

A185d



